



5

complete, except for
map of Diocese.

(which I have in 2. copy).



400 francs

Ce livre est un éloge des citoyens d'Obvres, où l'auteur s'attache à peindre leur génie, leur éducation, leur caractère, l'étendue de leur commerce, leur population, les arts qu'ils exercent, leurs qualités et les vertus dont ils sont doués. On y trouve des détails intéressans sur les révoltes de cette ville célèbre, qui, pendant plus d'un siècle, fut l'entrepôt des provocations des quatres parties de la Terre : malheureusement le style manque de naturel et sent trop le théâtre. On trouve à la fin : Η πωτογενεία καὶ ἐπισπεφόρευ τοῦτη τῆς Αὐβερδυ. par L. J. et G. J. pag. 24 ————— Origines obverdiennes. obvres, Jean Marchais 1610. p. 172. fig. .. C'est une histoire de l'origine et des agrandissements de la ville d'Obvres, accompagnée de gravures, de descriptions et de brefs chronologiques. Elle est assez bien écrite, quoique trop abrégée : l'auteur n'a pas donné dans les vieilles fables qui regardent la naissance de cette ville." L'art 8 pag 72 sur la population, le commerce, la navigation et la richesse d'Obvres mérite d'être lu.

de Wind, Bibliotheek enz bl 390 199-

enq. msp. 3 : 390 65
+ Hana? D 51

Friedl, p. 393-394


CAROLI SCRIBANI
E SOCIETATE IESV
ANTVERPIA.



ANTVERPIÆ,
EX OFFICINA PLANTINIANA,
Apud Ioannem Moretum.

M. DC. X.

Superiorum permisso.



S E N A T V I
P O P V L O Q.
A N T V E R P I E N S I.



IOGENIS vox est,
ferarum indomitarum mor-
sum habere nocentissimum,
detractorem ; mansuetarum,
adulatorem. neutram imi-
tabor . Laudabo ta-
men , nec sine magnorum exemplo. Et
quis Virtuti laudem aut detrahatur , aut
non adnectat, quam meretur ? Primum
liuoris cuiusdam est , aut ægrientis ani-
mi. ita & solem ægra lumina reformi-
dant. Alterum , quis sperabit se posse ?
nam cùm Virtutis immensa sint spatia ,
eadem laudis erunt : indiuiduo enim
inter se hæc nexus iuncta . Oratio au-

tem omnis , quacumque eam purpurâ
vestias , quibuscumque inocules lumi-
nibus , certis definitisque circumscripta
sit terminis , fit , vt nulla Virtutem , aut
huius gloriam assequatur . Et tamen cùm
mihi proposuerim non omnino silere ,
infantiam potius testabor , imbellémque
conatum , quām vt silentio ingratitudinis
labem confitear . Ergo obsequar , non
modò propensæ huic voluntati in vos
meæ ; sed & benevolentiæ in me vestræ :
quam vellem , vel tenui hoc affectus
symbolo , orbi testatam .

In omni verò hoc latissimo , & quæ
quantosuis oculos fallant , laudum ve-
strarū campo , non attingam aliena . quid
stultius ? Ut enim nemo gloriari nisi suo
debet , ita nec laudari . Vitem laudamus , si
fructu palmites onerat ; arborem , si pon-
dere eorum quæ tulit , adminicula ad ter-

ram

ram dederit : non cui densi palmites , &
prole suâ nudi, retorti byssō; nec cui folia,
sobole suâ vidua, purpurâ vestita. propria
virtus in vite , in arbore , fecundi germi-
nis diues facilisque partus . In homine
quoquē id laudandum , quod ipsius est.
Ciuitatem cultam, laquearia aurea, paui-
menta variegata, quis in homine lauda-
uerit ? non magis quàm arbusta in illo
frugifera, segetes canas, temulentam vin-
demiam , quam aut imber corrumpat,
aut grando cædat, aut emedullet tabes.
& vt non careant laude suâ, quid tamen
horum in homine est? Animus proinde
benè cultus, virtute exultus, rectus , ca-
stus,magnus, qui fortunam tototulit cor-
pore , nec proiecit victoriam projectus;
qui quoties cecidit , toties surrexit ma-
ior , doctus de genu pugnare , mixtis
cruore pulueréque dentibus , & antè se-

ipsum ponere in medio morsu quām
stationem deserere; denique cui assiduæ
cum incommodis suis rixæ, callum indu-
xerūt; hic est quem iure laudes, & in quo
mireris *Deum in humano corpore hospitantem.*

Quem, non dico, dum laudo; sed rudi
calamo, rudi tabulâ, manu rudi, Vobis,
Belgis meis omnibus, Orbique ipsi pro-
pono, non exspectate ornatum; nudum
dabo: quale decus solet esse virorum. vt
exclament etiam ab aduersario puluere:

*Effulgere artus, membrorumq; omnis aperta est
Latitia, insignesq; humeri, nec pectora nudis
Deteriora genis. latuitq; in corpore cunctus.*

Procul ergo chlamys, multicolor procul
byssus. nolo his confutare obtutum; ac
decorâ quadam multiplicis pallæ conflu-
etuatione admirationem excitare. quid
enim facerem aliud, quām vt vili lacernâ
tegerem

Sidereo artus, radiatique lumina calo?

Nu-

Nudum ergo ingens membrorum, oris,
frontisque ostentabo decus : animum
nudum, nullo ascititio colore, sed suo
magnum; nullo mutuatitio candore, sed
solari suo lucidum ; nullo mentito roseo
rubore, sed adnatâ purpurâ suâ flam-
meum . Atque hunc, quocumque ocu-
los circumtuleris, magnum,

V O B I S
E T
R E I P . V E S T R A E
M A G N A E
S A C R O D I C O Q .

Carolus Scribanius.

INDEX

INDEX TITVLORVM.

1. <i>Educatio.</i>	pag. 2
2. <i>Cibus, somnus, vigiliae, corporis cura.</i>	4
3. <i>Exercitatio varia.</i>	7
4. <i>Cæli mutatio, linguarum cognitio.</i>	9
5. <i>Vestitus, morum grauitas, corporis compositio.</i>	11
6. <i>Nobilitas.</i>	14
7. <i>Opes, &c in iis animi.</i>	17
8. <i>Mercium orbe toto aduetarum varietas.</i>	22
9. <i>Pecuniaria negotiatio.</i>	26
10. <i>Orbis delitiae, &c in earu vſu moderatio. Nauium frequētia.</i>	29
11. <i>Artes Mechanicæ.</i>	30
12. <i>Ars Pictoria.</i>	31
13. <i>Sculptoria, Cælatoria, Incisoria ars.</i>	40
14. <i>Ars Typographica.</i>	43
15. <i>Ars Architectonica.</i>	45
16. <i>Aquæductus, Anthleæ, machina Ctesibica.</i>	56
17. <i>Ingenium, Iudicium.</i>	60
18. <i>Eruditio, litterarum amor.</i>	69
19. <i>Temperantia, in cibo, in potu.</i>	74
20. <i>Castitas.</i>	79
21. <i>Liberalitas.</i>	83
22. <i>Sermo. Fides in verbis.</i>	96
23. <i>Animi robur.</i>	97
24. <i>Refellitur criminatio de occupata ab Iberis vrbe.</i>	104
25. <i>Militare robur.</i>	113
26. <i>Hæreſeos nota deterſa.</i>	118
27. <i>Pietas, &c in Deum cultus.</i>	131

CAROLI SCRIBANI
SOCIETATIS IESV
ANTVERPIA.



ANTVERPIAM dabo . Faue DEI
MATER, æternæ huic Vrbi Diua
Tutelaris . Faue,

*O decus, ô fama merito pars maxima
nostræ,*

*Da facilem cursum, atque audacibus annue cœptis;
Te namque sine nil altum mens inchoat.*

Sed & tibi honoriq; tuo, ingens hoc laudū pelagus
Ingredior, sanctos ausus recludere fontes.

Neque hīc ego vos

—per ambages & longa exorsa tenebo.

rem dabo. Nemo proinde diuidua fluenta, quæ
mœnibus circumfusa præsidium, infusa præbent
commercium ; nemo marmora , aut variarum
rupium crustas , nemo per Æthiopicos scopulos,
saxa furfurem mentientia, purpureo fucata speret
conchylio : nemo crispis torosisque erroribus
maria ludentia ; nemo Druonem Antigonom,
Brabonem, Ambiuaritos, aut Aduaticum Cym-
bricum genus, exspectet. Antuerpiam dabo,

*Et magnos membrorū artus, magna ossa, lacertosq.
et reli-*

reliqua nec attingam. non soli celi que, seu altricis
seu nutricis terræ, delicias. quas si velim, non ne-
cessum habeam amplificandæ rei concinnare
mendacium. neque enim quantumuis sterili &
emarcido calamo, deesse materies in tam fecun-
dâ possit areâ. In quâ si hoc vnum dixero, Ant-
uerpiam vnam esse, quæ visa semel, Patriæ pleris-
que obliuionem persuadeat, an nō omnia dixero?
Hanc talem, omni baltheo, vestitu omni spolia-
tam, nudam dabo. atque adeò à fasciis dabo, ne
ætatem ullam transisse videar intactam.

Educatio.

Exulat iam inde ab infantia ignavum otium,
rerum publicarum pestis, vitiorum mater:
quam potissimum negotio discuti, experientia
discimus: numquam enim vacat lasciuire distri-
ctis: cùm contrà, in mille facinorum furias mens
otiosa discurrat: vt benè Demetrius, *vitam otio-*
sam mortuum mare, dixerit: sed infidum, & quod
superficie blandiatur, placidumque ludat: sin
remigio prouoces, omni ferâ immanius est. Hanc
humani generis efferatam belluam vt effugiant,
operibus ac laboribus à primâ iuuentâ intenti
sunt omnes; turpe, diem sine lucro transisse. Ita fit
vt corpus animumq; à teneris, puellæ iuxta pue-
rique, indureat; parentque à primâ ætate ad for-
tuita. Idem videmus in arboribus: non sunt solide,
quas

quas frequens non incursat ventus: ipsâ nimirum vexatione constringuntur , certiusque radices figunt . In corpore & animo idem reperies. corporis illa pars solidissima est, quam frequens usus ab infantia exercuit, & in currentibus parem reddidit : & animus non ille validissimus, qui ab ipsâ natiuitatis ianuâ , callum quasi per incommoda sua traxit ? Assiduo hoc studio ac labore assequimur. ac primò voluntas bona firmaque, inde mens exurgit voluntati par. Hoc studium nusquam hîc deest, nusquam labor. Hinc illud cœnit, vt ad quemcumque casum adaëti, de suo viuant; apud se habeat, quo honestè vitam tueantur. Neque hoc, qui è plebe tantum, sed qui è principibus vrbis, idque ab ipsâ infantia: adeò vt vix puellam reperias annos natam decem, plerasque etiam infra hanc ætatem , quæ non in dies singulos aliquid seponat è lucro; vt gloriari cum maximis Philosophis possint , nullam illis diem abisse sine linea, nulloque non se die vixisse. Vixit cui nulla dies otio consumpta . nam illos, quos ignaua quies aliis laborantibus molliter semper habuit, quis arbitretur viuere? nisi aut conchæ aut turdi vitâ, quos videmus in contumeliam viuere: quibûsque viuere satis est, etiam in caueâ cum illo Rhodio, viuant modò: etiam ex voto discinctissimi Mæcenatis:

Debilem facito manu,

A 2

Debi-

*Debilem pede, coxâ,
Tuber astrue gibberum,
Lubricos quate dentes.
Vita dum supereft, benè est.
Hanc mihi, cvel acutam,
Si das, sustineo crucem.*

Inueniuntur tales, qui malint inter supplicia ta-
bescere, & perire membratim, & toties per stilli-
cidia amittere animam, quàm semel exhalare!
Non veniunt hæc vota, nisi ab ignauâ iuuentute,
inter deliciarum probra, inter otij segnitiem, à
primâ ætate, habita.

Cibus, somnus, vigilia, corporis cura.

Cibus in illâ ætate, ac in maturam adultam-
que adolescentiam, plurimùm sine mensâ;
somnus breuior, longæ vigiliæ. ita non diem mo-
dò, sed & bonam noctis partem, è negotiatione
labor sibi vendicat. corporis proinde cura postre-
ma. Et verò honestum illi vile est, cui corpus
nimis carum est. Adde, illud è superuacuâ curâ
mollescere, numquam indurari; disfluere, num-
quam firmari. Aliquid tamen indulgendum cor-
pori, non nego: seruiendum illi nego. Quantis
enim seruit, qui illi seruit? & quo modo liber est,
qui illi seruit, moroso, duroqué illius imperio?
quantis timoribus inquietatur, sollicitudinibus
oneratur, obiicitur contumeliis? Quamquam, si
pro-

propius rem spectemus, si ad naturae legem illud reduxerimus, minimo dimittatur. Da illi quod famem explet, quod sitim sedat; quod frigus arcit: haec enim, si ambitionem tollis, ad manum sunt, paruo constant. Tam vili lacernâ, quam byssō, frigus excluderis. Et non pane & aquâ ventrem expleueris? aut quid interest, ab his an à vino & ostreis latrinæ onerentur? nisi quod magis ab his puteant. Felix mensa, quæ non irritat famem; quæ nulos saturos ad edendum cogit; quæ maiorem poculis sitim non facit; sed naturali & gratuito remedio famem sitimq; sedat. Alioqui si ad cupiditatis dictamen viuendum est, quis modus erit rebus? immensa est. quanto plus dederis, plus expetet. ac nisi frenum inieceris, antè ruperis, quam expleueris. Doce illam nihil petere, nisi quod ex ratione est, nisi quod bonum est. Bonum autem in corpore, aut in palato, quis statuet? quod qui fecerit, plurima necessum bona detrahat Deo. neque enim in illo, aut vestium splendor, aut epularum lautitia, aut gemmarum & auri lenocinium: neque quidquam ex hominem infestantibus, & vili voluptate trahentibus. At quis credat expertem boni alicuius Deum? bonum proinde nullum erit, in quo ab homine Deus vincitur; aut quod huic deest: cuius ea sola sunt bona, quæ solida, quæ sempiterna, quæ nihil penitendum adferunt. cetera opinione bona sunt, & nu-

dum nomen cum veris commune habent, rebus inania.

Veniamus ad somnum, cui dandum aliquid non nego: sed ita, ut succumbas illi, non vaces; ut oculos è vigiliâ labantes, cadentesque, in opere detineas: denique ut cùm aliquando dormisse te scias, aliquando non nisi suspiceris. tantum namque vitæ detrahis, quantum somno indulges. Quæ hæc proinde dementia est, vitam cum somno diuidere; & de tam angustâ re, tam rapidâ, tam volaticâ, tam nos cursim auferente, tantum detrahere? deque hoc æternitatis quodam stillicidio, ac ne stillicidio quidem, tantum decerpere? Dandum tamen aliquid somno: sed ut seuero importunóque creditori, quantum potes, minimum. Nam quæ hæc quorundam insania est, non noctem tantum totam, quamuis longissimam, sed & diei partem optimam somno dicare? Non istos oculos tenebrarū, vitam mortis caussâ accepisse credes, cùm vitæ partem maximam in noctem transferant? non aui bus similes, quæ mensis parantur, quæ in obscuro continentur, ut iners sagina succrescat dominum beatura? Neque minor fatuitas illorum, qui alium sibi diem, aliam à naturâ noctem faciunt: qui ad faces & cereos viuunt: qui tædas (mortuis credas parentare) solem sibi statuunt. Nimirum fordida res est, vulgari viâ viuere, facereque quod facilit popu-

populus: quare publicus dies relinquendus, deligendus proprius, ordóque rerum mutandus; tamquam aut natura, aut naturæ conditor Deus, à ratione aberrauerit.

Exercitatio varia.

RAOS reperies in adolescentiâ in vno genere stetisse. multa disçere, multa scire, ac in omnem partem corporis animumque parare, hæc patrum cura. Hinc fit, vt omnium propè rerum cognitionem singuli assequantur: paratosque ad omnes omnium negotiationes reperias; vt addubites, cui potissimum sese addixerint. Quid non consequitur pertinax cura, & intentus in omnem rem animus? Eadem reperies, ne decedam à semel suscepta similitudine, in arboribus: reuocabis in rectum, explicabisque quantumuis flexas; fingesque aliter natas, in quam propè figuram voles. quanto faciliùs animum, omni arbore obsequientiorem? Malè prouinde de naturâ, de Deo querimur, quasi negata ad Virtutem nobis via, negata semina: singuli singula circumferimus congenita, diuīte Dei dono. Altius tamen, fateor, quædam in his defossa; ac non nisi assiduâ curâ & labore, vt vel in herbam exeant, educenda. in aliis arbitris terræ suæ innatare, ita de facili respondent;

nec longum tempus, & ingens

Exiit

Exit ad celum ramis felicibus arbos.

In omnibus tamen semina, & magnarum semina rerum, quæ excrescant in ingentes cælo vertices: seriùs hæc licet, citius illa, excrescunt tamen, si accedat labor; nec raro in parem altitudinem. discrimen plurimūm non ex imparitate seminis, sed materiæ cui immisum. Idem namque hîc cogita quod in ædificiis, per omnia paribus; sed quorum vnum dura accepit area, alterum mollis & fluida humus: illic protinus opus creuit, in hoc multum laboris exhaustum dum peruenitur ad solidum. Ita in hominibus ingenia, & ingenita virtutum semina, in quibusdā facilia & expedita; in aliis diu multumque sudandum. Illa feliciora dixerim, quæ parum negotijs secum habent, &

Sponte suâ quæ se tollunt in luminis oras:
hæc magis de se merita, quæ malignitatem materiæ suæ vicerunt pertinaci conatu; quibus merito inclames,

— *Validis terram proscinde iuuencis.*

Illa aduersarium nullum sortita: hæc

Procuruam expectant falcem, rastroq; tenaces;
per perpetua namque obstantia erexerunt se ad magna. Illa

— *nullis hominum cogentibus, ipsâ*

Sponte suâ veniunt. de his credas illud dictum;

Terq; quaterq; solum scindendum, glebaq; versis

Æter-

Æternū frangenda bidentibus:

ita per ardua, via illis facienda; ac non raro ope etiam alienā. nihil facturi sine duce & ductrice manu: quæ vbi accesserit, assiduo labore,

— *cultus frequenti*

*In quascumque voces artes, haud tarda sequentur.
Quin & imperio quædam*

Cogenda in rectum, ac multâ mercede domanda.

arbitreris cuneis viam faciendam, immittendaq; feracia alibi nata semina: vt etiam quicumque duro hoc imperio, enatam domi suæ videat sobolem, obstupeat

Mireturq; nouas frondes, & non sua poma.

Omnes hi tamen laudem promeriti: quamquam maior illi videatur concedenda, qui in difficultiori materiâ, paria reliquis excitauit. de quo olim, in non impari re, cecinisse puta Vatem;

— *Qui quantum vertice ad auras*

Æthereas, tantum radice in tartara tendit:

— *non hiemes illum, non flabra, neque imbres
Conuellunt, manet immotus, multosque per annos
Multæ virum volvens durando facula vincit.*

Cæli mutatio, linguarum cognitio.

NEc vno cælo, vt nec sermone vno contenti, Norbem plerique inambulant; omniūque propè gentium ore loquuntur. ea ingenitæ naturæ benignitas est, vt in vno ore multos audias. Ac

B , licet

licet congressus sapientum, non montes aut maria prudentiam doceant: in variâ tamen gente semper reperies, quod admireris, quod imiteris; maximèque in hoc negotioso vitæ genere, in quo cum omnium propè regnorum ciuibus, crebra commercia. Vnde fit, ut nisi mores, ingenium, & quâ singuli in rebus fide, quâ perfidiâ; quâ curâ, vigili, an ignauâ; quâ dexteritate, aut stupore versentur cognoueris, discrimin plerumque incurras fortunarum omnium. Nosse verò gentis cuiusque instituta, leges, mores, historiâ indice, aut alieno ore, frigidum & inane est. plus enim hauries vnius mensis contubernio, quâm annuâ lectione, auditione. Scio non deesse qui inclament; Quid interest, Apenninum noueris, Graiūmve montem, Pyrenæos saltus, Alpium iuga, Canduiæ deserta, Syrtes, Scyllas, Charybdes; an ignores? quid vtraque Iberia, Gallia, Latium, Germania peragrata dabunt, si non ut è singulis vitia sua referas, reportes pessima? Cur non virtutes & optima quæque? Multū in hac re institutio valet, & præmonita patrum; quibus non tamquam cerâ, leue hoc, sed tamquam firmissimo spissamento, obturentur ad has morum Sirenas aures: multum etiam negotiis obrui, ac quasi integi, vt tempus, adeoq; terra desit maligno semini: quin & multum socij; quibus ferè optimis quibusque, & ad lenocinia obduratis, liberos parentes

com-

committunt, ad quos mores suos exigant, quos vereantur.

Exurgent h̄ic fortè aliqui, qui paruo contenti, oderint laboriosas has diuitias, quæ plus sudoris quām opum circumferant; aliquid etiam fors sanguinis & valetudinis detrahant bonæ: obiciantque illud Flori; Nolumus vestro more

Ambulare per Britannos,

Scythicas pati pruinas.

quibus ego, omnium nomine, repono illud Cæsaris: Nec nos volumus

Ambulare per tabernas,

Latitare per popinas.

Quanto enim tutius prudentiūsque, animum corpūsque fatigare, quām pingui otio saginare? ut si quid euenerit grauius, non expallescas, cùm omnium pænè gentium moribus ac consuetudine, nec meditatione aut lectione nudâ, didiceris, nihil in hac vitâ sperari posse æternū, nihil æquabile; non magis quām perpetuam, inter flatus fluctusque maris malaciam.

Vestitus, morum grauitas, corporis compositio.

IN omni corporis habitudine digna elucet viro grauitas: hinc nihil in voce, alloquio, oculorum aut lateris iactatione quod levitatem sapiat. Testudinem cogita, fidium concentu nobilem: ita ad artem omnes, & ad regulam compo-

siti. Certant cum viris nuptæ, ac propè maiestate vincunt; certat virginæ. Magna vbique maiestas oculorum, incessus, oris, vestium: in quibus nihil, quod libidinis negotium curet. nulla h̄ic purpura multo saturata conchylio, intexta auro, coloribus distincta; aut sanè nō nisi perquām rara. Plurimūm pullā veste gaudent: & respondet innatæ morum grauitati & modestiæ: vestitus enim pudoris prænuntius est: nam mores ferè habitus prænuntiat. grauitatem ergo hic, & quamdam maturitatem sapit. nihil leue, nihil quod matronalem, nihil quod virginalem pudicitiam dedebeat.

Video in Regnis Prouinciisque variis, quasdam tot capillaturæ structrices adhibere, quot viri infederint animis: quasdam perpetuis gemmis auroque non tam vestiri, quām integri; frontes de dracone, aures de conchâ, brachia de luminibus lapillorum arctare: video saltus & ingentia prædia de tenerâ pendere ceruice; ac singulos propè digitos Kalendarium expendere. Hinc illa virorum naufragia. neque enim de integrâ conscientiâ venit hoc studium placendi per decorem, quem naturaliter in uitatorum libidinis esse scimus. Ab artifice diabolo veniunt hæc irritamenta, quæ de proximo curant luxuriæ mercimonias, & obstreput pudicitiæ disciplinis. Quid enim hæc faciunt aliud, quām

vt cultus societate formam prostituant; ac de longinquo etiam trahant in noxias flamas, draconis exemplo, qui de longinquo spiritu absorbet alites?

Sed & quasdam, in quibusdam Prouinciis, non dicam vestiri, sed vix sexum tegere; ita nullum illis à veste auxilium, vix pudori est: alias etiam nullâ iam veste pectus ostentare nudum, quo & stuporem quemdam inædificet viris, & inaccendant frigus, scandalaque usque ad cælum iaculentur. Olim matres cum pectoralem fasciam soluerent proli, secretum captabant: nunc etiam virgines totū propè pudorem in oculis omnium circumferunt; quid nisi vt prostituant omnibus? Hæc alibi: aliud hinc video. Omnium habitus seueritatem redolet, & pudicitiam testatur, vt reliqua taceam. Quod si quæ structius procedant, vel natalium, vel dignitatum, vel diuitiarum caussâ; ita temperant, vt prætextu necessitatis, nihil lasciuiam sapiat, ne virorum quemquam petulantia suâ vulnerent. magisque quo proprius intuberis, videbis tales, serico probitatis, pudicitiae byssō, quam voluptatis indutas. Vultus verò in plerisque omnibus tranquillus & placidus; frons pura, nullâ aut mœroris superuacui, aut effusioris motus rugositate contractior: oculi in lætum æquè ac seueritatem remissi: os modestiâ & tranquillitate signatum: verba aperta & recta, &

quæ ferè pectus prodant, ab omni arte alienum. Deniq; tota habitudo seueritatem potius, quām alium minūs compositum præfert affectum. Nihil hīc leue, nihil quod raritate & peregrinitate suā alliciat: sed maturo quodam ingenitæ gravitatis pondere castimoniam singula spirant, ut vidisse ad honestatem satis sit. Quòd si quis arserit hoc igne, solo earum aspectu, tamquam flumine, restinguitur incendium. Hoc audeo: nihil me vel in moribus vidisse maturius, vel in oculis castius, vel in vultu modestius, vel in ore tenerius, vel in incessu temperantius, vel in colloquio circumspectius, vel in totius corporis constitutione magis ad regulam. Nulla autem inter has otiosa; otium fauilla libidinis. nulla hīc vinosa; vinum lasciuiae fomes. nulla frequens in contuberniis; per hæc irrepunt verba pudoris inimica. *Bonos corrumpunt mores congressus mali.*

Nobilitas.

NObilitatem nullam prædicabo. Socraticam sanè nemo excludet: animi nimirum & corporis bonam temperiem. Benè Democritus, rogatus in quo consisteret nobilitas: Pecudum, aiebat, in valido corporis habitu; hominum, in bonitate morum. Mens ergo bona nobilem facit. At hæc patet omnibus; & ad eam nobiles sunt omnes. potestque ex casâ vir magnus exire, potest

potest ab aratro, à sutrinâ, ab argillâ: Hostilius, Tarquinius Priscus, Seruius Tullius, Fabricius, Curius, Iphicrates, Agathocles, & tot orbe toto magna nomina, à quo originis suæ primogenia duxerunt? Potest ex tenui humilique corpusculo augustus & magnus animus prodire: Seraphicus Franciscus in exemplar editus, vt sciremus non vilitate corporis animum fœdari, sed huius pulchritudine corpus ornari. Potest & è plebe magnus Imperator exurgere: Decij mihi testes, Marius, Rupilius, Ventidius, plebeiæ animæ. Patritius Socrates non fuit; Cleanthes rigando hortulo locauit manus; Platonem non accepit Philosophia nobilem, sed fecit: vt non imprudenti voto cecinisse videatur Vates:

— Quis tam

*Perditus, ut dubitet Senecam præferre Neroni?
Malo pater tibi sit Thersites, dum modò tu sis
Æacidæ similis, Vulcaniaq; arma capessas;
Quàm te Thersite similem producat Achilles.*

Ac si originem species, ac longam maiorum seriem; à primo mundi, usque in hoc tempus, produxit nos ex splendidis fôrdidisque alternata series. nec quisquam est, qui ultra Adamum deducat genus: nec nobiliorem hoc, nec retrosorum designabis. Quòd si pergis obstinare, & ultra hunc genus referre; nemo iam non inde erit, ante quod nihil est. Corpus verò idem est, nec aliter

aliter filium effudit Regia mater, quam pauperis tuguri. Considera huius singula; sanguinem, carnem, ossa, musculos, nerorum nexus, venarum discursus, & ipsos medullarum in abdito thesauros: omnia terrenæ originis sunt; corpusque totum de limo primitus figulatum, etiam ad nationum fabulas veritas transmisit.

Veniamus ad infantiam: lacte hæc & pannis iussa est esse contenta. ab his initiis Regna & casæ, diademata & socci. Si animum cogitas, idem est. hunc enim omnium afflator rerum parem corporibus affluit, tamquam animarum parens unus. Corpore proinde & animo pares: quid reliquum, nisi ut à virtute omnis imparitas? Hæc erit ergo, quæ magnos, quæ nobiles, quæ humiles, ignobilesque dabit. Benè in hanc sententiam Satyricus:

*Stemmata quid faciunt, quid prodest, Pōtice, longo
Sanguine censeri, pictos ostendere vultus
Maiorum, & stantes in curribus Æmilianos?
Tota licet veteres exornent condigne ceræ
Atria, nobilitas sola est atque unica Virtus.*

Benè Socrates in hanc sententiam: rogatus, Persarum Regem magnum fortunatumque arbitraretur; Nescio, respondit, quantum Virtutis habeat. Hinc etiam hoc illius: Animus benè ad Virtutem compositus, nobilis est: reliqua longa sæculorum varietas miscuit, & sursum deorsumque

sumque fortuna versauit. Hinc & illud Platonis:
Neminem Regum, non ex seruis; seruorum ne-
minem, non ex Regibus oriundum.

Opes, & in ijs animi.

Si opes spectes, & ex his hominem metiris, et-
iam improbissimum magnum dices, cùm
his onerari possit. An quisquam Chelidonem è
Cleopatræ mollibus vnum; an Natalem tam
impuræ quām improbabæ linguæ; an Narcissum
Claudij, Asiaticum Vitellij, Carum Neronis, Par-
thenium Domitiani libertos, prætulerit Poplico-
læ, Menenio, Tuberoni, Cincinnato, Curio? Noli
hominem metiri basi. paruulus est pumilio et-
iam in monte; & colossus magnitudinem suam
seruabit etiam in puteo. noli illum metiri alien-
nis; non magis quām à sceptro aut purpurâ
comœdum. simul enim hæc exuerit, ad sua redi-
bit. An quisquam Orientis pugilem magnum ar-
bitretur, cùm diffueret opibus; an cū abacti gre-
ges, cùm filij vnâ ruinâ denuntiarentur oppressi,
cùm immundam ulceris redundantiam magnâ
æquanimitate distingeret; cùm vxorem malis
lassatam, & ad praua suadentem, execraretur?
tunc nimirum, non in opibus, nobile vexillum
de inimico gloriæ suæ diabolo Deus extulit.

Feliciorem fors arbitraris diuitem. Sepiùs pau-
per quām diues ridet: & huius hilaritudo, scenica

C pluri-

plurimum, de superficie, à supremis labris venit; aut si ab animo, fragilior est, cùm aduentitiis innitatur; vt quæ à ludentis fortunæ pendeat manibus: à quibus quid exspectas stabile? festinant in damnum, ad incrementa lentè exurgunt: neque umquam eâ celeritate res reparant, quâ rapuerunt, quâ finiuerunt. quare omne illud gaudium citatum est, transit; imò euolat paribus cum fortunâ pennis. At pauperis ab alto risus est, de suo gaudet. Et ferè videbis diuitem cogitationibus grauem, multa meditantem, voluentem animo multa, cùm interim risum mentiatur. retege: omne mendacium tenue est, pellucet, si inspexeris: videbis cor exedi, ac superuacaneis fatigari. Sed felix est. Omnis, mihi crede, personata hæc felicitas est: cōtemnes, si spoliaueris. Vis nosse hunc ornatum? quod equo stratum, aulæa domui, hoc opes diuici. Intus considera: noli illum æstimare pallio, aut fasciâ Regiâ; sepone hæc ad modicum. Intus specta: vide quid lateat, quid ibi sit; hoc illius est; ab illo metire; ab animo nimirum virtutibus instruicto. Quid ergo? cum opibus felicitas stare non potest? Potest. nam & in diuitiis sese explicat Virtus, neq; illarum possessione quemquā interdicit: sed hoc efficit, vt intrepidè quis possideat. Affluunt? tenebit colorem: diffluunt? stabit idem color. imò aduentitia singula, ceu fugientia, ceu adnatantia, in suum colorem vertet; non ab

iis suum mutuabitur. Ingruant mala, bona faciet; effera, mansueta dimitte; paupertas ipsa, diuite hanc animo complectetur. Assuetudo ad hæc du-
cet, & fortuitarum frequens meditatio. Ita soli-
dissima corporis pars est, quam frequens usus
exagitat. Sic nautis videmus corpora ferendo
mari dura; agricolis manus extritas: ad excutien-
dum tela militares lacerti valent; agilia cursori-
bus membra sunt: illudque, ut semel dicam, in
singulis solidissimum est, quod exercuit: tantum
valet exercitatio. Hinc & Leonibus magister
manum insertat; osculatur Tygrim suus custos;
Elephantem insessor Æthiops cogit ambulare
per funem. Maiora dabit quisquis virtutem suam
fecerit. mala nimiri iuxta ac bona sua faciet: nec
in inimicis in diuiniis quam in paupertate beatus erit.
Et sane infirmi est animi, non posse diuitias pati.
M. Cato cum laudaret Curium & Coruncanum,
& saeculum illud, in quo Censorium crimen erat
paucæ argenteæ lamellæ, possidebat ipse quadra-
gies fœtū: & si maiores obuenissent opes,
non spreuisset. Neque enim se sapiens indignum
fortuitis muneribus putat; nec respuit possessio-
nes: ac licet illas non admittat in animum, in
domum tamen securus recipit; continetque tam-
quam maiorem virtuti suæ materiam. Magnus
ille est, fateor, qui fœtilibus vtitur ut argento, ut
auro: nec minor tamen ille, qui sic argento, sic

vtitur auro, vt ficitibus. hoc etiam fortè hīc maior: instrumenta enim huic explicandæ nequitia fortuna concessit. non vtitur? magnus est. Nam cui illa negata sunt, quid iudices? Latēt in hoc fors vitia, plurimum ausura, si vires dederis. Intuere serpentein; licet frigore rigeat, non ideo desunt illi venena, sed torpent: accedat calor, & videbis non fuisse emortua, sed dormiuisse, fortius nocitura si excitaueris. Intuere dehinc Tygres & Leones; licet submittant aliquando, numquam feritatem exuent. da saevitiæ niateriam, exasperabitur toruitas mitigata. raro enim vitia bona fide mansuescunt; raro in æuum delitescunt. experire. niateriam præbe: & à paupere experimentum cape. Crudelitas, ambitio, luxuria, in paupertate latent. arrideat benignior fortuna, ingerat pleno sinu opes; cognosces qualis fuerit. quamdiu instrumenta hæc desunt, quid iudicas? In diuite omnia habes, quæ nequitia, vt se diffundat, desiderat. at continet hanc, & freno in officio tenet, nec patitur erumpere: sin pergit efferare, calcat pedibus, vinculat, & quasi eliso comprimit gutture. magnus est, & inter primos numerandus. Quid hæc ad vos? Plurimum concessit in vos fortuna ingentes opes: supra priuatum pecuniæ modum prouexit; vt non iam habere, sed calcare diuitias liceat. & in tantis opibus stat mens recta: hoc viri est, & magni; & qualem vix singula olim saecula

sæcula dederunt, vnum alterumve. Scio à pauperate exisse magnos. Scipioni dos, Regulo mercenarius, Menenio funus defuit. ergo illius filiæ ex ærario dotem acceperunt absentis Reguli colonus populus Romanus fuit; tertius ære collato funeratus est. Sed & è diuitiis scio prodiisse magnos. Catonem & Senecam quis ignorat? in summâ fortunâ, subduxerunt se fortunæ, introrsus beati & diuites: hoc vno à magnâ mortalium parte disiuncti, quòd plerique habeantur verius à diuitiis, vt æger à febribus, quàm illas habeant; Licinium cogita & Mæcenatem: at illi diuitias cùm haberent, non habebantur ab illis. Magnus itaque ille est, qui diuitias, quas habere potuit, contempsit: maior qui possessis sese exuit; aut exutus stetit interitus: nec minor, qui illis circumfusus, magis audiuit suas esse quàm credidit. Prior ille securus est, qui in paupertate diues est: at nescio an non ille maior, qui in diuitiis pauper est. Et sanè ingentis animi est, non corrumpi diuitiarum contubernio: nec minùs, inter cælata laquearia nullum pauere sonum, quàm sub viridi cespite. Illud verò quale est, in summis opibus non trepidare ad magnitudinis suæ præceps, cogitet licet quosvis casus, & in sublimi maximè lubricos? quale illud, parasse animum in omnem fortunam; & in extremâ tenuisse colorem, quem ostentauit in summâ? Iani quod præcipitum

C; vere-

vereatur, qui licet in monte, in plano tamen stetit; & cui omnis vertex planities fuit? Vos exemplo estis, qui per plana & excelsa pares animos circumfertis; & in alto timidoque diuitiarum præcipitio, tamquam in humili confidentiique solo, gradum figitis.

Mercium orbe toto aduectarum varietas.

R Eliqua ciuitatis, quæ opes tangunt, quæ diuinarum ingentem accessionem, quid enumerem? non omnia complexus fuero, si dixero, quidquid natura produxit nobile, quidquid ad huius similitudinem artifice datum ingenio & manu; adeoque, quidquid in deliciis rarū, claudi his mœnibus, ut omnes arbitreris Prouincias Regnaque in vnā vrbem meliore potiorēque parte sui commigrasse? quidquid enim vterque Indus, quidquid Arabs, quidquid Tagus, Nilus, Tyberis, Rhenus, Iber, Sequana diuite produxit fluxu; quidquid demum Oceano toto natura lusit, hic sedem iures firmasse. Vis marmoris eborisque strues tamquam rupes? vis piperis, caryophyllorum, zingiberis aggeriem tamquam montes? vis cinnami, croci, nardi nemora? vis ferri, chalybis, plumbi, stanni, æris ductilis aut caldarij, Cyprij, Corinthij, campanici, argentique aurique quædam fluenta, ut arbitreris metalla hæc vrti vernacula? vis omnium vbiique gentium opes, gemmasque,

masque, quas aut vanus Aethiops, aut inanes Parthi bullarum vice per omnia corporis anxie forata, inferunt; hic de draconum frontibus, ibi de piscium cerebris onera venantes; alibi de fluminum ac maris reiectitiâ despumatione conchas piscantes, & in iis duriorem verrucam? vis quidquid orbe toto de raritate & peregrinitate gratiam possidet? hic repertus. Vis deinde quidquid luxus cum naturâ depugnans inuenit, ausaque de colore est prouocare florem nobili tinteturâ, & textrinâ pari? cogita quidquid ubique florum, colorum varietate nobile, si non superari, æquari naturam videbis: ita ingeniosa ambitio est: inuenit in Galatiæ grano, in purpuræ fauci bus, in tenui venulâ, in rupibus à mari percussis, in alite, in omni re propè, quod educeret in ostētationis pompticæ curiositatem. Iam nec uno contenti colore, aliud alio operimus; sic gemina à portentosis non uno loco ingeniis via demonstrata fastui est. nec semper satiantur vellera, non bombycum viscera, non arborum filamenta; sed fraudantur succo, sitique suâ; ne totum si imbibant, referant liquorem: quin & suprà quam expetunt bibere coguntur, ut ebria arbitreris, cùm plus hauserint quam poscant. Diluitur etiam color vario in decorem accersito temperamento, ut aliud iam referat, quam natura dedit; ita iuuat luxum geminare miscendo, & ipsa adul-

adulterare naturæ, ne viciſſe hæc videatur.

Quantas deinde vni lanæ aut byſſo picturas
videmus intertextas; h̄ic ſcutulis, ibi floribus, alibi
ſiluis, pratis, fluminibus, fontibus, montibus, val-
libus, rupibus, & animalibus omnis generis, ad in-
uidiam rerum ipsarum ludentibus? vt nec mon-
tium deſideres vertices, non camporum ſupi-
nam planitiem, non amnium fluores, pratorum
virores, non lætam nemorum opacitatem; non
h̄ic ſcrupofum, illic fecundum ſolum; non ſte-
riles auenas, non fenerarios culmos; non rupium
asperitatem, non maris ſæuitiam, non malaciam;
non volatus auium, volutus ſerpentum, ferarum
cursus: ita in vnâ ſæpè texturâ, tam aduersantia, &
à variis delecta locis in vnum redacta corpus,
cum naturâ de venustate depugnant. Quid quòd
& viuentium vellera, purpurâ coccoque infecta
viderimus, velut illa ſic naſci cogeret luxuria?
quanto dehinc argento & auro intexta? quaſi pa-
rum ſit inebrisſe purpurâ coccóve, niſi auro gra-
uida nouum ab vtroque ſortiantur nomen: vt
duplex hinc enaſcatur luxus; virorumque iuxta
ac feminarum eluceat forma, eo auguſtior, quo
auguſtiori integitur.

Magnum fuerat olim in vnam deuehere Pro-
uinciam, quidquid Europâ natum totâ; nunc niſi
quidquid vbique eſt terrarum in vnam conueha-
tur urbem, parum eſt. Quòd ſi qui in hoc genere
curio-

curiosior, certiore singula disquisitione, Regnorum importatas opes, aut redditas ab hac vrbe nosse volet, Guicciardinum legat: audet is, cùm Antuerpia staret, negotiationem quæ annuatim inter eam Angliamq; vltrò citroq; péragebatur, ad duodecim auri millions deducere. & quisquam arbitrabitur pauciora ex Hispaniâ & Lusitaniâ, Oriente & Occidente toto, annis singulis prouenisse; quisquam ex Galliâ & Italiâ totâ inferiora; aut demum ex Germaniâ, Poloniâ, Sueviâ, Norvvegiâ, Daniâ, Liuoniâ, Moscouiâ ac vnuerso Septemtrione minora? Hæc qui secum tacitus cogitauerit, perfacile videbit, non infra quinquaginta auri millions, annis singulis, in rerum emptionibus ac venditionibus in vnâ hac vrbe absymi solitos; dum se Regnorum, quâ patet orbis, mercimonis onerat; suaque vicissim per omnia terrarum diffundit Regna. Neque interim quidquam hîc tango de iis quæ intra vrbis mœnia, quæque per nobilissimas Belgicas prouincias dispertitur: quorum numerum quis ineat? immensa res planè est in tanto populo, tâta comprovincialium frequentiâ, qui ferè ab hac vnâ pleraque mutuantur: arbitreris matrem diuite semper vbere grauidam, cuique numquam desit quod largiatur: arbitreris mare, cuius indefecta materia est; quanto plus hauseris, tanto plus credas accrescere; tantoq; plus influere, quâto plus defluit.

Pecuniaria negotiatio.

Am si ad pecuniariam negotiationem reflexe-
ris oculos, credes omne h̄ic orbis aurum effu-
sum. exemplo vno alterōve aperiam. Vidimus his
annis, vix solidis diebus viginti, ingenti ausu, è
priuati nobilis negotiatoris manu supra septingē-
ta aureorum millia in militaria erogari stipendia:
vidimus deinde ab eādem manu, mense vno auri
millionem vnum; ab eādem denique mensibus
non tribus integris, portentoso conatu, auri mil-
liones duos, & super h̄ac aureorum septingenta
millia. Addo aliud, nescio an minūs portento-
sum; & conferre lubet cūm veteribus. Inter hu-
mana prodigia, æs alienum Milonis, qui Clo-
dium occidit, Plinius posuit: at quid sestertiūm
septingenties, ad auri millones sex, quos priuati
duo, priuato debuerunt nomine? quibus tamen
Rex ipse plura longè debuit. O animos non
Spartā, nec Romā, sed Belgio, & Antuerpiā vnā
dignos. Quid faciant Reges, in tam audaci
fortunatoq; priuatorum conatu? Quid Cæsar
Dictator, cui ingens visum est, post subactum or-
bem, post tot exercitus, tot terrā mariq; prœ-
lia, auri debuisse millions sex; cùm priuati duo
non horruerint ad Cæsarianum æs; à quo etiam
omniexuere se posse sperant tam felici raroq;
euen-

euentu, quām forti aggressi erant ausū? Quid Crassus, cui satis fuit ad diuitis nomen legionem annuo tueri redditu posse, cūm ipse in agris sesteriū M M. possideret? Quid Cæcilius Claudius, qui testamento edixit, quamuis multa ciuili bello perdidisset, relinquere se tamen seruorum millia quattuor, centum XVI.; iuga boum tria millia sexcenta; reliqui pecoris cc. quinquaginta septem millia; in numerato H-S. DC.? Quid Varroni narratus Ptolomæus, quem scribit octona equitum millia pecuniâ suâ tolerauisse; mille conuiuas totidem aureis potoriis, mutantem vasa cum ferculis, saginasse? Quid Pythius Bithynius, qui platanum auream, vitemque nobilem, totq; modis laudatam, Dario donauit; qui Xerxis copias, septies nimirum centena LXXXVIII. hominum millia, excepit epulo; stipendum quinque mensium frumentumque pollicitus? Et hæc prodigia humanarum narrantur opum. & tamen quanta hæc portio ad immanes priuatorum in Republîcâ hac conatus, paucorum mensium ausu?

Iam si veteres intueamur, & ad retrosiores, oculos conuertamus; sciunt omnes, quicumque antiquitatem sciunt, non fuisse apud illos numerum vltra centum millia: multiplicari deinde hæc ad decies centena millia pro portento fuit. at ætate nostrâ, & in vrbe potissimum hac vestrâ, auri milliones tam crebrâ etiam plebeiâ teruntur lin-

guâ, vt non minùs familiares nunc illi sint, quàm
talenta olim decem.

Nemo hæc mirabitur, qui cogitauerit, quid-
quid propè gemmarum, quidquid aromatum di-
ues profudit Oriens, quidquid Occidens auri po-
tens, in vnam fluxisse hanc vrbem. Vis proprius
aliquid, quisquis opes metiri voles? intuere ciui-
lia hæc bella. aberrasse ne credes à vero, qui du-
centos auri millions, ab hac domesticâ sanguini-
nariâ charybde inenatabili impactos profundo
dixerit? cogita quid Iberia vniuersa vtriusque
suffulta Indiæ opibus; quid apud Battauos Gallia,
quid Anglia, quid Germania, subsidiaria vni po-
pulo regna, prodegerint; quanto partium studio
Regnorum opes, ab his fluctibus desorbendas,
æmulâ potentia proiecerint; & comperies parum
dixisse qui ducentos, fors & qui trecentos millio-
nes dixerit. Pudet referre plura, & crescere dictio-
nenem in hoc infelici numero. Ergo finio; lectoris
subductioni relinquens, quantum auri annis sin-
gulis per vniuersi orbis cambia & recambia abeat
redeatque ad vos ingeniosâ deductione. nam si in
mercibus quinquaginta minimùm abeant auri
millions, quis enuméret mutatitum cambiale
aurum? aut superari hoc à reliquo negotiatorio,
sibi, aut cuiquam persuadeat?

Orbis

*Orbis delicia, & in earum usum moderatio.
Nauium frequentia.*

Am quæcumque in cibum, quæcumque ad potum faciunt, si voles; si omnium gentium vina, Cretica, Italica, Germanica, Gallica, Iberica; si quidquid ad secundarum facit mensarum delicias; si pirorum, malorum, prunorum, cerasorum, nucum, pomorum denique genus omne; h̄ic habebis: neque aurea desiderabis, non punica, non cydonia, non mala citrea; non ficus, dactylos, vuas, oliuas, cappares. Quid, quod pleraque fecundiūs h̄ic proueniant, quām in patrio solo? Et in tantâ tamen omnium copiâ, cupediarum quæ, quas aut terra facili protrudit partu, aut curiosa donat manus palati prioritatrix, varietate, tantisque condimentorum ex altero orbe euocatorū generibus, in tam profuso deliciarum campo, tantam quantam in vobis videimus parcimoniæ regulam, quis non miretur? Plerique enim vestrūm nec nomina eorum norunt, quæ ab ultimo orbe aut mari, diuite semper classe, tamquam ad alteram terrarum parentem deueniuntur.

Viuite felices, in quos quidquid ubique de rritate nobile, singulæ contulere Prouinciaz; quasi in ornamentiūm vrbis huius, natæ sint omnes, & in h̄ac vnam reliquarum labor sudauerit. Viuite,

D 3 non

non tam diuite omnium copiâ , quâm insigni raraq;ue in tantâ benignioris naturæ largitione , parcimoniâ,felices. Viuite nulli Europâ totâ mercimoniis pares.

*Nanum
frequetia.* Vidi cùm non semel flumen integerent naues, & tamquam strato ponte calcandum se Scaldis præberet ; multisq;ue non rarò septimanis in anchoris naues starent , priusquam aditu ad littus facto onera deponerent : & erant omnium Regnum onerariæ, deuehentes quidquid vbique summum primumq;ue.

Artes mechanicæ.

ARTEs quis enumeret ? & laus tamen cuique sua : ab ingenio enim omnes natæ, à quo omnis manuum dictatura . Paucas interim dabo, libero & ingenuo dignas . possem plurimas : possem propè quotquot orbe toto sparsæ recensere, quæ aut ab hac vrbe, tamquam à matrice solo, in reliquias orbis defluxere Prouincias ; aut tamquam à nutrice excultæ, magnis locupletatæ incrementis, diuite ad suos auctu rediuere , feliores ab hoc vbere, quâm ab illo vtero.

Et omnis quidem retrò antiquitas mirata Mile-sios oues tondentes; Seres arbores nentes; Tyrios tingentes; Phryges insuientes; aliosq; exinde herbarū succis, & concharum alueis lanas incoquen-tes. Iam textricam Babyloniam artē quantis olim acce-

accepimus versibus decantatam? quanto illius singula Possidonius studio prosequutus; quem admodum torqueantur fila, ac suspensis tela ponderibus rectum stamen extendat: quemadmodum subtemen insertum, quod duritiam utrimque comprimentis tramæ remolliat; spatha coiro cogantur, & iungi. vnde illud non minus artifice calamo, quam quidquid ibi manu lusum:

Tela iugo iuncta est, stamen secernit arundo.

Insetur medium radiis subtemen acutis,

Quod lato feriunt inserti pectine dentes.

Quæ omnia, pariaque, aut his maiora, cum in vna hac vrbe, & delectu rariore, & ingenio fecdio, & arte sint venustiore, ne attingam quidem paucis tantum ingenuis contentus, reliquas & numero plurimas, & opere portentosas artes tacitus præteribo.

Ars Pictoria.

Pictoriam non transeo intactam; maximè cum videam lege cautum, ut picturam soli ingenui exercent, perpetuo interdicto ne seruitia docerentur, non Sicyone tantum, sed Græciâ totâ. Neque ego in magnâ hac arte, viuos attinbam artifices, magna Europæa miracula: nam & modica in hac enumeratione gratia, & offensatimeri potest magna. Si enim paucos enumeraui, quid nisi inuidiam exspectem? si omnes, ingens

sit

sit labor: si hunc illi anteferam, quid nisi linguæ iacula, aut penicilli sperem licentiam? venient posteri, qui sine æmulationis prurigine, magna sæculi vrbisque vestræ nomina nobili calamo propalabunt. de quibus interim, vniuersim hoc audeo: nullam in his penicilli gloriam desiderari; non oris venustatem, capilli elegantiam, oculorum argutias, non respicientes, suspicientes, despicientesque vultus; non vestium sinus rugasque; non venarum implexus; non articulorum membrorumque decora, musculturumque contuberationes, ac quasi bulbos; non camporum læta, tristiaque; non luxuriantes, cadentesve nemorum vertices; non colles ascensu salebrosos; non inontium dorsa pascuis, latera viretis, opaca lustris, aperta culturis, concava fontibus, abrupta fecundata fluminibus. Sed neque priscos in his desiderabis artifices; non Atheniensem Apollodorum, Parrhasium Ephesium, aut Xeuxen illius linteo deceptum, cui etiam palmam concessit ingenuo pudore, non Eupompum, Pamphilum, Demophilum, Melanthium, Echionem, Euphranorem, Cydiam, Pausiam.

Verum de vitâ functis, & quos mors extra inuidentię iactum posuisse videri potest, mihi verba. Habuerūt propè singula orbis Regna magnos in hoc genere artifices; quorum nomina æternitati sacrata, ab illâ omnium artium scientiarumque

que admiratrice & laudatrice antiquitate. plures tamē vno sāculo, ex hac vnā Republicā prodīsse, quām ex multis retrō etatibus toto orbe reperies. Repetamus gratā veteres memoriā, & quantum fas est componamus.

Celebratur ab illis Bularchi tabula, in quā Magnetum prōelium, à Candaule Lydiæ Rege repensa auro . At ego video apud vos Francisci Floris cæli pugnam; Luciferum deciduum, superstantem Michaëlem, huius agmina insultantia, terrentia, minitantia ; illius ē præcipitio pendula, ac in medio lapsu tremula, vt & cadere arbitreris, & mente turbatâ vltimâ blasphematione cæluni impetere. Video alibi Dei matrem conscendentem cælos, ludentesque circumsecus angelos; vt & diffluere gaudio beatas illas mentes, & aëra pennis scindere lento suauique quodam remigio, arbitreris : sed & omnem circa regionem cæli gaudium persentiscere ; ita omnia lætitiae quamdam frontem induisse videntur, depulsis mœroris signis. Huius etiam est Iudicium in die Domini magno. multa hīc ad horrorem; sententia Iudicis, cuius adhuc vltima verba innatant labris, & indignantes oculi maledictum iaculātes: inde corporum raptus, inferorum gurges; mixtæ infelici interitu maribus feminæ, iuuenes senibus: cæli dehinc amœna, corporumque ad illa volatus, vt mireris tam diu suspensa aëri suo in-

hærere quasi æternū volantia: quosdam etiam apud inferos torqueri, alios in cælo gaudio diffluere, aīmulā bonorum & malorum retributio-ne; vt & spectatorem suum tormenta terreant, & allicant gaudia. Dedit de eādem re Iacobus de Backer, varium & nobile opus, dignum posteritate & vitâ; & quod cum veteribus componatur.

Magnus fuit Parrhasius Ephesius, qui Cressam nutricem, infantemque in manibus dedit: qui Athletam in certamine currentem, vt sudare videatur; qui alterum arma deponentem, vt anhe-lare sentiatur. Magnus Aristides Thebanus, cuius erat oppido capto ad matris morientis è vulnera mammam adrepens infans: intelligitur que sentire mater, & timere ne emortuo lacte sanguinem infans lambat. Non erit inferior Petrus Bruegelius, qui Infanticidium Herodis in mediâ statuit niue; vt & niuem credas, & sanguinem iures; & exhorrescas in illâ sanguinis & niuis, candoris & ruboris, sœuâ mistione. Iam vbi ma-trem videris spargentem comas, lacerantem vul-tum, & pro sudore lacrymas, tamquam salebosos torrentes, vnicum cari solamen pignoris, protru-dentem, quid dices? quid vbi alteram, quasi iam iam cadente animâ, aut in vltimo secretionis suæ spiritu iacétem; in quâ cùm nihil videas lacryma-rum, mortis videoas plurimum: vbi tertiam vno vulnere lac & sanguinem fundentem, pendentis
que

que ab vbere infantis animam imbibentem; vt
& infans lac sanguineinque bibat, & animam in
eamdem nutriciam mammam iaculetur, tam-
quam redditurus vitam, à quā acceperat; non in-
clames, Vicisti? quid vbi infantem ingenti vulnere
confossum, in quo intelligere possis quantum
restet animæ, & in vltimâ illâ proiectione niuem
pro vberibus fugentem, quasi in redhibitio-
nem animæ per vulnera fugientis; non acclames,
Io triumphē?

Ingens gloria Timantis, cuius est Iphigenia,
oratorum laudibus celebrata: quā stante ad aras
periturā, cùm moestos pinxit omnes, præcipuè
patruum: in quo cùm omnem tristitiam imagi-
nem consumpsisset, patris velauit vultum, quem
dignè non poterat ostendere. Erítne minor Quintini Messys, à quo habes demortuū Christi corpus
linteo inextensum? Videbis hīc sub caræ ceruicis
onere, non tam pōdere quām dolore fatiscentem
Nicodemum, succidentibus genibus. Videbis Dei
matrem, quæ in cruce steterat, in filij morte tam-
quam laxatis neruis, solutā cōpage, decoriter sub-
fidentem, ni à discipulo, cui commissa, sustentetur
quasi in subsidium: cui etiam, non vt sub pondere
cari pignoris, sed vt sub ingenti mœroris mole, ge-
nua labant. Videbis & Magdalenam pugnantibus
inter præcordia mœstitudine & amore, vicariam-
que animam pro dilecti animâ spondentem, dum

capillum spargit, vnguenta parat, & capillorum
& vnguentorum & oblitam sui. Habes & Ioan-
nem, in ardenti aheno, æstuante oleo & tamquam
de insefforis sui victoriâ indignante, animo vultu-
que pacatum, ac quasi à tepenti medicante bal-
neo recreatum. Habes puellam psaltriam in Ioan-
nis cæde, inuercundo librato vestigio, terram
non tam inambulantem, quâm verrentem: habes
puellæ matrem, quæ libidinis oculos in demortui
caput iaculatur, tam impuro obtutu, vt frigeat
omne lupanarium scortum, præ hac flammâ.
Magnus Xeuxis. Inferiörne Ioannes Hemßen?
aut cuius ingenij artisqué decus maius? intuere
vtriusque penicilli, tamquam doctæ matris erudi-
tos partus; dubitabis, magisne eluceat illius Iupi-
ter latera claudentibus diis, an huius Prodigus Bac-
chidibus circumseffus; illius Hercules dracones
strangulans, an huius Prodigus deiugulato marsu-
pio, fustes pro genis basians; illius Alcmena matre
pauente, an huius Prodigus incertus animi, pu-
gnantibus inter se, fame, frigore, erubescentiâ, præ-
teriorum memoriâ, futurorum metu. Quid
quòd in eâdem tabulâ non vnius gloriam æmula-
tus? Clarus veteri famâ Niceas, qui supra reliquos,
canes prosperrimè expressit: at noster felem, quæ
nihil illius concedat molossis. Clarus Pausias, cu-
ius boues imitati multi, æquauit nemo; ac nescio
an huius porci inferiore lintrem degrunniant mi-
raculo.

raculo . Clarus Timomachus , cuius Medeam octoginta talentis venumdatam accepimus : ast ego dubito , dignóne satis auro permutari possit Hemisseni Lena , exerta impudenti linguâ Prodigum inter amicas ludens . Taceo tabule huius reliqua , mensæ apparatus , senem bibulum , cæcum citharœdum , operisq; ue auctorem varias vno spiritu tibias animantem , omnimodis peritum vt pictorem ita & niodicatorem .

Varro narrat cognitū à se Posim nomine , ab eoq; factas Romæ vuas & pisces , ita vt nō esset aspectu discernere à veris . Quid diceret si culinam vidisset Ioachimi Buecklaer , in quâ poma & hortorum reliqua ; in quâ altilia , carnes , pisces , ita rem mentiuntur , vt non vnā fallant ancillam coquariam ?

Fuit & Pamphilus , cuius est Vlysses in rate , vt & periclitari videoas , & sperare : & Echion , cuius est Liber Pater , in quo victorem agnoscas , & hedera tamquam à torculari lubentiam . Apud vos verò Guilielmus Key : cuius est Christus immoriens cruci , latroq; inter blasphemias vltimâ desperatione voces animam ingenti corporis contorsione euomens ; alterq; culpam agnoscens , & veniam deprecans . Sed super hæc , senex veneranda canitie , læto vultu , ore blando , cui nihil desit extra vocem : nam & animam inesse reris , ita oculi , os , vultusq; reliqua , totam cum penicillo mentem afflatam testantur .

Laudatus etiam , & inter primos numeratus Protogenes, qui anhelantis canis spumam, melius iratâ spongiâ quam penicillo expressit : cuius etiam est Satyrus tibias tenens & inflans , & variâ concentus expectatione auditorem fallens . de quo illud veteres, omnia illi cum Apelle fuisse communia, nisi quod ille manum de tabulâ nesciret tollere , memorabili præcepto , nocere sæpè nimiam diligentiam . Neque Protogene minor Martinus de Vos ; cuius est , auersantis psaltriæ vultum, magni Baptiste caput; truncumque corpus, tamquam à receti vulnere & lapsu supinum. Huius etiam est Antonius in aëra raptus , tantâ stipatus monstrorum sœuâ varietate , ut nihil necessum sit ad terrorem inferos adire; vna te tabula docebit quid timere debeas.

Fuerunt & alij singuli in arte , quam profitebantur, magni . Hic Callimachi exemplo non saltantes Lacenas, sed rusticum agmen recoctum cereuisiâ, tam certâ expressit agrariâ lege , vt nec Bacchum desideres , nec illicem tibiam . alij, nemora, arbores, frondes, luxuriantesque comas, ac quasi à vento motas dederunt , vt & sibilum expectes , & aues fallant infidâ sede. pluresque hic etiam , quos graue foret recensere , & curioso volumine percensuit Carolus van Mander . Ut si suos iactet Italia Vrbinos, Angelos, Tizianos; suos Germania Dureos, Holbenios, Aldegrauios: suos

Ant-

Petrus
Balten.

Cornelius
Molenaer
Ioachimus Pa-
renier,
Ioachimus Bue-
kelaer.

Antuerpia possit Quintinos, Florios, Bruegelios:
vt vnam iam urbem cū tot laxissimis regnis inge-
niorum magnitudine audeam componere. Quid
si ciuitatis huius reliquos? quid si vniuersi Belgij
nobiles pictores adduxero, & è singulis oppidis
suos euocauero, quantos darem? Cleuios, Brilios,
Cockios, Congnetos, Mabusqeos, Mostardos, Mo-
ros, Schoorelios, Aertsios, Hemskerkios, Pour-
busios, Barenrios, VVinghios, Hofnaglios,
Coxios? Coxij est Antuerpię Sebastianus iacu-
lo trāfixus: in quo videas sentire animam, sinistri
pedis femorisque retractu, cùm intima, sagitta
depascitur: quin & spectatores vulneris dolorem
sentiunt: & Georgius ab eādem manu truncō
affixus; rotaque crudeli circumactu Martyris
membra perpetuis nouaculis dilaniatura, in ipso
volutionis suæ initio cælo tacta, & in crudelitatis
ministros eo potentiū sœuiens, quo in vnū Mar-
tyrem multorum carnificum ingenia sudaue-
rant. equos hīc habes cum fessoribus turbatos;
vnum etiam excussum prouum in terrâ, in cuius
nudo dorso omnis ars certare videatur: neque
minor hīc naturę expressio quam in Apellisequo,
ad quem adhinnuerunt equi viui. Nullus sit finis
si pergo. ergo abrumpo, & in medio cursu gra-
dum sisto. totamque hanc artem, humanæ æmu-
lam naturæ, cogitationi potius cuiusque quam ca-
lamo committo.

Sculpt.

Sculptoria, Calatoria, Incisoria ars.

Pictoram, Sculptoria comitatur; in quâ, non
erubesco fateri, vincimur numero. agnosco
enim statuas, variis in regnis, ad inuidiam propè
omnis naturæ fabricatas. Memini Apollinis cu-
bitorum xxx. ex Ponto à Lucullo delati: memini
Iouis cubitorum XL. à Sysippo facti; memini Solis
Colossi cubitorum LXX. trecentis à Charete talen-
tis fabricati; & super hæc Mercurij, in quo Zeno-
dorus annos solidos decem sudauit H-s. CCCC. Iam
Phidiaë Olympium Iouem quis ignorat? quis Po-
lycleti pueros talis ludentes; Lysippi tibicinam
temulentam; Praxitelis Proserpinæ raptuni; Cala-
midisequos; Cresilæ vulneratum; ceruum Cana-
chi; Demetrij Mineruam musicam; Euphranoris
Paridem? quis Lycij pueros sufflantes languidos
ignes? quis aquilâ Leocræ sentientem quid rapiat?
quis Nauceri anhelantem luctatorem; Amazo-
nes Strongylionis? quis Theodori muscam, currū
& aurigam alâ integentem? quis Epigoni infan-
tem matri interfectæ miserè blandientem? quis
denique Callimachi nesciat saltantes Lacænas?
Hæc marmore, hæc ære, hæc vario lapide tot ma-
nus luserunt, ut numero vincamur. Neque tamen
adèò egenietiam in hac parte vestri: nam si non
erubescit veritas, pauci è vestris omnem explent
numerum. quis enim Antonium van Breda;

Cor-

Cornelium Floris, Ioannem de Hase, Longhelin-gum, Paludanum nouit; quis horum opera, qui non inclamet, Non impari felicitate fluxerunt hīc æra, steterunt marmora.

De Cælatoribus verò quid dicā? nobiles in arte, *Cælatoria*
Ariston, Lesbocles, Prodorus, Pithodicus, Poly-gnotus, Stratonicus, Scymnus; omnes argentum cælare soliti. quibus nescio an quidquam conce-dant vestri, Matthæus Valck, Vdalricus Spirincx; & ante omnes VVolfgangus van Breda, qui primus malleo stiloque substratâ pice cælare docuit, cùm antè fusili omnes ductu laminas in formas cogerent. ergo vincitis, habet hīc enim omnis retrò antiquitas quod discat, quod imitetur.

Iam æris argentiique Scalptores quo statuam lo-co? cedit omnis vetustas. Sæculi hæc beatitudo nostri est; tantaque naturæ imitatione, ut nec pi-cturæ, nec cælaturæ, nec statuariæ quidquam arti debeat. Scio varias Provincias magnos in hac arte dedisse, noui Dureos, Aldegrauios, Leidios. nemo tamen cum vestris, tenuioris incisionis elegantiâ, nemo oris vultusque venustate, nemo blandâ genarum adlubentiâ, nemo oculorum amœnâ sua-uitate certauerit. vincitis. ipsaque adeò natura æmula iam arti, lineamentorum malleo quodam ductu Vinci se miratur, & dolet.

Ac nescio an non magis, cùm etiam calamo

F æquari,

æquari, propè audeo, superari se videt. Nemo mihi hīc veteres; nulli sunt. nemo ab alio orbe Chinenses aut Iapones; frustrà euocabit. nemo à vicinis Reginis; nihil reperiet, quod vestris componi possit: ita mortui, vnius calamo, vitâ quâdam donantur, vt viuere arbitreris; nihilque iam extra vocem desideres. qui si eâ felicitate animam expresserit quâ corpus, quid de vitâ dubitemus? Ergo calamo vincitis; quidquid usquam antiquè, quidquid nouè fuit. & hēc gloria vestra est. Fuerūt qui imitarentur, nec ineleganti sequelâ. Verùm umbras ibi videamus corporis vestri; & quasi percussorias quasdam voces ad humanas veras. Efferat nunc hīc sua antiquitas, Apollodori Aiacem fulminatum; Xeuxis Alcmenam, Pana, Penelopen; Tiberij Archigallum; Pamphili Vlyssem in rate; Aristidis ægrum; Pausiæ boum immolationem; Euphranoris equestre prœlium; Niceæ canes; Athenionis agasonem; Cydiæ Argonautas; Timomachi Medeam; arteque suâ claros reliquos: vnum vester, calamo, nulli veterum cedit. Sint Attali, Demetrij, Hortensij; non deerunt, qui aut octoginta, aut talentis centum, qui H-S. LX. aut CXLIIII. mercari velint vnius opus calami. quo etiam tamquam Apelleo penicillo, purpureum addit genis decus, labraqüe tingit; vt nihil intersit, si qua fides oculis, inter hēc emorta, & totâ plena animâ. Hinc nihil dubitem asse-
rere,

rere, si exurgant Critias, Nestocles, Hegias, Scopas, Lysistratus, Stenius, omneque variâ semper olympiade artificum genus, fore, ut cum Xeuxe, vni palmam calamo, tamquam Parrhasij concedant linteo.

Ars Typographica.

TRANSEO ad Typographicam, orbis portentum, ingenij miraculum. in quâ quis referat singula? quis chalybem tamquam patrem; quis æra tamquam matrem? quis plumbum stannumve tamquam secundum semen, fertili immissum utero: atque hinc proles quibus æternum viuitur. in quibus tam variè ars ludit, ut erubescat natura se ab humano vinci ingenio. Iam si in singulis characteribus numerum cogites; si intercurrentia spatia; si accentuum, si distinctionum sensum discriminantium varietatem, sine quâ ille tamquam sine vitâ iaceat; si nexuum dehinc, tamquam vinculationis indicia; si quibus plus intelligitur quam exprimitur signa, quæ ingeniosâ defrustratione & demembrant verba, & largiuntur integra; si maiores dein characteres, tamquam agminis ductores, & capita supra reliquam turbam efferentes consideres, quis non tot in vnâ re portenta quot res arbitrabitur? Quòd si ad prælum oculos circumferas, plena miraculo sunt omnia. nam quæ infrâ marmora, quæ suprà æreæ laminæ

tamquam cylindri, quæ latera ligna claudunt,
quæque h̄ic gemunt, sudant, ludunt? Iam versati-
lis inter chelonia supera & infera succula, quantâ
basim premit libellâ, quātā exsoluit? Quid vectes
referam, trochleas, ductarios funes, quid ansas,
fibulas, tympana? quid pilas tomentis farta, miro
in orbem flexu tamquam torno ductas; colore
deinde tamquam pingui ac adipato quodam rore
tinctas, quo characteres fecundantur? qui deinde
ē statione suâ, in chartam tamquam alienum
agrum, exituri, nouo dominum beant fructu, à
quo vita etiam post funera redit. Viuit enim qui
non moritur. non moritur qui in cuiusque noui
lectoris oculis & pectore vitâ viuit nouâ.

Hanc vitam à Plantiniano prælo quāti accepe-
runt? perierat æternæ insepulti obliuioni; aut tam-
quam animâ numquam conlatâ, aut tamquam
vniuersim erectâ, iacebant prostrati in perenni
quodam ignauescentes sopore; ni ab hoc afflato-
re, nouâ redanimatione rediissent in vitam. Scio
in omni propè gente floruisse in hac arte nobiles;
noui ē Latio Manutios, ē Germaniâ Frobenios,
ē Galliâ Stephanos. at vos vnius Plantini nomine
omnium tenebrastis nomina. Si sidera illi Re-
gnis suis; Sol vester fuit; non Vrbi huic, nō Belgio;
sed Orbi, quâ patet. Et vt omnia huius magna,
nihil maius fuit Bibliis Regiis. quæ quicumque ē
Latio, Græciâ, Palæstinâ, Chaldæâ, Syriâ intuebi-
tur,

tur, non exclamet, Vicisti; octauum orbi miraculum hic est? Et non tanti machinatorem operis, altè sublatum, per quidquid est orbis sicco deuehant pede, viridiq[ue]

— aduelent victoria tempora lauro,
quotquot nobilissimæ huius & æternaturæ artis
cultores, Regna & Imperia fouent?

Ars Architectonica.

Sequitur Architectonica, ars nobilis. quales verò quantique in eâ, cùm vrbs loquatur vniuersa, quæ supra reliquas orbe toto caput exerit, tum vnum D I V & M A T R I sacratum templum locuples mihi testis; cuius si surgentes parietes, & conatum ostentantes intuearis, miraberis animos ingentesque ausus, prodigioso quo quis persæcula opere maiores. vt iam si pyramides Regum, quæ orbem famâ impleuere, cogites, humiles arbitris casas præ hoc molimine. Cogita quas vbiique voles, & ab utroque orbe accerse in vnum, siue quas in Arsinoë, siue quas in Memphi, siue quas sex & sexaginta hominum millia annis viginti, siue quas octo & septuaginta annis construxisse produntur; in quibus, in raphanos & cæpas, mille & octingenta talenta narrantur erogata; reperies audaci operis vestri conatu, quidquid in illis magnum fuit, fuisse minus. Iam turris operi imposta, quanta? parem nescio an etas omnis retrò vide-

rit: etiam in illâ, quam insula ostentat, Pharo, octingentis à Gnidio talentis ædificatâ, inueniet quod vincat: maximè cùm in ambitu angustissimo, in prodigiosam exurgat celsitatem; portentosum per omnia humani opus ingenij. Multam, veteres posteritatis audi, dum in cæmento luxuriantur & lapide, impendio nulli profuturo, gloriam vesanâ quæsiuere dementiâ; nusquam fidem repertura, nisi ab oculatis denuntiarentur aucto-ribus. Super quæ omnia, immania narrat Varro de Porsenæ Hetruriæ Regis monumento: cuius cùm enumerasset pyramides, cùm æneum in summo orbem, cùm huic orbi quatuor alias superstantes pyramides, altitudinem erubuit adiūcere: meritò: cùm insanæ hæ moles nihil tegerent præter cineres. Potuit aliquid vilius, potuit fœdius, ac quasi in contumeliam humani generis certius aliquid excogitari pyramide, quam mere-tricio quæstu Rhôdope Aesopi fabularum conserua posuit? fuit tamen hæc vno omnium ore laudatissima; veterumque adeò iudicio prima. Quæ omnia, si vestra spectem, si Deo in D I V A M A T R E dicatum templum, si ingentem in hoc conatum, nulla iam sint; & submittant volentes operi vestro fasces. Adde, quòd illa in nudam vanamque ostentationem, in fatuæ potentiaæ propudosam lasciuiam: at vester omnis labor su-dauit Deo.

Verùm

Verùm dum vetera confero, ne verbis lusisse
me nudis quisquam arbitretur, componam cele-
bratissimum orbe toto Ephesię Dianę templum,
plurium, Plinio teste, librorum opus; viginti &
ducentis annis ab vniuersâ Asiâ factum; cum ve-
stro, DIVÆ DEI M A T R I S magno nomini inscri-
pto. Fuit illius longitudo quadringentorum &
viginti quinque pedum, latitudo ducentorum
viginti, ac in eo columnæ centum viginti septem.
Templi verò vestri longitudo minimūm pedum
quingentorum & decem; latitudo plurimūm du-
centorum quadraginta, ac non ignobili parte
sui, sexaginta & trecentorum pedum. Iam co-
lumnas quis enumeret? siue quæ sub ingenti for-
nice tamquam sub cælo Atlantes sudant, siue
quæ latera claudunt, firmantq;ue vniuersam ma-
chinam ingeniosâ dorsuatione? numero Ephesi-
nas superant. Reliqua ædis vtriusque, cogitatio-
ni cuiusque potiùs quàm calamo committo. per-
facile enim erit ex hac rudi vtriusq; diduictione,
reliqua templorum assequi. Iam si priuatorū do-
mus intuearis, vix oculis credas, ita in immensum
exurgūt: nec rarò in pedes octoginta, centū etiā;
& tamen tam exilibus lateribus, tam tenui vesti-
bulo, vt plurimūm parietes nō nisi pedem vnum
latitudine expleant; ac non rarò ne pedem qui-
dem. & perstant æternūm: vt arbitreris nullum
sentire senium; nullumq;ue videas reformidare
ven-

ventorum incursum: sœuant illi; stant domus tamquam ære fusæ, ac ne vestigia quidem sœuitiæ referunt.

Venio ad publica. Senatoria domus quanta? è solido stat illa marmore; nouoque decorata saxo, peregrinum ostentans solum,

Premit columnas vltimâ recisas
 quas arbitreris Africâ. has inter quadraginta & nouem lati ducunt aditus, ostiaque totidem, totidemque negotiationis atria, è terrarum vltimis diuitata. Hic si quis curiosior artem genusque singularum velit partium, tamquam membrorum; dabo paucis, ne & defuisse videar, & prolixitate nauseantis ingenij fastidium prouocasse. Pars infima variegato stat marmore, Tuscanâ manu, incultiore sœuioreque structurâ; cogita Centauros, homines equis suis implexos, aut durum Lapithûm genus. Altera Dorica. quâ olim Herculi & Marti sacrauit ædes Antiquitas. hac Dores structurâ delectatos accepimus: quæ plus ostentat virilis roboris, tamquâ humeros latos, ingentesque membrorum artus, quam feminei ornatus. Tertia Ionica, quâ Iunoni, Libero, Dianæ, Iones primitus templa dicarunt, muliebris gracilitatis æmula, quæ nec virgineam referrent mollietatem, nec virile pectus, non ossa, non lacertos: sed matronali contenta maturitate, quidquid asperum esset ac quasi cestuofsum, fugerent; quidquid nimiam

^a nimiam sūperet mollitudinem, auersarentur. cincinnis tamen, ac tamquam femineâ capillatûrâ decoriter discriminatâ. Quarta perpetuo columnata in orbem ambitu est. Frons operi toti prōminent columnarum signorumq; nobili symmetriâ: omnia è maculoso marmore, Lydio intercurrente lapide & miraculum augente. contabulatio frontis vniuersi, imma Tuscana, secunda Dorica, tertia Ionica est, quarta Corinthia, quâ fontium Nymphis sacrasse tēpla veteres accepimus, mirâ exilitate, & virgineâ teneritudine. atque hîc ornamenta capite dependet, acanthi foliis, Callimacho repertore, persimilia: totam denique floridam, fasciisq; caput circūcinctam reperies. Quinta Italica, seu mauis, Cōposita: ex Ionicâ & Corinthiâ decorem mutuata. Hîc florum frondiumq; & pomorum videbis implexus, coronario luxu, foliis flores & fructus intercursantibus: nec raro trophyis ornata militaribus. in cuius medio effigies Dei Matris est, Polycletæ manu, Apellæo ductu. Quam vos, immani deturbato colosso, ingentium ab vrbe hac conditâ beneficiorum à beneficâ illius manu acceptorum memores, gratâ statuistis memoriâ: frendeant licet Copronymi, fremant Isaurici, rideant Diagoræ, stomachentur Cyrenæi, vos hanc D I V Æ M A T R I S effigiem, testatissimam statuistis orbi, fidei à tot sæculis acceptæ, ac iam inde à VVillebrordo in hanc æta-

tem tutatæ, tesseram . Pergite felices, æmuli majorum, quorum liberali dexterâ, cunctis propè Belgij orbisque Christiani primis vrbibus , Diuæ Dominæ nostræ, augustissima stant templa, priscae probitatis ac Religionis monumenta. Latera Centauri cingunt , monstrorum domitores, ingentibus armati clavis ; vt nihil iam mireris cæstus

— *quibus acer Eryx in prælia suetus
Ferre manus, duroq; intendere brachia tergo;*
cùm illos intueberis, quibus non modò magnū Alcidem contra stare, sed & indubitatum audient triumphum sperare. Excipiunt Centauros pyramides, clauduntque tamquam nobili metâ, opus nobile. Sexta, pro columnis hîc Caryatides ostentat, quasi in hac etiam vrbe , Græci Persico defuncti bello de Caryatibus æternū triumphent; ibi Persicum ex hostilibus manubiis trophyum , Lacones Pausaniâ duce statuisse credes: tamquam superbiâ castigatâ, barbara simulacra, tecto deridiculi Atlantes, domitas subiicere cervices cogantur. Opus vniuersum integit superstans aquila, expansis alis: tamquam si corporis sui molem, quadam pennarum velificatione, modo caudæ gubernaculo, contabundo volatu, in certam dirigat metanî; aut in aliquam , fulminis vice, de cælo ruat prædam . putas perpetuò pendulam singulâ intueri , montes, campos, vrbes, feras,

feras, homines; ac per illa indefessa remigia magna-
num aliquid spirare.

Quàm verò non vno calamo, non vrbis modò
huius sed Europæ adeoqué Orbis totius negotia-
tionibus destinatus locus, sed multis, magnis, no-
bilibusque dignissimus? huius area peristylio am-
bitur augusto, amploqué, quadraginta & tribus
è Scocinio patrio marmore columnis subnixo:
quarum scapi, mutuum mutuâ elegantiâ lenoci-
nium præstant; ita singuli alio atque alio eluent
ornatu, tamquam si singulis singulæ inarassent
doctæ manus, (quasi facili ductiliq[ue] terræ vo-
mere aut rotâ) vt mirum sit potuisse in tot co-
lumnis tam diuite varietate ludere ingenium
vnum, adeò discriminatâ paraturâ, vt cùm singuli
suo stent cultu, nullumque ab aliis mutuentur,
tum mirâ similitudine, spectatoris oculos, læto
gratoqué circumueniant dolo; dum quos primo
obtutu censebant per omnia pares, propiore dis-
quisitione, toto deprehendant, qui singulis iner-
rat, dispare ornatu. Hic columnis trifomes
insistunt arcus opere Gotico, saxeis passim foliis
tam scitè interludentibus, vt prouocare arbitreris
omnem de peritiâ vetustatem. sed & peristylij
fornix cum columnis de varietate & elegantiâ
certat, tam raro varioqué ductu, vt dubites varie-
tas elegantiam, an hæc illam supereret.

Non transeo hic ingēti sumptu & ausu, venden-

*Anato-
rum offi-
cina.*

dis exædificatam domum aulæis, quæ raritate sui
meritò per omnes eat ætates postumas. Patet in
longitudinem pedes octoginta supra ducentos,
respondeatque operi latitudo. complectitur verò
ambitu suo sex & viginti loca, aulæorum recon-
ditoria, vt arbitreris cellas promas omnium in
hoc genere elegantiarum, opumque nullo cal-
culo metiendarum ; ad oculorum quantumuis
curiosiorum certissimum stuporem : ita supra
artem byssō pleraque & auro grauida, dubium
relinquunt, ars opulentiam, an hæc artem vincat.
Quamquam si ex vero singula metienda, dicēda,
perfacile vicerim, nullà olim vetustate supera-
tam, æquata m sœculi nostri artem, nullà. Scio ve-
teres variâ in veste ad miraculum lusisse. quis
enim ignoret Istrianas pexas, quis scutulato è Lu-
sitaniâ textu; quis Martiali decantata gausapa,

*Nobilius villosa tegant tibi gausapa citrum?
aut cui Lucilianæ ignotæ*

*Pſila, atque amphitapæ molles cū ingentibus willis?
qualia Plinio amphimalla, & villosa sunt vétralia.
quis Phryxianas nesciat togas, nouissimis Augusti
temporibus (Fenestellâ teste) nobiles? iam papaue-
ratas quis non audiit? quis non pictas & triumphis
natas? crediderim à Mauris: præxit Martialis:*

*Quando eques & picti tunica Nilotide Mauri.
Quin & Phrygiâ legimus pictas acu; an non &
Ægyptiâ?*

Quod

*Quod Nilotis acus compressum pectine Serum
Soluit, & expanso laxauit stamina velo.*

Sed & auro habemus intextas, Attalo repertore, vnde nomen Attalicis. Colorum exinde varietas Babyloniam primum manu de venustate certauit, & nomen imposuit. innuit Martialis eleganti versu:

*Nonego prætulerim Babylonica picta, superbe
Texta, Semiramiā quæ variantur acu.*

Plurimis etiam liciis intexere Alexandria docuit. Hæc veteres: quæ si cum nostris componantur, dices agraria illa esse, & in siluis nata; vrbica nostra, & à summis ingeniis profecta. Scio inter obiecta Capitoni crimina, Babylonica fuisse triclinia, quæ sestertiūm octingentis millibus venerant. Scio quædam Neroni principi quadragies sestertio stetisse. lusit ad hæc Silius:

— *Fulvo certaret ut auro*

Vestis, spirantes referens subtegmine vultus.

At hæc illa ætate, & in nouitiâ tunc reperturâ, quæ ferè pretia à nouitate metitur. Quæ si vestra vidisset, nulla satis digno pretio cōpensari potuisse arbitrata foret: nunc frequentia vilitatem pretio perperit, ita abundantia semper in se ipsam contumeliosa est. Idem videmus in omni re. apud barbaros enim quosdam quia copiosum & vernaculum est aurum, auro vincitos in ergastulis habent, & diuitiis malos onerant, tanto locupletiores, quanto

nocentiores. cùm contrà peregrinitas vbique gratiam repererit, à quâ res quæque pretium possidet. De varietate verò, & in numero propè colorum in vestris lusu, quid dicam? superat res ipsa fidem, adeò in immensum creuit, ingenio superante naturam. nullus hîc color abest, cogita quem voles; ac si exemplum poscis, nulli pauones, siue quâ colla florent, quâ terga fulgent, quâ caudâ iacent, tam variâ vestiuntur plumâ, quâm sæculi nostri vrbis que vestræ tapetia: ita multicoloria, discoloria, versicoloria videas, totiesque propè mutanda quoties mouenda; ac in omni flexu reflexuque alium atque alium colorem ostentantia: vt nescias an ludat aliquis error in re seriâ firmâque. Hoc, vt reliqua taceam, singulare, non reperi parem in Europâ locum, tam diuite conditorio, tam cōcinnâ commodâque in omnem venditionem opportunitate, vt non aberrauerit, qui illum cum Orientis alite, de singularitate famoso, de posteritate monstruoso, qui semet ipsum funerans renouat, natali fine decedens atque succedens iterum Phœnix, contulerit. omnia respondent. vnicusest Europâ, adeoque Orbe toto, locus seipsum funerat, cùm venditione atria nudat: & tamen, nisi nudet, aut pereant opes, quas ipsum emedulet ignauum sterileque senium, aut non succedat posteritas, nisi locum secuturis priorum secessio faciat dupli fœnore, venditione, emptione; toties-

totiesque iterato, donec tandem haec in orbem
decessio successioque dominum locuplete beat
aerario.

Possem hic de domo Hansaticâ : & fors aliquid <sup>Hansati-
ca domus.</sup>
iure poscat suo : parebo , sed paucis . Protenditur
longitudo in ducentos & octoginta plus minus
pedes, latitudo minor est. absolvitur contabula-
tionibus tribus. prior augustis laxisque in omnem
partem seruit atriis, merciumque custodiæ . re-
liquæ trecenta complectuntur cubicula , quæ
singula , singulis mercatoribus sufficient. rarum
hoc: & dubito, an in vllâ gente. turris domui im-
minet Corinthio opere conspicua ; quæ latè qua-
quà versum, quidquid in vrbe , quidquid in vici-
nis agris, flumineque, læto prospetu retegit.

De Arce verò vestrâ quid dicam? quid simile ^{Arce.}
reliquus ostentat Orbis? quid Circus Cesaris, quid
Cavea ad hanc Scauri; quid theatrum Curij; quid
Labyrinthi portentosissima humani ingenij ope-
ra; quid Gnidij turris? quanta procurrentia in-
mutuum subsidium propugnacula? quanti in to-
tius operis tuitionem surgentes colles? Quid re-
feram commeatum, quid apparatus bellici re-
conditoria? quid reliqua siue in ipsâ arce, siue
extra illam tutoria propugnationis loca , quæ
pediti, quæ equiti, quæ procurrendo, quæ defen-
sando, sufficient? noua in singulis miracula qui
dixerit, nusquam aberrauerit.

Aqua-

Antica (se p. 146)

Aqua-ductus, Anthlea, machina Ctesibica.

VEnio ad Aqua-ductus, Architectonicæ non ultimam laudem. Magnum omni antiquitate miraculum aquæ-ductus Romani. siue quos Q. Marcius Rex, Senatus iussu, actis per montes cuniculis, præturæ suæ tempore adduxit; siue quos Agrippa in ædilitate, centum & quinque salientes, ac septingentos lacus; siue quos Cæsar auspicatus, perfecit Claudius; à lapide nimirum quadragesimo ad eam excelsitatem, ut in omnes vrbis montes leuarentur fontes: in quod opus erogatum seftertiū ter millies. at ego nescio a vester labor, cum absit ab impendio, ingenio cedat: cum in vnam domum aquam coëgisti, quæ exinde in omnes defluat officinas cereuiasieras; tantumque singuli nullo labore admittant, quantum res postulat, nusquam deficiente flumine. nec ingenti hîc morâ opus aut tempore, momento propè cuiuscumque sitim explet: neque spem fallit mentita copia, aut exarescit diues vena: quantumque haurias, semper supereſt; semper reperies quod erogando ſufficiat etiam ſitientiſsimis cacabis, nocteque dieque omni, tot locis, tantâ vrbe calentibus, bullientibus, haurientibus: quæ non huic ciuitati tantum, ſed & vicinis ſufficiat. Quoties aquæductus Romani ſedrunt, aut exarescentibus fontibus elementum nega-

negarunt? quoties subito languore populum frustrati; quoties plenâ morte ad dura consilia coegerunt? At vester labor, perpetuatura dedit, & quæ tot iam annos nullum non dico senium sentiunt, sed nec attritionem iuuentæ. perstant enim pari re dhibitione quâ primâ die: hauriuntque, largiunturque eadem felicitate; cùm nec quod hauriatur deficiat, nec quod largiatur desit.

Quid Anthleas referam ingenioso aquam *Anthleas
rum usus
& fre-
quentia.*
subiectantes suetu; dum è terræ visceribus collatam aquam cribro, modiolus haurit; vectisque depressione in sublime elatus embolus, aquam fugit sequente elemento, ne per inane spatum frustretur conatus, naturâ vacuum auersante, inferiore assario aditum receptui præbente, superiore verò incumbentis aquæ pondere presso: hinc vectis eleuatione dum deprimitur embolus, dum assarium infernum, aqua que in modiolo est cluditur, assariumque supremum loco cedit ne obsistat embolo descendenti; iterataque vectis depressione emboloque elato, quæ superiore sterat aqua loco, in castellum euehitur, superiore depresso assario; eademque operâ noua ab imo putei aqua exsugitur, locum faciente assario inferiore; perpetuo quasi suetu, succedaneâ quâ depressione quâ elatione, indefecta hic aqua est. Neque hæc, quasi laus istæc vna debeatur vobis, Anthleamq; reliquus ignoret Orbis: verùm quòd

propria laus sit vestra , tantam huius passim h̄ic
esse frequentiam, vt raras vrbe totâ reperias do-
mos,quæ non diuite illius gaudeant vberē, è quo
inlatentem aquam terræ,tamquam matrici,pro-
nâ faciliq;ue quisquis volet, etiam puer , hauriat
manu; cùm reliquorum vrbes Regnorum,vnam
aliquam alterám ve, tamquam vnum alterúmve
enumeret miraculum.

*Machina
Ctesibica
vbris.* Frequens exhinc machina Ctesibica Anthleæ
iuncta; vt quam hæc è terrarum intimo exsuxit
aquam, illa in eminentiora felici protrudat robo-
re; vnde naturali suo delapsa pondere , per inuer-
sum siphonem in subiectum deducitur labrum,
è cuius medio transmeatoria fistula in fontem
salit: ita naturam ars imitata fortunatâ æmulatio-
ne quid non audet? quidque adeò non assequi-
tur dum imitatur? vt nescias cui in hac æmula-
toriâ pugnâ palniā largiaris: ita quos negauit
illa fontes,ars dedit,tam variè ludentes, salientes,
vt & h̄ic natos arbitreris: & mireris ingenio na-
turam superatam ; cùm hæc, vno ferè fluxu, h̄ic
diuite, alibi paupere venâ , aquea largiatur dona:
ars verò innumeris propè modis: à quâ Nympha-
rum vbera aquâ pro lacâte fluunt; & Bacchus aquâ
pro vino fundit; sed & capite Satyri, aquam su-
dant tamquam à fatigato cerebro : iam & pedes
aquam spargunt, quasi reliquo indignentur cor-
pore: nec rarò tamquam de viuâ rupe videoas sa-
lien-

lientes; aut tamquam è Iunoniâ lauatoriâ specu.
& excipit omnem hanc aquam marmor varium,
hîc candicans, ibi vndatim crispum, alibi versico-
loribus maculis viridiique passim intercursu; quin
& vermiculatâ ad effigies rerum & animalium
crustâ fons totus integitur. quem si quâdo natura
ornatum negauit, pingi patrios videmus lapides,
maculasque his inseri, aut purpurâ distingui; ta-
lesque planè ostentari, quales deliciæ & admiratio
optarent. Hæc vestra, non quòd laudem ex his
speretis, ac ne admittatis quidem: sed neque ego
hîc luxuriæ interpres: verùm vt sciant omnes,
& habere vos hæc, in quibus veteres, Mamurra
Romanus Eques, qui primus Romæ marmora
secare, luxuriamque diuidere docuit; M. Lepidus,
qui primus è Numidico marmore limina posuit;
L. Lucullus, qui ante omnes è Nilo atrum inuexit
marmor, cui & de suo nomen dedit; pluresque alij
variâ luserunt ostentatione; & contemnere ta-
men, nec laudem ab his velle. quo maior gloria
est habuisse, nec in magno posuisse pretio, nec ali-
ter vsos quam patrio lapide.

Est & aliud in hoc genere quod meritò veteri-
bus componamus. magnis illi ingeniorum con-
tentionibus, tamquam sæculorum suorum mi-
raculum, celebrarunt hortos pensiles; magis
etiam oppidum; exercitus armatos solitis regibus
subter educere, maximeque flumine medium

oppidum interfluente. Quæ de Aegyptiis Thebis fabulatos veteres credit Plinius, miraculo rem superante, hoc propè in vrbe vestrâ videmus. quantæ subterlabuntur aquæ, quæ quamuis onerarias nullo sentiente deuehant? vt & infrà nauigent, & suprà perpetuo ponte inambulent hominum millia; quæ nec subterlabentia flumina, nec sentiant naues.

Ingenium, Iudicium.

INgenio plerique bono, iudicio firmo, solidique, & quod moderatione quâdam & innatâ temperie iudices ad Rempublicam natum. Nam illa calentia, & tamquam de cacabo bullientia, Numidicæ, aut Pôticæ potiùs pharetræ & iaçulis deuoueris. quòd si nimium etiam erigantur, surgantque in immensum, præcipitio proxima sunt. Et vt segetem nimia sternit vbertas; & arbores prole suâ ruunt; ac perrarò maturitatem attingit nimia fecunditas: ita ingenia immoderata felicitas sua destituit, & trahit in perniciem, in temerarios ausus, in extrema conamina: è quibus plurimum infortunatissimi euentus, dominuinque, familiamque, nec rarò Rempublicam vniuersam, uno impulso in exitium daturi. Ferè namque magnis ingeniis, magna damnumque datura innasci videmus vitia: ac vix magnos ex non magnis ingeniis errores prodire. Quid, quòd & æta-
tem

tem rariū ferant? disces ab igne, qui quo fulsit clarior, eo extinguitur citiūs: viuacior est qui cum lentâ difficultate materiâ commissus, fumoque demersus ex sordido lucet: eadem enim detinet caussa quæ malignè alit. Sic ingenia, quæ illustria, breuiora sunt: nam ubi incremento locus non est, vicinus occasus est. & non acumina, quo tenuiore cuspide, citatiūs franguntur? nam & validissima si ad ultimum tenuantur, infirma sunt: ita robur omne tenuitas atterit. Idem in ingeniis reperies, in quibus non tantum aciem quâ penetrant, sed & robur exoptamus quo persistant. quod in summâ acie, aut numquam, aut perquam raro, eueniet.

Hanc temperatam aciem, & robore subnixam <sup>Belgarum
ingenia.</sup> suo, hîc inuenies. potestque hoc de vniuersis Belgarum ingeniiis affirmari, ad omnes nimirum artes scientiasque à naturâ facta: vt nec ad penetrandum difficultia acies viresque desint. cùm Belgica constitutio ferè sanguinea sit, omnium temperamentorum nobilissima. cui cùm accedat aliquid melâcholiæ quasi terreum, quo quæ impresferis tenaciūs adhæreant; cholerae etiam quantum satis est ad res magnas aut audēdas, aut finiendas; fit vt Belgica constitutio non facilè cuiuis cedat. Neque enim opprimitur phlegmate, vt quorundam nationum aliarum, ac mulierum vt plurimum, quo minūs capessendis scientiis idonea.

quid enim aquæ impresseris, quod non elabatur,
aut quod ætatem ferat? Neque melancholiâ fati-
gatur: quod vbi fit, quid sperari generosum potest?
Nam quis nesciat inter elementa ignobilissimam
esse terram, quæ melancholici humoris viua
quædam expressio est? Sed neque tenuioris ac
volatichi cuiusdam sanguinis copia redundant: quod
cùm accidit, in nusquam satis firma aut perenna-
tura consilia mens agitur: ita videmus aërem san-
guini quodam modo collactaneum, leui vento
momentoque in omnem rapi partem, nulloque
satis stabili firmoque loco consistere. ac licet ma-
gno, non raro, in obuersantia ruat impetu, pari
propè quo ruit, frangitur, nisi solidioris elementi
mixturâ aërea hæc leuitas tēperetur. Belgas pro-
inde cùm nobilissimæ temperaturæ videamus, in
quâ, & probatissimus sanguis vitæ principium ac
quasi vehiculum dominetur, & melancholia
fluxum illius, innatâ sibi siccitate sistat repre-
matique, & cholera animos addat, & permistum
phlegma, tamquam suffuso frigore calorem tem-
peret, quis de ingenio dubitabit?

Non diffiteor interim cholericum contextum,
calidum & siccum, scientiis accommodatissi-
mum, vt in quo, & tenuior materia, & potentior
calor, nobiliores potentioresque spiritus generat;
ac non nisi secundum in scientiis locum sanguineo
tribui, calido nimirum & humido; tertium
melan-

melancholico, frigido & sicco; quartum phlegmatico, cui hebetatior, minorque quam in melacholico calor est: omnium tamen ad quas voles scientias contextus ac temperies optima est, si cholera melancholiam habeat sociam, & sanguinis plurimum, & phlegmatis modicum; ut & aestus tamquam infusa retundatur frigidâ, & magnam optimorum spirituum materiam optimus plurimusque sanguis suppetat; & si quid in hoc fluoris nimium, adnatâ sibi melancholia ariditate exsuccidet.

Neque ignoro melancholicos & phlegmaticos reperiri, raro diuinoque quodam ingenio, & qui cum reliquis de principatu certent: at hoc euenire necessum est, è capitis aliâ diuersaque, à corporis reliquo, temperie, cùm cerebrum, vniuersaque capitis organa, à cholericô aut sanguineo obſidentur humore: cui permista melancholia, quæ cogitabundæ ac sollicitæ mentis parens est, magna ſolet ingenia promittere. Idem videmus in diſſimili euentu; cùm enim cholericî gracili plurimum & proceriore ſint corpore, mediocri ſanguinei, exili melancholici, pregrandi phlegmatici: reperies hos exiles, melancholicos ingentes, prout quisque copioso diuiteque, aut paupere prognatus ſemine eft.

Quòd ſi exemplis res firmando; euocari in teſtationem omnis retrò potest memoria; illa nos doce-

docebit, vt non dubitem nostrorum cum primis Orbe toto ingeniis componere. Nam vt à Poëticâ exordiar, quis post Horatium, Lyrico clarior versu Torrentio; aut dignior monstrari digito prætereuntium, tamquam alter iam

Romanæ fidicen Lyra?

Ille mearum aliquando

Grande decus columnæq; rerum.
ille dum fata finerent,

— *animæ dimidium meæ.*

O sequar! imò cur non vñus dies vtramq; duxit ruinam? nam quæ hæc vita, cùm partem huius animæ & meliorem Parca rapuerit, animā dimidiāns vnam? quamquam quid queror raptum, qui

Iam Dedaleo ocior Icaro

Visit gementis littora Bosphori,

Syrteisq; Getulas canorus

Ales, Hyperboreosq; campos.

Quem Colchus, & qui disimulat metum

Marsæ cohortis, Dacus, & ultimi

Norunt Geloni: quem peritus

Discit Iber, Rhodaniq; potor.

Absint ergo — *inani funere nenia,*

Luctusq; turpes & querimonia:

cùm ereptus licet terris, concessusque cælo, monumentum post se reliquerit Belgis, Orbiique quæ patet, omni ære perennius,

Regaliq; situ pyramidum altius.

Trans-

Transeo ad omnisciâ scientiâ magnos; nec in vno,
sed in omni litterario circo gladiatores nobiles.
Erasmus, & Lipsium, & magnum, quem dixi,
Torrentium quis ignorat? audeo: quis, quibus
componat, nō in vno aliquo genere, sed in omni?
Quis Goropium Becanum in sterili fecundum
materiâ? In magnis magna potuisse quis mirabi-
tur? in pingui fecundum enatum germen solo,
quis laudabit? at inter tesqua & confragosa, sub-
tracto campo tenuisse cursum, aut retulisse viren-
tium fructum pratorum, & vndique irrigui soli,

— quantumuis superbo

Materia satis est triumpho.

Iam quanta in vno homine historiarum, lingua-
rumque, omniumque quæ vbiique sunt scientia-
rum cognitio? quanta in re propè nullâ varietas?
tamquam si quis in muscâ, formicâ, aut ape, in
ampullâ oleariâ, in orbiculo aut annuli palâ, docto
ingentiisque ludat volumine. Benè Torrentius
magna complexus paucis:

*Priscas sed artes doctus, & ingenI
Pradines, alma Palladis in sinu
Nutritus, Ascrais sub antris,
Thrëicio meditata vati,
Et sacra Mosi tradita, dum pius
Seruas ab alto tamquam Helicen mari,
Das vela ventis, & secundo
Pernolitas vada salsa cursu.*

I

Qui

Qui si materiam delegisset calamo parem , quantus exurgeret , quantumque dedisset portentum litterarium? quamquam eo admirabilior, quo, vti dixi,in tam leui areâ, tam arctâ, tam malignâ terrâ, tam insuetâ respondere labori, tantam erexit molem : vt non immeritò quotquot amant litteras , obstupeant vnum hominem in tam arenti colle, tam exsuccido ac ardoribus emedullato, tanta protrusisse , frondes , flores , germina: mirenturque quotquot legunt,vnum tam numerosâ arte multiscium , totiugi scientiâ magnificum,tot verborû linguarumque ad originem pri-
mumque genus ductorum Dædalum . Scio non defuisse qui è litterario puluere admorderent eminus. at quisquis proprius inspexerit,ingentem hîc videbit clypeum, Palladiâ formatum incude,

— *vnum omnia contra
tela inuidentium,*

— *septenosq; orbibus orbes
scientiarum implexos.* vt non vereatur aut Ca-
milli iacula,aut Turni rupem

— *vacuum per inane volutam;*
sed neque aliorum quemquam qui contra stete-
rit. Experiatur qui volet, si non

— *in mediis conatibus agro
succidant labentque genua , si non illum lingua,
calamus,notæque alibi destituant vires, speret se
aliquid posse.Fuerit è quacunque speculâ bella-
tor,*

tor, emittatque quantius roboris hastam,

*Illa volans, humeri surgunt quâ tegmina summa
si inciderit, — atque viam clypei molita per oras
fuerit, fôrs — magno stringet de corpore
Goropij nostri: at stringet tantum; ut nihil referat
extra Pallantis conatum. Vbi enim omnia specu-
latus, interminatus fuerit, nihil emittet aliud,
quàm optare se aliam pugnatori nostro fuisse ma-
teriam, tamquam agrum, in quo se virtus erudi-
tioque tanta ostentaret. Plura si ausus, maiora-
que nouus Lausus imparibus aggressus fuerit ar-
mis, aliud exspectet telum penetrabilius suo; quod
quocumque vallatum aggere, quocumque cly-
peo tectum, perque omnia ferri terga, per aris,
perque circumducta septemplicis tauri terga,*

— medium transuerberet ictu,

Loricag̃ moras & pectus perforet. unde

Vnâ eademq; viâ sanguisq; animusq; sequantur.

Et terram hostilem moriens petat ore cruento.

Iam Philosophos ac Theologos, magna nomi-
na, dignissima nō moriturâ pennâ, quid referam?
Henricum à Gandauo, Bassolium, Alliacum,
Petrum de Bruxellis, Richelium, Briardum, Tap-
perum, Driedonem, Adrianum Sextum, Pi-
ghium, Cunerum, Rithouium, Iansenium, Linda-
num, Canisium, aliosque inumeros.

Scio in variâ gente magnos, Thomam, Bona-
uenturam, Ariminensem, Lombardum, Caieta-

num, Siluestrum, Antoninum, Senensem, Italos:
 De Rubeone, Victoriam, Sotos, Medinas, Nauarros,
 Toletum, Fonsecam, Molinam, Hispanos:
 Albertum, Argentinam, Conradum, Germanos:
 Durandum, Aureolum, Capreolum, à S. Victore,
 Aluernum, Gersonem, Vorilionem, Bruleferum,
 Sanctesium, Feuardetium, Gallos: De Hales,
 Mayronem, Occamum, Catonem, Goddam, De
 Media-villâ, Anglos: Scotū & Maiorem, Scotos.
 At ex vnâ gête tam varios, quam ex vnâ Belgicâ,
 nescio an educas. ita ad omnem sciētiam cōpositi
 à naturâ Belgæ. quos inter, nulla, vniuersim ve-
 stris moderatione ingeniis, reperies. Fateor, quæ-
 dam plus habere caloris, ac quasi ignis; sed quæ
 modestiâ aut superarent, aut certarent, nulla in
 hanc diem vidi. Neque hîc de ignauâ quâdam
 & phlegmaticis adnatâ, sed de maturâ & san-
 guineis ingenitâ, modicâ melancholiâ tempera-
 tâ, consiliis & imperiis dandis aut accipiendis
 aptâ modestiâ, mihi verba: quam apud vos video.
 quo vel solo nomine beatam hanc Rempubli-
 cam meritò dixero. nam ut alij adducant alia,
 ingens hinc laudum æquor est; quod qui enau-
 gauerit, næ ille mihi magnus erit, dignusque
 quem omnes.

— carmine perpetuo celebrare, & cuius
Vndique decerptam fronti præponere olimam
 vnâ mecum volentes lubentes adlaborent.

Eru-

Eruditio, litterarum amor.

Scio paucis opus esse ad mentem bonam litteris. vbi tamen hæ fuerint, quis spernat? via sunt ad Virtutem. non quòd semper ducem suum sequatur miles: quanti in medio puluere, imò in supremo, desertis victricibus aquilis plus pedibus crediderunt quàm ferro? damnabis ducem? damnabis victrices aquilas? damna ignauum militem. Idem cogita de litteris. manu ducunt ad optima, ad coronas. sequeris? næ tu beatus. contemnis? contempti sideris pœnas verere. Est tamen, fateor, ut ceterarum rerum, ita & litterarum quædam intemperantia. nec tam vitæ, quàm scholæ, quàm vanitati, quàm curiositati discimus. Intemperantium quis probet? numquam illa bona est, etiam in re optimâ. atque hoc inter felicitates huius vrbis pono: temperat hunc ardorem, & longius manum remouet ab hac vrticâ. Neque tamen omnino caret litteris. quas cùm quidam, alienæ semper famæ viperæ, aut abesse ab hac longius, aut altè hic sepultas inclament, operæ pretium fuit illas tangere. satis enim, ac nimis diu etiam, per effusa æmulationum venena, eruditio amorque litterarum vester maceratus iacuit; eruenda nunc illa, & è tenebroso delitescentiæ recessu, euocanda in lucem: ita solares radij, per bibulos atomos, in latentem terrę visceribus aquā

eruentes, produnt arcanum silentis elementi. facit idem admirator & laudator calamus; quæ latebant ingenia, obliuione tamquam saxe mon-tis oppressu sepulta, dum publicat, redanimat in vitam. Ergo deterso malevolentiæ puluere, ori etiam calamisqué rubigo submouenda; vt videamus an tam litterarum inops, tam eruditio-nis egens fuerit Respublica hæc, vt aut nulos edide-rit mater; aut lactauerit nutrix; aut insertos tam-quam arbori bonæ, de opimo trunko protruserit, velut germina, flores, frondes, secundæ iam ma-tris felicem sobolem; quæ non tantùm seris, vici-nisqué daret nepotibus umbram, sed & opulen-taret fructibus.

Possem enumerare non Phœnices, qui anno quingentesimo nascantur, sed uno sæculo pluri-mos. neque tamen omnes ab eruditione, tam-quam botrum à grauidâ vite, laudem sibi ali-quam posteritatiique decerpunt. Et quem oble-ctet par omnium eruditio? non est admirationi paritas. varium sit quod delebet. sic ubi in eam-dem altitudinem tota silua surrexit, nemo mira-tur arborem, cuius superbum verticem lambunt nubes. & ferè mediocria, aut in turbam nascen-tia, plurima sunt: eximia ipsâ raritate commen-dantur. Idem reperies in ingeniis. pauca caput exerunt. & inter hæc paucâ, multi in vrbe hac, felicia aut vtero, aut vbere illius. neque enim tan-tum

tum matricem terram, sed & altricem, alteram parentem dicimus: quare vtrorumque laus, vrbis est huius. Enumerare hic possem, Sonnios, Torrentios, Aegidios, Seruilios, Læuineios, Becanos, Aialas, Schetzios, Flemingos, Viuianos, Masiros, Del-Riones, Grapheos, Ortelios, Bochios. qui, quamdiu fuerit vllus honos litteris, quamdiu steterit, aut Latiae potentia linguæ, aut Græcæ gratia, cum primis orbe viris magnis comparabuntur. Non attingam viuentes, & in flore adhuc suo luxuriantes: nolo enim hunc campum inuidiâ grauidum: & possem tamen; hic nobilem Latialis dictionis purpuram, tamquam *Sarranis ebriam succis*, multa promittentem, multa dantem; ibi cæsuratim succinctam, nec tam fluxu quam rebus dictionem amplam, plusque docentem quam dicentem, ut in quam, thesaurorum more, plus opum in recessu, quam in superficie ostentationis. Hanc talem, paucis multa cohibentem, & pectus citius quam paginam impletentem, videbis in plurimis: quos solâ rerum copiâ diuites, verborum parcos potius, quam opulëtos, vberè Respublica hæc profundit sinu. Possem deinde in omni recensere litteraturâ magnos. possem Euclides mensurâ fortunatos, Chrysippos numeris faciles, Archimedes radio felices, Vitruvios ad perpendiculum factos. possem è Rheturum spatiis vernantes Hortensios, persuadentes

Tul-

Tullios, vincentes Demosthenes. possem è Poëtarum hortis, tamquam ex Alcinoi pometo, Midæ roseto, lilia & violas, & rosas, & omnem florē frondemque nobiliorem, Parnassico multorum vertici attexere, non minore iure, quām Saturnum memorat Pherecydes, Iouem Diodorus, Iunonem Callimachus, Liberum Harpo-cration, vario auctōs coronamine; nec inferiore, quām ausi veteres, Ariadnen gemmis, Herculem oleastro, Apollinem lauro, Isidem coronare spicā. Et vt fuerit illorū de mendacio erubescenda coronæ origo; vestrorum de veritate nullam habet ruboris caussam. quodque supra hæc magis etiam meritò, quisquis est, miretur, in ingenti negotiorum mole, & quam arbitremur intimicam studiis, dum solam quis credat vos Scaldam potare mercimonii amicam, reperiet totis labris Tyberim ructantes, ac Quirinali plenos fonte, magnâ vbiique medullâ sensuum, rarâ verborum spumâ; idque seu liberam, seu ligatam alternare placeat dictionem.

Nolo pluribus. nec si velim, possem tam grandem gemmam tam paruo auro includere. Venient posteri, qui validâ oratione, magna hæc nomina sacrabunt æternitati, nullo liuore, rubore nullo comite. Nunc & hic vetat, & infames ex illo latratus; & verecundia multorum, orisque pudicissima teneritudo; quæ constantiore vultu male.

maledicentia fella , quām laudum mella perferret. ergo sileo , & silentio magnitudinem testor. addam ; & finio ; vnam me hanc arbitrari vrbem Europā totā,in quā opes & omniscia eruditio pari propè inambulant gradu . Felix Respublica , quā fortunæ munere, quā ingeniorum fecundā vberitate. Hac enim, raro mortalibus exemplo,inendorabili nexu iungit,quæ nemo putasset posse,diuitias, & litterarum studium : docetque,in eodem pectore eruditionem & opes stabulare posse,contrā quām plerique arbitrantur ; nec solam paupertatem eruditam , sed & doctum aurum reperiri . „ Et verò paupertas aut opes , nihil addunt admuntque scientiæ : animus est , in quo vno omne studiorum momentum . Neque opibus tenaciùs semper diues, neque tenuitati suæ minùs incubat pauper . vt enim tam molestum comatis, quām caluis , pilos euelli : ita plerisque pauperibus ac locupletibus euenit; par vtrōbique tormentum , si quid demas; vtrisque enim pecunia sua , ingens attenuis,adhæret. neque argumentum eruditæ mentis sunt, vt nec bonæ, stramenta & nuditas : plerique hæc necessitate patiuntur; non malunt, non elegerunt ; carere vellent si possent : ac plus sàpè opum animo possident , quām qui diuitiis circumfluunt.

Temperantia, in cibo, in potu.

Non negauero vicinam Germaniam aliquid liberalioris vini in Belgas depluisse. ita vici-nitas noxia est. Fuit, cùm vniuersim Belgæ nesci-
rent vinum; nec quisquam ad potum iret, nisi impellente siti; quam, plurimùm, aquâ restingu-
bant. defluxit inde, tamquam ab Alpibus nix vbi incaluerunt iuga, à Germaniâ largior vini usus;
cùm antè, ut dixi, & vinum & vitem ignorarent.
Verùm hoc malum temporis malignitas, si non penitus sepeliuit, temperauit, & ad mediocrita-
tem deduxit. Nec erubesco fateri errorem, quo carere nunc delestat: nemo proficiens erubescit.
Ac licet se remiserit, qui inualuerat usus, ac tam-
quam scabies quædam magnam corporis partem tenuerat; nusquam tamen se repressit magis,
quàm in vrbe hac vestrâ: testes mihi, singulorum conscientia, & qui in vrbe hac exteri. Benè, pru-
denter. nam si intucamur, quales omnes simus ante pabulum, & potum, in virgine adhuc saliuâ;
si non multo pollentioris mentis, viuacioris cor-
dis, quàm cùm totum illud domicilium interioris hominis escis stipatum, vinis inundatum, deco-
quendis excrementis inæstuans, præmeditato-
rium efficitur latrinarum, in quo nihil tam in pro-
pinquo supersit, quàm ad lasciviam sapere, men-
tior. Exulare proinde à vestris iam mēsis, omnem
hanc

hanc voluntariam, hilaremque insaniam, quam in ebrietate videmus, quis non laudauerit? Intueamur ebrium, eumque, vel in vino suo tamquam capulo sepultum, quid desiderabis praeter pollinctorem? vel bacchantem, numquid de furore dubitabis? Iam si sui proditorem, hoc est arcanorum suorum, videris, quid dices? ut enim onerati mero non continent cibum vino redundante, ita nec secretum: quod suum, quodque alienum est, pariter effundunt. Scio inter pocula quosdam tacuisse: noui Tillium Cimbrum, L. Pisonem, Cossum: sed rara haec exempla, & non nisi saeculo integro, vnum, aut aliud: de iis loquor, quae plurimum eueniunt. Latebat antea vitia, aut simulatione, aut pudore, aut ratione victa: accedit ebrietas; nihil propè arcanum est, emergit quod latebat. Neque enim tam facit ebrietas vitia, quam prodit. tunc enim libidinosus nec tenebras expectat; tunc impudicus morbum publicat; tunc petulans nusquam manum continet, nusquam linguam maledicus: crescit insolenti superbia, saeuo crudelitas, malignitas liuido: omne demum vitium detegitur: resurgitque ante omnia libido, quae annis saepè integris iacuerat emortua; aut sanè, quae langurat, vires resumit, maximè dum propinant vinum vasa adulteriiis cælata; tamquam per se parum doceat libidine temulentia, ut necessum proinde sit vina ex libidine haurire, si lasciuire lubeat.

Cogitemus deinde vniuersum hominis habitum
mero effervescentis; dubia, & parum explicata
verba, & parte mediâ comesa; oculos incertos,
flammeos; pedes errantes, & quibus

— *terra turbesq; recedunt;*

halitus fœdos, nec cadum tantum, sed purulen-
tiam deructantes, & latrinis spurciorem spiritum;
rerū exinde obliuionem & memoriæ quamdam
mortem. Quid si ipsum hominem egrediamur,
& quæ adiacet circumspetiùs cogitemus; damna
& incommoda nata qualia à nullo vitio? quantas
ebrietas gentes, quām validas, hostibus tradidit?
quanta patefecit propugnacula? quantos ad fer-
rum sanguinemq; impauidos, fregit, & edomuit?
ad quæ non pudenda, nec cogitata antè, compulit
viros magnos, quis ignorare potest, nisi qui Noë,
Loth, Sampsonem ignorat? & quæ res alia Anto-
nium, cetera magnum in Romanâ Republicâ,
perdidit, & in externos mores & vitia traiecit?
quid magnum Macedonem? vixisset Clytus, ni
maduisset Rex mero.

De Deo verò, quid dicam? quis illo tempore
recordari Dei potest, quo ipsum sibi hominem
excidere solenne est? Fallor, si non Dominus ple-
nitudinem reputat, cùm obliuionem sui Israëli
exprobrat: *Incrassatus est dilectus, & recalcitrauit:*

Deut.. 32. incrassatus, impinguatus, dilatatus, dereliquit Deum factorem suum, & recessit à Deo salutari suo. Si in-
crassa-

crassatus oblitus est Dei, quid faciet consepultus
mero, & voluntariâ hac morte exutus rationali
vitâ, quâ vnâ Deum veneramur? Sapienter itaq;
vos omnem hanc animorum pestem excluditis.
conatur irrumpere? obnitimini. & quo hone-
stior quisque, quo apud vos maior, eo ab hac labe
remotior.

Non quòd adeò seuerè vos velim rigidos, vt
conuiuia vniuersim ignoretis; quibus non tam
mero, quâm exorrectâ contubernialium sermo-
catione, hilarescit animus, & se supra se effert: at
Belgium gelu degelascit, taimquam à Solis diui-
niore radio, depositâ innatâ quâdam seuerioris
maturitatis conditione. Lælios accepimus, Sci-
piones & Catones, solitos interdum remittere
non parum de patriciâ seueritate, quam resume-
rent, quoties aut necessitas aut usus postulasset;
quamque iterum remitterent, quoties luberet, in
laxamentum internæ contentionis. Facitis hoc
vos, neque tam sordidè Euclionum more, apud
quos panis siccus, & sine mensâ prandium, post
quod non lauantur manus; neque tam splendidè
ad Aesopi patinam, in quam videas coactos in
vnum omnium sapores; neque tam tenuiter è
Stoicorum disciplinâ; neque tam moderatè è Fa-
briorum foculo: sed mediâ viâ infima summis
miscentes, ac ad benè viuendi temperiem, extre-
ma hæc, rigorem & profusionem, deducentes: vt

& amicis non semper ostia pandantur , non semper claudantur; tempori & bencuolentiæ, mores vitamque attemperantes. Venit etiam hoc à Stoicorum scholâ, qui in exultationem libertatemq; extrahi aliquando volunt animum, tristi paulisper semotâ sobrietate ; ita tamen, vt cùm mensâ amicum exceperit, Zenonem, Tuberonem, aut Attilium aliquem assedisse sentiat : surgaturque è conuiuio ad negotia , & consilia etiam de Republicâ danda.hoc est Stoicè conuiuari,cùm nihil de prudentiâ, de futurorum prospicientiâ , de præteritorum memoriâ detraxeris : cùm è mensâ surgis ad priuata, aut publica administranda: cùm denique si quando exorta sit hilaritas alienâ causâ longius producta , citra tamen ebrietatem illa peragitur. Non hoc est cum Senecâ & Metrodoro de temperantiâ certare? Nullus apud vos Hortensius, qui super decem millia cadûm heredi Alcibiadi, Diotimo, Xenarcho, Heraclidi, Nouellio, Torquato, aut Parthorum alicui, tanto plus fitienti , quanto plus biberit , relinquat: nullus Nomentanus in mensâ , recognoscens omnium gentium animalia : nullus Apicius qui veneno vitam finiat , cùm sestertio centies viuendum sibi recognouerit , postquam sestertiûm millies in culinam coniecerit: nullus Æsopus, in cuius patinâ fiat, quod fieri debebat in ventre . nusquam hîc cibus redditurus, quâ intrauerat : nusquam vinum remetiendum, quâ

quà venerat. nemo æstiuam niuem nouit, solatium stomachi æstuantis: nemo ab vltimis euocata terrarum, aut à postremi maris ignoto littore, in erectionem stomachi labantis: nemo piscium faniem, falsâ tabe præcordia vrentem, aut similia luxuriæ portenta. Infelicis illa incontinentiæ tormenta sunt, discere ab his quemadmodum non impleas ventrem, sed farcias; quemadmodum sedatam sitim reuoces, quasi non in aliud, quàm ad perdenda sis vina genitus, & tamquam hæc effundi non possint, nisi per humanum corpus. Miseri, qui non intelligunt maiorem se famem habere quàm ventrem. At vobis cibus est, nullâ arte corruptus, nullis condituris ad irritandam famem digestus: ex hoc nulla laterum concussio, nulla dentium; nullus neruorum tremor, aut in incertum labantes pedes; nulla suffusio luridæ bilis; non vultus decolor, non neruorum sine sensu iacentium torpor; nulla oculorum stomachique supplicia: non genæ pendulæ, non oculorum vlcera; non tremulæ manus, effudentes plena vasa; non furiales somni & inquietes nocturna, cuius non semel præmium libido portentosa, & immane nefas.

Castitas.

VXorem quisque suam sibi iungit, in eâ posteritate in amat: reliqua lasciviarum genera igno-

ignorat, & monstra arbitratur, non delicta. De matronali pudicitia nihil dico, adeo eas ad modestiam natura fecit, educatio perfecit, ut nulla in iis aetas periclitetur. Intuere vultus: videbis facies frugi, & diuinæ condignas disciplinæ; ut arbitreris numquam viro iunctas: plerasque etiam nec viro credas notas, ita perpetua illis adhæret comes verecundia; ut etiam multorum filiorum matribus rubor suboriatur, si quis importunior inconcinnius verbum iniecerit. putas in perpetuâ apud eas statione ruborem stare, verecundiæ signum, castimoniæ præambulam certamque testationem. Iam virgines ubi se intelligere cœperint, & pati nouum alterius aetatis, tam validè ingenuo pudore armantur, tantâ parcissimorum verborum circumscriptione, ut nihil desideres ad omnem verecundiæ murum. tam seria deinde oculorum,

Et castigata collecta modestia frontis
est, ut omnes Arabiæ virgines (quæ dimidiā contentæ lucem frui, ne totam prostituant faciem, vultum tegunt) vincant, si vir accesserit: quem nullo oculo vident; tam firmâ vtrumque custodiâ sepserunt. Curiosior hîc fortè quisquam virginum harum castimoniam proprius volet dinoscere: dabo quæ manibus tangi possint, solidæ continentiae præambula indicia.

Primum. Lauda. erubescens. signum hoc pudoris

doris est & virginis pectoris contestatio: semper enim virginem laudando, magis quam vituperando, confuderis: durior namque delicti frons est, ab ipso delicto impudentiam docta.

II. Intuere. timebunt. timor verecundiæ comes est, pudicitiæ custos, salutis fundamentum; præsumptio impedimentum timoris. Et quid timebunt? hinc intuentis oculum, inde Deum: ibi fallaciæ obtutum, hic censorium Dei lumen. Sed & curiosiori illi inspectori metuunt, edoctæ, virginem formam gladium fieri viro; quare & huic parcunt, salutis illius prouidæ.

III. Loquere. respondebunt parçè. loquacitas pudori inimica est: deuehit enim illa curiositatē libidinum vehiculum. Quin & prudentiam hinc disces: laciniösus namque sermo onerosus & vanus; compendium sermonis, ferè grauidum prudentiâ est.

IV. Familiaritatem venare. fugient. gaudent domesticis solis notæ; doctæ virginem publicatione sui periclitari, dum percutitur oculis incertis & multis; & si quando innotuerint, gradum retrahunt: solitudo, pudicitiæ tutamen est. Si quas tamē necessitas cogat in publicum, à matris latere non videbis seiunctas: hoc latus, vallum pudori suo struunt, & circumdant verecundiæ suæ murum.

V. Licentior aliquis, euigorantia quædam, &
L insueta

insueta illi ætati verba proferat, repercutient sanguinore aspectu, aut cum athletâ Cleomacho subtrahent se ab impuro hoc ore, cùm etiam carere velint aurium maculâ.

vi. Quòd si etiam quorumdam usque ad tentandum prorumpit improbitas, fluunt verecūdiæ lacrymæ; tamquā si peccassent, quòd alteri placuerent. Felices lacrymæ! dignæ pudicitiæ fontibus. Ex harum numero de æternâ virginitate censentur plurimæ; nubere nesciunt, nisi quòd virginitatem suam Christo nubât; illi maturitatem suam sponsent, in illiusque voluntatem totæ concedât: huic pigmentantur probitatis & castionię purpurâ; summamque voluptatem in voluptatum fastidio ponunt, summam gloriâ in inattaminatâ carne, in inexornato ac propè naufrago corpore. Claudio hanc periodum, & audaci verbo, sed vero. Exurge Veritas, & quasi de patientiâ erumpe. Annis quibus hîc sum viginti in vrbe hac magnâ, non indilgens morum obseruator, nullam inaudisse me virginem honesto loco natam, oblitam eò sui, vt in cuiusquam voluntatem ante matrimonium concesserit. Rarum exemplum; & quod in multis vrbibus vix de annuâ obseruatione affirmaueris, ego de annis viginti. Neque hæc ita tamen accipi velim, quasi in vrbe hac tantâ, populiique prodigiosâ frequentiâ, nullæ pudoris oblitæ sint sui; sed quòd hæ tales ex infimâ ferè plebe:

plebe: quæ non tam pudicitiæ, quæ egestatis pertæsæ, verecundæ inopiæ opulentam inuere- cundiam prætulerunt; aut diro promissorio maritalis thalami verbo, in alterius viri imperium concesserunt.

Liberalitas.

Liberalitas omnis aliquid habet diuini. Intue-
re cælum, terram, reliqua vtriusque ambitu-
cincta; tot arbusta non vno fœnore paritura, tot
flores non vno succo salutares, tot herbas non vni
morbo medicabiles; tot fortuita alimenta terræ,
tanto ciborum digestu, non ad satietatem modò,
sed ad delicias enascentia; iam animalia, terrea,
aquana, aëria; quasi omne elementum tributum
pendat homini: fontes deinde & flumina, anhela
æstuantiaque pascua rigantia, ignauentesque
campos, tamquam sterilentes matrices, pingui-
rore fecundantia; mutuisque commerciis viam
sternentia, quasi his ductoribus singulæ Prouinciæ,
singulorum etiam ab ultimo orbe regnorum
opes habeant vernacula: è quibus quædam statis
diebus horisque incrementa accipiunt, patiun-
tur decrementa, quasi conuehendis auchendis
que rebus nata. Quid referam maria, hic tor-
tuosis in oblectationem erroribus ludentia, ibi
relabentia, ac vestigia in se sua sorbentia; sed &
toto deuehentia dorso, non iam robora, sed in-

gentia nemora, humānarum subsidium egestatum? Quid dicam de medicatorum torrentium venis? quid de aquarum calentium balneis? quid de auri, argenti, æris, plumbi, ferri, omniumq; defossâ terræ metallorum opulentia? quid de Solis & Lunæ circuitu vicibus suis temperato, vt & prioris calore corpora foueantur, terra fecundetur, luxuriantia imbris pascua deaquescant, hiemis asperitas mollescat; huius verò tempore frugum maturitas riget, incrementis adolescat, totaque adeò natura rerum, hac quasi duce robori coadulescat suo? Reliqua verò quid referā; vt Solis splēdore impleatur, vt noctium tenebras temperet, vt humano solatio specula, quæ menstruus attruerat numerus, redornet? Quæ omnia, cui? cuiquæ videmus, si nō in vnius eunt obsequium hominis? cui hiemes & æstates, verna & autumna, cùm suis vicibus reuoluuntur? aut cui alteri quidquid hīc natum ancillatur? cui arboribus inoculantur frutices, formantur folia, inflantur germina, inornantur flores, conduntur succi; & cui rufus vestiuntur post spolia? cui

— pampineo grauidus autumno

Floret ager; spumat plenis vindemia labris?
 cui alteri semina corrupta, & dissoluta surgunt fœnore interitu? cui sepultum sine veste granum, nudum, solitarium, surgit aristâ munitum, fundatum spicâ, erectum culmo, copiâ fœneratum?
 omnia

omnia denique, quocumque te flexeris, non vni
videas famulantia homini, ac quasi vni illi sacra-
mento obstricta? Te ipsum intuere. quid extra te
Dei munificentiam quæris? vide carnem, perpe-
tuo sanguine sociatam, ne deesset, in defluentem
ex non vnâ caussâ, necessariam recorporationem;
os̄ib⁹ tamquam columnis saxisque firmatam,
neruis tamquam calce coagmentatam, venis
tamquam trabibus tignisque implexam, musculis
tamquam anchoris roboratam: colore exinde
tamquā pigmento venustatam, capillo tamquam
tecto decoratam: iam medullarum in abdito
congeriem, quæ plus habet emolumenti quām
ostentationis, plus fructus quām elegantiar, an
non thesauros arbitaberis, & exclames: Deus
hæc fecit;

Namque erit ille mihi Deus, illius aram
supplice colam non vno voto & dono? veniunt
enim hæc omnia à Deo: & veniunt prouocatoriâ
quâdam munificantia; vt cùm ille pleno munera
profundat sinu, verius, totis immittat Oceanis
ostiis, nos non dicam pars quædam, sed animatio-
nis spirationisque Diuinæ illius ac figulationis
opus non ignobile, & quædam quasi decidua por-
tio, pleno quæ accepimus egentes sinu, plenâ
largiamur manu; nec tamquam è stillicidio gut-
tam, cū totis canalibus è grauidâ depluerit nube
dona sua Deus in emarcidos sterilesque campos

L 3 nostros,

nostros, sed tamquam è fonte torrentes, in arenia egenorum deducamus pascua.

Nam quæ hęc improbitas, cùm vltra priuatum te pecunię modum Deus prouexerit, auro texerit, purpurā vestierit, & eò deliciarū opumq; perduxit, vt non tantum habere tibi liceat, sed & calcare diuitias, ac quidquid demū ars luxurię famula elaborauit, tibi concesserit; vt maiora semper cupere ab his discas insatiatā auiditate, ac non potius elargiri, si non pari quā concessit largitate Deus, at vmboram saltem diuinæ in te munificentia expimere? Concessit aureorum ille tibi millia decem: potésne Israèle minora, aut in diuinum erogare cultum Christianus; aut in egentia pluere labra, quæ saturanda tibi reliquit ille? At potuit ipse. noluit; vt beneficentia in te suæ non indiligens imitator, tantorum supernè fluminum vel torren-tes in vicina vepreta depalares: prouocaresque be-nignam illius manum, tamquam æmulā quādam vicissitudine, in liberaliorem profusionem. Ita so-let remunerari Deus, & centuplā largitione, ob-ruere potius, quām decorare largitorem suum. Imitare quisquis es. ni responderit votis Deus, dic me mentiri. Verùm quid verbis opus? audi ipsum Deum vtroneum prouocatorem & sponsorem:

Mat. 19. Centuplum accipiet, & vitam aeternam possidebit.

credis? sequere. non credis? negotiatori bonæ fidei credis, & cambiali illius schedulæ; Deo nō credis?

Sed

Sed remotæ sunt diuinæ sponsiones, & vitæ non
huius.falleris.audi loquentem.accipiet centies tan-*Mar. 10.*
tum,nunc in tempore hoc, & in saculo futuro cvitam
eternam. Repeto. credis? sequere . nam quod hoc
fœnus? Si spondeat homo viginti, si triginta , in
singulos,aureos cētum, supra sortem,arripis vtrā-
que manu;nec dubitasde euentu, si fide ille sit in-
tegrâ. Si spondet Deus non viginti , non triginta,
sed in singulos aureos centum , hæres, trepidas,
non credis. nam si crederes, negligeres lucrum?
& decem millibus, centum millia mercari nolles?
nolles tantillo cælum? Cùm ergo habeamus hîc
Deum sponsorem, qui mentiri,qui fallere nesciat,
& habeamus hominem qui inuitantem, pollicen-
tem non sequatur Deum, habemus incredulum,
habemus addubitantem de Dei sponsione: seque-
retur enim si crederet, si nullo pulsaretur dubio;
nec permitteret hæc lucra aut perire sibi , aut
aliò demigrare. quod dum facit, certum mihi non
credere, & labascere apud eum fidem promissio-
nis diuinæ.

At vos prudentiores , & de diuinâ certiores
sponsione , imitari largam illius manum conati
estis, felici ausu, successu feliciore . Cùm enim in
omni Republicâ, ante-prouidâ Dei notione, ad
peccatorum scelerumq; dispunctionem, pauperes
dituitibus permisti ; & his prospexerit Deus di-
uite manu , illis prouiderè vestrum arbitratii estis.
fecit

fecistis. Octo ergo vniuerso apud vos paupérum
ærario præsunt. priores quatuor ab eleëmosynarum
erogatione nomen sortiti, posteriores à Spiritu
sancti beneficâ largitione. annisque singulis
duo è ciuium potentissimis , planeque primis,
opibus, industriâ , fide , moribus,deliguntur, qui
oneris,quod in re tantâ,tam variâ occurrit,partem
ferant,abeuntibus hoc quasi magistratu retrosio-
ribus duobus, qui quartum iam annum expleue-
runt. Delectorum münus est,toto quo hanc fun-
ctionem obeunt quadriennio , seriam pauperum
totâ vrbe disperitorum curam gerere; nec pati
quemquam ab egestate vinci,aut immori huic in-
eluctabili plurimum malo . Sed & perpetuâ lege
tenantur, nulli petenti eleëmosynam negare, nul-
lum indonatum dimittere , ciuis ille sit an alias.
Quod quo faciliùs certiusque peragant , vrbe totâ
ostiatim templatimque subsidia pauperum aerario
poscunt . Rarum hoc in primis viris,& opulentâ
magnis , manum ad stipem porrigere. quam si
liberalem cōsequuti fuerint , pari liberalitate par-
tiuntur : sin minùs, non idèò contractior dextera
est, de suo numerant. adeoque hæc res crescit, vt
non raro, decem, duodecim , plura etiam aureo-
rum millia è doméstico singuli aerario profun-
dant, redhabituri , si eleëmosynæ patientur, si
egentium penuria: sin minùs, qui in proximum
surrogantur annum , abeuntibus de suo nume-
rant

rant, quidquid in egentes, priuato ære contulerunt: itque in annum orbem hæc erogatio & redhibitio; tangitque quotquot ad hoc munus deliguntur.

Vt verò primùm adlecti sunt, solenni receptaque maiorum ritu iureiurando se obstringunt, bonâ se fide pauperum res curaturos, seriò inuigilaturos, remque omnem sine fraude & dolo administraturos. Inde qui prior se obstrinxit, deligit alterutram ciuitatis partem, quæ in duas propè pares disperita est; secunda alteri concessa. His deinde incumbit eleemosynarum in suis singulis partibus corrogatio, anniqe secundi administratoribus ope & consilio adesse, collectamque pecuniam ad pauperum ærarium deferre.

Annum priorem vbi expleuerint, transeunt ad anni secundi munia: qualia ferè sunt, primi quidem, si quæ testamento legata, si quæ gratuita, ac quasi de manu donatione, si quæ vicatim templatimque relata, vniuersim potius quam singulatim, in acceptorum rationes referre; singulatim verò in easdem, si quæ ex annuo censu redacta: frumenti deinde, lignorum, panni lanei, lineique, omniumque adeò quæ egestas poscit curam gerere. Secundi verò, Exposititiis seriò inuigilare. quos salutari antè aquâ tinctos, educandos in vicinam mittit Campiniam. Mille ferè hi sunt, & plures; millia etiam interdum, non urbis tantum hu-

ius, sed vicinorum locorum : qui vbi octauum, sumimum decimum attigerint annum , educati è rusticâ disciplinâ, vrbicis assuescunt moribus. ac puellæ quidem in designatam in hanc rem domum, pueri in suam; ita sua sexui domus seruit. in quibus Christianè educantur, & mechanicæ aliqui arti , pro cuiusque ingenio, addicuntur: hærentque plurimum in his ædibus, in decimum septimum, aut ætatis annum decimum octauum. inde ad varia destinantur obsequia: illæ quidem omnem puellarem artem edoctæ, ancillatum, in honestam quampiam familiam : adolescentes ut aut de suo iam viuant, aut sanè famulatum . manentque sub eorum cura qui huic pauperum annuatim præsunt ærario, donec certo vitæ generi, bonâ patrum quos vocant veniâ, sese addixerint. quorum si voluntate matrimonio se iunxerint, non patiuntur deesse dotem.

Sub exitum vero anni secundi, quotquot certis ædibus in commune, quotquot etiam per suas singuli dispersi familias de publico viuunt, vestibus donantur. & ingens hic numerus est, ut præter priores qui plurimi sunt, excrescat in octingentas aut plures familias.

Expletis annis duobus, nouus succedit labor. & prior quidem in cathedrali Ecclesiâ, panibus hebdomadatim erogandis præst. cuius etiam curæ pars sunt, euocati ex agris (quorum memini-
mus

mus) pueri , variaque e gentium mulierum ac vi-
rorum receptacula, in quibus certis legibus, certa-
que in septimanas singulas eleemosynâ contuber-
natim viuunt. Secundus idem per omnia obit
in S. VValburgis , puellarumque (quarum men-
tionem feci) sedulam curam gerit. Posteriore an-
no, prior eadem peragit in Ecclesiâ D.Iacobi , se-
cundus in eâ quæ D.Georgio dicata est.

In hac posteriorum annorum administratione,
ea in designatos variarum Ecclesiarum pauperes
conferuntur, quæ varij , prout cuiusque affectus
traxit, variis Ecclesiis aut locis voluerunt esse per-
petua. quibus à sancto Spiritu nomen indiderunt.
cùm enim omnis munificentia ab illius impulsu
nascatur, factum est, vt eos qui erogandis his præ-
sunt, nominis quâdam similitudine honestauer-
rint, quos volebant tam pij donatiui erogatores.

Hactenus labor eluxit, & prudentiæ permixta
liberalitas. accipite hanc nunc proprius, sed paucis:
neque enim , de suo ornata , alienum cultum pa-
titur. Corraserunt priores quatuor, quâ ostiatim,
quâ templatim , superioribus his annis singulis,
florenorum sexaginta , quin & septuaginta , ad-
eoque octoginta , pluraque etiam florenorum
millia. Quid integrâ Republicâ sperari posset , cū
hac prostratâ , & quadraginta annorum ciuilium
bellorum collisionibus attritâ , populoque parte
maximâ viduatâ , negotiatoribus destitutâ , com-

merciis nudatâ, nobilitate exhaustâ, ingentia tam
men videamus propensæ in omnem munificen-
tiam affectus documenta, in omnem meritò
posteritatem, Regnaque, quâ Sol lucet, itura.

Addam: & finio hanc narrationem: esse in hac
vrbe tria & triginta minimùm egentium domi-
cilia, variorum liberalitate ciuium dotata. è qui-
bus viginti quinque, eorum quos recensui, impe-
rio parent: aliorum verò quorumdam, reliqua.

Quæ dicta hactenus, tantum tangunt libe-
ralitatem in notos vrbe totâ pauperes, & qui
de communi pauperum ærario non erubescunt,
menstrua, aut hebdomadaria, aut diurna etiam
subsidia poscere. quales parte longè maximâ
sunt, qui è vicinis, aut remotis etiam prouin-
ciis, à paupertate, tamquam ab irato mari, in
portum hunc excussi. nam qui hîc nati maiorib-
us vrbis huius ciuibus, perquam raro ad hanc
publicam inopiæ testationem descendunt. Ita fe-
rè Brabanti omnes, à quibus, vitam antè egestas,
quàm egestatis nomen & confessionem extorserit.
extrema pati, pane & aquâ vitam tolerare,
noctes diebus in laboribus iungere, viri iuxta ac
mulieres, & tenera propè de sinu proles, edoëti.
Vidimus sèpè in ualitudine graui fractos, animam
quasi egestatis indignantem, antè eiicere, quàm
mendicabulam vocem: tam rigida illis ad stipem
dextera, tam fortis ad preferenda animus, tam
gene-

generosum pectus, & quod antè sanguine se satiet suo, quam alienâ misericordiâ. Plerique proinde qui hîc pauperes, aut è vicinis Prouinciis ad benignius hoc littus adnauigarunt; aut si hîc nati, talibus maioribus nati; è quibus, imbibitâ longo vsu soli huius verecundiâ animoqué , plurimi viuunt teneriore supra maiores fronte: qui cùm rem possideant , & duriore reliquis premantur pauperie , paupertatis nomen perhorrescant . Magna hîc horum copia, quorum frequenter erubescientiam vtroneâ beneficentia anteueritis . ita non tantùm egestati, sed & infirmitati occurritis; & interdum etiam fallere iuuat , vt & habeat egens,nec à quo acceperit sciat:pulchro Arcesilai exemplo, qui egentis & dissimulantis & ægri puluino sacculum subiecit,vt homo verecundus inueniret potius quam acciperet. Hoc est dare . nam illa lenta , & inter diuites manus pendentia beneficia,cùm subductis superciliis , & vix exeuntibus verbis , ac malignis etiam interdum, munus datur,quam gratiam mereantur? Illa grata sunt,& nomē merentur,quæ parata, quæ facile occurrentia , & vbi nulla mora nisi ab accipientis verecundiâ . nam vbi magna intercedit delibratio,negationi munificentia proxima est: adeoque, tardè velle, nolentis est ; cùm omnis benignitas, si talis est, properet . Ut enim acerbissima crudelitas est,quæ trahit pœnam ; & misericordiæ genus

M 3 est,

est, citò occidere: ita maior beneficij gratia est, citò velle, citò dare; & beneficentiæ quoddam genus, citò negare. Iam hæc tarda quorumdam in dando deliberatio quid quærit? delectum fors in accipiente, ut dispiciat in quem cum fructu conferat, aut in memorem, aut in relaturum. at magni animi est, non fructum beneficij sequi, sed ipsum; virtutemque admirare, ob innataim, non ob ascititiam pulcritudinem: & generosi, dati beneficij obliuisci: ille decipi dignus est, qui de recipiendo cogitabat cùm daret. Sed indignus fortè erit cui præproperè donabis. quām multi indigni sunt luce, & tamē dies oritur, peræquante Deo beneficia sua probis & improbis. non quòd sine delectu ac fortuitò dari velim; sed morosam donatiui cunctationem non probo. adimit gratiæ plurimum, & extortam potius volūtatem, quām vltroneam sapit. Quid hæres? redibit ad te, ne dubita, quodcumque hilari promptoqué exiit animo. Docuerunt id veteres non inelegantis symbolo: cùm tres Gratias, sorores, manibus implexis, ridentes, iuuenes, virgines, solutâ & pellucidâ pinxerunt veste. Sorores. ut enim hæ sanguinis, ita qui dedit & accepit, beneficij nexu ac quādam vinculatione sororium induant animum; & qui dedit, sibi dedisse arbitretur. Manibus implexis. quòd beneficiorum ordo, per manum trans-euntis, ad dancem tamen reuertatur. Ridentes.

vt dantis vultus longissimè ab omni absit morositate. Iuuenes. vt cùm deceat beneficij memoriam senescere , dantem tamen obliuisci deceat; nec pati vt longâ apud se memoriâ consenescat. Pellucidâ veste. vt licet qui dat beneficia taceat, naturâ tamen se suâ prodant, erumpantque foras eo clariûs,& in oculis plurium,quo qui dedit fortiori illa pressit custodiâ. Qui si secum reputet, beatissimum esse, ac planè regium , imò Deo simillimum numquam vinci beneficiis; & illud, in beneficiis optimum esse, dedisse; beneficium arbitrabitur posse dare. & tunc demum se beatum, cùm aliquid dederit; cùm imitatus Deum fuerit, qui semper dat, numquam accipit . Sunt ex hoc genere in hac Republicâ non pauci, qui in beneficiis hoc vnum metuunt , prodi. Beati suo hoc silentio, non prementur æterno. & vt aliam non sperent mercedem, virtus ipsa magna sibi merces est, & recti facti conscientia . Et sanè magnus in hac vrbe campus est, magnæ virtutis; in quâ , vti dixi, ingens pauperum numerus est , à variâ egestatis tamquam fluctuum iactatione ad hunc portum properantium . nec fallit eos concepta spes : vetus enim apud vos , & à maiorum memoriâ,

Omnibus exhaustos iam casibus , omnium egenos

Vrbe, domo sociare:

nullum hospitio prohibere arenæ, solique vestri:

nullum

nullum quamvis egenem arcere terrâ. Pergite.
Manet cælo promissa merces;

— officio nec vos certasse priores

Pœniteat,

cùm tam potentem remuneratotem, vltroneum-
que sponsorem habeatis Deum, ignarum mētiri,
doliq̄e fraudisq̄ue nescium, centupli h̄ic redhi-
bitorem , nec multo p̄st æternæ præmiationis
certum largitorem.

Sermo. Fides in verbis.

Sermo candidus. & ad exemplar orationis suæ
facere , & viuere , à primâ ætate docentur
omnes. parci in verbis: nec ideò minus cogitant,
edocti magnos viros remissius loqui; & quæcum-
que dicunt , plus habere fiduciæ quàm ostenta-
tionis. Et est sanè oratio, animi vultus; quę si multa
est , & manufacta , ostendit illum non satis esse
suum, non sincerum; & habere aliquid fracti. Non
est ornamentum virile , vt concinnitas, sic multi-
loquentia. Nihil proinde in vestris præceps. quod
semel emissum , numquam reuoces . vt enim in
procliue labentes , non ubi voluerint gradum si-
stunt ; sed quantum premit pondus, tantum fe-
runtur: sic prærupta dicendi celeritas , non est in
potestate hominis; nec satis digna viro: qui ponere
verba debet, non proiicere ; ac instar vndæ suaui-
ter, non torrentis more è præcipitio fluere. nihil
etiam

etiam præproperum , cuius posteà pœnitentia : sed præcogitata verba sunt; & tamquam à maturo corde, calamo dictata . vbi dixerint, stat immota fides. Periclitantur opes? si fidem dederunt, nemo violabit : ita vel cum iacturâ , tenacissimæ fidei sunt ; vt cum mori possint, fallere non possint. Nec quisquam, integrâ famâ, datam fidem fallet. si se fellerit, nominis & fidei naufragium fecit. nec iam inter dignos Republicâ viros adnumeratur: mortuum arbitreris, & tamquam cadauer ab iratis fluctibus reiectum; aut tamquam fatali spongeâ è viuorum numero deletum. viuitque exinde inglorius in omnem ætatem, & transit etiam in posteros hæc nota.

Animi robur.

Robur animi , quale vix in aliâ gente; discat quisquis volet exemplo : neque enim aliter norit. nam fortia dicere multorum , facere paucorum est. neque ut quisque robustior sermone, ita & opere est: cum ferè modestissimus, & verborum parcissimus,ditissimus sit operis . vt enim Gubernatoris artem non ostendit tranquillum mare; exasperatum sit oportet, & quod in montes se attollat, frendeatque,frematque spumis inæstuans , quod virum edoceat: ita aduersum aliquid sit necessum est , quod animum probet. Hunc animum inuictum , & in quo nullum for-

tuna locum reperiat , in quem telum mittat , si
vsquam,hic inueniet . Incurrant aduersa , & pre-
mant pectus,tamquam saxeâ mole , vt totum ar-
bitreris Atlantem,cum vniuersi machinâ , vnius
insedisse humeris ; figet gradum , nec ingemiscet
sub pondere:non subsident genua, non lababunt
pedes : & quod de Socrate Xantippe , vtramque
fortunam eodem vultu excipiet. hauserint auari
fluctus humanarum opum æmuli, aut acerbior
alius casus, stabit indignante fortunâ ; nullâ enim
re maior huic inuidia fit , quàm æquo animo.
Hunc animum,in omni propè bonorum iacturâ,
reperies erectum,excelsum,& flecti nescium. In-
tuere: è nullius vultu aut ore iacturam agnosces.
imò quo grauior illa incubuit, eo hilariore vultu
excepisse credas . nec foro nec publico abstinent,
ac ne conuiuiis quidem aut hilariore lubentiâ .
Non hæc sat magna documenta sunt inuicti ro-
boris? nam vnde certiora peti possunt ? aduersa
sunt quæ cuiusque robur docent . hoc quis inter-
secunda intelliget? Gubernatorem in tempestate,
in acie militem dinoscimus . interritus ille flucti-
bus conuoluitur,audacter hic cruorem suum spe-
ctat : ille etiam elementum prouocat, dum iratos
illius fluctus proscindit audax ; & miles lætus
fluentem meliore casu sanguinem ostentat . at ti-
ro, & qui nullas elementi vidit minas , ad omnes
fluctus , ad vulneris pallescit suspicionem . Quò
hæc?

hæc? vt robora attingam, animosque plurimorum vestrūm. Sæpius enim tacitus mecum Republicam circumspexi hanc vniuersam, in illaque singulos, omnes. Quantos in eâ vidi naufragos, similiave naufragiis passos; quos aut iratum mare, aut fortunæ ludus, aut malevolentia improbitas, perniciosum optimis telum, inopinantes, securosque deiecit? Illos procella, (quæ cæli fiducia, & placidum ludentis elementi fallacia) traxit in infidos fluctus: alios rerum illa domina, aut subiti similis fulminis, ad cuius iectum, etiam vicina tremuerunt, oppressit incautos; aut ridenti similis, in alieno lusit iugulo; tamquam parum sit perdidisse, nisi & inter lusum videri velit perdidisse: in postremis malignitas sæuiit, & securos, tamquam turbine, uno conuoluit raptu; vt antè ruinam ipsi strati viderent, quām persentiscerent: & tamen tamquam nihil passi, redeunt ad mare; & è quo vix validâ enatarunt classe, de tabulâ salutem sperant: iterumque fortunæ ceruices flectunt, confidentiam imbibunt, & audent se credere, à quibus non semel circumuenti; meliora sperantes, nec semper iratum mare, nec semper infidum fortunæ risum, nec semper perfidiā amici. O animos Spartâ dignos! imò Belgio: & si iterum surgat Cæsar, Neruiis, & Aduaticis. *Macti virtute hac:* idem vobis, quod ex acie sanguinolentis acclamo; quod Mutio retorridam manum, & duorum Regum

victricem referenti, Romana iuuentus. *Mæcti*
virtute hac. malo truncam illam, quām Mæce-
natis, imò quām cuiusque fortissimi saluam. Benè
in hanc rem Attalus Stoicus: Malo me fortuna
in castris suis, quām in deliciis habeat. torqueor,
sed fortiter, benè est: occidor, sed fortiter, benè
est. Sed & audi Epicurum, dicet, Et dulce est. Hæc
mens ducet ad gloriam, imò ad gloriæ culmē, cul-
torem suum. Facit hoc creber usus, & cum ad-
uersis pugna. Idem reperies in iumentis. quam-
libet viam patiuntur, quorum durata inter aspera
vngula est: neque ullum laborem recusant manus
quæ ad arma ab aratro transferuntur. ita planè,
quem nullus fortuna supplauit, cuius nulli den-
tes sub infido illius crepuerunt ludo, quid poterit?
& quid non poterit, cui perpetua cum illâ lucta?
qui modò prostratus, modò eretus, de genu, de
puluere, de vulnere, de sanguine surrexit validior?
Millia ex hoc genere in hac vrbe dabo. nam quem
illa hîc vim quam transiit intactum? gloria hæc est
Reipublicæ vestræ. & ferè contumacissima aggre-
ditur; mollia nullo dignatur morsu: ita ignauissi-
mum quemque refugit, fortissimos sibi pares
quærerit. tenera fastidio transit, durissima proritat,
aduersus quæ vim suam intedat. ignem experitur
in Laurentio, paupertatem in Francisco, exilium
in Ioanne, tormenta in Vincentio, venenum in
Benedicto. Magnum exemplum non nisi magna
for-

fortuna non inuenit . apud vos , in quemcumque propè cadat , inuenisse videtur , vt liceat dicere : Dignum fortunâ par , Reipublicæ ciuis , illi compositus .

Et nescio an non hoc sit vrbi huic proprium : aliarum enim si intuearis ciues , vnius calamitate omnes arbitreris oppressos , vt quos ruina non attigit , metus exanimauerit ; paremque passis mœrorem exprimant , cùm putent eadem se pati posse . Vt aues , etiam inanis fundæ sonus territat , & excutit sedibus : ita plerique , ausim propè , non nati , non educati in Republicâ hac , ad nudum non modò contremiscunt iustum , sed ad vacuum sonum . at qui ex hac prodierunt , tamquam si omnia missilia præuisa , nihilque præter opinionem cadat , ita cadunt in fortuitis , vt semper stetisse videantur : ita reparant classem , repetunt maria , vt nemo credat vidisse fluctus : ita cum discriminibus pelagi non notitia modò , & familiaritas , sed pacti quædam necessitudo intercessisse videtur , vt quos nudos excussit , restituat subdivitarum pondere fatiscentes . Infida fuit societas ? iterum creditis : & tamen quem alibi non exanimet vna perfidia ? Per iocum fortuna euerit ? iterum blandienti oscula præbetis : & quem alium non sternat hic risus ? quis non alibi secedat ab his ludis , & det raptori locum , secessionemque æternum cogitet , meliora desperans ; & non emi-

nus spectet hæc bona pendentia, procul nimirum à Joue, procul à fulmine? Caussam non semel discriminis huius inter Reipublicæ vestræ ciues, aliosque, tacitus mecum quærebam: nec aliam reperio, nisi quod reliqui, extrà se vallo cinxerunt; vestri intus instructi sint: pulsari proinde possunt, capi non possunt; cùm nullum mare, fortuna nulla, perfidia nulla, mentem aduersus fortuita armatam, possit euertere.

Addam aliud, mirari me solitum, ita plerosque aduersus fortuita, & quidem sœuissima, armatos, vt plurimos viderim eodem vultu læta, eodem tristia accepisse. Tenuit nauis portum? benè est. periit? mirare quisquis hæc leges, nulli periit. intuere vultus. non dico, non refrigerescunt artus, sed nusquam contractior frons, nusquam rugæ. scrutare cui perierint: nullum reperies. alteri periisse credas: huic cui periit, etiam accessisse; ea frontis orisque hilaritas est: quasi in alienâ pelle, ferro medicus sœuierit. comiserare: parasse se hominem dicet ad hæc humana. Præcogitati nimirum mali mollis iectus venit. & sanè pars magna mali apud imperitos nouitas est, & inexpectata compulsio. Nō possunt hæc venire à vili pectore. nec quisquā ista, pusillâ mente, siccis oculis, ex alto spectauit. Quid faceret vera Philosophia in Virtutis acie, apud eos, quos tantos animos circumferre viderimus inter fortunæ hæc tela? Miramur feras, quas catu-

catulorum amor mittit in venabula ; miramur iuuenilia quædam ingenia, quæ gloriæ cupidò trahit in contemptum ferri: ibi amor facit indomitas; hîc species & virtutis quædam umbra traxit in sanguinem. quid in Reipublicæ vestræ ciuibus veræ virtutis posset amor, quos nec magna, nec illustria, per pericula & mortes compulerunt tamquam ad epulas famæ? quanta darent exempla magnarum documenta mentium , si in nobiliorem metam cursum defixissent? quanto namque generosiorum rerum fortior ratio est, ac validior impulsuæ vis , tanto valentiùs per pericula & mortes exirent: nunc cùm eadem faciunt in re non magnâ , quid sperare debeamus in verè magnis, testantur. & quos tanta cum incommodis suis familiaritas, docuit tam erectâ ceruice intueri alternantis fortunæ vices, quid faceret, si eadem in propiorem virtuti materiam incidisset? non ubi semel obdurasset animus, antè auferri, quâm turbari contingeret? quid pugni, calces, flagra, cæstus , quid enses possent ? sanguinem ipsum fluentem riderent, tergerentque tamquam à balneis sudorem. Semel namque roboratus animus, & è Virtutis palæstrâ torosus , quos nō ictus exciperet; quos non frangeret ? etiam vltrò auderet prouocare, & insequi cedentem fortunam; quin & inclamare , Quid cessas ? paratum pectus vides. experiamur inuicem , tu feriendo , ego feren-

ferendo. quærit enim Virtus vbi se ostentet,

Spumantemq; dari pecora inter inertia votis

Optat aprū, aut fuluum descendere monte leonem.

*Refellitur criminatio de occupatā ab Iberis
curbe, anno M. D. L X X V I.*

ALiquis hīc sibi de alienā venustus calumniā, militarem obiectat rapinam, & inter mican tes gladios, flammas, sanguinem, stragemque impulsæ ciuitatis, fractum animum. O semper inimica alienis progressibus inuidia! quanto prudenterius hæc ferocientis fortunæ vulnera, & adhuc de cicatrice recentia, ac quasi de ferro calentia, quisquis est, pressisset silentio? Possem hīc illud Poëtæ:

— *In corpore fortium virorum
Laus est amplior, amplior cicatrix.*

possem, quod Aristides, cùm ad supplicium rapetur, repertusque esset qui in faciem inspueret, cùm neminem id arbitratus esset ausurum puroris, abstergere; & lectori dicere, Admone istum, ne tam improbè oscitet; ipsique hoc respōso contumeliæ contumeliam facere. Verūm tacebo: & hæc lapsantis fortunæ dehonestamenta tacitus præteribo. nam quid ego aduersus has immemo res humanæ conditionis voces, dictaque impro uida, præteriti temporis fortuita conuulnerantia? Dicam tamen, quod de viro magno Seneca: Si magnus

magnus cecidit, magnus iacuit. addam : surrexit
maior. idem de vrbe hac. tantùm in hac strage,
omnis fortunæ crudelitas lassata consistat. hoc
oro. sitque militaris hæc licentia, nihil amplius do-
lituræ ciuitatis piamentum . Et non pari iure
Carthaginis ac Numantiae, Corinthi, Athenar-
um, Spartæque, & tot Regnorum cinerem, aut
quidquid altius cecidit, ridebit? Inspice, quisquis
es, volubilem hunc rerum ordinem, totamque
ante oculos sortis humanæ conditionem pone,
sæcumque hæc inter fortunæ ludum. hic montes
diffluunt, alibi rupes; iam sorbet, iam vomit for-
tuna maria; modò sistit, auertit dehinc flumina, &
ditat nouis. Quot vrbes vno tempore ceciderunt;
quot hiatibus subductæ? quot non vno loco inte-
græ desederunt regiones? quot redditæ terris, totis
demersæ sæculis? Et non omnium orbe toto ma-
gnarum ciuitatum vestigia tempus eradet? non
formidanda olim maria siccabit, ipsasque rupes ad
humilem deducet arenam, decoctor ignis? nosque
ipsi, parua aliquando ingentis vltimæ ruinæ acces-
sio, non in amica vertemur elementa? iacebimus-
que inglorij, terra & vilis puluis?

In plenum dehinc fortunam cogita, circumfer
oculos: quot gentes populosque mutasse credis
sedes? Tyrij Africam incolunt, Longobardi
Italiam, Hispaniam Gothi, Athenienses Asiam,
Angliam Germani, Galli Græciam; & Scythia

Achiae ciuitates Ponticis impositas littoribus ostentat. Nihil eodem aut loco aut statu mansit, quo genitum est. Regna intuere, Imperia, orbeque toto Provincias. illae te docebunt: plurimorumque in his vrbium ostendet euentus, quarum in ipso flore luxuriosa imperia ceciderunt. Nec magnis haec interuallis disiuncta: momentum saepè temporis euertendo imperio suffecit; etiam Romano, ne me putes minima tangere.

Verum Antuerpia hostili aliquando manu iacuit: non nego. & in mediâ propè pace iacuit: ita ferè insperatò bella surgunt, hostis ex socio, ex propugnatore euersor. Eadem reperies alibi. nam & in subitas tempestates agitur æstiua tranquillitas, & rursum serenitas, rursumque nubilum. Quid caussas quæris? cum ipsa sibi, ut alia taceam, felicitas, cladis caussas repererit; ut ad hanc satis videatur esse, fuisse felicem. Iam quantum interest, ab hoste perierit, an operta fluctibus, an hausta terræ motu? aut quæ res demum non habuit aliquam ruinæ suæ caussam? quæcumque haec fuerit, satis est fuisse. Interfuerit etiam dies vna, an plures, inter vrbem maximam & nullam; quantulum hoc est, aut quod solamen prorogati spatij, protensæ miseriæ, cum venerit dies illa consumtrix omnium? Quid ergo nouum, cum ipsa adeò naturæ opera videamus vexari, tolli, & statui, montes, terras, maria, si unius vrbis senserimus,

non

non dicam excidium, sed deuenustationem, tamquam vnius arboris spolium, in fecundiorem redhibitionem? Nam de Antuerpiâ hac vestrâ ausim illud Poëtæ:

— *Tua nempe putantur*

Surgere fata malis; & celsior esse ruina.

cecidiſſe itaque videri potest, vt surgeret altius: Ita non raro maiori fortunæ locum fecit iniuria; vt ideò quædam periisse videri possint, quod cultiora enascerentur. Accidit hoc vrbî huic vestræ surrexit, & erexit ſe ſuper ruinâ ſuâ, florentior: vt arbitrari meritò poſſis, ignem illum viſcerum de pastorem, conſultò ſæuiiſſe; vt vbi caſæ erant, ſurgerent cælo domus, inuidiam facturæ Principum palatiis.

Verum percelluit illa ruina plurimos, & etiamnum inhæret fibris, nullâ ætate emedullanda. Possem ad hæc ignaua pectora, humanarumque ignara rerum, illud Poëtarum principis:

— *Cur indecores in limine primo*

Deficiimus? cur ante tubam tremor occupat artus?

Multa dies, variisque labor mutabilis ani

Rettulit in melius: multos alterna reniens

Lusit, & in ſolido rursus fortuna locauit.

imò in maiore, in ſplendidiore. res docet: illa loquatur. Neque fugit hoc Regnorū & Rerum-publicarum Timones. hinc illud Timagenis Vrbis inimici: Romæ ſibi incendia ob hoc dolori

O 2 eſſe,

esse, quòd sciret meliora resurrectura , quàm ar-
sissent. Idem credo euenisse Reipublicæ huius
hostibus . Et verò maiora certioraque restituta
sunt: sint tantùm diurna, & melioribus in om-
ne æuum auspiciis condita . sin minùs , & aliud
volet imperium ex alto, hoc statuamus: nihil for-
tunæ inausum ; aduersus Romam non minùs ha-
bere iuris quàm aduersus Cannas. in eum enim
intrauimus mundum , in quo his legibus viuen-
dum est. Placet ? pare. displicet ? alium mundum
quære.

Sed hæc maiora cadent ? etiam Imperia totis
excisa sedibus iacebūt. etiam viri Principes? æquè
ac pauperes. aut aliquis homines sceptro metitur
& purpurā ? Si impares viuimus, pares tamen na-
scimur, morimur pares. hoc volo : Conditor ille
generis humani , non natalibus nos , nisi dum
sumus, distinxit: vbi ad finem ventum est, om-
nium quæ terra premit, similis lex esto, si corpora
metiaris . Nam de animo, & alterâ meliore reda-
minatione, aliud iudicium esto. néque tamen in
hac vlla prærogatiua purpuræ: soli virtuti erit.
Hanc amplectamur: reliqua vt peritura, & ad ma-
tricem puluerem suum redditura, despiciamus;
cùm omnium mortalium opera, mortalitati scia-
mus damnata, nec quemquam in crastinum sui
esse certiorem, non Regem, non seruum: ad pa-
tienda nimirum pares, sed & ad secunda meliora-
que

que imperia pares, si virtute pares fuerimus; quâ
solâ, largitur, metiturq; Deus æternatura præmia.

Iam si obiectæ criminatio[n]is robur propius in-
tueamur, quid magnum fuit à veterano milite, &
in viginti propè annorum ciuilium bellorum in-
cude roborato, inopinantes ciues, securosq; vt in
altâ pace, circumueniri? & steterunt tamen, iner-
mesque armatos, quantum in illâ fortunâ licuit,
maioribus animis quam armis, suscep[er]unt. Passi
ex hinc ea sunt in pace, quæ ne bello quidem ti-
meri poterant. quid damnas? Ignauus nauigij re-
ctor est, qui fluctuantia vela deseruit, permisitque
tempestati nauem: at ille etiam in naufragio lau-
dandus, quem obruit mare clavum tenente[m], &
nudo latere fluctibus obnitente[m]: cuique mors
sola gubernacula eripuit; ac ne eripuit quidem:
ausus antè gubernaculo innatare, & illo iam vehi-
tamquam naui. Idem h[ic] cogita, mori antè ciues
delegerunt, ruereque in hostile ferrum, quam de-
serere stationem. Quid damnas? quod senserunt?
quod magni vulneris magnam cicatricem, ne
nunc quidem transeant sine præteriti temporis
memoriâ? non est hominis non sentire mala sua.
(neque indolentiam bonum dixero, habet illam
cicada, habet pulex; vt nec molestiâ carere bo-
num, quid otiosius verme?) tulerunt tamen
illa, quod viri est. Quid? hostis armatus, vetera-
nus miles, ciuili pastus sanguine, ferrum in manu,

mors in iugulo; & non sentiet exarmatus ciuis,
vrbicis nutritus commodis, flammis circumse-
cus cinctus? Exclames fortè:

Nunc animis opus Aenea, nunc pectore firmo.
quis animas nullo monitore ruentes in ferrum,
quæ has vibrata tela, quæ arietata inter se arma ag-
minis densi, terreant; quas non vrbis impulsæ fra-
gor, non vitalia depascens incendium, non coniu-
gum, liberorum, non carorum cædes, è statione
deicerat? Temeritati hoc aliquis asscribat. errat.
si prouocassent inermes armatas veteranorum
iras, poterant damnari; at declinauerant quâ tunc
licuit prudentiâ, non minùsquam in nauigando
procellam. Ille temerarius audit, qui cùm decli-
nare posset, contrà it, & contemnit potentiores
minas; qui exasperat imparibus armis; qui dum
licet, nocituram non vitat potentiam. At quæ
euenerunt vrbihuic, inopinata fuerunt omnia, &
quæ nec præuidere quidem humanum fuit. aliter
itaque res cecidit, quam vereri quisquam posset:
nec licuit felicem semper cursum tenere; fateor.
nec ideo tamen aut victi ciues, aut subacta Respu-
blica. Nemo enim illū victum dicet, qui corpore
licet prostratus, animis tamē stetit. Ita ccc. Fabios
nemo victos dicet: & Regulum captum à Pœnis,
nemo victum dicet. Quisquis proinde sœuientis
fortunæ vi ac pondere oppressus, non submittit
animum, numquam ex vero victus dici potest;

nobis

nobilissimâ ac principe parte sui eretus, licet deterioro iaceat.

At seruire tot ciuilium bellorum sanguine madido,durum. nescis quâ ætate Hecuba seruire cœperit, quâ Crœsus, quâ Dionysius, quâ Darij mater,quâ Plato? quâ seruatus alius, vt

Orbatæ ad Tomyris veniret utrem?
quo si recentiora cogitas,quamque funesto perierunt exitu Orientis Imperatores, Valens ignibus, Zeno vxoris perfidiâ, Basiliscus cum liberis ferro, Anastasius fulmine, Heracleon exilio, Constans suorum gladiis, Nicephorus Bulgarorum iaculis? quam funesto Occidentis ? Henricus inediâ, & quidem à patre, Fredericus Numantici Scipionis exitu , & à filio ; Lucius caueâ ferreâ, Conradus veneno, & à fratre; vltimusque Sueuici sanguinis carnificis manu ? Sed neque ego hunc seruire dicam , cui animus liber est. aut quisquam Epictetum seruisse dicet in tam excelsâ animi libertate ; in tanto cupiditatum omnium dominatu ? non magis quam Callistratū & Rutilium exules. huius digna Romano vox est; Malo patria exilio meo erubescat,quam reditu doleat . Non est hoc exilium,cuius neminem non magis quam damnatum pudet; & sanè quicumq; talis est, patriam sibi,etiam vltima terrarum statuet. ita qui corpore seruit, si animo perstat, nec libidini,abdomini, crudelitati, inuidiæ, ambitioni, pecuniæ seruit,
liber

liber est. cùm contrà qui his seruit, licet familiam
alat regnis maiorem, licet ædificia inhabitet laxi-
tate vrbes vincentia, licet arctet classibus maria,
milite Græciam, equite Germaniam, licet vtro-
que subacto orbe ignota quærat maria, orbem
alium, cæluinque aliud, seruus erit. aut quis Ale-
xandrum liberum arbitrabitur cùm in littore
maris rubri pedem figit? cùm classibus in oceano
errat, bellaq; per ignota captat maria? cùm extra
naturæ terminos arma profert? cùm inexplora-
tum profundum cæcâ scrutatur auditate? non
ille cupiditati imperiosissimæ in his dominæ colla
submiserat; nō sub infami illius iugo ceruices flexe-
rat? quo modo ergo liber erat, quem insana cupi-
ditas in nouos agebat orbes? quē, cùm vix septem
aliquando expleret vrnam pedum, nullæ exple-
plebant terræ? Ego hunc liberum dixero qui tam
fatuus seruit? queni tot intus compulsari video
motibus, tamquam in pistrino flagellis, quot ar-
dere vid eo non saturandis votis? aut non illum
potiùs liberum, qui corpore quamuis duram pa-
tiatur seruituteim, animo tamen erectus, innatæ
menor libertatis, nihil aut indole suâ, aut homine
indignum committit; sed antè animam ponit,
sanguinem fundit, quām à vero rectoque vel la-
tum crinem decedat? Hanc libertatem animum-
que apud vos repperi, quam nec mors raperet,
non fokus Porsenæ, non bustuaria altaria, non

Dio-

Diomedæa præsepio, non taurus Siculus, nō mortaria tyranni; non serpens, sitis, arenæ Catonis. Pergit eac libertate, nomen, admirationem, cælum promereri: hac enim vñâ vendicarunt se in libertatem, quotquot olim nati cælo, à seruitute omnium maximâ. hac vñâ contra fortunam luctata Virtus, etiam citra effectum propositi operis, eni-
tuit, claruitque Sole maiori.

Militare robur.

QVAM si arma velis , si obnitentes fortiter animos , si quos non vlla iniecta mouerunt

Tela, nec aduerso glomerati ex agmine Galli,
 h̄c repieres. neque vllis magis nota est Reipubli-
 cæ huius virtus , nullis quid dextra, quid tela pos-
 sint, quid viuida bello virtus: ita duritia silicis nulli
 magis quam ferientibus nota . Memini diei illius,
 cùm validissimo obseSSI exercitu , intraq; mœnia
 præproperâ victoriâ elatum vidissetis hostem ,
 quem foueratis, admiseratis amicum . Cuiusani-
 mus non concideret inter arma, inermi dexterâ?
 verum vt quorumdam lapidum inexpugnabilis
 ferro duritia est; vt saxa tot sæculorum verberata
 fluctibus, nec vestigia sævitiae ostentant ; assiliant,
 impetum illi faciant, ferendo hæc vincunt , fran-
 guntque percussorem suum: ita leui ciuium ma-

P nu,

nu, leui repercuſſu, ingentem exercitum fudistiſ. Fuit h̄ic verum:

— *Hortamina fortis*

Praueniunt, timidisq; etiam breuis addita virtus.

Non tangam h̄ec pluribus. possem; & naturale eſt manum ſæpiū ad id referre quod dolet, aut quod pruritu ſuo exasperatū prouocat in contactum. at ego tacebo. Quod si tamen robori huic, animisq;que, virtutum etiam in hoste admiratrix contigifſſet antiquitas; quanto ingeniorum certamine, viueret ille dies, quem vrbi fatalem hostes designarant? At melior cauſſa, meliorem fortunam reperit: & viros h̄ic eſſe ſenſit, quos non minæ, non ferrum terreat. cùm armati, tam insperato animorum robore fracti, attonitiq;ue, citatiore gradu portas repeterent quam intrarant; ut arbitreriſ in hanc diem ceciniffe Vatem:

— *Impediunt numero, ſeq; ipsa viciſſim*

Arma premunt; nec vis conatibus ullā, ſed ipsa

In ſocias errare manus, & corpora turbā

Inuoluit prolapsa ſuā.

Possem etiam nunc oſtentare campum hostili

— *qui ſanguine pinguis*

Spirat adhuc;

possem ſuffixa portæ anathemata. Verūm silen-

Secundū exemplū militaris roboris M. D. XCV tio inuictæ Reipublicæ vestræ magnitudinem, non verborum cultu venerabor.

Succedit alterum teſtatissimi roboris animiſque

docu-

documentum, cùm insonat tristis auribus nūtius:

Hostis habet muros, ruit alto culmine

Lira, tot ætatum opus. & iam

— *vix primi prælia tentant*

Portarum vigiles.

Quid ageret Aduatico generosum gerimen sanguine? incitabat vetus gloria, rei indignitas, hostilis ausus; magna exercendæ virtutis incitamenta, vbi in virum inciderint. impellebat Patriæ salus, Prouinciæ vastitas, diuinorum contemptus; ingēs audacis alicuius ausus irritamentum. inde tamen loci distantia, vrbs subacta, veteranus miles, equitatus hostilis, quem non terruissent? Verùm quæ mortalium plerisque metum, ea vobis ad virtutem calcar. ergo expedire lubet arma. & obuiā quæque prout fors dederat arrepta: etiam de viciniâ aliqua mutuata. Neque deerant qui dissuaderent: ita ferè subita, inertia sternunt pectora; quæ certam seruitutem præligant dubiæ libertati, quæque inter vincula malint vitam, sequētes

— *timida compendia vitæ,*

quàm vltimum — *decus addere morti.*

at vos immemores sanguinis vitæque (generosæ mentis est obliuisci sui, vbi Patria in discrimen vocatur)

Sagitta qualis Parthicâ velox manu

Excussa fertur,

sic quò Patriæ vocat salus properatis alacres. dul-

ce nimirum pro hac cadere,

— pulchrumq; mori succurrit in armis;

— vitamq; impendere fame.

tamque citatus fuit cursus, tam sine morâ interruptus, ut antè in conspectu captæ vrbis essetis, quām plerique patriam vos vrbem reliquisse scirent. ita orbata tygris, excussura raptori catulum, superuolat verius, quām superueniat. Et ventum erat ad portas, cùm crudelis vbiique

Luctus, vbiique pauor, & plurima mortis imago.

Verūm eo vos audentiores, animisq; ab ipso discrimine sumptis, per tela, per hostes itis in amicam vrbem. nec mora, cedit Aduaticis armis Battauus: & ille tot bellorum miles, tot annorum veteranus, toties ciuili lotus sanguine, ad primum clamorem vestrum (ô semper timidum scelus!) circumspectat effugij loca. pars mœnia, citatiore quām venerat cursu, petit. pars turpi concussa formidine, abdit se tectis. Ita eādem propè horâ, quā victorem se viderat, victum se sensit Battauus; atque adeò in ipsâ victoriâ victum. sic quo lusere nauigia loco, forbentur. Quis h̄ic triumphos neget, Vrbis receptæ, hostis cæsi? Vincebat hic numero, equite, pedite, graui armaturâ, velite: vincebat quinque & viginti annorum militiâ, alternante tot annis fortunâ, vario semper euentu, læta ac tristia: perque secunda & aspera, indurauerat corporâ animosq;: vincebat recenti victoriâ.

Vos

Vos pauci, sed meliore caussâ, dilecta Deo, deuota
Patriæ phalanx, nullo equitatu firmati, obuiis,
prout cuique, in tantâ trepidatione, fors obuene-
rant, armis instructi, veteranum militem, totque
annorum bellatorem, Vidistis, Vicistis. Quis mihi
hîc calamû parem animis, fortunâ parem? Plures
aliquando Luculleia mensa vidi contiuas, quâm
vos pugnæ victoriæque socios. Vidimus eentes,
redeuntes. quæ non oscula matres, coniugesque,
tam felicibus votiuisque pro Republicâ impri-
mant labris? quæ non ciues reliqui fortunatissimis
dextris? imò quis non collectum Liranis pulue-
rem campis tergit osculis? non hostili pingue fer-
rum sanguine detergat gaudens? non dentata
hebetatorum cæde gladiorum latera pernumeret
lætus? non libatum Patriæ sudorem, super nectar
& ambrosiam bibat alacer? Beatam diem, quâ
omnis ætas, ordo, sexus, exceptit rediices victores!
Non hîc, si veteres non pudeat sequi, spument
annuatim Falerno gemmæ? non crystallis caleant
vnguenta glacialibus? non cinnamomo ac thure,
cœnationes spargant peregrinos naribus odores;
& madescentes nardo capillos, circumfusa flo-
rum ferta siccent? non omnes denique Charites,
reuertente in orbe felici hoc die, singulos, auro
geminisque sacratos Patriæ vertices coronent? aut
quam hîc gratiam floris, quam prætermittant
frondis lætitiam, non alicui capiti deuotam? imò

non ipsi adeò generosi agminis calcati gressibus,
neglectâ frumentariâ sobole,

*— violam, cytisum, serpilla, ligustrum,
Lilia, narcissos, casiam, colocasia, caltham,
Costum, malobathrū, myrthos, opobalsama, thura
Parturiant campi,*

vt perpetuo testentur flore, perpetuatueros orbe triumphos? Exurge vbiicumque es doctior manus, & in obscuro silentij recessu delitescentia inuictarum trophæa mentium, artifice publica calamo. quād diu marcesces in hoc pingui victoriarum campo? exurge melioribus ausis; non

Verborum violis multicoloribus:

Nam cantu & modulis luxuriantibus

Lasciuire vetat mascula dictio;

qualem mascula sibi virtus, iure suo, vendicat: nimur tamquam Brontis Steropisque malleo & incude chalybiam: quā mihi, quā orbi, quā æternitati, virtutum disculta squamis pectora, extritasque pugnaci calle dexteras perennaturas ostentet.

Hæreos nota deterſa.

A Lius nescio quis

Prodit hirritur abiem canino:

parumque memor humanarum vicissitudinum, hæresim obiicit; & ab auorum fide, nongenitus & quod excurrit annis firmatâ, desciuisse incla-

inclamat . ô voces !

— abruptis etiamnum flebile tamenis

Vulnus hiat, magnaq; patet via lubrica plagæ,
& hunc delectat exasperare ; non & nouare hæc
vulnera, hanc feram scabiem , VVittembergicâ,
& Gebennicâ affictam contagione? neque enim
diffiteor ab his Aquilonibus afflatam & Belgis
vniuersis, & vrbi huic, non contemnendam ma-
lignantatem . Ut enim indomitum niuibus &
Alpibus , eneruarunt foimenta Campaniæ; vitiis-
que vietus est, qui vicerat Alpes : ita quos tot sæ-
culorum consensus vñus, tamquam inenodabili
constrinxerat vinculo, enodarunt, & euincularūt
per conuiuia & vina licentiæ voces , & nocituræ
libertatis pollicitationes: quæ non ignobilem par-
tem, latronum more dum amplexantur, strangu-
lant . hinc prece, inde pretio, alibi minis, quin &
spōnsionibus forinsecus melleis, soloq; promis-
sorio verbo grauidis , inuoluunt ignaros in illud
profundum contemptæ religionis. quosdam ex
insidiis, per importuna interualla, improuidos, ex
occasionebus assiliunt: molestum oppugnationis
genus, cùm neque tamquam in bello paratos esse
liceat, neque tamquam in pace securos : hinc non
tam robore, quām assiduitate fatigati, manus de-
derunt . Defluxit exinde hic turbo per vniuersas
propè Belgicas Prouincias ; nec summa papaue-
rum tantūm, sed & reliqua malignitatis suæ flatū
ambus-

ambus sit. Hic illud profundum fuit nobilissimorum Prouinciarum, alternis infidisque reciprocum æstibus, quibus, modò subitis alleuatæ incrementis, modò maioribus depresso damnis, assidue iactatæ, nusquam quadraginta his annis stabili steterunt loco: alteræ in alteras illisæ, & naufragium non semel passæ, nauigarunt infidum hoc mare, ventis ludibrium. Ô quando portum? fallor? an iam video? Huius naufragij pars aliqua ciuitas hæc: fateor: at pars magna prosuperioris cursus, fidentioris stationis est, nosse quæ signa anteambulæ dent nubes; quis locus vorticibus infamis: ut remediationis pars magna, agnouisse morbum est.

Verùm quò tu, quisquis hunc accusas næuum in pulcherrimo hoc corpore? papulas obseruas alienas, ipse vulneribus obsitus: verrucas rides, cùm te effera scabies depascatur. Ô semper æmula virtuti inuidia! quid si hic mores, si vitam, si reliqua tua spectanda proponam,

*Quàm timeo cœctus ne pœnas exigat Ajax,
Vt male defensus?*

Et cur non potius selegisti magna, melior iam apis, & tot sæculorum cónstantem fidem, quàm deterior araneus vix paucorum annorum fluctus, tamquam venena, à vicino mari? quid septem annorum iactatione damnas tot ætatum fidissimum fidei portum, tutam stationem? quid inno-

innocentiam maximæ partis, scelere paucorum? cur non flagitia paucorum, virtutibus excusas integrisque plurimorum? nam quæ hæc improbitas, tot ætatum, tot capitum virtutem, paucorum vitiorum criminacionibus sordidare? Nocturna quædam animalia, ad primum solis ortum stupent, & latibula passim petunt, timida lucis; ita ingenia praua, & solis nata tenebris, probitatis auersantur radios, inimica luminis: ergo obscura quæque venantur, in quibus infelicem linguam tamquam doméstico pascant pabulo. Verùm instent, commordeant, citius frangent dentes, quam imprimant. nam quid hīc volunt? noctem immittere æternæ huic vrbi? erratis infelices animæ. nam & solis vis magna est etiam inter opposita: & quamvis aliquid non raro interlaceat, quod prohibeat eius aspectu, cursu tamen suo fertur; neque quia inter nubila luxit, sereno minor est. Idem audeo de hac vrbe. opposita nihil detraxerunt, intercurrentia nihil ademerunt: minus tamen inter hæc fulsit, non nego. at more solis obscuri, & à subterlabente nube tenebrati, vim suam exercuit. Hoc itaque potuit aduersus hanc hæresis, quod aduersus solem nebula: tenebras nimirum interuomuit, nec omnibus tamen: nobiliori namque parti luxit. euenitque quod nauigantibus: licet enim in eodem elemento, non omnes tamen naufragium patiūtur, ac ne iactationem quidem.

Q

inīò,

imò, nec oborta tempestas quantumuis sœua, pari
atrocitate sœuiit in omnes: quosdam namq; vexit
molliùs, rapuit quosdam vehementiùs; alios pro-
pe littus depositum tamquam in tutelæ subsidium,
multos in altum vectos depresso. ita hoc animo-
rum profundum, paribus licet fluctibus, impari
tamē successu sœuiit in varios. hos totis obruit vn-
dis; alios destituit fluctibus, quos aut irrespirabili
pōst demergeret vado, aut inextricabili impacto
illideret arenæ, aut inenatabili committeret Ne-
ptuno; quosdam etiam leui, nec vltrà, excipe-
ret aspergine, tamquam rore tinctos vberiore.
quorum pars longè maxima, lucente sidere pro-
speriore, positisque ventis fluctibusque, rediit ad
saniora, ad portum aliquando secundiore cursu
deducenda per secunda solatia periclitaturæ fidei
à Domino posita; inter scopulos & sinus, inter
vada & hæreseos freta velificata, eo nunc tutior
quo cautior, securior quo se senserat nimis infido
concreditam elementum, & quo propius viderat
omnem hunc nouitium cursum de incertâ statio-
ne esse. Ita omnis nupera structura minùs firma,
ventisque iniuriisque obnoxia, non rarò ingenti
vnâque ruinâ, dominum familiamque sepeliuit.
contrà, nullo incursu loco mouetur, quam ætas
roborauit, & mora ipsa durauit in saxum: incur-
rant venti, admurmurēt, in se plus quàm in illam
sœuient, valido repercussu irritum conatum de-
docti.

docti. qui si in mollem cedentemque materiam
incidissent, damna dedissent. De materia ergo
habet profundum hoc omne, tempestasque in-
diuiduo illi nexu iuncta, si quid potest. hoc dico:
De infirmitatibus omnis hæresis habet quod va-
leat; nihil valitura, si in benè valentem fidem in-
currerit. Quid ergo miramur de quibusdam ab
hæresi captis? leuis fidei, palea leuis est, quocum-
que afflato raptatur: & tenuis scintilla depascitur
quantumuis ingentem struem.

Verùm antè eadem nobiscum tenuerunt. ita
arbitror. Sed quid mirum, probatum antè, posteà
excidisse? Saul bonus, Ieroboam, pluresque alij,
liuore & ambitione posteà euersi. & quām multi
iam inde ab Apostolorum temporibus, in hære-
sim, fidem demutarunt? neque ideò fides non bo-
na. alioqui & vites damnabis, & terrā, mariaque,
& quidquid fecundo vtrumque sinu mortalibus
profudit; cùm innumeri perierint, malignè iis
vtentes, quæ poterant esse (non & debebant?) in
medelam, in salutem. Et quis prudens ædificabi-
tur in ruinam ob degeneres quosdam veritatis
animos? Quod si quis fuerit, qui nouitia hæc
recensque nata sequi maluerit, quām nostra
tot ætatum prærogatiuā firmata; num hoc fi-
dem labefactabit, tantis comprobationibus te-
statam? quin adeò purior eo frumenti massa
in horrea Domini reponetur, quo tentationis

huius vanno plus paleæ excussum fuerit.

Et licet graue fuerit tot capita à veteri maiorum fide excidisse , maius tamen fuit, post nouerales semitas, redisse ad matrem ; post licentiaæ pabulum, ad restrictiora pascua ; post libertatis steriles auenas, ad secundum Domini frumentum ; post gustata nouitia mella, ad veterem disciplinam seueriorem; deniq; post viam perditionis floridam, latam , ad cæli angustam , vepribus sentibusque obsitam . Grauis hæc videri posset non cogitanti æterna , non cogitanti hanc vitam nihil esse nisi æternæ stillicidium . at si mentem cogitationesque, ab huius vitæ ludicris , ad alterius seria conuerterit; facile se, moresque suos, ad veterem regulam componet , certus non posse labi tot sæculorum robore stipatam.

Faceſſat proinde calūnia.nec tam quid factum aliquando, quàm quid nunc fiat, serij indagatores circumspiciant; nec probis damnandos misceant, memores etiam Magnum Augustinum à Manichæis ad nostros transiſſe . Quòd si porrò conuictiari pergant, quid reponam ? nolo contumeliam contumeliâ repercutere. quid ergo? credā? posset fors aliquis, niſi videret illos è patibulo spectatores suos conspuentes . ô inuidæ prosperioris successus æmulatio ! Nam vt faciles errorem agnoscamus, quid sperant ? quid si occinam illud Aristotelis; Nullū magnum ingeniuū sine mixturâ dementiæ:

Nano

*Nam vitiis nemo sine nascitur: optimus ille est,
Qui minimis urgetur.*

addamque vix ullum olim sine vitio placuisse ingenium. Daenim mihi quemcumque vis magni nominis virum; dicam, quid illi ætas sua ignouerit, quid in illo sciens dissimulauerit. Iam quæ orbe toto dignitas est, cuius non prætextam comitentur mille maculæ? quod regnum, cui non paratus est suus contemptus, cui non æmula proculatio? nullis propè hæc interuallis diuisa sunt. horæ sæpè momètum interest inter triumphos & dedecorationes; inter candorem & nævū; ac non raro inter solium & aliena genua. Seianus utriusq; fortunæ exemplum erit: quem quo die frequens Senatus deduxerat, populus in frusta diuisit: & in quem cum, quidquid congeri poterat, Imperator contulisset, nihil superfuit quod carnifex traheret. magnum alternantis fortunæ documentum. Quod huic aliquando, non cuius euenire potest? Nemo proinde rideat, cum paribus subiaceat. nemo iacentem etiam inimici fortunam contemnat; cum nullus tam potens fuerit, cui non in potentia suæ vertice paratus fuerit dominus & carnifex: nemo ingenio adeò sublimi, cui nō inerrauerit sua labes. Imò quæcumq; exultatio fuit etiam in fortunatissimo successu; etiam in latissimâ gaudij materia, tamquam oceano, cui non innatauerit aliqua querimonia, tamquam sæuior fluctus, aut

reiectitia spuma? aut vbi tam purus fortunæ risus,
cui non subesset morosior rictus? demum, quæ
vsquam lætitia, etiam insperata, cui non adhæreret
aliquid mœroris, coniugatione quâdam mellis
& fellis? vbi nimirum vber, ibi tuber.

Quamquam si non perpetuo Veritas silentio
inuoluenda; pleraque hæreseos Antuerpiæ capita,
defluxisse comperiemus è Galliâ, Germaniâ, An-
gliâ; aut adnauigasse ex viciniâ, tamquam adia-
centium Prouinciarum vomitu in hunc portum
excussa. pauca verò raraque hîc nata. nec capita
tantùm, sed & quæ comitata est turba impro-
uidâ sequelâ: cùm non minima pars huius, nec
quid sequeretur sciret; neque nupera hæc dogma-
ta, de solâ nouitate imperitorum oculos auresque
percutientia, extra nudum nomen nosset: vt non
tam secuta ductores, quam turbine quodam
inuoluta, tamquam valido palea vento, censi-
debeat. Huius rei manifestum habes indicium.
vt primùm enim illuxit sidus certius, & reiecta
Veritas retexit fucum, discussit nubem, & poten-
tiore radio denubilauit cælum, reddiditque sub-
ductum solem; damnatâ temerariâ sequelâ, fa-
tuoque cæcoque delectu, ad veterem, sæculo-
rum robore firmatam, fidam carinis stationem se
recepit, certior iam de salute.

Exurgit tertius, & ad retrosiora criminationem
conuertit: anniique sexagesimi sexti vrentem tur-
binem

binem obiectat. Habet is h̄ic fatentem reum, at paucorum h̄æc insolentia fuit. Et quid magnum dormientibus Belgis in simplicitate doctrinæ (noxia semper nimia securitas fuit) fructificasse auenas Lutheranorum? quibus fecundiore successu Caluinianæ, Mennonianæque superseminatæ, excusserunt latissimè semina, etiam in vrbe hac, quæ cùm sperarentur posse suffocari, irritus conatus omnis recidit: nimis enim dense superseminata, succreuerant cùm frumento: pars etiam subdolâ latebat viuacitate, tamquam consepulta terræ, ut postmodum erumperet eo potentius, quo morâ temporisque ductu plus collegisset nocituri roboris. ac erupit tandem, simplicesque plurimum (quæ maior ferè credentium pars est) traxit in ruinam. Neque deerant, licet pauci (quales ferè post spolia racemi) in profundo illo Belgico somno, qui ex alto prospicientes, præmonebant, tempestatem imminere, quæ non multo post, ruptura nubem suam, grauia damna daret. sed cùm rari denuntiatores essent, & credula nimis fidensque sui securitas, bona speraret quæ amabat, mala non timeret quæ auersabatur, nec putaret euenire posse quæ nolebat; secutæ sunt, quæ

— *animus meminisse horret, luctuq; refugit,*
siue cædes refugâ memorâ repetam, Belgicum-
que pingue solum sanguine, siue nobilissimæ re-
trò

trò Prouinciæ vastitatem . Tamen si vetera spe-
ctem, nihil est quod meritò quis miretur. à pri-
mordio namque Religio vim patitur. qui Deo pla-
cuerat, occiditur, & quidem à fratre; quo procli-
uiùs impietas alienum sanguinem insectaretur,
à suo auspicata : Helias fugatur , Ieremias lapi-
datur, Isaias secatur , ipse Legis clausula, in puellæ
saltatricis lucar trucidatur . Eadem reperies omni
ætate. quanti Casariano gladio ceciderunt? quanti
aggeres campique Christiano fatiscentes sangui-
ne, flumina retrò egerunt? quàm multi dispersi,
palabundi, cælique solique sui extorres, in alias
alio calentes sole terras eiecti? vt nihil hîc nouum,
si ætate nostrâ, post tot sæculorum altam in vnâ
Religione pacem , insurrexisse senserimus diabo-
lum, qui Belgas à cultu veræ religionis auerteret,
inanibus pollicitationibus , libertate præmio.
At verò persecutio illius, gloria est nostra . Veniet
tempus, cùm omnis hic conatus nullo impellen-
te corruet, cùm eradicabuntur omnes supersemi-
natæ agro Dominico zizaniæ : si quò minus,
die suo colligentur omnes adulteræ fruges , &
cum ceteris scandalis igni inextinguibili cre-
mabuntur.

Non addam plura, si Deum precatus fuero,
vt irretitos his aduersarij fallaciis, insidiisque cir-
cumuentos, requirat per montes & saltus, & hu-
meris reportet ad ouile verum , ouile suum . Et
quid-

quidquid error vetus inquinauerat , quidquid ig-
 norantia contaminauerat,^{Tertull.} id omne pœnitentia ^{de Pœni-}
 tens & radens , & foras abiiciens, mundam pectoris
 domum superuenturo Spiritui sancto paret, quò se ille
 cum caelestibus donis libens inserat. Hæc est enim vir-
 tus illa, quæ sola fluctibus mersos vitæ reddet , &
 in portum diuinæ clementiæ protelabit : vt qui-
 cumq; antè nō nisi sine vitâ truncus, arbor exinde
 fiat, quæ penes aquas seritur, & in foliis perennat, &
 tempore suo fructum agit; qua non ignem, non securim-
 videbit . Hæc vota mea : & illis fusa qui etiamnū
 fluctibus colluctantur . Scio non multos inter
 hæc mœnia reperiri : &, si vniuersam Rempubli-
 cam spectem , vnguem esse , ac ne vnguem qui-
 dein; crinem esse, ac vix benè comati, & de capil-
 litio luxuriantis capitis crinem . quidquid est , &
 quantulacumque hæc res est , deterso omni vene-
 ratio afflatu, relictâ adulterante semitâ, spurioque
 vberè, in viam redeant, ad germana matris vbera;
 nihil aliud sitientia quàm leuari in salutem, quàm
 lactare in medelam. Hæc vota mea. & vt hoc nau-
 fragio semel erepti, exinde repudium fluctibus
 dicant: & Dei beneficium, salutem scilicet suam,
 periculi memoriâ honorent. Hic namque animis
 opus, cùm nusquam, numquam sœuiat hostis ma-
 gis, quàm cùm prædam sentit faucibus suis ere-
 ptam: accenditur namque plurimum, dum extin-
 guitur ; dum tot in homine mortis opera diruta,

tot videt damnationis titulos eratos, in quot illum
 antè fidei naufragia, errorum flabris impulerat:
 itaque obseruat, obsidet, oppugnat, si quā possit
 mentem semel suam nouā dubitatione concu-
 tere, aut ludentibus irretire illecebris. neque vñ-
 quam deficit, qui iuxta Euangeliū, tamquam
 1. Pet. 5. *leo rugiens circuit, quārens quem deuoret.* & assu-
 mit septem alios spiritus secum nequiores se, vbi inue-
 nit domum scopis mundatam & ornatam. Verūm
 non statim linquendus animus. insurgant licet
 4. Reg. 6. aduersaria agmina, fortior est Deus, & plures no-
 biscum sunt quām cum illis. Pigeat proinde rursus
 peccare, rursus huic se profundo credere. si quid
 adhæserit ab hoc inimico afflatu, non pigeat pœ-
 nitere: & cùm pigeat iterūm periclitari, non pi-
 geat iterūm liberari. neminem enim pudere de-
 bet iteratæ valetudinis, si quæ inualetudo se mi-
 scuit. iteranda scilicet medicina est, in recrudescē-
tiam morbi. Nec differamus de die in diem, pudoris
 magis quām salutis memores. ita quidam parum
 prudentes cùm conscientiam medentium rubore
 vitant, cum erubescentiā suā pereunt: & cùm non
 erubuerint peccare, reformidant prodactæ saluti
 reformari: ad delinquendum frontem expanden-
 tes, ad deprecandum subducentes. Infelix vere-
 cundia! quæ, cùm non erubuerit vindicem Dei
 oculum, erubescit humanum. In sæculi dignita-
 tibus, quantis non rarò cum contumeliis, enitun-

tur

tur varij in causâ votorum suorum ? quæ non atria nocturnis & crudis salutationibus occupant, ad omnem occursum maioris alicuius personæ, imò & inferioris, decrescentes? idque totum pro volaticâ quâpiam, & fors breui dominum suum lusurâ dignitate: nos in æternitatis periculo dubitabimus aliquid tolerare ; & peritum ruborem veremur , quo æterno remediamur ? quamquam plerique hîc omnes, damnatâ nocitura erubescentiâ , secunda à Domino posita solatia magnis amplexi sint animis, eo nunc securiores, quo clariùs vident in quantis fluctibus improvidi dormiuerint, tamq uam in altâ malaciâ.

Pictas, & in Deum cultus.

ET sanè, qui veterem anni sexagesimi sexti turbinem , quique nouam hanc Reipublicæ faciem intuetur, perfacile videt, quantis mutuò dissideat interuallis. Aberat, fateor, à veteri, subiti & ætate nostrâ exorti naufragij metus: sed inerat torpor animis, & diuinorum quidam neglectus, perpetuaque cælestium somnolentia ; vt tamquam vi quâdam soporati Stygiâ, madidiique Letheo rore, laxatis quaquâ iacerent artubus, in altissimâ quiete , & de quibus meritò posset intentari illud Euangelij : *Vt in am frigidus es, aut calidus: Apoc. 3: sed quia tepidus es, & nec frigidus nec calidus, incipiam te euomere ex ore meo.* At nunc ignauo depulso so-

pore vigēt, vigiliq[ue] curâ perennaturis inten-
dunt animos. tantoq[ue] passim accursu, & templa
petunt orationum ad Deum sacraria, & altaria
cingunt Summi Numinis repositoria, & Sacra-
mentis muniuntur, cælesti in his rore sitientes
animas restinguentes in vitam, vt nemo h[ic] iam
Hesperiam, Iberiamq[ue] desideret: audeo: nemo
non totâ iam Hesperiâ, Iberiâ totâ, Antuerpiam
desideret. Intuere, siue ad populum verba facien-
tes de sublimiore Ecclesiastas loco, millia repe-
ries auditorum, nobiliq[ue] ingentiq[ue] semper co-
ronâ doctorem suum cinctum: siue altaria fecun-
do Dominico corpore grauida, cælestiq[ue], vt ita
dicam, igne fumantia; omni omnino die, Domi-
no aut Diuorum cuicumque sacro, millia videbis
cælesti potentiq[ue] pastos epulo. De quo audet

Homil. Chrysostomus: *Tamquam leones ignem spirantes*
¶ ad pop. *ab illâ mensâ recedamus, facti diabolo terribiles,* &
Antioch. *caput nostrum mente reuolentes, & caritatem quam*
nobis exhibuit. Nam parentes quidem aliis s[ecundu]m filios
tradunt alendos; ego autem, inquit, non ita, sed car-
nibus meis alo, & meipsum vobis appono; vos omnes
generosos esse volens, & bonas vobis prætendens de
futuris exspectationes: quippe qui vobis h[ic] meipsum
trado, multo magis in futuro. Volui frater esse vester,
carnem propter vos & sanguinem assumpsi: vobis
viciq[ue] ipsam carnem & sanguinem, per quæ cognatus
vester factus sum, trado. Magna dignatio! &
alibi:

alibi: *Cogita quali sis insignitus honore, quali men- Homil.
sa fruaris. quod Angeli videntes horrescunt, neque*^{60. ad pop.}*Antioch.*
*liberè audent intueri, propter emicantem inde splendo-
rem; hoc nos pascimur, huic nos unimur, & facti
sumus Christi corpus, & una caro. Quis loquetur
potentias Domini, auditas faciet omnes laudes eius?
Quis pastor oves proprio pascit cruento? Et quid dico
pastor? Matres multæ sunt, qua post partus dolores,
filios aliis tradunt nutricibus. hoc autem ipse non est
passus, sed ipse nos proprio sanguine pascit, & per om-
nia nos sibi coagmentat. Felix coadunatio! digna
Deo potatio, cibatio!*

Quòd si ad Pietatis reliqua oculos circumtule-
ris, spirantia singula ac redolentia Deum reperies.
ipsaque adeò Templa, ad inuidiam & exemplum
gentium omnium, nobilissimis orbe toto pictu-
ris variegata, omniq[ue] ornatus genere diuite
opulentata voto, quid aliud quām inhabitantem
Deum testantur, animosq[ue] salutis, Summiq[ue]
Numinis sitientissimos; tamquam in præteritæ
obliuionis & torporis anathema; tamquam in
futuri temporis testatissimam fiduciam, spem-
que nusquam frustrandam? Maestri animis. viuite
felices tantâ solidę Pietatis prærogatiuâ orbi nosci-
biles. Nulla hanc lingua, nullus tenebrabit cala-
mus. erumpant licet nociturnæ viperæ, insiduntur
calcaneo noxiis venenis, Pietas vna est, quæ dete-
nebrabit discussâ quacumque nebula diem; quæ

euenenabit omnem venenantis linguæ sibilum. Secura iam, quia innixa dilecto suo, sponsa sponsu : à cuius labris medicamina , tamquam à lacteo puer vberē , sugat in medelam ; à cuius pectore, tamquam à perennaturo fonte, sitim restinguat in labantium laterum roboramentum; à cuius disciplinatu , prudentiam hauriat in secretionem boni à malo, falsi à vero, dolosi à sincero, ac in omnis improbitatis fugam , omnis sanctimoniaz sequelam. ita voueo. eueniant hæc tantùm secundo Numine . addatque ad reliqua beneficentiaz suæ Deus, ut quicumque Antuerpiam vidit antè infidâ nauigantem naui , excusso clauo, disscessis rudentibus, disiectâ puppi, collisâ prorâ , scisso velo, retorto malo , derasis lateribus , totaque Neptunum alio admittentem, laxisque quaquà compagibus inimicum imbrem accipientem, ventorum & fluctuum ludibrium ; nunc videat æratâ prorâ puppique sulcantem maria; foris, transtris, pluteisque & tabulato validè firmato ; durisque costis tamquam è chalybe procusis, ridentibus saeuentis elementi minas: inde gubernacula tamquam ætnæ cusa fornacibus: hinc suppara velorum, carbaceosque sinus, superbo ludentes vertice; pronam denique felicia petentem maria, apertoque secundoque decurrentem pelago, dominumque diuite beantem portu. Ita faciat facilis ad vota Deus, Diuaque Dei mater : quæ in hoc ingenti laudum

dum oceano , ignarum loci,

*Ignarumq; via, nostros miserata labores,
piis iam olim suorum precibus assueta vocari , ad
optatum deduxit portum.cui ego,cui vos omnes,*

M A T R I O P T I M Æ,

P A T R O N Æ P O T E N T I S S I M Æ

D O M I N Æ B E N I G N I S S I M Æ,

R E G I N Æ M V N I F I C E N T I S S I M Æ,

quid referetis?aut quem in Vrbe hac vestrâ locum
statuetis?

P R I M V M , S V M M V M , A V G V S T I S S I M V M .
adeoque

In medio mihi D I V A locum templumq; tenebit.

Illi ego detonsa foliis ornatus olinæ

*Dona feram. iam nunc solempneis ducere pompas
ad delubrum illius iuuat : cuius*

*In foribus pugnam ex auro solidog; elephanto
Liranam faciam, victorumq; arma Quiritum:
Et simul cunctantem bello, magnumq; fluentem
Scaldim , ac nauali surgentes ære columnas.*

Mænibus his addam Gallum pulsuumq; Batauum.

*Atque hinc raptam manu diverso ex hoste tropæa,
Bisq; triumphatas vario de littore gentes.*

— *Festosq; dies de nomine ponam*

*Vietricis nostræ : cuius post Deum fortunatissi-
mis auspiciis , quidquid in vrbe hac magnum,
stetit ; stabitque æternum. Ita voueo , & finio*

peren-

perennaturo Belgico & Aduatico monumento,

Quod non imber edax, non Aquilo impotens

Possit diruere, aut innumerabilis

Annorum series, & fuga temporum.

BELGIVM orbis ANNVLVS,
ANNVLIQVE huius GEMMA
ANTVERPIA.

BELGIVM orbis OCVLVS,
OCVLIQVE huius PVPVLA
ANTVERPIA.

BELGIVM orbis NEMVS,
NEMORISQ. huius LAVRVS
ANTVERPIA.

BELGIVM orbis PARADISVS,
PARADISIQ. huius DELICIAE
ANTVERPIA.

BELGIVM orbis CAELVM,
CAELIQ. huius SOL
ANTVERPIA.

O salue amica Tellus; vrbium VRBS, DOMINA,
REGINA. Te Medus, Te vterque Indus, Afer,
Nabathæus, Arabs; Te primi sideribus, terris vltimi;
Te Moschus, Persa, Tartarus; Te potens
Mogor; Te latè Ottomannus imperans; Te
quidquid vbique est, Britannus, Iber, Gallus,
Italusque,

Compositis venerantur armis.

O sit in eternâ veneratio PACE! vt pulsis inanibus
diffidentiae flabris, fidâ veterique Belgicâ fruamur
malaciâ. Nimis, ah, nimium consanguineo inna-
tauimus sanguini, emulorum ludus Imperiorum.
ô quoties illa nos refugo labiliâ vestigio, Tan-
talicoque fugituo lusit attractu? Olim ille

Ter conatus erat collo dare brachia circum;

Ter frustrâ comprensa manus effugit imago,

Par leuibus ventis, volucrig, simillima somno.

at nos tot annis quoties frustrati sumus? Venisti
tandem ô sperata SALVS. atque ô toto si veniss
corpo! quid dimidiâs beatitatem? cur solam
porrigis dexteram, amplexus negas? necdumne
cruoris fusum satis, agris atque Neptuno super?

Quis non Batauo sanguine pinguior

Campus sepulcris impia prælia

Testatur, auditumq, Regnis

Belgiacæ sonitum ruinae?

Qui gurges, aut qua flumina lugubris

Ignara belli? quod mare Battanae

Amanno demandarent: neque tamen hanc omnem, aut promiscuè, aut vni: sed *Marchioni*, quidquid vbique criminis aut maleficij aut sanè publici iuris esset; *Amanno*, quidquid extra crimen, priuatorum ius fasque tangeret: ne si omnis iuris latitudo, in vno resideret, in nimiam metuendamque potentiam excresceret. Simul etiam, quo cuique certius ius suum constaret, quod non ab vnius voluntate, sed à plurium impositi inter se muneric quadam æmulâ concertatione pugnantium, dependeret.

Quæstores ærarij, qui & *Praefecti ærarij*, sub *Numann* fuerunt. horum erat ærario præesse, curam illius gerere, pecuniam publicè & priuatim erogare, in tabulas accepti & expensi referre. Duo creati P. Valerio Poplicolâ Cos. *Vrbani* dicti. duo additi anno V. ccxxxii. octo deinde creati circa annum V. cccccxciii. viginti sub Sullâ:XL. demum sub Cæsare. Augustus verò omnem ærarij administrationem tribus *Praetorijs* sorte lectis ad triennium mandauit.

Vnus hîc *Quæstor* seu *Praefectus ærarij* est; cui eadem quæ Romano, munere, curâ, erogatione concessa. Tres tamen sunt quibus ad triennium omnis ærarij hîc administratio credita: inter quos ille primus, duo reliqui è ciuium numero sunt. delectus autem formula hæc est. Tres Senatorij ordinis, à *Senatu* designantur, è quibus *Decuriones* Corpo-

Corporum ciuitatis, vulgò *Ambachten*, in tres principes Tribus relati, vnum diligunt. Hic *Quæstor* seu *Praefectus ærarij* est, dicique Senatorius potest, cùm è Senatorio ordine defumatur. In inferiorum delectu pugnat ex diametro cum priore, modus. *Decuriones* enim, tres ordinis sui designant, è quibus *Senatores* vnum diligunt; hic plebeius dici potest: qui vbi triennium munus obiuit, altero triennio Plebeij seu secundi *Quæstoris* ac *Praefecti ærarij* munere fungitur, ac demum sexennio expleto magistratu abit.

Tribuni. nomen horum æquale Vrbi. sub Romulo enim *Tribunos Celerum* lego, & *Tribuum præfectos*. Vox hæc initium duxit à ternario numero, cùm tres tantùm tunc populi partes, *Tribus* dictæ, quibus qui præerant *Tribuni* vocati. Fuerunt & *Tribuni militum*. primi tamen inter *Tribunos* potestate, dignitate,

Tribuni plebis. sacrosanctus hic magistratus, quæ violare capitale erat. è plebe creati, iuris plebeij vindices. duo primùm, mox tres additi, inde quinque: vniuersi ergo decem, quibus nudum primùm ius auertendi vim Superiorum, & intercedendi decretis, donec paullatim populari fiduciâ progressi, in immoderatam lapsi licentiam, ingentium materiem turbarum & dissensionum dederunt. Fracta hæc sub Imperatoribus potestas, donec vniuersim sub *Constantino* sublata.

Nescit, quid alma dulcia fædera
 Tulere Pacis; prisca quid otia
 Dedere Saclo; quid beata,
 Sanguineo sine Marte, luce.

Heu Clara quondam Belgica! Belgica
 Saclis Auorum! Quò decus hoc tuum
 Ploranda fluxit, ut iacentes
 Vix oculos tua turba norit?
 Deuota mæsti sanguinis indeles!
 Semper paterno deterior gradu!
 Quot, heu! virorum busta, strages,

Funera quot tulimus! quot enses!

ANTVERPA prodi, ô decus orbium!
 Sententiarum flebilium memor:

ANTVERPA, dic, peplo nigrantem
 Mæstifico redimita frontem:

Scaldim gementi vidimus aquore
 Clavis vehentem luctifera rates;
 Ensesq; thoracaq; & hastas
 Sanguineis natitare lymphis.

Sed quid recenti prælia murmure
 Bellata canto? spirat adhuc furor,
 Tepentq; stagnanti cruento
 Purpurei, prope littus, agri.

Lallis puella somniferis canunt
 Iam nota pusiæ prælia bimulis,
 Ciuemq; muris prouentem,
 Armaq; magnanimaq; turmas.

Canit

Canit viator lassus, amabili
 Fusus sub umbrâ: Nautaq; torpidus
 Transtro recumbens; cantat, aptans
 Aequoreus populator hamos.
 O mæsta dira munera gloria!
 O Belgica! ô trux Belgica! tot malis
 Ditata cladium exterarum
 Totq; virûm celebrata bustis!
 Quocumque vertor: Funera, funera,
 Ducumq; cerno strata cadavera;
 Et astuantes turbulentâ
 Sanguinis elunie plateas.
 Aduerte mites, ô DEVS! ô PATER!
 Huc, testor, aures; & misericordum
 Tandem ruinis pone clemens,
 Et facie meliore fulge.
 Nam sat, cruentâ fulmina dexterâ,
 O sat, vibrasti! templaq; Candidæ
 PACIS, reluctantefq; habenas
 Horrisono iaculatus igne.
 Exosa tandem prælia matribus
 Sagumq; dirâ lugubre Purpurâ
 Toga perennantis nitore
 Et viridi bene verte palmâ.
 Audi vocantes, OPTIME, MAXIME;
 Cesset flagellis dextra rubentibus;
 Iam Belgicus sat arsit orbis,
 Instituâ iacula flamas:

Caliginosis nubibus emicat
 Aurora Pacis, aura fauentior
 Induciarum, nube pulsâ
 Da stabilem nitidumq; solem.
 Audi vocantes; Pax iterum Redux
 Nectens catenis cincta adamantinis,
 Pax fida, Pax eterna, firmet
 Indociles animos teneri.
 Et redde Pacem; redde vocantibus
 Secura Belgis Otia; Fædera
 Æterna redde : sat parentum
 Crimina posteritas pianit.
 Exulcerata vulnera Belgicae
 Tegat cicatrix, nullaq; Gratiam
 Diffindat ira, nulla clausum
 Lis valeat reserare Ianum.
 Olim rebelles, ô pudor! ô probrum!
 Fraterna Belgæ pralia gesimus:
 Quamquam ô! sed obductam pauesco
 Vngue malo refricare plagam.
 Quæ credet atas arboris cunius
 Pugnasse ramos? Matris & cunius
 Euiscerata membra tabo
 Sacrilegos maculasse natos?
 Numquam gemelli dentibus asperis
 Luctantur apri; nec catuli lupæ
 Turgente pendentes ab alio
 Vbera vulneribus cruentant:

Cadmaea fratum progenies, agris
 Belgæ paternis, vulnera mutuo,
 Immane! prostrati iacebunt,
 Ausi iterum renouare Thebas?
 Belgæ furentes Oedipodis face
 Materna diris ilia morsibus,
 Heu! lancingabunt? stabit ensis
 In patriæ ingulo cruentus?
 Quæ dira Belgas, quæ furialibus
 Flammis Enyo precipites agit?
 Tot incliti, invicti, Belgæ
 Indecores pereant duello?
 Tot BALDWINI puluere patrio,
 Tot GOTTFREDI turpiter occidant,
 Dum rixa ciuileis pudendo
 Fulmine deglomerat procellas?
 O flenda virtus! si sibi discrepat
 Ingens potestas; si stomacho caput,
 Si fauibus pedes rebellant,
 Roma tuis moriere cunis.
 Frustra laborat rumpere viribus
 Implexa vincit spicula spiculis
 Heres Sciluri; dissipatas
 Marte leui minuet sagittas.
 Res parva crescit, si sociabili
 Subit catenam foedere; pertinax
 Testudo, scutis scuta densans,
 Depluit imbricibus molares.

Insanientem fluctibus Adriam
 Compacta ridet teda celocibus:
 Vis magna nullo iuncta nodo
 Pondere sub proprio fatiscit;
 Sic vinculi expers mole ruet suā,
 Suisq; sidet Belgica viribus:
 O illa formidata quondam
 Solimanis, pauidoq; Turcæ.
 O illa quondam Belgica, barbaris,
 BOVLLONE PRINCEPS, te duce, matribus
 Abominata, te superbas
 In Solymis referente palmas.
 O illa rursum scilicet omnibus
 Timenda regnis, si melior Deus
 AMORE mansuram FIDELI
 Annueret sociare PACE M.
 Collecta quid non efficiet manus?
 Consentientis COPVLA BELGICÆ
 Terrebit orbem, fäderatos
 Discret Arabi Tanaisque Belgas.
 Discéque tandem perfidus Ottoman
 Immanis, exlex, & fidei & Dei
 Iuratus hostis, quanta Belgis
 Marte sacro bene nexa virtus.
 Vna est futura pignus adoræ
 OSTENDA Flandris Troia, tot Hectorum
 Tot Nestorum commune bustum,
 Scylla viris, opibus Charybdis.

Osten-

Ostendæ belli meta Batauici,
 Tu sola nummos, robora, machinas
 Belgásque concordes domandis
 Sufficeres Asia tyrannis.
 Ite, ite Belgæ; iungite dexteras,
 Vires, Virósque iungite, supplices
 Ostentat Idumæa palmas,
 Magne redi GODEFRIDE, clamans.
 Heu! terra CHRISTI sanguine perlita,
 Nati, renati conscia numinis,
 Subacta, collo fert superbos
 Impositis pedibus tyrannos.
 Captiva CRVX est qua pretium dedit
 Orbis redempti; pressa ingo grani
 IVDÆA LIBERTATIS ARA
 Barbaricas patitur catenas.
 Hac digna Belgis gloria, Belgica
 Si digna magnis Posteritas anis,
 Vt cvinclæ, Caudinásque furcas
 Solimano domito reponant.
 ANVERSA quantos tunc daret hostium
 Victrix aceruos, stragibus aggerans
 Campos rubentes, LIBERATÆ
 Prima ferens titulum IVDÆÆ?
 ANVERSA Belgis celsior omnibus,
 Iurata quondam VINCERE VEL MORI,
 Heroas inscripsit sacrato
 Prima Crucem titulans maniplo.

ANVER-


ANVERSA opimis tunc spolijs Ducum
 Dives, trophai marmora Gallici
 Oblita, Liranamq; quercum,
 MAGNE DEVs! foribus dicaret
 In MARIANIS, arma cadentibus
 Erepta Turcis, Loraq; curruum
 Arcusq; Peltaq; AEVITERNAE
 Digna DEO monumenta PACIS.



ERRATA.

PAG. 23. LIN. 9. ausaq; lega ausaq;		56. 1. & alibi Antileæ	Antileæ
34. 21. marem	marem	59. 1. salientes	salientem
36. 12. Xeuxis	Xeuxis	67. 24. Pihium	Pighium.
49. 1. saperet	saperet	77. 11. at	ac





Η ΠΡΩΤΟΓΕΝΕΙΑ
ΚΑΙ
ΕΠΙΣΤΡΕΦΟΜΕΝΗ
ΤΥΧΗ
ΤΗΣ ΑΝΒΕΡΣΗΣ.

1728.09.21. 22
1728.09.21. 23
1728.09.21. 24



Ω Πότνια Πάρθνε, μάτερ
 Αμετέξα, λίογομα,
 Τὰν πολυζένεν ἐν
 Γερομηνίᾳ ἵκε, Κέ-
 θεν ὅπα μαιόμενα.


 Νπέρ τρόπον οἱ τὰ δ' αὐγάλματα διαπλάτ-
 θύτες, πᾶν τὸ παρ' ἐκάστοις καλὸν Σωμαγ-
 γόντες, καὶ τὴν τέχνην ἐπι διαφόρων σωμάτων
 αἴθροισταντες, εἰς μίμησιν μίσιν, καλλος ἐν
 ύγιεις, καὶ αἵριου, καὶ ἡρμοσμένου ἀντὸν ἀντῷ
 ἔξεργαίζοντόν δ' αὐτὸν τρόπον τὸν Αἰνειρσαν καὶ τὸ αἰειβέσα-
 τον, καὶ χρειωδέσατον (ἢ ψιλῷ λόγῳ ὡς τὴν τῷ Πλάτωνι) οἱ
 θεοὶ καὶ φύσις ὥκισεν.

Ως ὅτε λείρια καλὰ περιβομένοι μέλισσαι
 Πέτρης ἐπιχύμεναι σιμόλιόδος, ἀμφὶ δὲ λειμῶν
 Ερσήσιγάντα· ταὶ δὲ γλυκὺν ἄλλοτε τ' ἄλλον
 Καρπὸν ἀμέργυσιν πεποτημέναι.

Ὅτως Αὐγλασπτόλισματαργοτέχνη τὰ λοιπαῖς τὰν τῆς ὄικε-
 μένης πόλεων νεμπιθένται σφέψασα, τωρὸν τε σωμαγγύσα, τὴν
 Αἰνειρσαν, γῆς αὐγάλμα, νυμφῶν καὶ χαεύτων ὑφασμα πα-
 ρεῖχε· τὰ γὰρ παρ' ἐκάσταις αἰξιοθέαται, ἢ αἰξιοπηγητότατα, τάντη
 δαψιλῶς ἔχορηγήσατο, ὡς, ἀπερὶ πολυθευλάτων τῆς ὄικεμένης
 πόλεων πανηγυρίσαντες πάλαι δηλθον, γνωρεῖ· ὄνομα γῇ
 ἀντὶ ὄνοματος αἱμένψαται, τοιεὶ τὸ Αἰνειρσης λόγυς ποιῆσαι, αὐ-
 τηνωμένσαις. Συμβεβηκεν γὰρ ὁσερ ἀνηγμα τῇ πόλει, ἢ Τσ-

ζέν εὐφημιῶν καὶ δόξης πεῖσσι, θάυμη καὶ ως ἐλάχισον τά-
ται ὡν μετεῖν, εἴποι π; , 8 τὸ παντὸς αἰμαρτίστεα. ἀλλας
μὴν χώσεις ἐλέφαντες καὶ λέοντες κοσμίσοι, Ταῦτα δὲ πάσι καὶ
κύνες, Ταῦτα δὲ τὰς πάντας αἰχνέοντας ἐκπλήσσεται τὸ πόλιν κοσμεῖ
πάντα γῆς τὸν κάλλινον. ἀγαθαὶ γὰρ ἐκ πάσους γῆς, καὶ θαλάσσης,
ὅσα ὡντα φύσης καὶ χάραμ ἔκαστα φέρεται, καὶ ποταμοί, καὶ
λίμναι, Καὶ τέχναι γίδαι, καὶ ἄλλων ἔθνων. ὡς εἴπει Λευταπάντα
ἐπιθεῖν διάλογον, δεῖ αὐτὸν ἢ πᾶσαν ἐπελθόντα τὴν ὀικουμένην
ἢ ταῦτας, ἢ ἐν τῷ πόλει τῇ πόλει γενόμενον. ὅσα γὰρ ἐ-
κάστοις φύεται, Καὶ ταῦτα καὶ ταῦτα, οὐκ ἔτινας οὐκ ἔνταῦθα δεῖ Κ
περιγίνεσθαι. Ταῦτα δὲ δεῦρο κομιζόσαι τοῦτα πάντων ὀικάδες,
αὐτὰ πᾶσαι μὴν ἄρχει, πᾶσαι δὲ φειώπωξον περιβοπήν, ὡς ἐοικέ-
ναι τῷ πόλιν κοιωτῶν τὴν γῆν ἐγατηρίων. Φόρεται μὲν αὖτις Ἰνδῶν εἰ-
βάλλει τοῦ, Καὶ τὰν Θύδαιμον Αἴραντα, Τεστάγος οὐδαμὸν ἔξεστω, ὡς εἰ-
κατεῖν γυμνὰ τὸ λοιπόν, τοῖς ἐκεῖ λελεῖ φειώπα τὰ δένδρα, Καὶ δένδρο
δεῦν ἐκεῖς ἐλθεῖν, ἔτοι τῷ δένδρῳ, πάντα φειώπωξον ταῦτα·
ἔπειτας δὲ αὖ Βασιλώντας, καὶ τοὺς ἐπέκεινα βαρβάρος
κόσμος, πολὺ πλείστε καὶ ράπτων εἰσαφινωμένος, ἢ ἐπ Ναζού,
ἢ Κυδίῳ Αἴραντας δεῖ κατάσαι πάντας εἰπεῖν φέρεντας. γεωργία
ἢ πόλεως, Βελγία, Κελτική, Ισπανία, Καὶ κόσμος ὅσον ἔπειρον.
κατάπλει δὲ, Καὶ απόπλει 8 ποτε λείπεσσιν. αἴτεχνῶς δὲ ὅπερ Ηγε-
τῷ ἔφη περὶ τῶν Ωκεανῶν περιστάτων, εἴμα τόπον 8 συμβρέποντας
πάντα, Καὶ ταῦτα συμπίπτει, ἐμπορείαν, ναυπλίου, γεωργίαν, ιε-
ταῖτων καταφασίς, τέχναις ὀπόσαμεντίτες Καὶ γεγένηται, πάντα σα-
γηνάται, Καὶ φύεται. ὅποι δ' αὐτὸι ἐνταῦθα ιδούσι π; , οὐκέτι τὰν γειομέ-
νων, ή γεγονόμενων. οἷμα εἴ ποτε ἐνταῦθα πόλεως ἔδει φαινεῖσθαι
χρονίον, οὐταντὸν τὸν τέλεσθαι φασι τοὺς Αἰραντας. καὶ ἀλλα
ποταμούς τε, Καὶ ζώων, ὅσα πέτρας ποιοῦν ἐπιστήν, τοῦτο δὲ αἱ φαινεῖσθαι
ινοῖται. οὐταντοις δοκεῖ πεφυκέναι παράδικη μα πόλεως εἴναι, Καὶ το-
τε πολύτελογοποιηταὶ μηδέποτε περιστενάδει, οὐτε αἱ ληστές χρήματα εἰς
επαγ-

Ἐπανον· ἀλλ' αὐτὴν περιέχειν τὸν ἔρωτα αὐτῆς πᾶσιν αὐτράποις,
καὶ αὐτὴν καταγκάζειν φθαλιάς, ὃς καὶ πείθεται. τέλοται
γὰ υπὲρ Τίς Σκαλδὸν αἴνιθεν ὡραῖας αἰφιεῖσα διηνεκές· ὃ περὶ²
αὐτούχην γένεται περιγράμμον τὸ μέγεθος παρεχομένη, αἱ λαὶ παν-
ταχθπολλὴ καὶ προσπλογία καὶ ἐστιν αὐτῇ τὸ μέγεθος κάλλος
περιεχόσια. κόσμοι τεοῖτε σὺ αὐτῇ, καὶ οἱ περὶ αὐτὴν ἔξι τοι
πελάστε, καὶ λαμπεσθήτε, Καὶ ποδενολέργες ὃς καὶ λελειπότες· ἀλλ' ἐστιν
ἀπασα αἴστης δι' αὐγαλιάταν, οἱ κατάπατοι χιτάνες. Ιερόπι
Τίς τὸ ακερπόλεως δι. μὴ ποταμὸς ψωρρεῖ, Τὰς δὲ περιέχειν
υφορμεῖ καταμηνυμένην αἰμοφοίρεις ή πόλις, διὰ τοιαν ταῦν ιδί-
σων θεαμάτων ἐκχειτὴν Ψυχὴν, γένεται ἐστιν ὃς τις ἐρείσῃ τὸν ὄφ-
θαλμὸν, ἐλκέτης δὲ ἐφέαυτακεσον, ὁσπερ ἐν δέρμῳ ποικίλῳ. αργὸν
γένεται θεάματος, γένεταις. ποίας γραφῆς, ή πλάσματος
ἢ βεβίων ταῦτα μημήσας (πλὴν την Αἰνεργασιαπλάσια)
αἰστὴς δὲ ὁσπερ ἐν πομπὴν ἐνιαύσιον κειστημένην, Ταῖς δὲ ιδίαις
καὶ δημοσίαις κατασκευαῖς ὁραΐζεται, σκηνῆς Μηδικῆς θέαμα
αἴσθετεργον. θυμοτοίκην δὲ μὴ τὸν ψπόλει λείπουσιν, γένεται Μεγαλύπο-
λεις αὐτράπων ἐπέρχονται, γένεταις Τζοκεῖ. περὶ δὲ ταῦτα, χει-
ρῶν ἔργα παντεῖα, καὶ φορὰ γῆς καὶ θαλάττης ἐφάμιλλος,
δι' ἄντην πόλις ἐλκεῖ περὶ ταῦτα ὁσπερ η μαγνῆτις λίθος Τὰ σεβί-
εται, καὶ δὲ αἰδέγκης ἐθελετής χειρῶνται. πέπονθε δὲ Ταυτὸν τε πέ-
λις περὶ αὐτῶν ποίησας, ὁσπερ τὸν Ταῦτα ἐχίτης φασὶ³
πληγήται, μὴ ἐθέλειν ἐτέρῳ λέγειν, ἀλλ' ή ὅτι πεπειρατεῖται. γένεται
περὶ τῶν πόλεως καλλών, ιδόντι μόνῳ κοινωνίᾳ, ή μέλλοντι γε
αὐτίκα, εἰς ἐτέρης δὲ τὴν αὐτὴν ῥαδίων Τίς λόγχες ἐκφέρειν, ὁσπερ
εἰς βεβίλωνται ιερά, ὁσπερ οἱ υπέρ ἔρωτος κατεχόμενοι περὶ⁴
Τίς κοινῇ παῖδας γένεταις ἐθέλεται διηγεῖσθαι. τίσον δὲ μὴ γέ-
νεταις, καὶ ποιητὴς αὐτοῖς, καὶ Ψυχαγωγόσεις. αἵς ή Τίς
πᾶσι χάρεις ὁσπερ ιεροὶ τελεταὶ, καὶ Τίν πόλιν ὁσπερ λύ-

εαν αρμοδιούσιν σύμφωνον αὐτῇ τῇ, καὶ τοῖς ἔξω κόσμοις. καὶ οὐδὲ πάνταν, ὥσπερ τὸ παρ' Οὐμέω χαλκῖ, μέχρις θέσαις διηγεκίς αἴγλη. τῷ Σαλαμίνῃ, διηγήσαθ. καὶ μοι μόνῳ μὴ πόλεων ισορίας, εἰς ἀκοής δεῖται, μόνη τε τοῦχις ισορίας μᾶλλον, οὐδὲ πάτης συνεχῆς, καὶ ὁμοίας, οἵτις αὐτῶν μέλλει καλῶς θεάσεαθ, καὶ τοὺς μισθὸς τῶν ἐπαίρων αὐτὸθεν κομιεῖαθ. ὡς γὰρ φασὶν οἱ ποιῆται τὸν Πέλοπα κατὰ μέλη τετμηθέντα, ἐψηθέντα δὲ λέβητι,

Πίνδαρος διαγένεν χαλκυθῆς ήδε θύμων:

Ἐνεπε κευφᾶ πις αὐτί-
κα φθοιερῶν γειτόνων,
Υδατρέσσοπ τε πυ-
εὶ ζεοισαν ἀμφ' ἀκμὰν
Μαχάρη τάμον κατὰ μέλη,
Τεσπέζασι τὸν ἀμφὶ δεύτατα κρεῶν
Σέθεν διεδάσανθ, καὶ φάγον.

καὶ σκοτεινὸς Λυκόφρων.

— ἐν γαμφαῖσιν ἐναίδη ποτὲ
Ερκυννέριων διεγία Ξιφοφόρος
Αστρκα μισύλαστ. —

οικτεθῆναι τὸ πάλιν ἔξ αρχῆς ἐκ τοῦ λέσητος λέγουσι, ἐλλείποντες
τὸ τελεῖον, οὐδὲν

Ελέφαντι φαίδημον ὄμον κεκαδυμένον
δικτὶ παλαιῶν καὶ φασι τὸ ἔργον Δίκυπτος γενέαθ. ὡς δε τῇ πό-
λει μετ' ἐκάπιου λέσητα, οἷς αὐτῇ νεών, θελευτήλον, καὶ ἄλλα
πόλεων ἔξοχα, ἔφλεξεν, η δευτέρα σύσασις εἰς θαυμασίν πινα
ἐλήνυθε καλλικρατεύοντας περιγράμματα, εἰς τοῦ ποτί-
σσαν ὑπερβολῆς ἐλθεῖν τὸν ἄλλον δέσμοντα παρείδειγμα καλλικρατεύοντας
τοὺς εἶναι, οὐδὲν δὲ ἔξηλέγχθων δῆσας ἐκ οὐρανοῦ δοξάζων. τέτε μὴ
γὰρ τὰς ἄλλας πόλεις, γυνὴ δ' αὐτὴ γεδόν, ὡς εἰπεῖν, ἐστὶν νεύκη.
τῇ γὰρ πόλει κέεδος τὸ σύμπλωμα. ὥσπερ γὰρ ἐν δεσμαπι, καὶ
διὴ

δὴ πάλιν ἐξαρχῆς αἰαφύεται μεταβαλλόσα τὸν ιλικίν, οὐ αὐτὸν παλαιὰ, καὶ νέα γηραιότητα. ὁσπερ τὸν φοίνικα αἰαβιώσεας λόγῳ αὐτὸν τέλεσθε, καὶ δόξαν τῷ θεῷ ἔτερον φοίνικα αἴτ' ἐκεῖνος, καὶ μετ' ἐκεῖνον γηρέας. τὸ γὰρ ὅτε λόγω ρήτορί, ὅτε ὄψει βεβαίως καταληπτὸν, ἀλλ' ἐκφεύγον, οὐκοῦν ὄψις πως, ἐπιθυμίαν δὲ τὴν συλλαβεῖν αὐτὸν παριστᾶν αὐτὸν δῆποτε τὸν πέρπαντες τὴν νέαν ἑταῖρον γενόμενον· καὶ διαφθεῖρον τὰς ὄψεις, οἷς ἐφι Σαπφώ, ἀλλ' ἀντίον, καὶ τρέφον, καὶ αρδον ἄμα ἐνθυμία. οὐακιθίνω μὲν αἴθεις φόδαμας ὄμοιον, ἀλλ' οὖν γέδει πάποτε γῆ, καὶ πλατανῶν αὐτοῖς ἐφηναν. ὁσπερ δὲ ἀγαλμα αἰκελέως πεποιημένον, πάντη πεῖσσον τείνειν ἐχει. εἰδὲς ἐπυχον πεῖσσοντες Οὐκεντές καὶ Ησίοδος, φαδίως αἴμοι δοκεῖσιν εἰπεῖν τὸ πεῖστητείχος τὸ Τρωϊκὸν μυθολόγημα μεταδέντες, οἷς δέρε Ποσειδῶν καὶ Απόλλων κοινῇ φιλοτεχνίσατες, ἀπειργάσαντο τὸ ἔργον τῆς πόλεως. οἱ μὲν τὴν πέτραν τελετὴν ἐκ τῆς βυθοῦ τῆς θαλάσσης, οὐδέμια ποιόσας δυνατὴν εἶναι κομιδῆναι, οὕτως ὁσπερ ἑικὸς οἰκουμένη μετὰ συννάστης Εὔρωμα βεληθεὶς τὸν ἑκατερόθωκον πόλιν κοσμῆσαι περιστήκη τηλικαύτη. Ταῦτα δὲ γέδει λόγω κοσμεῖν, ἀλλ' εἰς ἐπιτελεῖσας ἀποθέσαι καὶ τέταν ὅσοι τέλειοι, καὶ ίκανοι δοκιμάσαι περιγματοστέτεν, οὓς ἐγὼ καὶ τέλεορούρρωδα, μὴ γέδει τύτεις πᾶσι τὴν αἰρίσσειν ἐξελυγεῖν. τὰ δ' αὖτε μεγέθες, καὶ τῆς ἀλητῆς κατασκευῆς οὐδὲν αἴσια τόλης τύχης εἴπη οὐδὲ μεγάλωταν Αὐτεργοπολιτῶν ονόματες; τὰν γὰρ τῆς Λέχιης τίχεῖ μέγιστον θεῖναι, οὐ τί περιττόν εἰπεῖν; αγαλματα αἴνει τὰν φρεατίων τὸ περιττό τέχνης, Ταῦτα καὶ Τακανά, πεῖστην μὲν ὅπερει τοῦτον κατ' αἴσιαν ἐσίν, ἀλλ' γέδειν αἴσιας αὐτὰ, ἀλλ' οὓς αἰλιθῶς Αἴγυς πνὸς πανόπλη. οὐ μὲν Αἴγυντα οἴαν Φειδίας ἐδημιύργησεν, γλαυκῶπιν, αἰγὶδι αἰετῶσμένην, δόξαν ἐχεσταν, ἀλεκτρυόνα δὲ Τῆτη τῷ κράνει. οὐ τὸν τὸ Παρθενῶν Θεόν, αγαλμα ὀρθὸν, εἰς χιτῶνι ποδόρει, ὥπιντε τὸ σέρνον ή κεφαλὴ Μεδύσης, ποτὶ δὲ τῷ κορύνῃ Σφιγγόσεικῶν, οὐ καθέ-

XATE-

κάτερον Θυκόδην Θερύπεις. μηδὲ αὐτὴν Ηγενοῖσαν Πολύκλειτος
ἔδαιδηλε. Χαρίτας έΩρας ἐν τῷ σεφάνῳ πολεισθήξασαν, καὶ
τὰν χειρῶν τῇ μηρὶ καρπὸν φέρεται ροιᾶς, τῇ δὲ σκῆπτρον, κόκκινη
δὲ θύρη τῷ σκῆπτρῷ καθήμενον βασαλίζασθαι.

Θωμαποῦ ξειδεδυνωτὸς πολειδέκεο κάρχεις
Κάλλος ἐπανίστας, ὅπι τηλίκον δὲ λάχειν Ηρώη
Καὶ χάρτας κίκλητη χερείονας, αἱμοφοτέρεων δὲ
Μορφῆς, μάρμον ἔνιπλε καὶ Αρτέμιδος, έπειτα
Καὶ τίνας αγόρευε φαεινοτέρεις Αὐφερδίτης.

τὰ μὴ ὄμματα αὐτῶν διαμηνέσθαι τὰν πηγάδιν, ὡς δύνασαι δι'
αὐτῶν τὸ ψυχῆς παρθενίν ταὶ καμίλια ἀνατενίζειν, τὸ δὲ τῶν
παρειῶν (τὸ αἰδῆς ἔλεγχον) εὑρεῖν υπὲρ αὐτὸν ὅπον, ταὶ δὲ χείλη
βαρένται τῷ ταντὸν ρόδων ἀκμαῖ, ἀνυψώθειν γὰρ υπὲρ τὸ αγνοσύνης
αὐταὶ ἐπόρφυρε.

Πατλάς εἰσαθρίσασα, καὶ Ηγενη ξεισοπέδιλος,
Αργερυθρεῖς κάρχεις, ἵαχον αἱμοφοτέρεις.
Οὐκ ἐπ γυμνώμενα, κρίσις μία ποιμένος αρκεῖ.
Οὐ καλὸν ἥτταδε δῖς πολει καλλοσύνης.

Εἰς πδντας ἐφοιτήσατε ΦΑΞΕΙΔΩΣ Θησαίρης ὄνομα, δι' ὅπι τὸ πό-
λεως ὅν τοι ποστολῆς ή καὶ κεράτεις αλάτης, τὸ Βρέφος ὑπομάζιον
τῇ μελλοθανάτῳ μητέρει ποστερπύσαν ἐχειματίσατε. ἔσικε δὲ
μητρὶ αἰδήσασθαι, καὶ εὐλαβεῖσθαι μήποτε κρυσανομένης γα-
λακτὸς διάδοχον ἀνυψώσαν τὸν διὰ Ηρώδου πο-
ποκτασίαν Φ Πέτρον Βεργενελίαν; βλέπεται ταῦτα νενόμικα, κε-
κρεγόται μηδέσημα μετ' ἀκπλήξεως, καὶ ποστεῖ τὰς τὸν ξιφὸν
αὔγας ἐπβλέποντα, δοκῶ δὲ καὶ αὐτὰς μητέρεις ὄρφαν, καὶ τὸν
μηρὸν δὲ καλύπτονταν ἐνδήμονα λαβεῖσται ἐν αἴμῃ τῶν δεινῶν,
τὸν δὲ εἰκῇ κεχυμένας ταῖς κόμαις θηρεάλλογσαν τῷ παιδὶ, καὶ τῷ
τειλαντοκέπτητῷ βρέφος ἀποκλέπτειν τὰν κινδυών ἐλπίζοσαν,
ἄλλην


ἄλλον ἥ τε φέταν τὸ μαχαίρας ἀποβλέπεται αἰρεπήν, τὸ
βλέμμα ἔπιμερός σθν τῇ τε δέμῃ τῷ ξίφῳ, καὶ τὰ παιδία
τὰ πλήθεας μέλλοντα, καὶ τεφενθῆσαν ἐμτὸν τῇ Φορᾷ τῷ σ-
δίρᾳ μετὰ στρῆται. καὶ πάλιν ἄλλον προσαπωλωλῦμα δύπο τῷ
φόβῳ τῆς οἰκείας γονῆς, καὶ τὸν πλήθοντα μετ' αἰμαγῆς αἰμα-
δρῆς αἰαμύρστην, καὶ πάντας καὶ ταῖς χερσὶ παρεμβάντας ἕδη, καὶ
τερμάτσας σφόδρως, τὸ βέρεφθρον βασάζεσσαν, ἐκεῖο δὲ διο-
λιθίστην τῆς ἀγκάλης φεύγεται τῷ θανάτῳ τῷ πλάνατος, τὸν
δύπο τῷ ξίφῳ ἀπώλειαν. Αὖλα ἥ οὐδὲ καὶ ὅσα; τίς δι' μοι
δοί τὴν Ηρεδότην καὶ Θρακούδια χολεύ τε καὶ γλωττίδην, παὶ τὸ
τὰ μέλλοντα χρόνῳ παραχρέμα τὸν τῆς Αὐθέρσους αἴρουνταν; τεφ-
ειρημένα δι', ὥσπερ τὰ τεαγήματα τὸν διώχτιαν σεμνύνειν,
πείθεσθε. τὸν ἥ οἰκειότερον δι μέγιστον τῆς πόλεως κόσμον, καὶ
ὅς ἀπαστη ἔχει τὸν ἔπιτηδείοντα συλλαβῶν αὐτῆς ἕδη δίετ-
μι. Εἶπε τῷ ασέρματρος τὰ βλαστήματα, καὶ τῷ πιθύματρο-
τὸν ναυάγιον· ὁμοίως δὲ η πόλις δινομευμένη τῶν θωατενόντων.
τὰ γὰρ κοινὰ σώζεται φίλαι, διὸ ἐὰν τὰ τείχη αρραρότα δη, γόρ-
τεω σωζόμενοι, γόρτεγε τοιαὶ, καὶ πομπαῖ, δι ανισθῆμα (ταῦτα
γὰρ ξεόνθρον λαβῶν οἰχόντες) τὸ δὲ σῶζον καὶ τὰς πόλεις,
καὶ ἐκ μικρῶν μεγάλας ποιήσαν, η αρμονία· τὸν δὲ αἴρουν
η τῶν πολυτελούμενων αἵρετη φυλάττει, τὸν δὲ αἵρετην τὰ τεφ-
ειώταν τῷ πλήθει τῷ ψαδείγματα. γόρτεν γὰρ δύτα πείθει τῷ πολ-
λάχες ὡς τῷ ψαδείγματα, καὶ πεῖται, η σωπωστα τῷ ψαδίνεσσι δύσα.
ύμεις δὲ ὅσα τὰς αρχομένες καὶ φευοῦνται πεῖταιν βρέλεσθε, καὶ λέ-
γετε, καὶ ποιεῖτε. οὐεῖνοι τῷ ψατηρέσσον, γόρτεν δένεις πεῖγματος δύτω
θερμὸν ἔωται ἐν σκῆψαι, οὐδὲν τὰ κοινὰ τὰ πόλεως αὐξηθῆναι.
αὐθὶ οὐνπινων πάντας ταῦτη πόλει τῷ τάγματος καὶ νδύμα-
τος τελεῖται ράον, η πεῖται οὐ χορδὴν ψήλαμν καὶ π ψεύδεται δέη,
ἀπόχει δόξαμ, καὶ πέπεικται. πόλις γὰρ ἔχει αὐτὸν ἐκεῖνο, καὶ τὸν
Δακωνικὸν πολυτείαν, ης τὸ τιθέται μὴν πλῆθθρον αρχεται, τὸ δὲ

όλιον, Καὶ Πταικὲς αρχει, Καὶ τὸ μῆρο σώζει, τὸ δὲ σώζεται, Καὶ τὸ μῆρο περιέπει, τὸ δὲ πείθεται, τὸ δὲ τὸ ἀμφοῖν ἔργον ἐλαυθε-
εῖα. οὐδὲν οἱ χαῖτες σκυτερόμοι, Καὶ τέκτονες, σύμερον Αἴρουσαι, Καὶ
Τυπάτοις θόροιν ἐν ὄπικα πεντηχεῖαι οἱ αὐτοὶ ὄψιποιοι, οἰκυρρόπι, τρω-
νύσοιν, οὐχ ὅτας καὶ ὑμεῖς αἰνεῖτε, ἀλλὰ τὸν ἐπιμέλειαν
καὶ περισσαῖαν τῶν κοινῶν λαμβάνονταν οἱ περιπεμφθέντες
πάστης Φύσεως Καὶ τὸν πεύμανταν τὸν αἰνωτάτω, καὶ ἐγκα-
τατετιμημένοι ἐν πολυποιοῖς πεάγμασι. τοιγαρέν τὸν Λακε-
δαιμονίων αὐταδειαν αἵτειχον ὡσὶ πλείστη ποιεῦντες, τῆς ὁχυ-
ρώσεως κατεφέρονταν, μὴ γάτα γάρ οὐτοὶ κακοὶ τῇ πόλει ἀλλ'
ὑπὲρ τῶν τειχῶν εἴσαλονταν τε, καὶ ἐπενοίσαντο. οὐ μή τις ἀλ-
λὰ τειχήρη αὐτογείη τις τίνει πόλιν καὶ τὸν Βαενυλανθρώ-
πον πεστίσαι, οὐδὲ πις ἀλλοσεμιότερον ἐτειχίσαι πεστερόν, οὐδε-
ερον ἀλλὰ τειχέν τὸν τειχομόν παιδιά, καὶ γυναικός, ὡς ἀλη-
θῶς, ἔργον απεφίνειτο. τὰ γῆράμαν καὶ αὐτοφάλτῳ Καὶ πλάνθω ὅπῃ
δέδηπται, καὶ κόνει σιλπνῇ ἔσηκεν. καὶ Ταῦτ' ἐστι νομιζόμενα
ἐφέκασσον τῶν τόπων, καὶ μάλα πολλά, τὰ καὶ Τοῖς λαθοῖς, ὥστε
Οὐμπρεος ἔφη τὸν κατ' ὄπιαν Τεῖχον, αἷμα καὶ αἷρεβας ἡρμο-
σμένα. τόταν δὲ τῶν τειχῶν περιστατήσοιν ἀνδρες φυγὴν καὶ
μίσαντες, ἀνδρεῖη καὶ χειρὶ καὶ ράψῃ σώματας αἴρεσον ὅπλες,
καὶ θάρσος ἔχοντες, Καὶ φερόμενα.

Ἐγχω μῆρο πολλὰ ἀλλα ἐν τῇ διανοίᾳ, ὡσὶ ᾧ μη-
δεμίσαι ποιήσομαι μήποτε. Τέτο δὲ ὡς ἐν Βραχεῖ πλεῖστον εἰ-
ρίσθω. μόνη Ταῦτη πόλεων δένο τάναντια συμβεβηκέναι.
πλεῖστά τε γῆ καὶ κάλλισα αὐτοράποις ἔιρπται ὡσὶ τάυτη, καὶ
ἐκεῖνη ἡπέ τοιστόνων τετύχηκε· πέσο μῆρο γῆ τῶν ἀλλων τεθαύ-
μασαι, αἴξιον δέ αὐτῆς θόρεις ἡκεσε. περότερον μῆρος τοιστοις
ἀκτῶν τὸ τείχος πευστατεῖον, καὶ τὸν τῆς Βελγίας ἐσίαν καὶ
καιρολιοτήκην, καὶ ὅσα τοιαῦτα εἰς τὸν πόλιν ἤδει. οὐδὲ μοι
δοκεῖ πάντα ταῦτα εἶσα πίστειν. ἀλλὰ εἴ πνα ταῦτα πόλιν θεά-
υπαρ-

ὑπαρχού ή ὁρευκόνων συγένειη περιστερῶν, ή τῆς φύσεως τῆς αὐτρωπείας εἰκόνα καὶ ὅρον, οὐδὲν μοι δοκεῖ δικαίως κληθῆναι. Εἰργασμαὶ μὲν ἡμῖν ὁ λόγος θάνατος πέπλος, καὶ θάνατοι χάρις τῇ αὐτῇ Θεοτάκῳ, ηστεξεν καὶ η πόλις. ὥστε εὖτε οἱ τὰν διθυράμβωντε καὶ παιδίων ποιῶσι, ἐνχήν πινα περιστερῶν, όπως κατακλείσω τὸν λόγον. καὶ δὴ κεκληθεὶς Θεός, καὶ Θεομήτορ, καὶ διδούτην πόλιν τὴνδε θάλλειν διακινεῖται, καὶ μὴ πανσαμψώντι μάρτυρις τε υπὲρ θαλάσσης νέοις, καὶ δένδρα ηγετεῖ θάλλοις πανσιταί.

L. S.



Β 2 Η ΕΡΜΑ-

Η ΕΡΜΑΘΗΝΟΠΟΛΙΣ

ΑΝΒΕΡΣΑ.

Εννέας Α.

Α Γαννίφου ἔδος ὄνοσεν
Ηχῆν νέμων ὑπάτε Ζεῦ,
Τειποδιλάλ' Αἴπολον, τύκε ναιών
Υδροχίτανα βυθὸν Μελικέζα, Κ
Αγωναρχη Οφέλη, ἔκας
Σεῖε πονηρᾶν μικρότιμα αἴθλων
Στέμματ', αγερώχες κοπίνες,
Ειαρόθρεμμα μῆλον, απεργίδα σέλινον,
Τετραόρων τε, Κηφεναδὴν πίτυν.

Β.

Πίδημα αὖλο, σκάμματ' ἔν-
ρια, καλλίπλοτον αἴσυ
Αἴβερσα ἐρεδμαίνον αγω-
νωθετεῖ, εῦχΘ αρεῖον. ἐλεῖν φερό-
νικον δόξαν ἐν ἀκραγεῖ
Μαιόμδρον ἐργῷ πρέπει. ὄνδεν δύκεῖ
Πλατεόλι, Εὐνομίας Τε,
Πασῶν αρετῶν αἵμ' ανακτρῷ εἶναι
Κύδες τελείας ἴσογεραιρόγε-

Γ.

ρεις. τίς μὴ ὡσεὶ ἔξω αἴ-

9 λου

Τλου χαλκοπαράς δονίσει
 Παπλάρδη^Θ ἀκοντίας πεντέζω;
 Μακρὸς δὲ ριψάρδη^Θ κρατεῖν αἰπί-
 αν ἐνέλπις ἀγάλλεται;
 Τίνω αἰς Διὸς ὄρνιχθείω, ἄλλας
 Κόρσικας ὀπισθίας με-
 σοπόλας ἀκολυθεῖν γνώμετ' Αἴπολλας,
 Μώνω ἐπιτρέψας κλεοκοτμένη.

Δ.

Φωστήρετος, ἐποπήρ πάνταν
 Γύπειονίδας, πολυβόσκη χθονὸς
 Πόλεων Βασίλειαν ἀγοεθέει
 Τίνδε πόλιν. Φρέσιμοι ναέται γῆ
 Μιχθᾶς ἀσούμοις ἀμα-
 εύγμασίν, ἐντὶ Τιαφνεοὶ νόῳ ἀ-
 γούτες Βασάνῳ θυτεῖει
 Πλαζέν, σοφίαν τε φρέποντες ὁγχαῖς πά-
 σαις τριπλὴν ἡμειψαν χαλδόνων πόνον.

Ε.

Εἰ δὲ ἄμα πολλῷ αἴφενε ή-
 ρετ' ἐπιδοξον κῦδ^Θ, έδεις
 Μερόπων σκοπιᾶς ἐφάψαιτ' αἰπύ^Θ,
 Ολείς ἔλλαχε γῆ κορυφαὶ ένε.
 Ράον διψάδα ἀμμον α-
 λὸς δέιπτικεν, ή ἐνκόνας, νεοζέ-
 σες, χαλκοδαμάλις, καρ-
 κίδα χειρὸς ὑφάσμασι αἰσιάγασον,
 Καὶ χευτελίκτες, τεχνοδίσες γραφάς.

Ζ.

Ω's Φειδίας αγαλματάξε-
γος, νοθευμάτεος ἐδωδῆς
ΠολυάνημΘ' ἵσα ΜίθαιΘ', αἴεις
Αὐθεα μιξάρμηθ' πλαθανή Τῆπι
Παντοῖ ἑρπετὰ λύκων ἄμ'
Αλεύρω, Καὶ σα γλυκίσου ἄδει
Απὸ μέλιτος, Τέθ' υγροῦ
Ελαῖς, τεχνοπόλες κρέοσοντες εὐρε.
Παύτες σοφὸν γδ, ξεῆμα πολῖτ' ἐνπι.

Η.

Τίνα θυμὶς ἀλλοδαπῶν τοφὲς αἴ-
κεν παραμείνεις πλόου ἐμόν;
Θερμίτως μέγα θρίψειν ἐνδοξίᾳ
Συγκεντή, αὐθροδίδακτα ἔχων αἰά-
ειθμΘ', μίποτε ἀτρεκεῖ
Καταβατὸς γδ πόδ', αἴλλοτε ἄλλο πνεῖται
Ατελεῖ δὲ μυείσαν γέν-
εται ιδμοσωμαῖν νόῳ. ἐνθα πολίτης
Πάμπολα εἰδὼς αὐτοκαθηγεμών.

Θ.

Πάλαι ἐπ' ἄκμοσιν πέλω-
ρ' Ο' ασέίησι πεπόσ' ἵσα,
Μονόγλυκα υπ' ὁφρὺν ἔχοντα δασιῶ
(Ἄρτεμις καὶ ὥπαδοι τερμέσσων ί-
δόσαι) φάει δεινὸν υ-
πογλαυσοντα, αμβολαδίς κρεπτίσεις

Paus.-

Ράισῆρες ἥρεν, ιπατί-
αν, πολυδόκον ἔργον, οἰρᾶται μελαγχοῦ
Συχνῶς ρέοντ' ἐκμαξάμενα μελέων,

I.

Ποσειδάωνι πωπίσεν
Τεύχοντα, τέχνης μηματῖ,
Μαλεράς αἰζείσιοντος ἀχνη πυρής
Αἴφαίς, ὅτε δέρμερόπεζα Θέ-
πις οἱ φύ παλάμα, γόνι
Δόχμωσ', ψῷ ἀστίδα, κοστὶ τετρά-
φάλαρεν αἰτοῖσα κυνέαν,
Κινηΐδας ἐπισφυείοις δέρματάς,
Καὶ σύρραγη θώρακα, πανοπλίαν.

K.

Τὴν Θ' αὐένθυσε, ἀργυροῦ,
Χαλκὸν ἀτειρέα, ήδὲ καοσίτε-
εν, ἀπεφθον χευτὸν ἔχενε πυρί.
Αὐταρ ἐπειτα ἐπ' ἀκμονι νωλερέες
Μυθρὸν τύψατο χαεί πυ-
ρεύρεν γένθ', ἐτέρᾳ κρατεροὺς ἔδραξε
Ράισῆρες ἀστίδα ποι-
σας οἰβαρέν ἐν αὐτῇ πεσαπιδέστ' οἰδύας
Δαιδαλα γλῦψ', ὡς Μαιονίδας ἐπει.

Λ.

Θιητοῖσι θιητὰ πεέπει, τὰ μά-
κρ' εἴ πις ἀμβλέπει μικρὸς χαλ-
κόπεδον ψάνεν θεῶν ἔδραν. ὅπι

Πάγα-

Πάγασος ὀκυπετής ωφεπετῆς ζε-
τεραχήλωσεν ἐφιππών, ἐ-
ρειτ' ἐς θέσαιον ἑρεφθύ μετελθεῖν
Ομάργου Διὸς Βελ-
λεζοφόνταν. ἀφάνειδεν τύχας μὴ
Πρίν αὔροι ἐντεῖν μαρναμένων τέλος.

M.

Ταῦ γὰρ διδοῖς τέλος, Καὶ ἀ-
δεῖν δισείσνεσθαι λέπιο-
ναν τεχνα περιποζαστα. ἐντύ-
χοιμόρι ἐπιρρεπέων μοιστᾶν αὐ-
τοι, σύμων θελξίφρονα
Πυξσὸν, ὅλατὴν πατέσσαντα παρπόν,
Εὐελπι; αἴτα Θήγειν
Σκυπόζειμι. καθάπισον δαιδαλοχείρων
Υμιν, Βρεδαῖον Βόλφηγον ὠνύμα.

N.

Πολλοὶ διδαχταῖς ὁρθοί
Ταῦ διδεῖταις φόρταν ἐλέας
Κλέθθ. ἀλλ' αἴτιον δάμνονθύ ἐπικεν-
τὴν γ' ἡ θεῖμα ἔκαστον ἐη σκαρ-
τερῷ. μηκοχείσιας πεσοβη
οῦντες κόλαψαν δελτολειόγλυπτον,
Δαιδαλέειν ἔργον, τείχον-
τες ὄρμες, ἐλακάστε γναμπίδες, καλυκας, α
Ποίκιλλ' Αγαλῆς εἰλιπόδης θεός.

Βόλφ-

Ξ

Βόλφυαγος δινὸν (νοοφύει
Λημμα ἐρχότρησν αλφα-
τῆς) κηρύξεωΐν, τρεχεχλυπίδεκτον,
Λειόπλακι, αἰολεμορφότυπον, Ταχυ-
γραπλαῖς θέσκελον, δύρεμα
Αὐψόφητον, παυροδεῖς τέχνημα.
Πολλὸν ἔνδον ἐντὶ φαρετροῖς
Πτερόεντα βέλεμνα ὑπ' αγκάλῃ ἐν-
φωναῖς ὅιοις πθυκαλίμοις φεύγας.

Ο.

Ἐγώ γὰρ αὐλαόθωκον αἴ-
συ, νεοσίλβουσιν ἐπιφλέξας
Μέλεσι, καὶ αεροποτήτου ἵπ-
πα, ναὸς ἡδὲ λινοπίσευγος παν-
τᾶ διάγελον ἴθυνω
Μῦθον, εἰπὲρ σὺν χαρίταιν πεπωμέ-
νῳ χειρὶ σφέψω καπτον.
Πανεποκόπια αἵτινα αἰκαρδάμωκτον
Ωρούς θεόπλατφωτέροις τύχαις.

Π.

Εἰ γὰρ πίνεστα πειρρέη
Ξὺν βραχεῖ κόπῳ, δοκεῖ πε-
δαφρόνων ἀμότοις ἐχέθυμος, βίον
Καζέμδηρος ορθοβόλεις μελετήμασι
Εν τοῖς γύναισι ἢ θεῶ
Κεῖται, ἄλλον ἄλλοτε ἔξεπήρε

Αλλοι δέ τόδε αὐτάλκης
Κατέβαλε μέτρων ἀγαθὸν δὲ ἀγαθον
Τις συπλαγεῖς, ρίμφ' αἴβρεψάτος ζώιν

P.

Επί μείζω εἰλπίδ' αἰσχεί-
αις ὑποπλέρωσις, ἔχων με-
είμαν φιλοκτήμονα ληῆδθος ἀ-
σαν. Βρεφαχωρέλον αὐξεταὶ αὐθορμέ-
α χλιδή, οὕτω ἀφαρ
Εἰς ἔργη πινεῖ φρεδιὰ σεσεισμέ-
νη θεῶν δύπτερηπάτη.
Εὑμαρές εἴη δὲ καταπίνουσις ζάθεον
Τεῖχοι πόλισμα· αλλαὶ δὲ δυσπαλὲς

Σ.

Παλίνοσον ἐξαπίνας ἔσται,
Εἰ μὴ ἀσεθοῦ γένηται
Αἰσοπέστελνεσιν ὁρθωτήρ θεός.
Συνηδέθλοι ἔτυχον δέ τοις ὑμῖν πολέ-
ωρι չօργειώνες. έ-
πι τείχα δρκέσει ἐς δύσσινον δι'-
καν. δρχά, ἔργων τέλες, αὐ-
ξεῖσι οργανῶς θεῶν, δύπτερι
Εὔμεν θεῶν ἀκρηγν τέλες αὐτερέ-

Τ.

Φοντές. νόῳ αἴλαστεῖ αὐ-
δάσομαι ἐνόρκιον λε-
γον. Ποικίλα ἐντελίας ἐπάγη

A' idis

Αἰδίς τεκμήρεια. δύποθεν
Σαλέχθη καλὰ ἀσεος.
Εὐξόανον πόλιν δεσμίκε. Αὐδρίαντα
Χειρῶν χρεττόντα μάνας,
Ακτινοσεφῆ αελίωτε κάρη.
Λαιῷ δέπας, καὶ κνᾶδ' ἐτέρᾳ, Κέρες

ΜΙΤΙΑ ΕΥΤΙΑ

Σκαιᾶ Αμαλθείας, ζυγὸν
Δεξιᾷ ἀργενταὶ ἄλλον.
Παρατείναντα ὄφει βαμόθεν ἔρ-
ποντι χρεττῆρε. ναὸν χαρίτων θεῶν
Γέμοντ' Αἰθερσαν, τρανές.
Αἴμπαυσις δὲ δρέποντι ἀπαντ' ἐν ἔγνω,
Καὶ μέλι κόρην Τοκεῖ. Παρ-
θενομάτερ ἐλευθέρω ἀσυ σόλω κο-
μίσα, Πολιορχοῖς σὺν αἰτερέστ.

L. S.

Γ 2

ALLO-

ALLOCUTIO

A D

ANTVERPIAM.

שיר ראי

אשר אנוירשה במעט מגנוֹך מתן
 צירה ועונשת קרב סחרוּס צדק
 ורות מזיהירה למועד את-יהוה מתן
 חרוג חיתו יער בבון וסחרות
 ובמילחמה ליהוה והעזה
 סגנוד את-קדוש על ארצה בחלוֹת שפל
 כל-גנות אוסף בראש תהלה להב
 באור שריבנינו על כל-רַם אחים אשר
 נפוצי להיבננס טריה בהגלה
 בהדר באור שמש ערי מנהורה

Η ΑΥΤΟΤΑΤΗ
 ΠΡΟΣΡΗΣΙΣ
 ΕΛΛΗΝΙΣΤΙ.

Ο "Σα πάλαι, Αἴνερσα, τείνωσέθεντο Α' μοιβῇ,
 Αἴρτεμις Α' ντάπι, Ερυμῆς, Αἴρης τ' Α' δρασεῖν,
 Εύνομίν Θέρμις, Εύσεβίν (Πανδώρη ἐδίων)
 Θηρσίλοχον πῆξαι, αἴφεν Θ', δηρέν τε αἱμενφῇ,
 Εὐφρεγνα βόλιδοιν, Φεοκρανθαρετήν τε λατρείας·
 Παῖτ' αἱμαδίς, πασῶν κορυφὴν σφέψας αἱρετάω
 Σκειβανὸς, ήμιδανεῖ ἐπέδω αἰνχήματα βίβλοιν.
 Τόσον δὴ αἱλῶν ωφελεῖερ Θ' ἔλλαχεν δῆχ Θ'.
 Οὔσον ἔχει διελέντα χεόνῳ ὄπασαι Σωρηδόν.

L. S.

RESPONSIO
ANTVERPIAE.

שיר ראי

אשר מקדם חרזוני מהלי,
הערי נתן שברם ענבים
מאדר טוב עמידיה לשרות ושרי
בכינור הטעמלה מליצים
בכיתיהם וכבר לשונו דברי
אורפידייו ושורר בנעימים
לפנדורייש במיארי לערי
גROLLים ורמי לשבע גבעים
אתינה חביה לעוזה יקרי
פדות בית ואתו בכז אב ספרים

Η ΑΥΤΗ ΑΠΟΚΡΙΣΙΣ
 ΤΗΣ ΑΝΒΕΡΣΗΣ
 ΕΛΛΗΝΙΣΤΙ.

Ο "Σσα πάλαι Μεγανίν ιεροῖς κοσμητέος' αἰσέων
 Διδούμενογδόπτα θίκαντ' ισόρροπα κόσμοι,
 Εὐκελάδω Μεγανίν Χαρίταντε Φάρυγκι Ουμέω,
 Κύκνῳ διεπίνης πνείοντα Μάρεων Λατίνων,
 Γιωμοτύπῳ Εὐριπίδῃ, ἀλφα λυρῶν Ελικάνῳ
 Πινδαρῷ ἡγκόμων σκυτάλῃ Μεγανίν, ἄμ' αἴώτῳ,
 Καρτεζοτύμοις Αλεξανδροι Φερώνυμον αἴσυ,
 Επιάλοφῳ Ρώμη, καλλισωδῶντας Αθηναῖ,
 Επιάπυλῳ Θήβη, ἀλκαρ, δοξαν, λύτρα, οἶκον-
 Τόσα Συρίδανδη ἐπίγεα φέρει Αΐβερσα.

L. S.

ΤΩ;

ΣΙΩΝΩΝΑ ΗΤΙΑ Ν
ΤΩΙ ΠΑΤΡΙ
Σ ΚΡΙΒΑΝΙΩ.


ΤΩΙ ΤΗΣ ΑΝΒΕΡΣΟΠΟΛΕΩΣ

Ε Γ Κ Ω Μ Ι Α Σ Τ Η.

Π Ομάχις Α' δεσποινῶν πόλιν ἔδρακον αἰγλαυμόρφην,
Α' μφὶ ἢ τῆς αὐτῆς τὴν Σκελετόνοιο γραφήν.
Τέκτονές είσι μόνον κλυτοὶ δώματα ὀικοδομεῖντες,
Ζωγράφοι ἐκτοθεν ζωγραφέεσσι πόλιν.
Σὺ δὲ πολιτίων νόον ἔγραφες αἰγκαλομήτην,
Μείζονα τῶν ὄκτες σε βίβλος ἐντὸς ἔχει.
Οὕτη γε τὸ πρότερον κάλλιστον ἔοικεν, αἰλιθᾶς
Κάλλιον ἐκ τύττα γράμματῷ αἴσι πέλει.

G. S.

CAROLI SCRIBANI
E SOCIETATE IESV
ORIGINES
ANTVERPIENSIVM.



ANTVERPIÆ,
EX OFFICINA PLANTINIANA,
Apud Ioannem Moretum.

M. DC. X.

Superiorum permisso.

Ієліїа Гош
у соратник
Земля
Місіонерік



Ієліїа Гош
у соратник
Земля

Ієліїа Гош

Ієліїа Гош

SENAT V I

POPVLQ.

ANTVERPIENS I.



NTVERPIAM dede-
ram. nec alia mihi ve-
rior quam illa quam
dederam. neque enim
mœnibus , aut longâ
sæculorum serie me-
tiendas vrbes arbitrabar . ciuim virtus
ciuitatem claram dabit . Virtutem ergo
dederam, quæ vna nomen donat , cùm
senium nesciat, perst tque post cineres &
fauillas : neque vlla orbe toto signatior
Phœnix. H c illa est, ´ quâ vn  decus ve-
rum , perst tque immota in continu  so-
lid  laudis pr rogatiu  . Quidquid ex-
tra hanc est, leue est; mutatur, non in me-

lius , sed in aliud , & ferè in deterius . At illa stat in gradu , quidquid demum incurrit : neque deteriorem facit dura & difficultis , vt nec meliorem hilaris aut læta materia : cùm quidquid attigerit , asperum aut tenerum , in similitudinem sui adducat , ac tinguat : sint scabra , illius leuigatione mollescunt , tenuia roborantur , reuocantur obliqua , curuata explicantur , adeoque aliter nata finguntur in melius . Iam quid in humanis clarum magnúmque est , quod cum hac componi possit ? minora lumina claritas obfuscat Solis : & Virtus luce suâ , quidquid extra illam affulserit , tenebrat ; ac magnitudine quadam suâ , quasi superiectu montis , omne magnum elidit & opprimit . Hæc caussa , cur vbi vos Republicámque vestram circumspexi , ad solam virtutem , ingeniique felices partus ;
descen-

descenderim . Videbam namque illâ
vnâ firmari mentes , supráque omnia
metuenda extolli. paupertatem, exilium,
tortorem si ponerem, nusquam pallesce-
re, nusquam refrigerescere artus: quin con-
trâ attollere oculos, conferre vultum , &
totam etiam fortunam prouocare orbe
spectatore. Magna hæc. & non sola ma-
gna ? At verò illa quæ extra hominem
suum sunt, tenuia sunt. si absunt, deside-
rio fatigant: si accesserint, amittendi for-
midinem ingerunt; inflántque inanibus,
& tamquam vento distentis mentiun-
tur opimam valetudinem. Excute quod
inflat ad initia sua ventum , miseram
ostentabit maciem ; nec aliud quām ossa
vix pelle suâ vestita . Quòd si propiùs
etiam omnem fortuitorum possessorem
lustraueris, deprehendes trepidantem, &
tamquam inter armatos hostes, huc illuc

circumspectantem, & ad omnem strepitum circumagentem verticem. occur-
runt enim hinc in exilium acti, euoluti
bonis, naufragi, similiaque naufragis pas-
si; & vt aues deciduorum foliorum fron-
diūmque strepitus territat, ita ad om-
nem ictum trepidat quicumque se for-
tunæ credit: è quâ ingens perpetuò per-
turbationis materia. Cùm enim fugaci-
fima illius sint munera, quæ nunc solo
ostentatorio aut nudo promissorio fi-
niuntur verbo, nunc si accesserint dese-
runt, sîn steterint minantur tamen abi-
tum, fit vt nulla beatitudo ac ne felicitas
quidem inesse iis possit. nihil enim bea-
tum, nisi quod intrepidum: inter nam-
que suspecta & diffidentiæ vortices, nec
tutò, nec in pace, nec benè viuitur. Bea-
tam vis vitam? excute hunc metum pe-
ctore: miserè enim viuitur, ybi perpetuò
palpi-

palpitantibus præcordiis viuitur : excus-
feris, si te superiorem his feceris; facies vir-
tutis manibus, quæ te solæ extra metuen-
da locare possunt. Hanc virtutem , &
hoc virtute firmatum pectus , in multis
vestrûm videram . nec satis mihi vidisse,
& gaudio hoc meo pauisse mentem; plu-
res volui spectatores , admiratores, lauda-
tores . Ergo deduxi in hanc calami mei
scenam, quidquid multis annis serius ob-
seruator videram.

Hæc prima scriptio[n]is meæ cauſſa.
fuit & altera . Euocare volui viros ma-
gnos in æmulam vrbi[u]m suarum com-
mendationem . scio has mereri , scio illos
posse. & silentium, vtrumque premit; in
illis gloriam, in his calamorum decus. vi-
di, & indolui. quare hoc dexteræ prorita-
mento , euoco in gemellas laudes. agno-
scam beneficium si extorsero ; si in pares
aut

aut maiores vrbium suarum tamquam
matrum commendationes extrusero .
Non deerunt qui conatum damnent ,
& fors inclament Phaëtonta . at memi-
nerint conatum hunc amoris esse , & be-
neuolentiæ in me vestræ , obsequij in
vos mei . Erunt qui tot vnâ in vrbē mi-
rentur laudes . Plinium cogitent : quantus
in vno Traiano ? quām nobili panegyri-
co vnius æternauit nomen ? quod ille in
vno Imperatore , cur erubescam in tot
Belgis , in Republicâ magnâ ? Virtus illum ,
factaque fortia ; nec Imperatoriis inferio-
ra prouocarunt me in chartam & atra-
mentum . & perennabit Traiano , ab il-
lius potius calamo , quām à tot prosperè
pugnatis bellis , decus immortale . à meo
quis scit an victura hæc Respublica ? hoc
voueo : nec vt respondeat modò tam va-
riè à me dictis , sed & superet crescenti-
bus

bus cum laude rebus, omni calamo ma-
ioribus.

Hic aliquis nouus superciliosus Cato :
Quid necessum hæc propalare? non erat
minor virtus parietibus suis tamquam
liberali custodiâ coarctata , quām inter-
textis publicata floribus. Fallitur. totus
hic contextus virilis est , & si quid orna-
mentorum, è re ipsâ natum est. Sed neq.
hic aliunde accersitis pigmentis lecto-
rem tamquam emptorem frustramur :
maiora inueniet quicumque intrauerit;
ac præter ea, quæ hac nunc manu meâ
in fronte & oculis omnium suspensa
sunt , locupletiora. De ipsâ verò virtu-
tis propalatione hoc dico : noluisse eam
diutiùs tegi. Et verò aperto viuere ostio
ac sine ianitore virtuti proprium . neque
enim reformidat aspici & deprehendi
solitaria. quin imò turbam non admittit

B b modò,

modò , sed & aduocat interdum; & ferè proprium hoc consciētiæ bonæ est: cùm mala etiam solitudine suâ anxia & sollicita sit; abdatur licet parietibus, seipsam timet, & domesticum hunc si posset testem fugeret. Contrà, conscientia, à virtute, bona, publicari gaudet, & non numquam etiam desiderat, multorum bono. **Quid**, quòd non rarò dum silentium captat, & suo sibi secreto gratulatur, prodatur etiam nolens. idem enim huic euenire videmus quod flammæ: iacere non potest; quantóque plùs depresso, tantò animosiùs surgit, supráque depresso, suum ac quæcumque superiecta, audaciùs quò repercussiùs, sese extollit.

Habetis cauſas **A N T V E R P I A E** à me in laudum & honoris theatrum deducere. Poteram minora spectanda propone.

nere. sed quem delectent humilia & par-
ua? Magnarum verò rerū species quem
non ad se vocet & alliciat? me sanè quò
res grandior, eò animus in exhibicio-
nem maior. nā in minoribus quis animo
paullo ardentior calamum & chartam
terat? quis in non victuris ingenium po-
nat? excelsa sint nec omnibus obuia, quæ
irritent manus. Idem in omni re inue-
nies. sic nemo discat, quo modo, si qua
necessitas compulerit, in rosâ iaceat: sed
in hoc duratur, vt tormentis non sub-
mittat fidem. Ad mollia illa nulli non
mens pectúsque promptum: ad aspera,
ad immitia, ad æternatura animus paran-
dus. Idem per omnia videbis in laude:
nullo opus conatu in re obuiâ, nec quis-
quam in tenuibus vitam quærerit. scit il-
lam non posse in his perennare. Magna
enim necessum sint quæ æternent, & à

quibus etiam post capulum viuitur.

Verùm, qui plurimorum in Rempub-
licam affectus, non satis fuit plausum ab
ingenio vestro, (à quo solo vti dixi laus
vera) sperasse, retulisse; voluerunt, & à
mœnibus: & quidem ab eodem calamo.
atque hæc ipsa extra hominem suum po-
sita, oculosque blando ludentia fascino,
quæ non tam bonum arguunt, quàm,
vt ita dicam, condunt & oblectant,
cùm placere videam non vni è plebe,
sed è laticlavis nostris, pareo. Quidquid
ergo hîc extra animum est, totamque
quā videmus A N T V E R P I A M, ad ori-
ginem suam deductam, subiiciam ocu-
lis. dabo in maioribus, dabo natam, præ-
textatam, ac in virili togâ stantem.
dabo in altâ pace nec laceſſitam, dabo
bellantem & reparatam sanguine. aduer-
sis dein & extrema minitantibus supe-
rio-

riorem ; in tutum denique patientiâ & fortunâ suâ eductam : ita ferè magnis rebus , si quid interuenierit grauius , gloriæ potius , quam dedecoris materiam præbet . exasperantur , fatigantur ; sed in nouarum viriū repastinationem . & quamuis liuores imprimantur , nulla tamen vulnera depascunt intima . Quòd si quæ etiam ad summa properantibus nubium more intercurrant , infrà feruntur , numquam diem vincunt .

Carolus Scribanus.

INDEX CAPITVM.

1. **B**ELGIVM, quæ veteribus Prouincia: quibus maioribus populisque culta. 15.
2. **B**RABANTIA. Fortia prouincialium facta, victoriae partæ, acti triumphi. 31.
3. Aduatici, Ambiuariti: & cuius Prouinciae pars aliquando Antuerpia. 49.
4. **A**NTVERPIA. Ætas huius, ad Northmannorum excursionem relata. Qui Northmanni; ac vastitas per eos illata. graui demum pælio vieti. 54.
5. Nomen Antuerpiæ. reiectæ opinationes &c Gigantum fabella. 58.
6. Marchionatus Antuerpiensis. 67.
7. Arx sive Burgum: per antiquam videri. Oppidi incrementa. 69.
8. Frequentia. ciuium multitudo. ingens negotiatio. 72.
9. Aduersa vrbi. 76.
10. D. Virginis ædes, reliquæque vrbis parœciae. 80.
11. Virorum Cœnobia, aut loca Religiosa. 90.
12. Feminarum Cœnobia, aut loca sacra. 106.
13. Hospitalia. Pauperum receptacula. 110.
14. Varia in vrbre loca, quæ famam merentur. 118.
15. **S**ENATVS Populusque Antuerpiensis. 128.
16. Militaria ciuium Collegia instituta, hodieque perseverant. 153.
- VOTVM pro REPUBLICA.** 156.

CARO-

CAROLI SCRIBANI
E SOCIETATE IESV
ORIGINES
ANTVERPIENSIVM.

CAPVT PRIMVM.

BELGIVM, quæ veteribus Prouincia: quibus maioriibus populisq; culta.

 NGENS olim Prouincia, latè patens, frequens, variusq; populus Ptolomæo, Cæsari, Plinio, Tacito: qui illius terminis quà longissimè patet, includunt Aduaticos, Ambianos, Ambianaritos, Atrebates; Batauos, Bellouacos; Caletes, Cyresos, Centromes, Condrusios; Eburones, Essuos; Gordunos, Grudios; Leuacos, Leucos, Lingones; Mediomatrices, Menapios, Morinos; Nemetes, Neruios; Pamanos, Pleumosios; Rauracos, Remos; Seguos, Suessiones; Treuiros, Tribocos; Vangiones, Vbios, Verocasses. Hos Cæsar. Ptolomæus addit Vlbanetes; Plinius Cauchios, Friesios, Frisiabonos, Hessos, Oromansacos, Sueconos, Sturios, Taxandros; Tacitus, Bethasios, Caninefates, Grinnes, Hugernes,

nes, *Mattiacos, Marsacos, Sunicos, Tungros.* Vniuersi hi longè lateque per Belgicam primam seu superiorem, per secundam seu inferiorem, disperiti. Primam incoluere Treuiri, & quidquid supra ad ostia se protendit Rheni Alpes ad usque: reliqui secundam. Nunc angustioribus septa terminis, omniisque adeò superiore Belgica exuta, magnaq; insuper secundæ Belgicæ parte defraudata, septemdecimi orbe toto notissimis arctatur Provincijs.

Quod si ad originem ac incunabula vniuersam gentem deduxeris, plerosque comperies *Belgas esse ortos à Germanis; Rhenumq; antiquitus transductos, propter locifertilitatem ibi consedisse: Gallosq;* *qui ea loca incolerent, expulisse. quamquam Germanorum vocabulum recens & nuper additum: quoniā qui primi Rhenum transgresi Gallos expulerunt, nunc Tungri, nunc Germani vocati sunt.* Inde Cimbri Teutoniisque, qui cum iter in Italiam facerent, his impedimentis quæ secum agere ac portare non poterant citra flumen Rhenum depositis, custodia ex suis vi. milia hominum cum reliquerunt.

Cæsar de bello Gall. lib. 2.

E Germanis ergo Gallisque Belgæ, è potentissimis duobus populis, in validum corpus coalevere; ut & duritia Germanicæ, & mens Gallica, magnum aliquid orbi darent: cum quidquid haberent delecti roboris, in Belgas suos, tantorum patrum generosam sobolem, lubentes volentesque trans-

transfunderent. Quæ etiam caussa, cur non putauerim transeundos h̄ic Germanos Gallosq;ue illaudatos: nam & patrum laus abit in posteros, maxime si respondeat virtus; ac generoso semini par aut generosior innascatur frutex. Ac de Germanis vniuersis fortiter Tacitus: *Cum cunctum in Tacitus
aciem est, turpe Principi virtute vinci, turpe comita-
tui virtutem Principis non adæquare. Iam vero in-
fame in omnē vitam ac proborum superstitem Prin-
cipi suo ex acie recessisse. Illum defendere, tueri, sua quo-
que fortia facta gloria eius assignare, præcipuum sacra-
mentum est.* In quā aliâ gente paria, in Principe, in milite? *Proborum in omnem vitam Principi super-
esse, quos nō stimulos addat in oīnnum virtutem?* Iam quæ natio alia fortia quæq; facta sua Principis gloria assignauerit? Hoc est suo se spoliare, Principem vestire; illius gloriam suam putare, nec aliam quā illius agnoscerē. Agnosco modestiā, agnosco affectum; & faueo tibi gens valida, non amore in Principem quām robore minor.

Atque hæc de omnibus: venio ad designatos in tam laxā gente. Catti mihi primi. *Duriora genti corpora, stricti artus, minax vultus, & maior animi vigor. multum rationis & sollertia: præponere electos, audire præpositos, nosse ordines, intelligere occasiones, differre impetus, disponere diem, vallare noctem, fortunam inter dubia, virtutem inter certa numerare;* quodq; rariſimum, nec nisi ratione disciplina cōcessum,

Cc plus

*Tacitus
de morib.
German.*

*Tacitus
de morib.
German.*

plus reponere in duce quām in exercitu. Posset à Romano homine de gente suā maius aliquid? *dura corpora, rationis multum, sollertia ac parentia plurimum, plus in duce quām in exercitu reponere.* Hæc qui faciant, qui possideant, quantos arbitrabimur?

Demo-
rib. Ger-
man.

De *Tencteris* idem Tacitus: *Super solitum bellorum decus, equestris disciplina arte præcellunt; nec maior apud Cattos peditum laus, quām Tencteris equum ingens gloria.*

Ibidem.

De *Chaucis* etiam maiora: *Populus inter Germanos nobilissimus, quiq; magnitudinem suam malit iustitiā tueri. sine cupiditate, sine impotentiā, quieti secretiq;, nulla provocat bella, nullis raptibus aut latrocinijs populantur.* Idq; præcipuum virutis ac virium argumentum est, quod ut superiores agant, non per iniurias assequuntur. prompta tamen omnibus arma; & si res poscat, exercitus plurimum virorum equorumq;: quiescentibus eadem fama. Hoc viri est non modò in altâ barbarie, sed in summâ Christianitate; arma iustitiâ, iustitiam armis tueri, nec extra illâ arma nosse. Transeamus ad *Cimbros Teutonosq;*

Velleius
Patercu-
lus lib. 2.
Tacitus
de morib.
German.

Transiere Rhenum, multis mox Romanorum, suorumq; cladibus nobiles. Propiùs hæc Tacitus: *Eumdem Germania sinum, proximi Oceano Cimbri te- nent: parva nunc ciuitas, sed gloriâ ingens. Veterisq; fama latè vestigia manent, utrâq; ripâ castra, ac spatiæ, quorum ambitu nunc quoque metiaris molem manusq; gentis, & tam magni exercitus fidem. Sexcen-*

tesimum

tesimum & quadragesimum annum urbs nostra agebat, cum primum Cimbrorum audita sunt arma, Cælio Metello & Papirio Carbone Coss. Ex quo si alterum Imperatoris Traiani consulatum computemus, duceti fermè & decem anni colliguntur: tamdiu Germania vincitur. Medio tam longi cuius spatio, multa inuicem damna. non Samnis, non Pœni, non Hispania Galliae ve, ne Parthi quidem sapienter admonuerentur. quippe regno Arsacis acrior est Germanorum libertas. Quid enim aliud nobis quam cædem Crassi, amissio & ipse Pacoro, infra Ventidium deiectus Oriens obiecerit? At Germani Carbone & Cassio, & Scauro Aurelio, & Servilio Cepione, M. quoque Manlio, fusiis vel captis, quinque simul Consulares exercitus populo Romano, Varum tresque cum eo legiones etiam Casari abstulerunt. Nec impunè C. Marius in Italâ, Diuus Iulius in Galliâ, Drusus ac Nero & Germanicus insuis eos sedibus perculerunt. Mox ingentes C. Caſaris minæ in ludibrium versa. Ducentis & decem annis Germania vincitur, ac ne vincitur quidem. tot enim annis dubio plurimum Marte pugnatum. & est seruitutis impatiens Germana virtus: mori potuit, & libera cadere, non seruire integra. hoc demum magna mentis ingens tessera est, mori posse, seruire non posse.

De Cheruscis & Arminio Principe audiamus Tacitum: Arminius abscedentibus Romanis, & pulso Maraboduo, regnum affectans, libertatem popula-

*Annat.
lib. 2.*

rium aduersam habuit: petitusq; armis, cùm variâ fortunâ certaret, dolo propinquorum cecidit, liberator haud dubie Germania; & qui non primordia populi Romani, sicut alij Reges Ducasq;, sed florentissimum imperium lacepsierit, praelijs ambiguus, bello nō victus, septem & triginta annos vita, duodecim potentiae expleuit: Romanis haud perinde celebris, dum vetera extollimus, recentium incuriosi.

Vell. Pa. serenus lib. 2. Hic ille Arminius, cæsi Vari, trucidatarumq; legionum trium, totidemq; alarū & sex cohortium victoriâ ad internacionem nobilis, haud procul Teutoburgensi saltu, qui etiam nomen retinet, Romanâ illustris clade, & victorię cognomine campus inclytus VVinfeldt, ad oppidum Hornam in VVestphaliâ: hic ille, à quo Ca-

Tacitus Annal. lib. 2. cina qui quadragesimum iam tum stipendium parendi aut imperandi habebat, cum quadraginta cohortibus Romanis tantum non cæsus est. ac ni proiectus in limite porta castrorum, miseratione, cùm per corpus legati eundum esset, clausisset viam, cæsus castrisque exultus fuisset. Hic ille, qui contra Germanicum, ma-

nu, voce, vulnere sustentauit pugnam à quinta horâ die ad noctem: quique die altero ausus est conferre manum, conlato gradu vario euentu, cùm hinc à tergo palus Romanos, flumen autem hostes clauderet. atque inde utrisque necessitas in loco, spes in virtute, salus ex victoriâ: nec minor Germanis animus, imprompto licet Arminio ob continua pericula, & acceptum vulnus. quin & Inguimerum totâ volitan-

tem

tem acie fortuna magis quām virtus deseruit. Magni viri, Principes magni, si laudator accedat, qui tam alienæ, quām virtutis sit propriæ, admirator, prædicator.

Iam Cæsar in Philippicis campis, in quibus Vrbis, Imperij, humanique generis fata commis-
sa inclamant, quorum manibus victoriam retulit? quorum ausu Pompeianis destinatum trium-
phum, vertit in interitum? Germanorū nimirum Florus
lib. 4. c. 2.
cohortes tantum in effusos equites fecere impetum, ut illi esse pedites, hi venire equites viderentur. Hanc stragem fugientis equitatus, leuis armaturæ ruina comitata est: tunc terrore latius dato, turbantibus ini-
cēm copijs, reliqua strages quasi unā manu facta est. Ergo Germanicæ cohortes, Pompeiani robur ex-
ercitus equitem loco pepulerunt, ac in effusam fugani: & quod miraculo proximum, equitem pedites: inde tamquam turbine reliquis impulsus exercitus, quantam destinato Magni Pompeij im-
perio ruinam dederit; quām latam ad illud Cæsa-
ri viam strauerit, quis ignorat? In bello deinde Alexandrino, equites Germani dispersi, vada flu-
minis querentes, partim demissoribus ripis flumen transnatarunt; & legionarj, magnis arboribus excisis, qua longitudine utramque ripam attingerent, proie-
ctis, repentinaq; aggere iniecto flumen transferunt. quo-
rum impetum adeò pertinuerunt hostes, ut in fugâ spem salutis collocarent: sed id frustra: namque ex eâ

Hirtius
de bello
Alexan-
drino.

fugâ, pauci ad Regem refugerunt; pâne omni multitudine interfectâ. victoriæ proinde Cæsari initium, ut in Philippicis campis à pedite, sic in Ægyptijs ab equite Germano. Felicem Cæsarem Germano milite, cuius manu vincere potuit!

Ammian. Venio ad Gallos. *Ad militandum omnis atas*
Marcell. *aptissima*: & pari pectoris robore senex ad procinctum ducitur, & adultus, gelu duratis artubus & labore assiduo multa contempturus & formidanda. Nec eorum aliquando quisquam, ut in Italia munus Martium pertimescens, pollicem sibi praescidit, quos ioculatoriter Murcos appellant. Etiam in senibus viuida virtus, & in extremâ ætate iuuentæ robur. turpe vinci in ipso propè capulo ab ætatis flore. Quid hæres? Semper Galli florent, ac in æterno sunt robore, iuuenes, senes, nulli hinc Murci, vincere aut mori, eadem gloria est. ac Gallias primum à
Velleius
Paterc. *bis. lib. 2.* *Domitio Fabio nepote Pauli, qui Allobrogicus vocatus est, intrutas cum exercitu accepimus; magnaq; mox easdem clade Romani affectarūt & amiserunt. Euocemus vetera. Nam & urbem, igne, ferro, manibus,*

Florus
anno 77. solo aquatam legimus; & cum Dictatoribus ætate suâ primis, magnâ utrumque datâ acceptâq. clade, depugnasse: in agro Albano cum *M. Furio*, in ipsâ propè portâ Colinâ cum *Q. Seruilio*, cum *C. Sulpicio*, ancipiiti diu euētu; ac *Camilli* non tam virtuti quam inexpectatae rei superuentu cesserunt. Cum *Q. Fabio* & *P. Decio* pugnarunt ut
viros

viros decuit, cùm *casa ex Decij exercitus septem milia*; ex *Fabij mille ducēti*. ac ni *Samnites prater aciem Gallorum, relictis in dimicatione socijs ad castra effuso se contulissent cursu*, ingens accepta clades fuisset, quæ alterum *Cannensem nomen dare potuisset*. Taceo *Flaminios, Marcellos, Aenobarbos, Manlios, Valerios*; cum quibus variè pugnatum. Quid referam prælium nō modò præsentibus visu, verū ^{Polyb.lib. 2.} ceteris auditu horrendum; in quo cùm *Attilius Cōsul cecidisset, Aemilius vicit*? quid *Camertinorum agrum*, quid *Aretinum*, in quo *Lucius Consul*; quid *Feculanum*, in quo *Romanorū sex millia desiderata, reliquis fuga dilapsis*? Quid *Hannibalis victorias*, quæ ferè *Gallorum virtute partæ*? nam cùm apud *Trebiam Sempronio Cos. pauci ex Afris Hispanisq; cecidissent, plurimi ex Gallis*, tanti ^{Polyb.lib. 3.} agminis ductoribus *victoria concedi debuit*. & apud *Cannas cùm ex Afris Hispanisq; vix mille quingēti, è Gallis quatuor circiter millia desiderati*. *Hi nimirum primi, hi exercitus duces, quorum sanguine victoria parta*. Spectarunt Carthaginenses, spectauit Hannibal, vicit Gallus, magnumq. nomen Hannibali dedit: apud *Thrasimenum* verò ^{Polyb.lib. 4.} Consul ipse *Flamininus à Gallis circumventus occiditur*. in quā pugnā cùm ex *universo Hānibalis exercitu mille dumtaxat & quingēti cecidissent, magnā ex parte Galli fuerunt*. Quid magnum fuit Afro vincere alieno sanguine? magnum tamen fuit vi- ^{Polyb.lib. 5.}ctoriam

ctoriam illi dare suo sanguine. Iam ille ipse *Hannibal* cùm iter in Italiam parat, destinatumque Romanis fulmen, Saguntino conflatum igne, ab illis fabulosè altitudinis niuibus, iamquam de cælo rapit, ingenti mox fragore per medias Alpes exercitum in æquum ducturus, in tantum periculi cum exercitu incidit, ut ab extremâ pernicie nihil admodum abesset, ni obiectu Elephantum Gallos terruisset: *ingens tamen hominum & equorum numerus* periyt.

*Polyb.
lib. 3.*

*De bello
Africano.*

*Cæsar de
bell. Gall.
lib. 7. in
oppugna-
zione A-
marici.*

Narrat Hirtius paucorum equitum rem memoriâ dignissimam. Accidit res incredibilis, ut equites xxx. Galli Maurorum equitum II. millia loco pelerent, surgerentq; in oppidum audax factum. At ne scio an non à Cæsarî manu priore maius. Quidam ante portam oppidi *Gallus*, qui per manus seu ac picis transditas glebas in ignem è regione turris projiciebat, scorpione ablato dextro transiectus exanimatus que concidit. Hunc ex proximis unus iacentem transgressus, eodem illo munere fungebatur: eadem ratione ictu scorpionis exanimato altero, successit tertius, & tertio quartus: nec ille prius est à propugnatoribus vacuus relictus locus, quam restincto aggere, atque omni parte submotis hostibus, finis est pugnandi factus. Facinus memorabile: & in mortis pro patriâ contemptu, *Scæuolis, Curtijs, Horatijs*, æquandum.

*De bello
Gallico
lib. 7.*

De vniuersis verò Gallorum ingenij quid senserit Cæsar, videamus. Singulari militum nostrorum virtuti

*virtuti consilia cuiusq; modi Gallorum occurrebant,
ut est summae genus sollertia, atque ad omnia imitan-
da, atque efficienda, quæ ab quoque traduntur, aptissi-
mum. Quid Hirtius? Gallos homines apertos, mini- De bello
meq; insidiosos, qui per virtutem, non per dolum diini- Africano.
care consueuerunt. Fefellit illos nimia non semel
virtus. nam si quando bello superati, dolo pluri-
mum aut structis antè insidijs.*

Hic si quis curiosior Germana robora, Gallani-
que componi velit virtutem, Cæsarem audiat:
non potuit ab alio censore seuerius, non potuit
verius.

*Fuit ante tempus cum Germanos Galli virtute Caesar de
superarent, & ultrò bella inferrent, ac propter homi- bell. Gall. lib. 6.
num multitudinem agriq; inopiam trans Rhenum co-
lonias mitterent. Et Tacitus: Validiores olim Gallo- De mo-
rum res fuisse summus auctorum diuus Iulius tradit: rib. Ger-
eoq; credibile est etiam Gallos in Germaniam trāgref- man.
fros. At nunc quæ vis, quæ dextera bello potior? ni-
hildico, eunt in orbem non raro commendantque
animi, roboraque ignauo sæpè otio fatiscentia; vsu
& quādam potentiorum attritione firmando.
Quidquid siet, stabit illud Taciti: Soli Galli fra- Tacitus
ternitatis nomen cum populo Romano usurpant. lib. xi.*

Et Gallorum quidem fortissimi Belgæ. nemo id
potuit certius testari Cæsare. vt nulli notior silicis
duritia, quam qui affrictu didicit, qui vulnera re-
tulit, qui cicatricem ostentat. Eadem reperies

Lib. xv. apud Ammianum Marcellinum: Gallorum *omnium apud veteres Belgæ dicebantur esse fortissimi.*
& apud Tacitum, Germanicus magnus Imperator, non obscurus Belgicę testis virtutis: *Neq. enim dijsinant, ut Belgarum, quamquam offerentium, decus istud & claritudo sit, subuenisse Romano nomini, compressisse Germania populos.* Glorientur Belgæ se olim Cæsaris testimonio *Gallorum fortissimos, Germanici deinde iudicio, idoneos & validos subuenire Romano nomini, comprimere Germania populos;* & ante illa tempora se solos, *qui omni Galliā vexatā Teutonos Cimbrosq; intra fines suos ingredi prohibuerunt.*

*Cæsar de
bell. Gall.
lib. 11.*

Quid egemus verbis, rebus diuites? Percurramus Prouincias. quis posset? paucas aliquot, è quibus reliquas metiamur. Atq. hīc si vetera memoriā repetam, dubitem an vllā vmquam pugnatum quām apud Neruios atrocius: veterorum enim hīc manus, gradum retrò dedit, ac pudore magis quām virtute restitit. Quare furenti quām imperanti similior Cæsar, primam in aciem procurrat, propè inermis, cùm nequidquam antē prensasset fugientes, cōfirmasset oculis, manibus, clamore: vt non defuerint qui in illā trepidatione eo Cæsarem vultu dicerent, quasi occupare manu mortem vellet. Audiamus illum ipsum: *Cæsar, ubi suos urgeri, signisq; in unum locum collatis duodecima legionis milites confertos sibi ipsis ad pugnam*

gnam esse impedimento; quartæ cohortis omnibus centurionibus occisis signifero interfecto, signo amissso, reliquarum cohortium omnibus ferè centurionibus aut vulneratis, aut occisis, hostes neque à fronte ex inferiore loco subeuntes intermittere, & ab utroque latere instare, & rem esse in angusto vidit (fugato ante equitatu castrisque captis) scuto ab nouissimis & nisi militi detracto in primam aciem processit, cuius aduentu paullulum hostium impetus tardatus . cursu deinde duarum legionum , quæ impedimentis præsidio fuerant, ac legione decimâ à Labieno in subsidium transmissâ, cesserunt Neruij: tantam tamen , Cæsar's confessione, in extremâ spe salutis virtutem præstiterunt, ut, cum primi eorum cecidissent, proximi iacentibus insisterent, atque ex eorū corporibus pugnarent : his deiectis, & coaceruatis cadaveribus, qui supererent, ut ex tumulo tela in nostros conicerent, pilâq; intercepta remitterent: ut non nequidquam tanta virtutis homines indicari deberent: ausos esse transire latissimum flumen, ascendere altissimas ripas, subire iniquissimum locum: qua facilia ex difficillimis animi magnitudo redegerat . Intueamur propriùs, ac quasi collato pede rem exploremus. De suorum cadaveribus tamquam de vallo ac æquiore loco pugnare , hostium telis hostem ferire, latissimum flumen transgredi, param ex aduerso hostem adoriri, ascendere altissimas ripas, ac ex ijs veteranum militem, recetem, benè

habitum, acie instructum deturbare: *subire iniquissimum locum*, & è tantâ loci antè intelli, occupati, muniti, opportunitate hostem pellere; validumque equitatum pedestribus copijs in effusam fugam vertere, ánon ingentium animorum est? Victi tamen Neruij, fateor: sed à solo Cæsare victi. Nam ex hac victoriâ nihil sibi miles, nihil eques, nihil centurio, nihil decerpere legatus potest; cesserant Neruiorum robori, cesserant animis; vñus Cæsar vicit. verius: fortuna in Cæsare vicit. Hæc de Neruijs. De Battauis quid dicam? qui Taciti *Agricolam* legit, quid ambigit vltià? in illustri illâ exhortatione, quâ suos prouocat ad imponendum quinquaginta annis magnum diem in postremâ subactæ Britanniæ pugnâ, dubio eò usque Marte pugnatum ait, donec *Agricola* tres *Battauorum cohortes* & *Tungrorum* duas cohortatas est, ut rem ad mucrones & manus adducerent. qui vt miscere ictus, ferire cumbonibus, ora fœdare, & tractis qui in aquo obſtiterant, erigere in colles aciem cœpere; ceteræ cohortes amulatione ac impetu commissa, proximos quoſque cadere cœperunt: inde ingens victoria, in quâ finis ſequendi nox & ſatietas fuit. Iam cui ignota Ciuali Duce expugnata caſtra, deletæ cohortes, pulſum Battauorum insulâ Romanorum nomen? cui Aquilius terrâ mariquæ ſuperatus? cui Lupercus? cui exercitus apud Vetera cæſus, & in conspectu Nouejū equeſtri prælio vi-

ctus?

*Tacit.in
Agricola.*

Etus? cui *Labeo* terga vertens? cui deditæ legiones? & ni vincentes spolia tardassent, vinci *Cerialis* poterat. Neque hoc mirum videri cuiquam debet, qui Battuios cogitauerit *diu Germanicis bellis exercitost;* *mox auctâ per Britanniam gloriâ,* *transmissis illuc cohortibus,* quas veteri instituto nobilissimi popularium regebant. cùm & esset domi delectus eques, *principio nandi studio,* *arma equosq; retinens,* *integrifq;* turmis Rhenum perrumpere solitus. Quis alias eques sequatur præeentes? rapidissimum flu- men, latissimum, altissimum, integris equitum armatis turmis transnatare, an non miraculo proximum?

*Tacit.
hist. lib. iv*

Hæc veteres *Battuui Belgæq;* veteres. Nam de recentioribus, quamquam angustis iam limitibus arctatis, quid dicam? *Quattuor & quadraginta annorum ciuilia bella nimis,* ah nimium docent. ô quando finis? Non tandem aliquando posito mari secutura malacia decumanos serenabit fluctus?

Non ira qua procudit enseis,

Et miseras inimicat turbes

desæuiet mitiore vultu, blandiore ferro & fronte? ô tandem! Iam tot exercitus terrâ marique deliti, tot acies fusæ, tot oppida vi capta, tot Regum ac propè Europæ totius opes exhaustæ, quid loquuntur? quid miles è validissimis populis in hanc prouinciam immissus, instructæque fremente ge-

menteque Oceano classes, vt integi integra potuerint maria, Belgicumque quā equite quā pedite solum tegi, quid testantur? Nolo veterem hanc scabiem nouo vngue, nolo has cicatrices duriore pertentare pollice. nouacula hīc omnis manus est. Cum Regum quos vlla retrò tulit ætas maximo, cuiusque iam olim fortunatissimis maiorum successibus

*Creuere vires, famaque & imperi
Porrecta maiestas, ad ortum
Solis, ab Hesperio cubili,*

tot iam annis de imperio, ingentibus datis acceptisque cladibus, certasse, quis non miretur? Felicia bella, si versa à consanguineo in Turcico ferocissent iugulo. nunc quæ gloria, cùm omne propè hoc robur à Belgicâ manu in Belgico natauit sanguine, vt non semel vetus illud ingeminare licuerit, Ha tempora!

*Stat consanguineum camposcelus; vnius ingens
Bellum uteri:*

prouinciæ vnius, tamquam fecundæ (non & misere?) matris, fecundæ (non & infelicitis?) sobolis, acies hostilis, inimica agmina. Audi Deus, & incude diffinge nouâ in

*Massagetas Arabasq; ferrum,
tot iam annis in Belgico retusum sanguine.*

*Eheu! cicatricum, & sceleris pudet
Fratrumq;.*

ergo

ergo dissociatas sociemus dexteras. Tu post illum
hoc potes,

*O Diuagratum quæ regis Belgium,
Præsens vel imo tollere de gradu
Mortale corpus, vel superbos
Vertere funeribus triumphos.*

auerte hanc pestem à plebe populoque tuo; & in
Parthum aut Scythas conuerte has sicas, nullo sa-
tiandas, nullo pacandas sanguine.

CAPUT SECUNDVM.

BRABANTIA.

*Fortia prouincialium facta, victoria partæ,
acti triumphi.*

BRABANTIA aliquando è variis populis, in hūc,
quem videmus, coaluit. & patuit aliquanto la-
tiūs. nam à S. Bauone in Brachbantensi agro ædi-
ficatum sunt qui prodiderunt facellum, quod in
ipsâ Gandensi vrbe cis Scaldam conditum . &
*Diuum Læuinum ad Escam, in pago Brachban-
tensi, martyrio coronatum accepimus.* Annales sa-
nè nostri habent, *Teneramundam cum agris, in
pretium fidæ opera atque opis contra Grimbergios,
Theodorico tunc Comiti Flandriæ accessisse, atque
abiunctam deinceps à nobis esse.* Ottonis verò Se-
cundi diploma commemorat, *confirmasse eum
posse-*

possessiones Gandensis cœnobij, in pago Brachbantensi,
 villam Veruiniam & Fletersèle, & Papingham,
 Bauingham, Gisensele & Holtzem. quæ pleraque
 in hodiernæ Flandriæ finibus reperias, vt bonam
 huius partem Brabantia occupauerit: nec Hanno-
 niæ minorem, si non omnem. nam in veteri diui-
 sione Caroli & Ludouici Regū anno DCCC. LXX.
 hæc habes: *In Brachbanto Comitatus III. Camera-*
cesium, Hannoum, Louiensem. Sanè Sigibertus il-
 lam ad Tornacensium mœnia extendit: *In pago*
Brachbantensi iuxta Tornacum. Nunc minoribus
 arctatam terminis è vicinorum veterum popu-
 lorum coaceruatione prouinciam vnam videas. è
 Neruijs enim, *Aduaticis, Ambiaritis, Pamannis,*
Tungris, Eburonibus, Taxandris, Menapiis, Mo-
rinis, non postremis partibus defructatis, vnum
 agrum, tamquam vnum corpus statuit. Ambitür
 nunc ab Oriente *Leodiensibus, Namurcensibus* à
 Meridie, Occidentem *Flandri* claudunt, Septem-
 trionem *Battavi ac Zelandi* Scaldæ æstuariis dis-
 creti. Circumscribitur Mosâ, Scaldâ, Sabi, Tene-
 râ, fluminibus, quæ nusquam transilit. ciuitates
 numerat, magnitudine, variisque ab ingenio &
 arte propugnaculis validas sex & viginti: ac super
 has septemdecim solo robore suo, nullâ duætili
 fossâ aut muro cinctas, vrbicis prærogatiuis do-
 tatas. fortiunturque iura sua sub *Brabantie* Duca-
 tu, tamquam speciosi corporis non vltima mem-
 bra,

Anno
1059.

bra, *Limburgicus* Ducatus, *Dalemij* Comitatus,
Valkenburgicus ager. Ingens populus, valida vbiq.
 & lecta iuuentus, ad libertatem aut mortem ani-
 mus promptus, clarumque bello nomen. Iacuit
 tamen aliquot saeculis multis modis fracta veritas,
 inscitiâ prouinciæ nostræ, mox assentandi licen-
 tiâ, inde inuidentiâ aduersus prospera. Inscitiæ si
 audaciam iungas, ingens malum. Assentationem
 quis non pronis auribus hauriat, imperiorum vi-
 rus? quod enim non latet venenum sub hoc fauo?
 quod quo quis haurit audiùs, eo infestiorem ho-
 stem accipit, ruinâ benevolentiam remuneratu-
 rum. vt meritò beatam hanc dixero prouinciam;
 in quâ plurimi quod debent, quod Deus, quod
 suadet ratio, quod publicè bonum, sentiunt: bea-
 tiorem, in quâ dicere liceat quod benè senseris.
 hanc videor mihi naëtus, nec fœdo in adulatio-
 ne feruitutis criminè maculatam, vt quæ illi obdu-
 xerit pessulum; nec inuidentiæ fuligine dedeco-
 ratam, vt à quâ liuor exulet. Dicam ergo quod
 de Brabantis meis sentio, semotis prioribus re-
 rum publicarum pestibus: dicam quod in tantâ
 historiarum tenuitate, ac quasi macie, reperio.
 Quod dum facio, non diffitebor aggredi me ple-
 num variis opus casibus, atrox prœliis, discors
 seditionibus; ipsaque adeò cum externis pace, in
 se sœuum. Magna enim passim nobilitas ferro
 extincta: domestica an externa bella plura, du-

Ee bium;

bium; & permista hęc non semel felici infelicique
euentu. Prosperæ res in Galliā, Germaniā, An-
gliā, Italiā, Asiā, aduersæ non semel. Ierosolyma
capta, Syria domita, Prouinciæ huic triumphos
debet. Mutuis deinde cladibus, Geldricis, Eburo-
nicis, Battauicis, Flandricis, Limburgicis, Luxem-
burgicis, nobilitata. Mota reperio in Britannos
arma, perdomitos Stadienses hæreticos, patriæ
& diademati restitutos Reges: neque annum pro-
pè vacuum à prœliis, liberum à ferro. Ceterūm
antequam proprius hæc attingam, fateor, multa
(vt antè dixi) iacere ac quasi dormire apud nos
sæcula, scriptorum incuriā, gloriæ neglectu, veri
metu, obsequendi aliis studio; dum nostra negli-
gimus, aliena admiramur: illa deprimimus, aut
intacta tamquam ingloria transimus, hæc extolli-
mus. Quare profiteor non habere me multis
ætatibus quod pro comperto dicam. Fabulas aut
his propinqua, quis nisi plebeiā lingua narauerit?
non merentur hæc nomen calami; sed neque in-
stituti est mei historiam texere. seponam hanc
materiam alteri ætati. Capita nunc diligam ex
plurimis pauca, & ea ferè quæ militiæ robur de-
cusque tangunt.

Brabanti, Gallicum ac Germanicum genus;
olim in maioribus, mox proprietum factorum
memoriā clari. & meminit, vt vetera taceam, in
Saxoniā suā *Crantzus*, æquatque per ea tempora

Hel-

Heluetijs: ante discrimina cunctabundos, in ipsis feroce*s*, in periculis impauidos, turbidis rebus intrepidos, in audaciâ fortunatos, pro libertate prôque gloriâ pleraque ausos, consiliis dandis promptos; nec tam linguâ, quâm factis feliciores; manu promptos, & ad quascumque scientias ac artes natos: super hæc tamen omnia bellicâ laude magnos. Feliciter horum operâ, Anglorum *Henricus*, ciuitates recepit, nutantes firmauit, proceres obedientiam edocuit. Nec in longum quies data. traductos enim lego in Aquitaniam successu pari. Inde etiam sub *Jacobo Auniensi* equitum magistro lectissima iuuentus in *Saladinum* ducta. stetit hîc ançeps prœlium, donec *Auniensis* inuectus in confertos hostes, & quâ parte acrior vis fiebat, dubitantibus subuenit, confirmat clamore, telis, manu; suo denique suorumque sanguine hostem loco pellit: cædes deinde, non prœlium. Læta ea victoria Christianis: cunctisque super vota fluentibus mœrorem attulit, sanguine tantorum emptam: ita nulla felicitas in purum perpetuat. Quies deinde ab externo hoste, turbata domi; signaque in *Theodorum Hollandiæ Comitem* illata *Henrico* Duce: & Comes castris exutus, amissis signis, viuus in potestatem venit. nec multò post *Henrici* ductu *Philippus Imperator Ottone* superat; creuit tamen mortuo *Philippo*, *Henrico* pro *Ottone* fides integra & secunda, quâ Leo-

*Anno
1175.**Anno
1176.**Paulus
Æmilius**Anno
1192.**Anno
1202.**Anno
1206.*

dienses in *Ottonis* verba cogit. Multa h̄ic prœlia,
sed *Henrico* prospera, pro quo fortuna & parta
toties victoria: hinc sœua ac deformis vrbe totâ
facies secuta; nec tam prœlia quâm vulnera,
cruor, & corporum strages. Successit *Stadingo-*
Anno *1212.* *rum* vesania, Brabantico compressa & extincta
ferro. Profecta ad hoc bellum è *Brabantâ*, *Ge-*
rardi à *Lippâ* Bremensis Archiepiscopi rogatu,
ingens nobilitas: & vt quisque corpore, viribus,
opibus, ingenio maximè valebat; ita maiore ani-
mo, pro maiorum intemeratâ fide, contra hære-
ticos stetit. Hoc magnum, paucis nostrorum de-
sideratis, *Stadinganos* ad internacionem deletos
Anno *1234.* ferro ac flumine. Grauis exinde pugna. in *Siphri-*
dum Coloniensem, *Reginaldum* Geldrum, *Adol-*
phum Nassouium, *Henricum* Luxemburgensem,
Valeranum Falcoburgensem, & duos huius fra-
tres, directa acies: diemque solidum ambigua vi-
ctoria stetit. Vicit tandem *Joannes* Brabâtiæ Dux,
cùm mutuò se hortati *Brabanti* acri impressione
hostem auertissent. capti Coloniensis, Geldrus,
Nassouius, & Falcoburgius, partium duces; de-
sideratiique præter promiscuam plebem, equestris
ordinis quadringenti, vt facile videoas quantum
sanguinis fusum. Nec fuit incruenta *Brabantis* vi-
ctoria, cùm non tantùm imbellior quisque, sed
è primis ductoribus non pauci ceciderint: è Co-
loniensibus & Geldris, omnia robora vtriusque
gentis,

gentis, cum Luxemburgensi & Falcoburgij fratribus. Restitutus post hæc regno & suis, *Eduardus* tertius Angliæ Rex Brabantinâ manu; quam & in Aquitanos, Britannos, Normannos, Iberos duxit, fortunatissimo vbiique euentu. Pari eam aliquando successu *Richardus* Anglus in Aquitaniam, *Philippus* Gallus in Aragoniam & Flandriam, *Ioannes* in suam Angliam, *Eduardus* in Scotos duxerat. Iam *Conrado* Imperatore *Vlissibona* Saracenis erepta, ducentis hostium millibus cæsis aut in fugam versis. neque alia clarior eo saculo victoria, Belgarum ac Brabantorum cum primis virtute parta.

Vacui exinde externo metu, domesticis arsere malis. veterem enim inter *Brabantos* & *Grimbergenses* discordiam, priuatorum æmulationes accenderant. multæ ante hos annos in uicem clades; crebriusq. infestiusq; que, quām in cognato fas populo, decurrerant. hinc æmulationes & inuidia, & vix agro discretis connexum odium: ergo arma in se vertunt, diriguntq; acies pari vtrimeque spe libertatis ac dominationis. Nec aliàs concursum mole maiore, neque ambiguo magis euentu: Brabantica vtrimeque robora: & omissso pilorum iactu, gladiis hastisq; res agebatur; collatoq; gradu, corporibus & vmbonibus nixi. noscentes inter se, in euentu totius belli certabāt pro gloriâ, pro principatu. Inchoata pugna ante solis exor-

tum: nec destitum ante noctem; quin & in ipsis tenebris pugnatū: incerti hīc ictus, vulnera improuisa, suorum atque hostium ignoratio. deleto tandem promptissimo quoque aut saucio, vtrāque acies ad sua se recepit. exigua quies; adpetente luce rursum pugna, & absūptus alter dies vulneribus, cædibus: neque nox finem fecit. tum verò strepitus dissoni, casus incerti; cùm neque feriendi neque declinandi prouidentia, non virtus: adeoq; ignauissimi cuiusque telis fortissimus cadit. varium prælium, his, rursus illis exitiabile; cùm nihil animus aut manus, ac ne oculi quidem prouisu iuuarent, donec satietas, & laßæ tandem manus & ferrum, acies dirimerent. paucæ horæ sine sanguine, ac ne curandis aut obligandis vulneribus tempus datum: vix namque exhaustâ nocte, paratos exercitus dies aperuit, & pugnatū in meridiem. cessit demum *Grimbergensis*: victor *Brabantus*. E quâ aliâ gente triduana pugna? aut nisi *Brabantus* *Brabanto* contrâ staret, eademq; vtrâque acie arma & artes, triduum pugnari potuit? Illustrem hanc pugnam reddidit *Brabantia Dux* infans, & inter cunas vagiens, ex editiore arbore media inter agmina depensus; vt vagitu & tenellæ commiseratione ætatis, animos suis adderet, terrorem hostibus immitteret, cùm perfacile viderent destinatū *Brabantis* cum Duce suo vincere aut mori. Fuit & illud militare,

Anno
1144.

quot-

quotquot ceciderunt, contrariis cecidisse vulneribus, versosque in hostem: ea cura morientibus, ut decori etiam exitus foret.

Hactenus *Europæa. Asiatica* à cælo prodigia sunt: & *Gedeoneis Machabæisq;* non inferiora; cum *Godefridus Bullonius*, alterum naturæ miraculum, *Brabantia Dux, Gracia, Aegypto, Palæstina* victoria infert sacrata Deo signa. Nullum hîc mendacio pretium est. rem narro: nec tam humanæ dexteræ, quam præpotentis Dei. quæ ut aliæ sæpè, adfuit Duci nostro. *Nicæa* expugnata, primum laboris & tanti itineris prœmium. fusi hîc subsidiarij *Turcæ.* pauciores tamen cecidere ob propinqua suffugia. Rursus prælium. ingens numerus; ducenta millia numerat *Tyrius*, trecenta su-^{Anno 1096.}
^{lib. 3. c. 12} pra sexaginta millia *VVilhelmus Malmesburiensis.* æquata pugna, dum missilia mittuntur; ut ventum ad ferrum, deturbati hostes, ruinæ modo præcipitati. Quæsitum deinde quam vrbem agrederentur. *Antiochia* potior visa. hanc auferre *Turcæ*, in rem famamque videbatur. ardua res, imminentia in orbem turrium iuga, ferrati portarum obices, ac tantum non iustus in vrbe exercitus. Aduersus quæ omnia fortior animus: tantusque ad *Bullonij* verba, crucem nec aliud ostentantis, certantis exercitus ardor, ut leui momento nudata propugnatoribus mœnia, portarum obices subuersi, capta ascensu munimenta fuerint. cessit
dehinc

Anno
1098.
dehinc ciuitas victori. At in illâ victrice sede suâ
à trecentis Turcarum millibus obsessum victo-

*Mal-
meſb.lib.
6.c.22.* rem reperio. ingens planè multitudo. *Bullonius*
quamquam confideret virtuti, ac super omnia

Deo, tamen exhortationes precibus miscet; sper-
nerent numerum, & inanes barbarorum minas: cessa-
ros ubi crucem ferrumque toties fusi agnouissent; ac
in multis paucos esse qui praelia profligarent, ipsamque
adeò multitudinem non semel exitio sibi fuisse: glo-
riaq[ue] ipsorum ac in primis cruci accessurum, quod
modicâ manu omnem hanc turbam deiecissent. Dixe-
rat, cum exceptit miles gladio & hastâ, fususque
hostis, tamquam à vento palea. Signa deinde *Iero-*
solyma illata, copiâ defensorum, propugnaculis ac
magnitudine validæ. ineratque miles, & prouisi

*Tyr.lib.
9.c.9.* antè commeatus. Omnia cesserunt virtuti; capta
Anno
1099. *Ierosolyma*, tantorum merces bellorum. sequitur
pugna. erant equitum in exercitu nostro millia

*Tyr.lib.
9.c.12.* quinque, peditum quindecim: hostium equitum
millia centum, peditum quadringenta. ferox ho-
stilis acies, & noui decoris auida, post tot suorum
cædes, tot secunda nostrorum prælia, insultare,
prouocare, iactare minas. & trepidabant nostri,
nec satis consilia expediebant, obsidionem tole-
rarent an in hostem irent. placuit tandem ire.
instructa acies educita mœnibus, neque deerat ho-
stis toties impatiens vinci. & *Bullonius* fortissimi
nusquam militis, nusquam constantissimi ducis
offi-

officium omiserat: occursabat pauentibus, retinebat cedentes: & vbi plurimus labor, spesque aliqua, consilio, manu, voce, crucisque memoriam suos animabat, terrebat hostes. Atrox hinc cædes, donec Turcarum cohortium præfecti, sustentata nonnihil acie, telis obruuntur, inde effusa fuga. Supra centum millia cæsa tradidit *Vrspergensis*. Maior secuta clades, cum mare fugam inhiberet; integri hic cum sauciis, semineces cum valentibus voluuntur fluctibus, variâ pereuntium formâ, & omni imagine mortuorum; ac plures longè mare quam ferrum hausit. clara, & antiquis quorumcumque Imperatorum victoriis par eâ die laus parta: Deo in primis, post Duci. quippe sunt qui paullo minus quam quadringenta Turcarum millia cecidisse narrent; vt non immerito *Malmesburiensis* inclamet: *Cedant poëtarum præconia, nec prisca Heroas vetus attollat fabula; nihil umquam horum laudi comparabile ullâ genuere sacula.* Moritur post hæc *Godefridus*, nulli veterum pietate, animis, victoriis inferior: succedit *Baldinus*, alter Ierosolymorum Rex. & secuta bella. ita nulla ab hoste quies. Quadraginta fuisse milia refert *Vrspergensis*, cum apud nostros non nisi millia octo. At *Baldinus* crebris prosperisque successibus exercitatum eduxerat militem: hostis per cateruas & turbas suos dispertiens, agmina nostrorum circumfuderat, non ignaro Duce no-

stro, qui huic pugnæ composuerat aciem. vt ventum ad manum, hortatur *Baldwinus* suos, ferro rem agerent, præda immemores, partâ victoriâ cuncta ipsis cessura. Inde crucem vertit in hostem; quâ ductrice latè barbaris terror immissus, nostris additus animus; ac primò equitatus perfundit quod obuium & validum in hoste erat, ceteri terga præbuere. vertit post hęc suos ad hostilia passim propugnacula, exscindit pleraque, plana ac edita; validos inualidosque, pari omnes metu complet; cetera terrore incolarum in deditiō nem veniunt: paruaque manu, & vix fidem repertrā, quadraginta equitibus, peditibus ducentis, viginti Saracenorū millia fundit. Steterant attoniti nostri: senserat *Baldwinus*; ergo hęc ad suos, vt exaudiri ab omnibus posset: *Ne dubitarent, stare eos super vestigia gloriae, cineres ossaque Saracena calcantes.* quocumque hostes intenderent, clades priores & dira omnia obuersari. ne terrorentur nudo apparatu, veteranis casis, facilem tironi fugam fore. Quod roboris fuerat, tot antè prosperis suorum prælijs periisse; superesse qui fugam animis, qui vulnera tergo ferant: sed & Deum ipsum in aspectu esse, cuius nutu capesserent pugnam Belgica virtutis memores. illum diem glorioſſimum fore, quo parua manu, & qualis lecticam oblectantium se Principum, non armatos circumstare soleat, magnam hostium manum fudissent. Valuit oratio. & deleri omnes poterant, nisi vi-

ctorem

ctorem militem sanguis lassasset, & hebetatum vulneribus mortibusque ferrum. Equitibus dein quingentis, ac duobus peditum millibus, cum Saracenorum quindecim millibus certatum. prosperum id *Balduino, Saracenis* exitio fuit. Magna hæc. & potuisset *Saracenorum* nomen occidione occumbere, si *Godefrido & Balduino* fratribus reliqui Christiani Principes accessissent, parisque *Belgis* animos attulissent: qui ferè è primâ nobilitate & lectissimâ iuuentute primi ad pugnam, postremi in receptu. Nec ultima hîc laus *Antuerpiensium*; rara super alia prærogatiua, ut *Delectum militum Antuerpia habet Bullonius.*

primi in *Bullonij* sacræque expeditionis verba iurarent, nouo inter se foedere obstricti, non redituros nisi victores. Grande exemplum reliquæ nobilitati *Belgicæ*: quæ solemani sacramento, Ordinum plausu, simili se obstrictione deuouit. Omnia hîc laus, sed ferè primorum maxima: insita namque hæc mortalibus natura, circumspectare initium, sequi audentes.

Possem hîc fortia *Brabantorum* facta numero & robore plurima, possem Duces enumerare, belli pacisque gloriâ magnos, *Pipinos, Martellos, Godefridos, Henricos, Ioannes, Philippos, Maximilianos, Carolos*: quorum vario ductu ingentia pugnata bella, clarissimis relatis triumphis, *Suevi, Saxones, Bauari, Dalmatæ, Longobardi, Sclavi, Hunni, Angli, Lusitani* loquuntur; & in ipsâ Galliâ *Martelli*

manu, *Saracenorum* septuaginta millia cæsa. cùmque reparato posteà exercitu alteram formidinem intulissent *Gallia*, cunctaque pauore compleuissent, dum quæ metuunt singuli extollunt, facili credulitate eorum qui eadem pauent, tantumque non subacta *Gallia* mœsta iaceret; *Martelli* dexterâ redditâ salus est, & *Saraceni* graui prœlio attriti, omni in posterum redeundi spe recisâ.

Quantos hac ætate *Martellos* daret, non *Babantia*, aut *Belgium* tantum, sed *Europa* tota, qui non *Galliam*, sed *Asiam*, *Africamque* & *Europæ* reliquum, barbaro depulso iugo, vendicarent, si tam concordibus armis animisque hostem impererent, quām æmula circumspetant regna? Ceterum vicinus metus, & maior à propinquo terror, prætexuntur: speciosa nomina. *Ottomannicus* pauper obsedit animum, & metum è vicino obiciimus: quemcumque timor occupauit, usurpauit eademi. Quid ergo exspectamus, vt mutuo lassati ferro, in ius ditionemque barbari concedamus? Toties lacestisti, Prouinciis regnisque exuti, torpemus otio: nec quisquam præter frigidam bello dexteram ostentat: quid nisi paullò post supplices protensuri? Sed æmulatio quo usque hæc? *& dominandi spes, ac in agro connexo tuberior seges?* ô voices! Hæc talia erunt, donec homines, & regna: & fuerunt *Godefrido* & *Balduno* pugnantibus.

Publica

Publica moueant, quorū interuentū priuata pen-
sentur. Periit *Asia* & *Africa*, & *Europæ* pars maior
erepta Fidei est & nos de çmulâ vicinitate gladia-
mur. Formidamus connexa imperia: moderatius
ab *Ottomanno* speramus? aut mitioribus in illo
malis prememur? quoties edocti post datas dex-
teras, post iusiurandum interpositum, & stamus
in noxiâ fiduciâ, ac inter barbaras manus toties
periurio lotas mitiora cogitamus? Exsurgite. *Go-*
defridum & *Balduinum* duces habemus: nihil hîc
nouum, aut ignoratione sui formidandum; cal-
cata via est. Potuit hanc primus Prouinciæ dux
vnius, tot successibus latus, tot cælo ituris trium-
phis fatigatus; tot regna, & sociata imperia pude-
bit sequi? ô semper inimica magnis trepidatio
euentibus! ô quos triumphos vertis in iugum
improba æmulatio! Exsurgite: par caussa est, idem
Deus, *Crux* eadem, eademque maiorum *Fides*:
tantùm animis opus, sequentur reliqua. Nam si
regnorum tanta de vicino libido trahit, satis sub
Ottomannis imperiorum est, quod omnium re-
stinguat sitim, expleat famem. vestra tantùm *Re-*
ges *Principesq;* virtus exspectatur, consensus ani-
morum vester, in quo omne robur; & sine quo,
quamuis fortia, inualida sunt. Neque ego nunc
vos ad bella aut pericula voco. omne robur vo-
biscum est; omnis victoria in manu est. Nam qui
Ottomannum tutatur miles, vestrâ dissensione

tutatur: iungite hæc diuisa, nusquam vos aspi-
cient, quin eodem momento effugia circumspetent. Quid statis dubij? aut quo usque dissociant
diffidentia & æmulatio, imperiorum pestes; adu-
latio & detracilio, regnorum toxica? Exsurgite
Principes. mille & quadringentis amplius annis
Asiaticas & Africanas tutabatur aquilas *Roma-
na Fides*, paribus coaluerat *Gracia* tota. quis secuit?
inimica Regnis æmulatio. *Alexius* mihi vobisque
testis, fastus, libido, diuinorum contemptus, num-
quam saturandæ æmulationis socij. Videte ne
apud vos eadem. Necdum sat illinc magna mu-
tuæ diffidentiæ spretique documenta numinis?
Vbi eadem cauſſa, metus idem. Quid si ab eo-
dem hoste? an expectandum, donec Hungarico
submittamur iugo? Nihil facilius quam dispersos
vinci; nihil facilius quam coniunctos vincere, &
frangere barbaras illius minas, ac ad Mahumeta-
num veterem puluerem deducere hos montes.
Quid exempla poscimus, domesticis diuities? Sen-
tiant vos *Godefridos*, *Baldinos*. putatis ausuros
bella? veterem formidinem, fugam, cædes spera-
te. Toties paruâ manu superati, quid nisi preca-
riam vitam Regnumque tenuerunt? exinde pri-
uatis nostrorum dissensionibus creuere, subactæ
Prouinciae, Regnaque, & Orientis imperium
impuro calcatum pede, infessum *Mahometanâ*
rabie. Quousque stamus, & in Christiana pe-
ctora

Etora ferrum vertimus? Hic illud tempus obliterandæ culpæ; properate crimen in decus vertere. aderit qui *Godefrido Deus.* Audete, quicumque in vetere maiorum *Romanâque Fide* statis. vestrâ enim dexterâ cadet hic *Nicanor.* Non euoco degeneres veritatis grano; non nouitiis saturos commentis, qui à *Lutheri, Caluini* aut *Mennonis* torculari madidi, eructant non vuas sed labruscas. Vos volo intemeratæ maiorum *Fidei* propugnatores: vos mihi reduces *Machabæi*, vos *Godefridi, Balduini.* vos enim estis de semine *viro-*^{1. *Mach.*} *rum illorum*, per quos salus facta est. Nam istos *Iosephos & Azarias* non moror, cadent *Gorgiae* manu. vos volo *Godefridi & Balduini* germen: vos mihi non *Machabæi* tantùm, sed *ffai Bethlemiti* decus. quorum fundâ, & lippidissimis de torrente lapidibus, è pastorali perâ eductis, cadat spurius *Philisthaus.* Nam quid aliud lippidissimi lapides, quàm vera limpidaque *Fides*, nullis decorata maculis? quid torrens, quàm *Scripturæ sacra*, vnanimi *Patrum* maiorumque sensu tradita? quid pastoralis pera, si non *supremi pastoris vicarij Christi, successoris Petri*, cui commissæ oves, spiritale armamentarium? ex hac perâ, ex illo torrente, *Scripturæ sacræ* sensus purus, mens vera. Vos ergo dilecta Deo germina, *Samuelis* cornu inuncta, erigite mentes, sacrata sancite fœdera: nihil incertius morâ. inualescit malum. festinatione
opus;

Sapien-
tia 4.

opus; nec consiliis nunc, tot secula retrò abierunt,
 sed facto opus. abolete tot ætatum ignominiam.
 Quid expectatis reliquos Principes, segreges iam,
 & ab illà pastorali perâ, voluntario exilio damna-
 tos? odi moras. sat virium in vobis, si animorum,
 si coniunctionum satis est. Quid numerum cir-
 cumspicitis? audite Sapientem: *Multigena autem
 impiorum multitudo non erit utilis, & spuria vitu-
 lamina non dabunt radices altas, nec stabile firma-
 mentum collocabunt. Et si in ramis in tempore germi-
 nauerint, infirmiter posita, à vento commouebuntur,
 & à nimietate ventorum eradicabuntur. Confrin-
 gentur enim rami inconsuetati, & fructus illorum
 inutiles, & acerbi ad manducandum, & ad nihilum
 apti: ex inquis enim somniis filij qui nascuntur, testes
 sunt nequitiae aduersus parentes in interrogacione suâ.*
 Quam vitam promittant rami arido inserti trun-
 co? quas radices agent spuria & à maioribus dege-
 neratia vitulamina? quod firmamentum colloca-
 bunt, inconcussâ maiorum areâ destituti? quæ
 germina spores ab emortuis ramis, omniq[ue] vi-
 tali succo spoliatis? inconsuetati frutices quos
 fructus dabunt? somniorum filij, è Lutheri,
Caluini, Mennonis puluinari, à parentum thoro
 profugi, ab vberibus matris aberrantes, quid nisi
 nouitiis interrogationibus aduersus parentes, lon-
 gamque retrò maiorum seriem, sibi variisq[ue] per-
 nicieni creant? Quare de his nulla mihi verba.

nec

nec si arma, si signa poscant, velim socios . certius
sine his vincetis. nam quæ pars inimicis Crucis
cum Cruce ? & Cruce tamen vnâ Palestina domi-
ta. quam qui tollit, quidquid validum sustulit.

CAP V T E R T I V M.

*Aduatichi, Ambiuariti: & cuius Provincia pars
aliquando Antuerpia.*

BRABANTIAM dedi, cuius nobilissima pars
Antuerpiensis ager. Transeo nūc ad *Aduaticos*,
& *Ambiuaritos*, qui in *Brabantie* ius ditionemque
concessere . Pars ergo nunc sunt *Brabantie*, &
Aduaticos quidem ex *Cimbris* & *Tentonis Cæsar* De bello Gall. lib. 11.
duxit. *Ipsæ erant ex Cimbris Tentonisque prognati*,
qui cùm iter in Provinciam nostram, atque Italiam
facerent, his impedimentis, quæ secum agere ac portare
non poterant, citra flumen Rhenum dispositis, custodia
ex suis ac præsidio sex millia hominum unâ relique-
rant. Hi post eorum obitum multos annos à finitimis
exagitati, cùm alias bellum inferrent, alias illatum
defenderent; consensu eorum omnium pace factâ, hunc
sibi domicilio locum delegerunt. E *Cimbrorum* ergo
& *Tentonum* reliquiis *Aduatichi*; quos, inter *Am-*
biuaritos, *Nervios* & *Eburones*, ad Scaldam ubi
nunc *Antuerpia* est, sunt qui confedisse velint. At
mihi verisimilius est *Aduaticos* iam olim agrum
occupasse, ubi nunc *Gallo-brabantia* est, inter *Ner-*

G g nios,

uios, *Eburones*, ac *Menapios*, tenuisseque *Hannonia*, *Hasbania*, *Namurcensis* Comitatus, ac *Leodensis* soli non minimam partem, *Condrujjs* conterminos. Minus etiam adducor ut credam fuisse *Antuerpiam* eam urbem in quam *Aduatici* superatis à *Cæsare* *Neruijs* exercitus sui robur contulerint, aperte enim refragatur *Cæsar*is locus. apud
 De bello Gall. 2. quē *Aduatici*: sua omnia in cūnum oppidum egregiè naturā munitū contulerunt, quod cūm ex omnibus in circuitu partibus altissimas rupes despectusq; haberet, cūnā ex parte leuiter acclivis aditus, in latitudinem non amplius C.C. pedum relinquesbatur. quem locum duplii altissimo muro munierant. *Antuerpiæ* verò quæ rupes, qui despectus ex alto? ingens planities est: nisi quis dicat ingentes rupes, in humillimas desedisse arenas; aut Oceano absteras, tamquam leues humani corporis verrucas. Minus fors aberrauerit, qui *Aduaticum* statuat in montibus, qui *Namurcensibus* aut *Huensibus* imminent; aut in quocumque potius quām in *Antuerpiensi* agro; in quo perpetua planities, & tamquam continuum placidumq; æquor, omnēm *Aduatici* coniecturam excludit. Sed neque, ut quidam arbitrati, suprema in eo oppido fuit cum *Cæsare* *Aduaticorum* pugna: cūm non multò pōst *Cottā* & *Sabino* *Cæsarianis* legatis deletis, *Ciceronis* castra, magnā manu *Aduatici*, *Eburones*, *Neruij*, atque horum omnium socij ac clientes oppugnarint. Sed & iustis exinde

de exercitibus *Neruij & Aduatici bellum Romanis pararunt*: adeoque ut *Induciamaro à Labieno occiso*, perstiterint tamen in armis cum *Neruijs & Menapijs & Cisrhenanis Germanis*; ut facile videas *Aduaticos* etiam tum gentem fuisse non contemnendam, ad arma promptā; & aduersā vnius oppidi clade, non tam fractos, quam ad audenda maiora prouocatos. Sed neque in uno oppido vniuersa deleri gens potuit, quae longè lateque dominaretur, ipsisque illā ætate *Eburonibus* imperaret.

Ambiorigis Eboronum reguli verba sunt; *Se pro Cæsar is in se beneficij plurimū ei confiteri debere, quod eius operā stipendio liberatus esset, quod Aduaticis finitimis suis pendere consuisset: quodque ei & filius & fratris filius ab Cæsare remissi essent, quos Aduatici obsidum numero missos apud se in seruitute ac tenis tenuissent.* Nam quod Cæsar scribit, *sua omnia Aduaticos in oppidum egregie naturā munitum contulisse*; quis non videat inter altissimas rupes, aditu propè inuio, non nisi angustam urbem adeoque arcem verius quam urbem ædificatam? Ac cùm dicat in illā memorandā *Aduaticā pugnā*, non nisi quattuor *Aduaticorum* millia cecidisse, reliquis in oppidum reiectis, quis credat postridie eius diei refractis portis defuisse qui defenderent è viginti nouem millibus, quos in auxilium *Neruiorum* è iuuentute suā eduxerant? aut si post quattuor millia cæsa urbem ingressus sit propugnatoribus

Gg 2 desti-

*De bello
Gall. li. 5.*

*De bell.
Gall. lib. 2.*

*De bello
Gall. li. 2.*

destitutam, quid magnum fuit potuisse capi? imò quid non magnum, ausos tam exiguo numero, tam raro milite, ingentia *Romanorum* castra, validumque exercitum vallo tamquam mœnibus cinctum oppugnare? Audiamus Cœfarem: *Pugnatum ab hostibus ita acriter, ut à viris fortibus in extremâ spes salutis, iniquo loco, contra eos qui ex vallo turribusq; tela iacerent, pugnari debuit; cum una in virtute omnis spes salutis consisteret.* Raro exemplo: hostem aggredi vallo inclusum, turribus cinctum, & hostem ab ingenti recentique victoriâ animatum, & ex iniquissimo loco victorem oppugnare exercitum.

*De bello
Gall. lib.
II.*

*De bello
Gall. lib.
IV.*

De *Ambiaritis* tenuia apud veteres vestigia reperio, quæ me ducant ad tantum populum, quem nunc videmus. Illud certum, cum *Vspetes*, & *Tencteri* à *Suevis* pulsi, *Menapios* sedibus exuisserint, legatos ad *Cœsarē* misisse, triduanas inducias poscentes, negasseque *Cœarem*: cognoverat enim magnam partem equitatus ab iis aliquot diebus ante prædandi frumentandiq; causâ ad *Ambiaritos* trans *Mosam* missam: hos expectari equites, atque eius rei causâ moram interponi arbitrabatur. dolum dolo lusit. cumque capita Germanici exercitus apud se detinuisse, aliud ex alio necens, subitâ irruptione imparatos, ducibusque destitutos, adortus, ingenti eos clade attriuit. Cum ergo *Germani* inter *Rhenum* ac *Mosam* conſederint, equitatumque

tumque in *Ambiuaritos* trans Mosam frumentatum miserint, perfacile euincam *Ambiuaritos* intia Mosam & Scaldam sedes habuisse, fuisseque illorum agrum *Buscoducensem*, *Bredanum*, *Bergizonium*, *Riensem*, *Antuerpiensem*, ac *Campiniæ* potiorem partem. Neque enim alio statui loco possunt, cum in orbem aliis passim populis *Menapij* cingerentur, *Vbiis*, *Trenirensibus*, *Eburonibus*, *Tungrensibus*, *Morinis*, *Battavis*. intra ergo Mosam & Scaldam *Ambiuariti* variis prouinciis circumfusi, *Neruiis*, *Tungrensibus*, *Menapiis*, *Eburonibus*, *Aduaticis*, *Morinis*: ut non videantur aberrasse qui *Antuerpienses Ambiuaritos* arbitrati; maximè cum à primâ sui institutione, *Marchionatus Riensis* vrbs hæc caput fuerit, ac pars quædam Riensis agri. Adstipulatur huic sententiæ *D. VVillibrordi* testamentum; quod *Antuerpiam* in agro Riensi statuit: eadem habes apud *Theofridum Epternacensem*. Iam verò *Riensem* agrum inter *Ambiuaritos* numerant, etiam illi qui *Antuerpiam* inter *Aduaticos* statuunt; ut proinde verisimile sit Riensis agri caput *Antuerpiam* inter *Ambiuaritos* numerandam. quorum potentiam Cæsariano æuo non infimam fuisse nullo negotio comperiet, qui cogitauerit trium ingentium fluminum ostiis, *Rheni*, *Mosæ*, & *Scaldaæ*, ac *Oceani* variis æstuariis vniuersam prouinciam locupletatam, piscatu, mercimoniiis, commeatu nobilem.

CAPVT QVARTVM.

ANTVERPIA.

Ætas huius, ad Northmannorum excursionem relata. Qui Northmanni; ac vastitas per eos illata. graui demum prælio vici.

NOLLEM incerta. & quis in tāto ætatum tamquam fluctuum cursu initia incerta, tamquā primam designet aquam? Labuntur, vt amnes, anni. quis in illorum volubilitate, primæ scaturiginis lympham elicit primam? & quis in tot sēculorum densā nocte auroram primam, lunam, solēmve designabit primum? Luserūt varij, prout ingenium tulit cuiusque varium, amōrve traxit in retrosiora: ita ferè æterna cupimus, quæ amamus impensiùs. Ad Cimbros tamen & Teutonos reuocant plerique; exinde Cæsariano æuo claros fuisse, & Aduatici aut Ambianiti principem populi. Ab eo æuo altum vbique silentium, in annum quingentesimum decimum sextum, cùm ciuitatis huius præfectura à Theodeberto, Vtiloni tradita, cæso Clochilaico Dano. Meminit victoriæ huius Turonensis: Theodoricus Theodebertum filium suum in illas partes cum valido exercitu ac magno armorum apparatu direxit; qui imperfecto Danorum Rege Clochilaico hostes nauali prælio superatos


ANTVERPIA.

ÆDES IN EA SACRÆ,
HOSPITALIA, LOCA CELEBRIORA,
ARX, AQUÆDVCTVS, OSTIA, VICI.


Incrementa vrbis, numeris
designata.

Pausus communes.

*A porta ad Pyramidem passus 1179.
a Pyramide Durnum passus 2081.
qui nuper cogitatum ciuitatis
augmentum docent.*



5. Area castri anterior.



*Histor
lib. 3.*

ratos opprimit, omnemq; rapinam terræ restituit. &
 Sigebertus: *Theodoricus Clochilaicum Regem Da-*
norum Gallias vastantem perirenit. neque hac cla-
 de, fracti licet Dani, extincti fuerunt. Docet Si-
 gebertus: *Northmanni adiunctis sibi Danis Fran-*
ciam ac Lotharingiam peruagantes, Ambianos, ^{Anno}
Atrebates, Corbeiā, Cameracum, Taruennam,
fines Morinorum, Menapiorum, Brabantensium,
omnemq; circa Scaldam fluum terram, Monasteria
Sanctorum Vularici & Richarij, ferro & igni de-
vastant. Inde Vual fluum ingressi totam Batuam,
palatium etiam Neomagi incendunt. Ambussit hæc
etiam flamma Antuerpiam, in Scaldæ littore vr-
bium longè primam. neque hīc stetit rabies: Fran-
ciam repetunt, Parisios obsidione cingunt: ita Regino,
Henricum Ducem militari astu circumueniunt;
inde Trecas incendunt; Verdunum ac Tullum us-
que omnia populantur. Hæc tristia. sequuntur
lætiora. Arnulphus Rex auditâ cæde suorum, à ^{Sigebert.}
Baioariâ contra Northmannos pugnaturus prope- ^{anno}
rat cum valido exercitu, quos supra fluum qui
Tilia dicitur pedestri prælio adortus, tantam ex eis
stragem fecit, ut ex innumerabili multitudine vix
superessent qui ad classem aduersum nuntium fer-
rent. Nobilis victoria: & quæ aliquando Da-
norum furorem non repressit, sed extinxit. Da-
nos dico. idem enim mihi populus Northmanni:
& Dani, è Septemtrionali Germaniæ parte in has
terras

terras delati, quod & nomen Noort man quemuis
lingue illius peritum edoceat. Claram huic conie-
cturæ præfert facem Eginhartus è Caroli Magni
domesticis vñus: *Vltimum quod contra Northman-
nos qui Dani vocantur primū piraticum exercentes,
deinde maiore classe litora Gallia atq. Germania va-
stantes, bellum suscepimus est.* Accedit ad hanc sen-
tentiam Regino, cùm dicit: *Carolo Aquis commo-
rante, discentarum navium classe à Northmanniā in
Frisiam appulisse Danos, Frisiisque deuictis tributum
imposuisse.* vbi Danos è Northmanniā educit. Dani
ergo Northmanni. nec hi ab illis alij. Cùm verò
Sigebertus *Tiliæ* fluminis qui se in Scaldam exo-
nerat, meminit, locum pugnæ designat. qui non
potuit longè abesse ab hac vrbe. nam & classe ve-
nerant: neque verisimile longius ab eā consedisse;
maximè cùm hostem adesse scirent valido exer-
citū, euocatis in subsidium *Gallia & Germania*
viribus; ipsumq; Imperatorem exercitus ducem;
quo, si quid aduersi euenisset, facilior tutiorque
receptui via foret, & omnis generis commeatus è
vicino mari ad manum; terrorq; simul incutere-
tur hosti, cùm ingentem in anchoris classem stare
sciret. & sanè quantū ostētatio ad terrorem valeat,
nemo ignorat. Et iam antè à Reginone didicimus,
non viribus tantū sed & astu pugnare *Danos*
solitos, cùm Imperatoriū exercitus ducem, fossā,
stipulā, terrāque iniectā, ignarum insidiarum per-
eme-

emerunt. Ac classem hanc in Scaldâ stetisse quis ambigat? neque enim hîc aliud flumen tantarum nauium capax, neque Tilia classem aut grandiores naues toleret; sed nec modicis, quales fert Tilia, tantus traduci exercitus potuit.

Habemus *Danica* seu *Northmannica* vastationis clarum in translatione D. Gummari locum: *Northmanni per fluuum Schendam ad villam Molannus refert.* Turninum deuenerunt, ubi erat monasterium S. Fre-
digandi confessoris. Sed Deus propter iniquitatem habitantium exosus locum, reliquias ipsius iussit altè transportari, ut nullum esset obstaculum contra desolationem; quibus sublatis, velut muro & turribus cimitatis destructis, irruit gens inimica, & incendio perdidit omnia aedificia, ipsumque monasterium consumpsit, homines partim trucidauit, partim captiuos abduxit. Sunt & hodie magnæ olim rei vestigia, vix mille ab vrbe hac passibus ad ripam Schendæ: nomenque manet *Durna*. Neque immunem ab hac hostili incursione fuisse *Antuerpiam* arbitrari possumus, loci vicinitate saevitiam provocante. neque nouum cuiquam videri debet, *Northmannos* per Schendam, nunc pertenuentem ignobilemque ac propè sine nomine riuulum, *Durnam* seu *Durnium* adnauigasse. ruptis enim eâ parte aggeribus, perfacile fuit à Scaldâ in Schendam transmittere. Ac verisimile eâ ætate nullos fuisse aggeres, qui Scaldam arcerent à

Schendâ; vt ingens ille nunc campus , ac longa planities , palustri plurimùm humiliqué solo, flu mine inseptus iacuerit : ac ni arte etiamnum ar ceatur, totum hunc integat agrum Scalda. Et vi dimus nostrâ ætate.

*Anno
656.*

Redeamus vnde digressi, fuisse *Antuerpiam* sub *Clochilaico* Dano vrbium non vltimam, clarâm que *VVillibrordi* ætate, qui in ipso castello *Ant uerpo*, Ecclesiam sibi à *Rhotingo* datam afferit , ac tertiam telonij partem. Eadem habes apud Theofridum Epternacensem . Sed & ante *VVillibrordum*, sub *Eligio*, *Andouerpienses* non municipij, aut oppidi vnius, sed Prouinciæ populum latè dominantem non infelici coniecturâ colligas ; cùm *S. Audoenus*, *Flandrenses*, *Andouerpienses*, *Friones*, *Sueuos*, pari loco collocet in enumeratione laborum beati *Eligij*, ac tamquam partem curæ ac sudoris illius , *Flandrenibus*, *Frisonibus*, *Sueuis* com ponendam.

*Lib. 2. c. 3.
& 8. vita
S. Eligij.
Anno
649.*

CAPVT QVINTVM.

*Nomen Antuerpiæ. reiectæ opiniones
& Gigantum Fabella.*

VA STVM hîc mare est : quis enatabit integrâ naui, aut tabulâ ? scopulus est multorum naufragiis decantatus . Quid ergo ? non elidam aut frangam hîc nauem ? nam quocumque hanc flecto,

flecto, præter scopulos, breuia aut vada; ut magnâ circumspetione opus sit, ac non nisi cælesti aliquâ lunâ duætrice. Verùm à cuius cælo hoc sidus si non à D. VVillibrordi?

Testamentum D. VVILLIBRORDI.

IN Christi nomine oportet Christianos tiam veritatis agnoscere, per quam Creatori suo dignè meritis suis seruire, aut oblatio eleemosynarū eorum, & deuotio perueniat ad salutem: ipso summo dicente: Date, & dabitur vobis. & : Facite eleemosynam, & ecce omnia munda sunt vobis.

Idcirco ego in Dei nomine Clemens VVillibrordus Episcopus, cogitans casum humanae fragilitatis, qualiter peccata mea possum ablucere, & donante Domino ad aeterna gaudia peruenire, dono à die praesenti, donatumq; esse perennibus temporibus volo, hoc est, ad Monasterium Epternacum, quod est constructum super flumio Surâ in pago Bedensi. In nomine Patris, & Filij, & Spiritus sancti, & SS. Petri & Pauli Apostolorum, & sacrati Ioannis Baptista, vel ceterorum Sanctorum, ubi ego ipse Clemens VVillibrordus custos vel gubernator praesse videor, &, si Christo placet, corpus meum ibidem requiescere debet.

Hoc est quod dono vel trado ad ipsum sanctum locum Epternacum, omnem rem vel villas, seu mancipia, quæ mihi ingenui Franci pro amore eorum & salute tradiderunt vel condonauerunt.

Similiter illas res quas Dominus Pipinus mihi condonauit, vel delegauit, seu matrona sua Plectrudis, sive filius suus Dominus noster Carolus Maior dominus: quas res ipsas Dominus Carolus, & genitor Pipinus, tam me vivente quam de ista vita migrante, pro eorum mercede condonauerunt.

Et illas alias res ex parte denonimo, vel homines qui mihi eas tradididerunt vel delegauerunt, id est, ut hac scriptura sollemniter pro temporum serie confirmare debeat, & hi sunt homines nominibus his nominati.

Rothingus mihi condonauit, vel tradidit ecclesiam aliquam, quae est constructa in Antuerpo castello, super fluvio Scalde in pago Renensium, cum appendicijs suis, villas denominatas his nominibus, Bacuualde, VVinnelincheime, Furgalare, & in ipso castello Antuerpo tertiam partem de illo teloneo.

Et Heribaldus clericus mihi condonabat & tradidit ecclesiam aliam in pago Marsum, ubi Mosa intrat in mare, cum appendicijs suis, & Mariscum unde Berbices nascentur.

Et Angilbaldus mihi condonabat vel tradidit villam quae vocatur VVadradoch in pago Taxandrio, super flumine Duthmala.

Et Ansbaldus mihi condonabat vel tradebat omnem portionem suam in villâ quae vocatur Busloth, in pago Taxandrio.

Et Berethinda, Deo sacrata femina, mihi condonabat vel tradebat omnem portionem suam in villâ

Bocanschot, in pago Taxandrio.

Et Henricus mihi condonabat in villâ quæ vocatur Pieplo.

Et Engelbertus mihi quondam donabat, vel tradebat mihi omnem portionem suam in villâ quæ vocatur Hinesloten, in pago Taxandrio.

Item quod Engelbertus mihi condonabat vel tradebat villam quæ vocatur Alpheim, in ipso pago Taxandrio.

Item Ansbalodus clericus mihi condonabat vel tradebat villam quæ vocatur Diosna, in pago Taxandrio super fluvio Digenâ.

Et Thietbaldus mihi condonabat vel tradebat ecclesiam aliquam quæ est in villâ Montnahim, quæ Araride vocatur, cum appendicij suis.

Et illuster vir Hedenus mihi condonabat vel tradebat omnem portionem suam in villâ quæ vocatur Aimistadi super fluvio V Vielheo in pago Turingafnes.

Superius nominatas vel scriptas ego Clemens V Villibrordus trado atque transfundō, ad illam casam Dei superius nominatam Epternacum, vel ad illam sanctam congregationem Fratrum ibidem Deo seruientium; cā verâ ratione; ut quidquid de iisdem rebus superius nominatis facere decreverint, in omnibus habeant potestatem faciendi, ut & ibidem omni tempore pro nostrâ mercede vel seniore nostro Carolo Maiore domus; seu eorū hominum qui mihi

suas res tradiderunt, proficiant in augmentis.

Et illud placuit nobis inferendum. Si fuerit ullus de heredibus vel proheredibus meis, seu qualibet opposita aut extranea persona seu iudicaria potestas, qua contra hoc testamētum vel donationem meam, quam ego Clemens V Villibrordus Episcopus sanā mente, plenōque consilio & devotione integrā fieri iussi, venire aut agere vel eam infringere voluerit, & si ista charta ei ostensa ad relegendum fuerit presentata: sibi ipse exinde compescere noluerit, in primis iram Dei omnipotentis incurrat, & sanctorum Angelorum, & ab omnibus ecclesijs, vel consortio Christianorum efficiatur extraneus, & habeat partem cum Iudā, qui Dominum tradidit, & cum Dathan & Abiron, quos terra viuos deglutiuit, & insuper inferat una cum foro fisco auri libras decem, argenti pondo quinquaginta coactus exsoluat, & quod repetit euindicare non valeat. Actum anno VI. regnante Theodorico Rege.

Vniuersum Testamentum putavi attexendum, & nefas defrustare aliquid ab hoc firmamento, in quo sidus illud, cuius ductu Antuerpum firmaui, nomen reddidi tot sacerdolorum noctibus tenebratum: deflexit exinde paullatim, ut humana sunt, & ex Antuerpo, Antuerpiæ dici cœpta, hodieque perseuerat. Iam vnde hoc nomen? tenebræ hic mihi, & non nisi à nouo astro pellendæ.
ergo

ergo opinaciones statuam. quamquam ingens ad-
huc nouarum campus. quis cursum tenebit cer-
tum? obscura res est, & in quâ pedem vbiique figas
in altissimâ nocte. Sunt qui *Handt u verpiam* à
manibus projectis voluerunt: ac ne quid fabulæ
deesset, Gigantem repererunt, cuius etiâ dentes
ostentant palmo maiorem. Credamus habuisse
duos supra triginta, quantum os illud fuerit, in
quo tot palmates dentes luserint? sex pedes iu-
stam viri longitudinem statuunt, quatuor palmi
pedem, ut quatuor digitî palmû. palmi ergo xxiv.
virum dabunt. hunc virum arbitris ludere inter
dentes Gigantis nostri. monstra narro. propriùs
etiam subducamus calculum. Concedamus in
iusto viro ordini dentium, longitudinem palmo-
ruin duorum, quæ duodecima iusti hominis pars
est; necessum erit Gigantem nostrum palmos
complexum minimum xcvi. qui cubitos xvi. sta-
tuunt, pedes xxiiii. licet dentium illius ordini non
nisi octo palmos concesserimus. Quid si palmos
tribuamus xvi. centunr & xcii. palmos æquaue-
rit. qui cubitos xxxii. dabunt, pedes xlviii. quan-
to hic Goliadâ celsior, quem Scripturâ teste sci-
mus sex tantùm cubitorum & palmi vnius fuisse,
pedum nimirum ix. & palmi vnius? Est & aliud
in Gigante nostro non minùs portentosum. dens
ille quem ad fidem faciendam ostentant, sedecim
vncias appendet: cùm interim dëns viri maxi-
mus

mus, numquam aut raro drachmam attingat aut excedat: singulae autem vnciae cum octo constent drachmis, necessum fuerit Gigantis nostri dentem, cxxviii. drachmas appendisse. Iam si à mole dentis, ad reliquum corpus transeamus; cum in viro sex pedum dens maximus drachmę sit vnius, quantum arbitrabimur Gigantem nostrum, in quo dens unus drachmas pendet centum viginti octo? Scio veteres variè fabulatos, credulitatisque facilitate ad immania Poëtarum somnia deductos. Memini Maronis:

*Hic & Aloidas geminos immania vidi
Corpora, qui manibus magnum rescindere calum
Aggressi, superisq; louem detrudere regnis.*

Et alibi eleganter:

*Fama est, Enceladi seminatum fulmine corpus
Vrgeri mole hac, ingentemq; insuper Aetnam
Impositam, ruptisflammam exspirare caminis;
Et fessum quoties motat latus, intremere omnem
Murmure Trinacriam, & calum subtexere fumo.
Quid si ingenti vrbis huius mole vrgeri Gigantem nostrum dixero? Pari felicitate Pindarus:*

*O's τ' ἐν αἰνῇ ταρτάρῳ κεῖ-
Ται θεῶν πολέμι@
Τυφὼς ἐκαργκάσεν@, τὸν πότε
Κιλίκιου τρέψε πολυώ-
νυμον ἀντσον, νῦν γε μάν
Ταΐζ' ὑπερ Κύμας αλιερκέες ὥχθαι,*

Σικελία τ' αὐτὸς μέζει
 Στέρνα λαχνάει^{τα. κιάν}
 Δ' εργεία συνέχει
 Νιφόεος Αἴτνα πάνετες
 Χιόνος ὥξιας πήναε.

*Qui in horrido tartaro iacet
 Deorum hostis,
 Typhon centiceps, quem notissimum
 Cilicum aliquando nutriuit antrum,
 Ipsius nunc ultra Cumas sepientia mare
 Litora, & Sicilia hirsuta premit pectora.
 Nirosa verò Aetna niuis perpetuo acute
 Sen frigore currentis nutrix, columna ad instar
 Calo minantis ipsum cohivet.*

Nescio an non Gigas noster, si non centiceps *Typhon*, centimanus *Briareus*, inter Centauros stabulans, horrendum

Aestuet, atque omnem Cocytō eructet arenam.
 Concedamus aliquid Poëtis, quibus facile semper in mendacio ingenium . hic hydram felicibus renascentem reperit vulneribus ; ille Centauros, equos hominibus suis somniauit implexos ; alias *Mercurium* alatum, ac *Triniam* trinis capitibus ac multis manibus horrificam : quidam de hominibus aues , flores , arbores, deoque feris homines ingeniosâ naturarum demutatione fabulati sunt. Et ne soli Poëtæ fabulas populo venderent, reperi Philosophi, qui humanam animam pro merito-

rum ratione, h̄ic insultantem in aquilā, ibi desulantem in anguillā, alibi in sterquiliniorum bestiis vermium venena ruminantem, statuerent: ac modò transeuntem in capram, modò in balenam, inde in coturnicem, imò & in cadauerinam, rursumque in humanam; semperq. memorem sui, in vr̄lo, in leone, cane, talpā, vespertilione. Fuerūt & Historici, ne quid deesset somniorum vanorum, qui Poëtas imitati, naturæ an ingenij sui portentis, narrationes farserunt. Plinius in Cretā cadauer narrat repertum sex & quadraginta cubitorum, Strabo in Tingi Mauritaniæ ciuitate, sexaginta cubitorum, Boccatius non longè à Drepano cubitorum ducentorum; ita cum ætate crescent fabulæ: *Pallantis* corpus altitudine Romana superasse moenia, vulnusque à *Turno* illatum quattuor pedum hiatu patuisse, à Bergomâ Eremitâ ex Martino accepimus. Quantum ergo vulnus, quo periit, accepit Gigas noster? & quo enī vastissimi illius corporis amputata manus est? Iam quid potuit ad omnem fabulam explendam reperiri accommodatus, *Brabonem Cæsaris* collegam, Alcidem nouum, Druonis nostri, rediuiui Erycis, manum præscidisse: tam nobile collegæ sui factum aut ignorasse Cæarem, aut presulisse silentio, qui non tacuerit *Sextum Baculum*, *C. Volusenum*, *T. Pulfionem*, *L. Varenum*, plurēque inferioris notæ & operis?

Beca-

Becanus noster Antuerpiam à Belgico aen-werpen adiectus, vel aen-de werue; apud aggerem, deducit, felici semper coniecturâ. Ego nihil hîc pugno. *Becanum* tamen præuntem lubens sequor. Nam in tam confusâ ac diffusâ planè re, tamquā in paten-
tissimo Oceano, propriùs ille mihi portum tenuit,
& viam tādem aliquam signauit tamquam astro.

C A P V T V L.

Marchionatus Antverpiensis.

QVis ad genus suum deducat? obscura res est. & ferè initia rerum annorum mole labant, & primigenio destituta fidere, tamquam per obscurum noctis aut densam nubem cælum ostentant suum. E manuscripto Lipsiano codice:

Henricus genuit Henricum Louaniensem:

Quilibet istorum Romani Marchio regni.

Nouitia hæc. Vuassenburgius à *Tungrorum* Prin-
cipibus deducit, inde ad *Carolum Magnum*, po-
sterosque audax factū. at nescio an pari robore. ex
voto meo velim stare auctori fidem. Lazius, Be-
canus, Lipsius ad annum trahunt 10 XI. *Vtilonem*
enim *Theodonis* magni Boiorum Ducis fratrem
honorariâ *Marchionatus Antverpiensis* préfectu-
râ, à *Theodorico Ludouici Magni Gallorum Regis*
filio, donatum volunt: admittente cum primis
Theodeberto, Theodorici filio, qui Clochilaicum Da-

norum Regem post ingentes abactas prædas, depopulataque hostiliter vicina Marchionatui loca, terrestri ac nauali clade, ad internacionem deleuit, consilio manuque potissimum *Vtilonis*; cui etiam sororem in vxorem *Theodebertus* dedit. è quo matrimonio *Caroli Magni* magnum genus. Magnum proinde *Marchionatus* nomen, à quo tantorum progenies Regum, mille & quod excurrit annis, nusquam interruptâ serie, cōtinuata, in *Hispania Reges Austriacamq;* se diffundens domum. Hic ergo tot Principum primordia, tot Imperatorum cunabula, non Romanorum modò, sed & Ierosolymorum, quorum princeps *Godfridus*, in Antuerpiensi Marchionatu suo, exercitus in Asiam ducendi primitias roboraque delegit. ac in ipsâ adeò vrbe, *Equestri* titulo ciues duodecim, duodenario Apostolorum numero prouocatus, decorauit, maximæ rei magna in hoc Apostolico delectu initia daturus, dum felici omine, ex vnâ hac vrbe secutarum victiorum prænotionem quamdam, spe plenus è sacra-to hoc numero, ominatur; & spem, acti de *Turcis Saracenisq;* superarunt triumphi. Quis proinde vetet gloriari *Antuerpiam*, tot Regum Principumque parentem? tot Imperiorum matrem? fere enim quæ eueniunt origini debemus. quam si tollis, omnem secuturam seriem præscindis: neque iam vlla euentuum posteritas numeretur.

Quo

Quo verò loco *Belgij* Principes, sacri hunc Imperij *Marchionatum* habuerint, vel ex eo colligas, quod *Marchionatum* vrbi antetulerint. Cùm enim *Ludouicus Flandriæ Comes à VVencelao*^{Anno 1357.} Brabantiae Duce *Antuerpiam* impetrasset, nulla quantumuis ingens pecunia digna visa fuit, vt *Marchionatu* cederet. Quare cùm urbem feudatatio iure Comes possideret, caruit *Marchionatus* titulo: & licet tenuerint Flandriæ Comites urbem in annum M. cccciii. cùm ad Brabantiae Duces rediit, *Marchionatu* tamen exclusi fuerunt.

C A P V T V I I .

*Arx siue Burgum: per antiquam videri.
Oppidi incrementa.*

ARX siue *Burgum* vetus mihi, quo nunc loco templum *D. VV alburgis* sororis *D. Bonifacij* magni Germaniæ Apostoli. ac si Annalibus credimus, ante annos mille, non fuit inter *Belgij* ultimas: ipsaque structura vetustatem loquitur, cuiusque ferendo æuo idonea. cuius si aream desideras, metire muri qui flumine alluitur extimam partem, mille minimūm passus complectitur.

Hæc prima vrbis initia, vetera indubiè, & quæ Romanam ostentant ætatem, aut hac maiorem. sed per exiguo ambitu. Creuit deinde ante annos mille, adiectione vicini agri. complectitur hic

nunc Senatoriam domum, Dominicanorum & Sororum nigrarum cœnobia. auxit iterum pomerium Henricus Dux, anno MCCI. ita iis qui protulere imperium, vrbis etiam terminos propagare datur. continetque hæc nunc area *D. Virginis* ædem sacram, *Prioratum S. Salvatoris*, domum *Patrum Societatis Iesu*, Sacella varia. maior tamen accessio facta sub *Joanne III. Brabatiae* Duce, anno MCCCXIV. claudit enim hic locus ambitu suo, Tempa SS. Michaelis, Georgij, Andreæ, Iacobi; cœnobia, locaque sacra plurima, *Franciscanos*, *Carmelitas*, *Capucinos*, scholas Societatis Iesu, *Augustinianos*, *Alexianos*; *Hospitale maius*, *Nonnas*, *Tertiarias*, *Albas sorores*, *Clarissas*, *Annuntiatas*. Iterum profortunâ crescente populo & opibus termini producti, sub *Carolo V.* anno MDXLIII. elegans & diffusum opus, & quod in mille & sexcentos in longitudinem passus extendatur, in latitudinem in quadraginta quatuor supra ducentos: est hic *Oosterlingana* domus ampla & venusta. tandem *Castrum* cum planicie suâ accessit anno MDLXVII. sub *Philippo II. Hispaniarum Rege*.

Iam mœnia qui curiosius speculatus, facile videbit, nullis Europâ totâ cedere, ita è viuo patrio marmore solidè firmata, procurrentibus passim validissimis propugnaculis in mutuam tuitionē, mutuum prospectantibus. De quibus hoc audeo: certasse hic omnium artificum ingenia, hostibus

ad

ad terrorem, ciuib[us] in præsidium: tantâ interludente venustate, vt dū molem spectas roburque, arbitreris omnem abesse elegantiam; hanc si intuearis, putas deesse robur: rarâ in humanis mistione, roboris & venustatis. Si latitudinem quæris, patentissima est: nam & in supremâ planicie, tamquam in summo vertice procurrit in pedes cx. Validum opus, &, quod magis mireris, arboribus perpetuis consitum, tam scitè & ad lineam, vt nulla, conetur licet, dentem imprimat inuidia: ita extra etiam omnem contumeliam elegantia est. Vrbis portas è solidâ credas rupe stare, opere omnes Dorico: vt meritò dubites, elegancia, an firmitas vincat. Quid referam fossas quæ mœnia ambiunt? ingentes omnino in orbem duæ, quâ fluuio diffidebatur; nam reliquâ partem latissimum flumen tutatur. Ædes mirâ felicitate ad omnem negotiationem, varietatem, splendorem, ingenio plurimùm in iis naturam superante, numerat Guicciardinus tredecim millia & quingentas (& superest etiam ædificando area: cuius si amplitudinem metiaris, tribus minimùm milibus locum præbeat) plateas supra ducentas; quas in laxissimum non rarò prospectum, & qui cuiusvis oculos fugiat, videoas protensas; ædium circumsecus elegatiâ, & quæ continuâ quasi serie ad ostentationis inuidiam æmulumque splendorem depugnant, firmatas. Nihil persimile huic *Europâ totâ,*

totà, seu viarum laxitatem, & ad perpendiculari-
ductus, seu augustam ædium amplitudinem in-
tuearis: quas non tam priuatorum quam Princi-
pum arbitreris vslibus destinatas. Accedunt adhèc
supra sex & viginti fora vario opulentata mercatu.

C A P V T V I I I.

Frequentia. ciuium multitudo. ingens negotiatio.

TA M varia vrbis incrementa quid aliud do-
cent? neque producta hæc ad terrorem, aut
ad nudam ostentationem profecta. Quid quòd
ætate nostrâ cogitatum seriò de nouo augmento,
verius, de nouæ vrbis conditu; quæ vniuersam
propè hanc quam videmus, ambiret immani fle-
xu? nec cogitatum tantùm, sed initia ducta, &
progressum non infeliciter. vetuerunt tempora,
& in medio cursu conatū præsciderunt. Magnuni
alioqui pâremq; operi architectum nacti eramus,
Gilbertum van Schoonbeck; & quo meritò se iactet
Antuerpia, coimponatque cum quocumque vete-
rum. Viuere desijt præmaturè, ætatis anno XXXIX:
longiore vitâ dignissimus. credas tamen sæculum
vixisse, si quæ in veteri, si quæ in vrbe nouâ, ab in-
genio & manu illius, intuearis. prodigia sunt: nec
tantorum annorum, sed multarum ætatum ope-
ra, ac non nisi à Regum ærariis. quæ si propriùs dis-
cufferis, dubites, audaciore ingenio, an feliciorē
manu

manu peregerit. & cogitabat maiora. suburbia, in quibus supra duo ædium millia, ac inter has, Regum magis ac Principum, quām priuato-rum domus longè plurimas, fossâ & mœnibus claudere.

Omittamus cogitationes, rem ipsam aggrediamur; & frequentiam aliquando, tamquam è sce-nâ aut theatro, spectandam proponamus. decur-ram per capita, & non nisi punctuatim, quasi per summum verticem, aut capillum, singula. Fre-quentatissimos annos reperio, quinquagesimum sextum, & qui sequuntur in septuagesimum septi-mum. Erant urbem incolentium, supra centum millia. desumam in huius rei fidem, è veteri codi-ce anni 1568. numerum. censa illo anno ciuium capita, in primâ regione seu tribu (wijcken linguâ nostrâ nominant) 6239. in secundâ 5929. in tertîâ 6124. in quartâ 6512. in quintâ 5218. in sextâ 5810. in septimâ 9627. in octauâ 6943. in nonâ 7419. in decimâ 7529. in vndecimâ 7234. in duo-decimâ 7164. in decimatertiâ 8248. capita ergo vniuersim 89996. Hæc ciuium. erant eodem an-no variarum hîc gentium familiæ, quæ domicilio locum delegerant. capita in his 14985. erant pro-inde capita 104981. atque hæc extra nautas, quorum ingens numerus in nauibus. Erant super hæc in suburbii capitum 50. millia, quibus ius ciuitatis, non secùs ac in vrbe natis. iam peregrè

aduentantes quis enumeret? lego anno CICIO-XLIX.LVI. LIX. LXI. numerata ciuium & aliunde accendentium capita, suprà CC. millia. nemo mirabitur, qui cogitauerit, quanti h̄c è variâ gente, Germani, Hispani, Lusitani, Angli, Genuenses, Florentini, Mediolanenses, Lucenses, Pisani, quantique è reliquis Italiæ, adeoque & Galliæ vribibus: sanè è solâ Hispaniâ, trecentas aliquando incoluisse hanc vrbem familias accepimus, potentes plerasque, & quæ ingentes secum opes trahe-rent. Quid quòd statâ bis de die horâ, meridianâ & claudente diem, supra quinque hominum milia, in destinatum negotiationi locum conuenire solita? & numerat *Guicciardinus* CCC. ætate suâ píctores, sartores ICC. aurifabros CXXIV. chirur-gos CX. pistores CLXIX. omnes familiarum ducto-res, & arte suâ magistros.

Transeamus ad res ipsas. Naves non semel in flumine bis mille & quingētas spectauimus, cùm in anchoris posteriores starent, duas, tres etiam septimanas, priusquam terram aut tenerent comi-nus, aut onere se leuarent; nec erat dies, quâ non quingentæ minimūm ad nauigarent, aut enauiga-rent omnium generum mercibus onustæ: ac vno non rarò maris æstu cccc. appulisse accepimus.

Iam currus vix fidem inueniant. nulla dies non ducentos vidit vectoribus grauidos: taceo Germanica plaustra, Hansatica, Lotharingica, Galli-ca,

ca, quæ nullà non septimanâ millia adæquarent, sub amico pondere gementia: taceo rusticos carros omnis rei commeatum deportantes, qui hebdomadatim, decem millia superarent: tacco in animorum laxamentum, in luxum etiam fastumque destinatas rhedas facilè quingentas. quæ singula quanta fuerint, nemo non videt.

Quòd si ad negotiationes ipsas, remque pecuniariam, oculos animumque reflexeris, maiora videbis. Dixeram in *Antuerpiâ* meâ, quinquaginta auri millones, annis singulis, in rerum emptionibus, ac venditionibus, in vnâ hac vrbe absumi solitos; corrigo. inuenio namque accuratiore disquisitione, nullo non anno è suprà recensitis, quingentos argenti millions, auri nimirum centum triginta tres, & quod excurrit, in rerum emptionibus venditionibusque erogatos. atque hoc extra campsualem pecuniam, illam reciprocam, & tamquam adlabentis relabentisque Oceani æstu, affluentem refluxentemque statâ accessione & fugâ; dum per vniuersum orbem inambulat fenerario itû redituque. hanc nulli propè numeri, arithmeticâ nulla expleat. Fuit hoc: eritque, vbi benignior afflauerit cælestis aura.

Finio hoc caput meliore negotiatione, ingeniorum & liberalissimarum artium: quarum, in vnâ hac vrbe, ludi fuerunt supra CL. omnium scientiarum linguarumque vernacula domicilia. hinc

plerique antequam pedem vrbe extulerint, omnium loquuntur linguis: nec viris hoc tanum, sed & mulieribus perfamiliare est.

C A P V T I X.

Aduersa curbi.

O Nulla longi temporis felicitas! Incremēta dedi, imminutionem videamus. humana hæc: summa petimus, vix media attigimus, & præcipitio locus est. Vbicunque te paullò è plano & supra hanc aream erexeris, casum timere. Quid quòd in ipsâ arenâ deiectâ, & humili, lapsus. Irruunt fortuiti casus, aut *Dei* imperio lasciuiam & fastum depressuri, aut ab opibus, & grandi populo, dissidia & in partes sectiones. Publica priuataque narro. Extrema passam à Danis Antuerpiam, ac in ignibus totam cōsedisse vetus codex testatur anno DECCXXXVII. vrbis deinde partem maximam,

In segetem veluti cùm flamma furentibus Austris incidit, vna absumpsit flamma, anno MCCXXXVI. sœuiit eadem, tres nobilissimas depasta plateas, *Nieu-straet, Kip-dorp, Keyser-straet*, anno MCCCXCVI. ingensque rursum ignis anno MCCCCLVI. & anno CCCCLXI. ac ante hæc, anno MCCLXIII.

Erat post hæc negotiationi designata domus ampla

pla & nobilis, & qualem nulla viderunt regna par-
rem. valuit h̄ic flamma. ita nihil æternum. volun-
tur fata, & tamquam imprudenti nexu tollunt
deprimuntque, ibi humilem casam, h̄ic Regum
domus: & qui steterunt cælo vertices inuidiam
facturi grandini & nimbis, versi in cineres ple-
beio calcantur pede.

*Anno
1583.*

Arcem huius vrbis quis ignorat? nullum vide-
rat Europa validius propugnaculum. vix decem
annis steterat, cùm pars maxima æquata solo.
nec multò, surrexit iterùm tamquam post busta
phœnix funeri superstes suo.

*Edifi-
cari cæ-
pta anno
1567.**Anno**1577.*

Senatoriam domum, principem vrbis domum,
vidimus superbo stantem vertice: vidimus iacen-
tem ab insolenti calonum manu; eademque flāmā
septingentas priuatorum ædes sub ingenti diui-
tiarum mole fatiscentes, paucis horis absumptas.
Quid? tot opera, quæ lustrare singula singulas vr-
bes poterant, horulâ euerti vnâ, vt propè Antuer-
piam Antuerpiæ quæramus? Quid querimur
mortales? an inexspectata aggrauant, & nouitas
adiicit calamitatibus pondus? non hac lege intra-
uimus, eamdem exituri? inter peritura nasci-
mur, viuimus, cadimus. Circumfer oculos, an
non quo quidque fulsit speciosius, cecidit citius?
non quidquid longa sæculorum series struxit,
dies unus spargit, & dissipat? non, vt alia desint,
domesticus aut externus hostis, nullo impellente,

*Anno
1560.*

K k 3 quæ

quæ ætates plurimas tulerant, ruunt? & non vbi nunc Campiniæ solitudines, exsurgere regia potest? & in quo nunc turba suffocatur, fieri solitudo? Pilæ sumus, ludi mortales sumus. Intueamur hæc fortuita, omnia, singula: & vbi accuratiùs cuncta lustrauerimus, quid aliud Fortuna facit, quàm ut in hunc mortalium cœtum, diuitias, honores, regna, imperia, gratiam spārgat? quorum quædam inter diripientium manus scissa sunt: alia infidâ societate diuulsa; alia cum ruinâ eorum, in quos deuenerant, prensa. omnia denique dum aut rapiuntur, aut possidentur, vel cum animâ excussa. Quid ergo, damno hæc munera? nihil dico. & tamen vnum dico: prudentissimum quemque, ex voto Senecæ, dum induci videt munera, à theatro fugere; scit enim magno parua constare. At plerique hīc inter primos versantur, vbi spei aut lucri aliquid circumspiciunt; nec vnâ contenti manū, plures vouent. Miseri! qui vilem non rarò quæstum, ingenti ruinâ luunt: & dum singulis inhiant audi, omnibus excluduntur. Vis monentem? secede mecum quisquis es ab his ludicris, & da raptoribus locū. Veniet dies, & fors iam pulsat fores, quę prædā & raptorem suū raptu rapiet vno. Quid igitur? virtutem sequere. Nulla hanc flāma, ruina nulla, inferiùs adducet, aut à celso mouebit vertice. Hæc vna moueri nescit: stata enim illius, ut cælestium, magnitudo est, & immota quies.

Verūm

Verūm ad aduersa . inceperam à flammâ , finio
in illâ. Templum *Dei Matri* sacratum , absumpsit
edax ignis, & quidquid hîc magnum , præter tur-
rim & chorūm , sustulit vna dies . non vñquam ^{Anno}
tulit, ^{1533.}

Documenta fors maiora , quām fragili loco
starent, quæcumque humanâ fabricata manu. vix
vna dies interfuit inter augustinissimum *Europâ*
propè totâ templum , & nullum. eoque hic casus
tristior , quò ferè sine exemplo. Multa namque
templa , incendia, aut de cælo fulmina vexarunt;
rara tam ingentia abstulerunt, tam breui moru-
lâ tanta depasta sunt. Vnum solatur , nescio an al-
teri, vrb̄i sanè vestre proprium, surrexit augustinus.
Ita ferè, quidquid hîc periit , perijisse credas vt re-
surgeret altius. felicitas hæc vestra est.

Intra mœnia hæc euenerūt. extra illa, ingentia à
Rossemio damna illata. sœuunt ferro & igne: sed ferè ^{Anno}
in imbellem rusticam manum, in ligna & lapides,
in templo & monasteria, *Cartujianorum*, *Nonna-
rum*, *Beginarum*, *V Villibrordi*, in quidquid sacrum
profanumque. Quid magnum fuit sternere quæ
nullo propugnatore defendebantur? Non est viri,
ferocire in lapides, in non percussuram calcem.
Viri est, vbi hostem ostenderis, vbi inimica agmi-
na , vbi hauriendus aut dādus sanguis, stare impa-
uidum, occupare priorem, &, si quid prosperum
aduenerit, instare fortunæ; sin secùs, abolere igno-
miniam

miniam fortibus ausis. nam in prosperis ferocem esse, muliebris ingenij est: & ferè qui in secundis, vbi nulla contrà dextera steterit, sœuiunt, his in aduersis

Refugiat timidis sanguen, atque albescant metu;
nec à ferro aut manu, sed à solis pedibus auxilium
petant.


C A P V T . X.

D. Virginis ades, reliquæq; cùrbis paræcia.

QVALE per incertam Lunam, sub luce malignâ,
QEst iter in siluis;
 tale hîc mihi, si ab origine primâ eruenda & nar-
 randa singula. Hoc certum, in æde illâ principe
 non semper fuisse Canonicos, nec tenuisse hunc
 locum. alterum non minùs certum: Præpositum
 hîc olim fuisse, magnâ dignitate, qui duodecim
 Canonicis, vniuersoq; præfesset Clero. sedem ille
 fixerat, vbi nunc templum Archangelo Michaëli
 sacrum. cessit loco, rarâ largitate; rariore etiâ, cùm
 Canonicatibus quattuor: quos *Nortberto* Præ-
 monstratensium conditori, ob res præclarè in hac
 republicâ gestas, cum Ecclesiâ tradidit, locum ipse
 sibi suisq; delegit alium. Fama tenet fuisse hîc
 facellum *Divæ Matri* sacrum, & 400. annis cla-
 ruisse miraculis frequentib; & magnis; quin &
 perseuerasse prodigia in annum M. D. XXXIII. cùm
 incen-

TEMPLI D. VIRGINIS MARIAE
VERA DELINEATIO.





incendio Ecclesia periit. quæ ut primū vrbi reddita est post immanes cineres, reddita & prodigia esse: paullatim tamen refixisse, fiduciâ labante. Fide enim & spe miracula ferè surgunt, perstantque ea si tepescant, ac pulso quasi gelascant calore, miraculorum cursum stare, nec iam vltrà arentia benigniore fluxu suo rigare videmus pas̄cua. Ego tamen nihil in hac re audentius affirmo; nec ausim in tot extatum decursu, certioribus destitutus. Hunc tamen delegisse Præpositum locum res loquitur; reliqua obscura. ante Norbertum fuisse nemo dubitabit. quot antè annis, quis eruat? Dicam testata è veteri manuscripto codice: *Godefridus Bullionensis, qui anno M. XCVI. cum multis Principibus Belgicis in expeditionem Ierosolymitanam profectus, anno M. XCIX. eam cepit, & primus Ierosolymorum Rex creatus est; Decimam duorum manipularum, quam ab Imperatore in feudo tenuit, Ecclesia D. Archangeli Michaëlis ad usum Canonicorum ibidem seruientium contulit.*

Erat tunc Ecclesia, nec ignobilis, Præpositus, Canonici, in quos Ierosolymorum Rex ab ipsâ Palæstinâ munificentiam testari voluit. Nec stetit hæc liberalitas in uno Rege, transiit ad Imperatorem: habes in eodem codice: *Henricus IV. Romanorum Imperator, anno M. C. XIX. litteris sigillo suo munitis, consilio & petitione Godefidi Ducis, concessit Ecclesia S. Michaëlis Archangeli sita in Burgo qui*

dicitur Antuerp omnem decimam que continetur à terminis Zantflit usque Olmezemuthen , ita ut quartam eiusdem partem Ecclesia Præpositus sibi retineat, & reliquas in usum Fratrum conferat . Ratam donationem hanc habuit Lotharius . verba codicis sunt: *Lotharius tertius Romanorum Imperator anno M. C. XXXV. indictione II. anno Regni sui S. Imperij II. omnem decimam ab antecessore suo Henrico IV. collatam, cum integritate Præpositura, & omnibus appendiciis suis Ecclesia sanctæ MARIAE in Burgo qui vocatur Antuerpia assignat.* Conditorem sanè suū agnoscit hæc Ecclesia Godefridum Bullonium, & publicè testatum reliquit: *Regnante in terrâ sanctâ felicis recordationis Illusterrimo Christianissimoque Principe fundatore nostro Godefrido de Buillon Ierosolymitanorum Rege. Hæc Decanus & Capitulum, in veteri membranâ, anni M. CCCX. Iunij die x.*

Sequitur in superiore manuscripto codice: *Anno M. CXXIV. Præpositus se transfulit cum octo præbendis ad Ecclesiam S. MARIAE. quam Burchardum Cameracensium Archiepiscopum sacrasse docent hi versus:*

*Vndecies centum ductis & sex quater annis
Virginis à partu conciliante reum,
Burchardus Præsul hac atria, nec minus aram
Sacrauit, medium quæ tenet Ecclesiam.*


Octo deinde Canonicatus transferunt in duodecim:

cim: anno verò M. CCXL. in XXIV. Laudanda res; & nescio an hoc æuum exempla donet vltroneæ huius depauperationis, cùm oëto in opum suarum societatem quattuor euocant. nec his contenti, alios adsciscunt duodecim, quos vt dignitate, ita prouentuum accessione æquant per omnia sibi. Denique in eodem codice hæc lego: *Feriâ secundâ post Omnium Sanctorum anno M. CCLVII. ordinatum in Capitulo fuit, ut post decesum vel cessationem G. de Perweys Praepositi, commutetur nomen Praepositi in nomen Decani: qui eamdem haberet iurisdictionem quam Praepositus, & duplicem præbendam sicut olim Praepositus. Fuit dicta Capitularis ordinatio per Praepositem G. de Perweys ratificata, & postmodum per Nicolaum Episcopum Cameracensem, Alexandrum IV. & Urbanum IV. Romanos Pontifices. Primum à constitutione hac Decanum reperio Henricum Nose anno M. CCLXXI. longâ exinde & nusquam interruptâ serie duos & viginti numero. Pontificem inter hos vnum Adriannum VI. Archiepiscopum Bisontinum vnum Franciscum Busleydium: Episcopum etiam vnum Carolum Masum Iprenensem, mox Gandensem, qui in Decanatu successorem habet Ioannem del Rio.*

Transiit tandem Collegiata hæc Ecclesia, anno M. D. LIX. in Cathedralem, adlaborante Philippo II. Hispaniarum Rege, Pontifice Paullo IV.

Verba dabo; quoad ealicuit ex erectione nouorum per *Belgium Episcopatum* defrustare. ac primò *Antuerpiensem* Ecclesiam eximit à Cameracensium iurisdictione Pontifex: *Ex certâ scientiâ, de fratrum nostrorum consilio, ac de Apostolica plenitudine potestatis, ad Dei omnipotentis honorem, & sanctæ ipsius Ecclesie auctoritatem*, Antuerpiensem Ecclesiam atque Diœcesim auctoritate Apostolica tenore presentium perpetuò eximimus, segregamus, diuidimus, & separamus ab omni iurisdictione, potestate, & subiectione, Archiepiscopi & Capituli Cameracensis, atque à solutione decimiarum, aliorumq; iurium, Archiepiscopo & Capitulo ratione iurisdictionis, subiectionis, & legis Diœcesana & Metropolita debitorum. Firmat deinde *Cathedralem* Ecclesiam, & quidquid hanc tangit. ac è veteri & Sedi Apostolica consuetâ formulâ, Antuerpiense oppidum in ciuitatem erigit: Ecclesiamq; *B. Virginis Collegiatam* in *Cathedralem*. Pôficia verba sunt: *In Cathedralem, consilio & potestate & auctoritate & tenore præmissis, erigimus.* ac in eâ Episcopalem dignitatem, cum sede Episcopali aliisq; *Cathedralium Ecclesiarum insignijs, honoribusq; & privilegijs, quibus ceteræ Cathedrales Ecclesiae de iure vel consuetudine vntuntur, vel uti poterunt, simili ter erigimus, & instituimus.* Antuerpiensi demum in *Cathedralem* erectæ, assignat territorium septem oppidorū cum pagis interiacetibus (qui sunt ad CXLIV.

quos





quos in iconismo huius Diœceseos h̄ic inserto videre est) longitudinis quinquaginta sex, latitudinis triginta millium passuum similium. Hæc Pontifex. Habuit verò Ecclesia Episcopos, I. Philippum Nigrum, de quo possum illud;

*Ostendent terris hunc tantum fatâ, neque ultrâ
Esse sînent.*

II. Franciscum Sonnum, qui è Siluaducensi sede ad hanc venit anno M. D. LXX. decepsit anno M.D.LXXVI. III. Lænimum Torrentium ex Archidiacono & generali Vicario Leodiensis Ecclesiæ, anno M. D. LXXXVII. abiit ad meliora M.D.XCV. de quo liceat illud Maronis: non hæc.

Vlo se tantum tellus iactabit alumno.

*Heu pietas, heu prisca fides, innictaq; virtus,
duris asperisq;e infracta rebus! IV. Guilielmum de
Bergis ex Decano Leodiensi, & primâ nobilitate
Belgicâ, anno M. D. XC VIII. abeuntem ad Camera-
ensem Archiepiscopatum anno M. DCI. luximus;
mortuum etiam magis, anno M. DCIX.*

— manibus date lilia plenis;

*Purpureos spargam flores,
vt monumentum*

*His saltē accumulem donis, & fungar inani,
amico tamen & obsequioso munere. V. Ioannem
Miræum anno M. DCIV. seruet hunc vrbi D E V S.
Surrexit sub hoc Seminarium Diœcesanum, ma-
gnorum successuum grande initium; quo illi no-*

mine pij omnes debent gratiam, locupletes ope-
ram, reliqui votum è meliore vitâ.

Sunt extra summam ædem *Parœcia* quattuor.
in quibus nihil admodum habeo quod lectorem
mereatur, nisi quis ea volet, quæ è veteri mem-
branâ: dabo.

S. GEOR
GII.

*Nos Decanus & Capitulum Ecclesia Collegiate
B. MARIAE Antuerpiensis, ad supplicationem &
instantiam Burgimistrorum & Legislatorum, nec
non communitatis oppidi Antuerpiensis, & aliis certis
ex causis & respectibus moti, concessimus, quantum in
nobis est, & de iure possumus, quod in Ecclesia Paro-
chiali S. GEORGII dicti oppidi, quæ etiam filia ipsius
Ecclesia B. MARIAE existit, erigatur fons baptisma-
lis pro infantibus ipsius parochiae S. GEORGII bapti-
sandis. anno M. CCCC. LXXVII. xv. Maij, Pontifica-
tus Sixti VI. anno VI.*

Fuisse ante hanc concessionem Parœciam, con-
cessionis verba docent: quin & fama est vetustissi-
mum vbi templū esse, sed fama tantum. quot ante
concessionem annis, quis dabit? Reperio tamen in
Manus. codice anno M. CCCIV. altare ibi DD. Petro
& Paulo sacratum, additumque cœmeteriū, mo-
numentum nimirum victoriæ diei illius ab Ant-
uerpiensiū Marchione à Flandris relatæ: sed & in
veteri chartâ, anno M. CCI. fuisse hanc Ecclesiam
nō ignobilis eâ çtate pagi. Ego nihil affirmauerim.

S. VVAL-

S. W ALBVRGIS proxima priori Ecclesia s. VV AL
est: testatur id constitutio Sixti IV. anno VII. & ^{BVRGIS.}
concessionis verba.

Nos Decanus & Capitulum Ecclesiae Collegiate
B. MARIAE oppidi Antuerpiensis, Cameracensis Diœ-
cesis, ad supplicationem & instantiam Burgimastro-
rum, & Legislatorum, & communitatis incolarum,
Parochie castri oppidi prædicti, alijsq; certis causis &
respectibus moti, consentimus, quantum in nobis est &
de iure possumus, quod in Parochiâ Ecclesiae S. W AL-
BVRGIS castri dicti oppidi, qua filia ipsius Ecclesiae
B. MARIAE existit, erigatur fons baptismalis pro in-
fantibus Parochie dictæ Ecclesiae Castri baptizandis;
quodque constituatur ibi cœmeterium pro funeribus
ipsius Parochie sepeliendis, nisi alibi suam elegerint
sepulturam. Actum anno M. CCCCLXXVIII. 1. Martij.

Fuisse D. VV ALBVRGIS Ecclesiam Parochia-
lem, ante hanc concessionem, clarè docent Pon-
tificia Sixtina verba, quæ habes in ipsâ institu-
tionis formulâ, vbi dicit solitos in hac Ecclesiâ,
qui illi præssent, Nubentium benedictionem impen-
dere, Pœnitentia & Eucharistia Sacramentum mini-
strare: additq; fuisse admodum graue & damnosum,
pro Baptismatis & extrema Vnctionis Sacrementis,
ad matricem Ecclesiam recurrere, & ad illam dece-
dantium pro tempore eorum corpora tumulanda de-
ferre. Erat proinde ante Pontificiam hanc institu-
tionem, Decaniq. & Capituli concessionem, Pa-
rochia:

1478

rochia: sed quæ careret *Baptismatis & extrema
Unctionis Sacramentis*, & cœmeterio. quæ hoc de-
mum anno concessa, concessionis verba docent.
Quot verò antè lustris aut sæculis Parochia fue-
rit, incertum mihi. Hoc certum, in Burgo tem-
plum fuisse Arcis areæ superstructum. Nec dubi-
tare hac de re quisquam potest, qui testamentum
D. Willibrordi legerit, & in illo hæc verba: *Rho-
tingus mihi condonauit, vel tradidit Ecclesiam ali-
quam, quæ est constructa in Antuerpo castello, super
fluvio Schalde, in pago Renensium, cum appendiciis
suis, willis, &c.* Erat ergo iam Ecclesia *Willibrordi*
tempore ante annum DCCXXXVI. quo ad meliora
Willibrordum discessisse historiæ tradunt. Aliquis
hic Ecclesiam hæc gentilitium arbitretur fanum,
at erat *Rhotingus* Christianus, & Ecclesiam tradi-
dit, *cum appendiciis suis, willis*, testamento expre-
sis, qui ferè mos Christianorum. & vt fuerit gen-
tilium, vt primùm tamen ad *Willibrordum* ve-
nit, qui non credat pulsâ gentilitate ad nos trans-
isse? *Willibrordum* cogitate, & in hoc animum,
calorem, zelum, fidei propagandæ robur & stu-
dium, inuictumque aduersis pectus.

S. IACO-
BI.

S. IACOBI Ecclesiam æui propinquioris fui-
sse nihil addubitem: quo verò anno exstructa, in-
certum: quo in Parochiam erecta; institutio Six-
ti IV. & Concessio Decani & Capituli tradit.

Con-

Consentientes quantum in nobis est, & de iure possumus, quod huiusmodi capella S. IACOBI, quæ infra limites ipsius Ecclesie nostræ Beatae MARIÆ, quæ etiam Parochialis & matrix Ecclesia est, consistit, in Parochialem Ecclesiam alias tamen canonice præhabentem ad hoc potestatem cum insigniis Parochialibus, ut puta fonte Baptismali, extremâ Vnctione, & ceteris Sacramentalibus iuxta confinia per nos & præfatos supplicantes consignata & concordata erigatur. anno MCCCCLXXVII. III. Iulij Sixti IV. anno VII.

S. ANDREÆ recentiore est: docent id Constitutionis Adriani VI. & Concessionis Decani & Capituli verba.

Decanus & Capitulum Ecclesie B. MARIAE Antuerpiensis, cupientes divini cultus augmentum, & votis & desideriis Illust^m Domina Margarita Austriaca, necnon ciuium & incolarum oppidi Antuerpiensis, satisfacere; consenserunt quantum in ipsis fuit, erigi nouam Ecclesiam Parochialem sub invocatione S. Andreæ, die XXIX. Maij, anno M. D. XXIX.

Habes in eadem Concessione, fontem Baptismalem & cœmeteriū. Ante tamen Concessionis huius diem, Ecclesiam hīc reperio, cùm ē Saxoniā Augustiniani anno M.D.XIII. in urbem hanc venerunt. ante horum aduentum tenebræ mihi.

Hæ quinque vrbe totâ Paroeciæ. antè vna D. Matris in solidum, & numeris suis omnibus

M m abso-

absoluta Parœcia fuisse videtur. stetitque ad annum MCCCCLXXI. cum frequentior grandiorque populus, ac in tredecim regiones, quas *VVijcken* vulgo appellant, ritè discriminatus, Parochium vnum onere leuare suasit, addereque priori quatuor. Sed & principem Ecclesiam in duos Parochos dispertiri placuit: ut non quinque, sed sex censeri debeant. Possent designari plures, & staret singulis suis labor: nunc plurima familiarum millia vnum agnorunt: exsurgat qui faciat.

C A P V T X I.

Virorum Cœnobia, aut loca Religiosa.

LVS TRABO singula, & si quid occurrat litteris aut famâ notum, non omittam.

PRÆMONSTRATENSES, tempore inter Religiosos primi, duce D. NORTBERTO sub annum MCXXIII. in hanc urbem venerunt. Celebre illâ ætate NORTBERTI per Germaniam orbemque vniuersum nomen. qui Adamiticam Tanchelini hæresim, per vicina vrbi loca sœuientem, validè repressit, vesanis impudentiæ illius ardoribus restinctis. ob quam rem, benè, & è voto Antuerpiensium peractam, areâ, domo, temploque donatus. liquidò hoc litteræ docent.

*In nomine sanctæ & indiuinduæ Trinitatis. Ego
Hil-*

Hildolphus Præpositus S. Michaëlis in Antuerpiâ, tam futuris quam præsentibus in perpetuum. Qualiter præfata Ecclesia nostra ad usus Canonicorum Præmonstratensis Ordinis træsierit, & quâ de causâ assensus Capituli nostri eis datus fuerit, præsentis scripti attestatione notificamus. Cum in diebus nostris quidam hæreticus Tanchelinus nomine in partibus nostris aduenisset, & venenoso sermone à fide & à Sacramentis Ecclesiae plurimos auertisset; hac de causâ ut illa hæresis, qua prouinciam nostram occupauerat, funditus extingueretur, consilio Domini Burchardi Episcopi, & totius populi, & assensu Capituli nostri, Dominum Nortbertum, virum nostris temporibus spectabilis religionis, accersiri curauimus; eiq[ue] ac suis Fratribus Regulam beati Augustini seruantibus, suamq[ue] institutionem ex sequentibus, supradictam Ecclesiam cum capellis in eius cæmeterio fundatis, & tribus curtibus & iugero terra eidem cæmeterio adjacentibus, cum quattuor præbendis, per manus memoriati Episcopi tradidimus; circumspectione vigiles, dignique perpendentes, quod eorum saginaremur orationibus, & bonis spiritualibus, si eos sustentaremus beneficijs temporalibus. Nos verò prius numero duodecim, numerum nostrum in octo terminauimus præbendas, & cum his & Præpositura nostra integratatem in Ecclesiam beatâ Mariæ transtulimus. Ceteras verò quattuor præbendas, per omnia eis consimiliter participantes, proprio nostro arbitrio dedimus. Excepto quod

allodia & mancipia, quæ usque ad haec tempora Ecclesia illa possederat, in nostris singulariter usus segregauimus. Baptismus vero celeberrimi temporis, videlicet Pascha & Pentecostes, in Ecclesia illa obseruabitur; reliquo autem tempore Parochianus noster baptizandis prouidebit. Infirmos autem visitare & communicare, oleog̃ inungere, confessiones audire, mortuos sepelire, omnibus hac ab eis querentibus libere concessimus. Ut autem tam praelata beneficia fædus inuiolatum, & inter nos & ipsos semper permaneat, hoc definitum est, ut quodcumque munus, infirmus, & moriens parochianus, siue in terrâ, siue in aliâ substantiâ cuius Ecclesia aliquid obtulerit, aut pro se offerri instituerit, per medium dividatur. Quod vero alienus sanus aut infirmus, aut parochianus incolumis dederit, Ecclesia, cui hoc datum fuerit, absque partitione possideat. Ipsa vero Ecclesia sedula omnium exactione iniicem inges sibi debebunt fraternæ charitatis orationes, in omnibus necessitatibus se se supportantes. Pro commemoratione vero sua libertatis utraque Ecclesia persoluet Cameracensi Praesuli aureum nummum Antuerpiensis moneta & ponderis, singulis annis in festo S. Lucae. Ut autem haec rata & inconnusa permaneant, sigilli nostri impressione, & testium subscriptione, qui interfuerint, & hoc donum dederint, annotari curauimus. Ego Hildolphus Praepositus S. Mariae, Anselmus Canonicus, Bernardus Canonicus, Giselbertus Porcus, Raduardus Canonicus, Ouo Canonicus,

Ra-

Raduardus scriptor, Ragerus Canonicus, Hildeunius Parochianus. Actum autem est hoc anno Verbi incarnati MCXXIV. Indictione secundâ, Epactâ tertiatâ.

Dos ergo prima debetur Canonicis anno M. C-
xxiiii.altera Ducanno MCCXI.Senatus etiam non
pauca contulit.

Sepulta in hoc templo anno MCCCLXV. *Isabella Borbonia Caroli Pugnacis vxor, vbi ante gra-*
dus principis altaris mausoleum habet.

DOMINICANI à Senatu populoque in hâc vrbem Argétinâ euocati.Dabo euocatorias litteras,vete-
rein ac nonnisí Antuerpiensem pietatem spirâtes.

Religiosis viris & discretis, honorandis, Priori
Prouinciali Fratrum Prædicatorum Teutonia, &
Fratribus diffinitoribus Capituli Prouincialis apud
Argentinam, Scabini & communitas Antuerpiensis,
Cameracensis Diæcesis, salutem & sinceram in Do-
mino charitatem. Quamvis mundanis pulueribus
obfuscatai comparatione felicitatis spiritualis multa-
rum Ciuitatum, quibus in populo & aliis temporalibus
termini nostri superabundant; nostram necessitatem
vobis inuitamur exponere. Cum itaque secundum
præsentem statum, ministerium vestrum sanctæ Dei
Ecclesie comprobetur per necessarium, & nos hucusque
*consolatione vestrâ (quod cum dolore proferre possu-
mus) caruerimus, nisi in quantum B. Fratres vestri*
domus Louaniensis, vel alij remotiores nos duxerint

visitare, omni deuotionis affectu vestram propulsantes exoramus charitatem, quatenus nobis & nostris compatiamini, & collegium Fratrum vestrorum Antuerpiam destinari faciatis. Hos enim ipsos affectu sincero, & dilectione stabili pertractare compromittimus: firmam tenentes fiduciam, quod, cum Dominus benedixerit domui Aegypti propter introitum Ioseph, & domui Laban propter Iacob, benedictionis diuinæ munus ad introitum eorumdem consequemur. Datum in Inuentione S. Stephani, anno MCCXLIII.

Hæc Antuerpienses. sunt in eamdem sententiam Brabantiae Ducis & Cameracensis Archiepiscopi. quæ quia longum recensere, prioribus insisto. Designata aduentantibus à Senatu domus, areaque per ampla: & retinet hodieque vicus nomen, vulgo *Preeck-heer straet*. Transierunt post hæc, veteri relictâ domo, in eam quam etiamnum inhabitant, liberalitate *Henrici III.* Brabantiae & Lotharingiae Ducis, anno MCCLVI. ubi etiam templum ædificarunt. Fama tenet *Albertum Magnum* Ratisbonensem Episcopum anno MCCLXXI. sacrasse. cuius cum angustiis excluderetur populus, placuit priore euerso, aliud à fundamento augustius, in eam quam videmus molem erigere, anno MDLVII. audaci per omnia, raro, visendoque opere. Habes in hac æde, prioris, in campanâ, monumentum, hac inscriptione:

Tēporibus clango certis, & funera plāgo. anno 1253.

PRIO-

PRIORATVS S. SALVATORIS, Cisterciensis
Ordinis, vulgò Petri Potz; munificentâ Petri
Potz, patricij Antuerpiensis, coniugisque illius
Mariae Terrebrots, exstrui cœptus anno MCCC-
XXXIII. & ad optatum aliquando finem eorum-
dem benignitate anno MCCCCXLVII. deductus,
annuoque censu, qui duodecim religiosis alendis
satis esset, dotatus.

FRANCISCANI cœperūt anno MCCCCLXVII.
locum Senatus dedit. donationem Philippus Bra-
bantia Dux diplomate probauit.

PHILIPPVS Dei gratiâ Dux Burgundia, Lo-
tharingia, Brabantia, & Limburgia; Comes Flan-
dria, Arthesij, Burgundia, Palatinatus, Hannonia,
Hollandia, Zeelandia, Namurci, Marchioq; sacri
Imperi, Dominus Frisia, de Salinis ac de Mechliniâ.
Vniuersis præsentes litteras inspecturis salutem in eo
qui est omnium vera salus. Cum inter alios Fratrum
ordines Regulares, quos per diuersos Patres pro perfe-
ctione vel eminentiâ vita Christiana ab exordio mi-
litantis Ecclesia introductos esse conspicimus, sacro
Apostolico ordini ab eximia sanctitatis Patre beato
Frâcisco diuinâ inspiratione, ut piè credimus, Fratri-
bus ac discipulis suis tradito (quo prædicti, tamquam
abiectis auro & argento, & reliquis omnibus auaritia
& cupiditatis huius mundi illecebris, quibus qui tam-
quam Mammonæ inseruiunt, Deum odio habere co-
guntur,

guntur, ab earumdem illecebrarum imperiis in sanctam libertatem euasi velut paratisima & expeditissima mansicia, spretis omnibus soli Deo poterunt adhaerere) tamquam Ordini acceptissimo Deo, & prodilatatione & ampliatione sanctitatis militantis Ecclesiae specialissimam in animo nostro commendationis sedem parauerimus; perindeque eos quos videmus se ex corde non ficto ad eiusdem Ordinis strictam obseruantiam mancipare, magnâ & indefessâ cogimur charitate complecti; & libenter ea qua ad fomentum & incrementum eiusdem obseruantiae operari posse conspicimus, omni sollicitudine promouere; offendiculaq; & aduersus prosperum successum eiusdem obseruantiae militantia, quantū in nobis est, longius relegare. Sanè cū didicerimus nouiter dilectos & fideles nostros Burgimagistros, Scabinos & Consules oppidi nostri Antuerpiensis, ad prædicti sacri Ordinis obseruantiam promouendam charitate accensos, Fratribus eiusdem Ordinis quos viderūt ad illibatam, quantum humana infirmitas diuino afflante adiutorio cōcessit, se velle in eadem Ordinis obseruantia, absque voluntaria & irrationabili dispensatione, unanimitate cōtinere, comodasse certam quantitatem terra in loco qui nunc communi nomine Mons omnium Sanctorum vocatur; super quā quibusdam viris deuotis hoc procurantibus, & alijs manum charitatis & deuota liberalitatis ad hoc porrigitibus, adficiūm satis conueniens tam pro diuino seruitio quam pro receptione dictorum

Fra-

Fratrum erigere & fabricare incepint : ne tam sancto proposito & initio deesset auctoritas Principalis , placuit id quod ex devotionibus subditorum sic est incepum , auctoritate nostrâ omni modo , tamquam ab initio manum apposuissemus , ratum & gratum habere ; & perinde nosipso tenore presentium eiusdem monasterij declarare & constituere Archifundatores . Idq; ex nunc fundatum esse , & inantea ad reuerentiam & honorem Dei , & Beati Andreae Apostoli , & Patroni nostri per nos speciali devotione electi , nec non dicti vestri Patris Francisci vita Apostolica sectatoris , complendum & perficiendum ; & sub eorumdem Patronorum , & præcipue dicti B. Andreae Apostoli titulo perpetuis futuris temporibus recolendum . Rogantes instantius Reuerendum in Christo Patrem Dominum Cameracensem Episcopum , quatenus Ecclesiam ipsam & altare maius , & alia principalia aedificia , que cœscrari conuenit , ad honorem dictorum Patronorum , & præcipue B. Andreae Apostoli , necnon minor a altaria , & eius alia loca partialia per Dei gratiam & deuotorum hominum charitatem perficienda , ipsisq; accommodata & commodanda , que congruum fuerit dedicare ad honorem Dei & aliorum Sanctorum , iuxta devotionem eorum qui eleemosynas suas ad hoc contulerint , per se dedicare velit & consecrare , aut per alium dedicari ordinet & consecrari . Placuit nobis insuper ex nunc Fratres omnes & singulos , qui in dicto monasterio post consecrationem

huiusmodi iuxta dictam Regulam obseruantiam, sunt
sanctam & religiosam vitam acturi, in nostrâ pro-
tectione & saluigardiâ speciali recipere, promitten-
tes pro nobis & heredibus nostris, eos & eorum quem-
libet quamdiu in Ordinis obseruantia perseverauerint,
quantum in nobis est, tueri & defendere, aduersus om-
nes qui eosdem nunc vel inanter quibuslibet persecutio-
nibus vel iniuriis turbare sagerint, vel molestare.
Sub pœna indignationis nostra, & ultionis consonae
rationi, secundum mensuram & qualitatem delicti,
omnibus subditis nostris cuiuscumque status aut condi-
tionis extiterint, districtius inhibentes, ne dictis Fratris-
bus quamcumque molestiam aut iniuriam, verbis aut
factis, quomodolibet inferre aut irrogare presumant.
Principù antedictis Burgimagistris, Scabinis, &
Consulibus, necnon receptoribus principalibus, & aliis
quibuslibet eiusdem villa obuetiones recipientibus, aut
recepturis districtius inhibentes, ne de esculentis & po-
culentis quæ paucis diebus consumuntur, & quæ eis-
dem Fratribus à deuotis & fidelibus ob amorem Dei
in puram eleemosynam conferentur, presumant ausu-
temario, quidquam Gabellæ, Impositionis, Talliæ,
Maletotæ vel Assisiæ titulo exigere, petere, capere,
vel extorquere; sed potius obmittant penitus aurum
& argentum exigere ab eis qui nec id habent, nec in
communi, nec in priuato licitum est habere. Et præterea
mandantes & præcipientes omnibus officialibus nostris
præsentibus, atque futuris, quatenus eosdem ab omni
iniu-

iniuriā, molestiā & persecutione tamquam praecipue
Dei famulos tueantur atque defendant, aduersus om-
nes qui ipsis huiusmodi iniurias, molestias, aut persecu-
tiones inferre molientur. quosque, si qui fuerint, tam-
quam hostes & aduersarios seruorum Dei, meritis
penis & culationibus, omni dissimulatione postposita,
current afficere. nec in hoc casu alium praestolari, nec
etiam à nobis aliud exspectare mandatum; quoniam
ita ob singularem deuotionem, quam habemus ad ve-
ram & illibatam dicti Ordinis regulam, & odium
transgressionis eiusdem, necnon ad reverentiam &
honorem Dei, Beatorumq; Andrea Apostoli & Pa-
tris Francisci Apostolicae vitae praecipui sectatoris, pla-
cet, ex certa nostrā scientiā & auctoritate principali
sine contradictione fieri volumus cum effectu.

CARMELITÆ anno MCCCCLXXXV. locum
ædificando delegerunt; fauentibus impensè Ma-
ximiliano Romanorum Rege, & Philippo Bra-
bantiæ Duce. Docent hoc Pontificiæ litteræ.

INNOCENTIUS SERVVS SERVORVM DEI,
dilecto filio nobili viro Maximiliano Archiduci Au-
striae salutem & Apostolicam benedictionem. Eximia
deuotionis affectus, & probata fidei constantia, quibus
in nostro & Apostolicae Sedis conspectu clarere dignosce-
ris non indignè merentur, ut votis tuis illis præsertim
quaë diuini cultus augmentū, ac animarum salutem, ac
Religionis propagationem spectant, quātum cum Deo

possimus, fauorabiliter annuamus. Sanè pro parte tuâ nobis nuper exhibita petitio continebat: Quòd tu qui oppidum Antuerpiense Cameracensis Diœcesis, tuo temporali domino subiectū, & illius incolas speciali dilectione prosequeris, & cupis nō solum prospéro & felici regimini ipsorum in iis quæ ad tuum temporale dominium huiusmodi pertinent prouidere, sed etiam quantum in te est, pro salute animarum earumdem te cutiliter & salubriter exercere; non demeritò sperans, quòd si Professores Ordinis glorioſissima Dei genitricis ſemperq; Virginis MARIÆ de monte Carmeli haberent in dicto oppido aliquam domum, pro cuius Prioris & aliorum Fratrum dicti Ordinis uſu & habitatione, incola prefati, qui ad Ordinem ipsum & illius Professores singularem gerunt devotionis affectum, ex Prioris & Fratrum pro tempore in dictâ domo degentium exemplari vitâ, ac diuinorum deuotâ & assidue celebratione, prædicationibus verbi Dei, audientiâ confessionum, & exhortationibus ad benè & laudabiliſter uiendum, cibariores fructus pro suarum salute animarum in dies reportarent, ac meritis & interceſſione eiusdem Virginis MARIÆ conſequerentur præmia felicitatis aeternæ; ſummopere desiderans de bonis tibi à Deo collatis unam domum pro uſu & habitatione Fratrum prædictorum in eodem oppido conſtrui & adificari facere, ſi tibi ad id eiusdem Sedis auctoritas ſuffragetur. Quare pro parte tuâ nobis fuit humiliter ſupplicatum, ut tibi in dicto oppido in aliquo loco

ad

ad id conuenienti & honesto, domum prædictam cum Ecclesiâ, campanili humili, campanâ, cœmeterio, refectorio, dormitorio, claustro, hortis, hortalitiis, & aliis necessariis officinis construi & edificari faciendi, ac dilectis filiis Generali dicti Ordinis, necnon Provinciali Provinciae Allemanniæ Inferioris in quâ ipsum oppidum consistit, Prioribus quoque & Fratribus Ordinis eiusdem illam pro eorum usu & habitatione recipiendi, & perpetuò inhabitandi licentiam concedere, aliisque in præmissis opportune prouidere de benignitate Apostolicâ dignaremur. Nos igitur qui diuini cultus augmentum, & Religionis propagationem, animaliumque salutem supremis desideramus affectibus, tuum in hac parte pium & laudabile propositum plurimum in Domino commendantes, huicmodi supplicationibus inclinati, tibi domum prædictam in aliquo loco dicti oppidi ad hoc conuenienti & honesto, cum Ecclesiâ, campanili humili, campanâ, cœmeterio, refectorio, dormitorio, claustro, hortis, hortalitiis, & aliis necessariis officinis, pro perpetuo usu & habitatione Fratrum prædictorum, Ordinary loci licetiam petitâ, licet forsan non obtentâ, sine tamen alicuius praæiudicio, construi & edificari faciendi, ac Generali necnon Provinciali, Prioribus, & Fratribus prædictis illam recipiendi, & perpetuò inhabitandi, auctoritate Apostolicâ, tenore præsentium, licentiam elargimur. Fure tamen Parochialis, & Beata MARIÆ Ecclesiarum oppidi prædicti, & cuiuslibet alterius semper salvo in

omnibus. Nos enim dicta domui postquam sic constru-
cta fuerit ut præfertur, ac Prioribus & Fratribus, qui
illam pro tempore inhabitabunt, ut omnibus & singu-
lis priuilegiis, fauoribus, concessionibus, & indultis
quibus alia domus Fratrum dicti Ordinis & illarum
Priores & Fratres in genere potiuntur, & gaudent,
ac uti & potiri ac gaudere poterant, quomodolibet in
futurum uti, potiri, & gaudere liberè & licite va-
leant, auctoritate præfata, earumdem tenore præsen-
tium de specialis dono gratia indulgemus. Non ob-
stantibus felicis recordationis Bonifacij Pape VII l.
prædecessoris nostri, prohibente ne Ordinis Mendican-
tium Professores nouas domos ad inhabitandum reci-
pere præsummant, absque Sedis prædictæ licentia speciali,
de prohibitione huinsmodi plenam & expressam men-
tionem faciente, & aliis constitutionibus & ordinatio-
nibus Apostolicis, statutis quoque & consuetudinibus
dicti Ordinis iuramento, confirmatione Apostolicâ vel
quauis firmitate alia roboratis ceterisq; in contrarium
facientibus vel obstantibus quibuscumque. Nulli ergo
liceat omnino hæc paginam nostra elargitionis & con-
cessionis infringere, vel ei ausu temerario contraire.
Si quis autem hoc attentare præsumperit, indignatio-
nem omnipotentis Dei, ac Beatorum Apostolorum
eius Petri ac Pauli nouerit se incursum. Datum
Roma apud Sanctū Petrum, anno incarnationis Do-
minica millesimo quadringentesimo, octuagesimoquin-
to, xi. Kal. Ianuarij, Pontificatus nostri anno secundo.

Cœno-

Cœnobium augustum est, structura firma, chorus templi altus & illustris ; & superioribus his annis adiecta ingenti ausu , felici successu, non modica pars. Sunt qui velint Carmelitas vrbem ingressos anno MCCCCV. priuatis tamen ædibus se continuisse in annum MCCCCLXXXV.

B O G A R D I texendo vitam tolerabant . hos primùm vrbem ingressos reperio anno MCCXXVIII. auspicij D. Beggæ, Pipini primi, Brabantiae Ducis, filiæ, sororis D. Gertrudis. ac primò , nullis certis legibus , solo caritatis vinculo annis LXII. modestè se continuerunt. anno deinde MCCXC. tertiam D. Francisci Regulam professi, Fratrum de pœnitentiâ nomen sortiti , magnis à Brabantiae Ducibus Ioanne II. & III. exactiōnum tempora- lium, & à variis Pontificibus, Ioanne XXII. Cle- mente V. Vrbano V. spiritualibus prærogatiis donati. locum tandem habitationi, priore com- modiorem, anno MCCCXLVI. ære suo pararunt, in- signique posteà accessione, priuatâ industriâ, locu- pletarunt, anno MCCCCLV. cumq̄ue in eam diem texendo vitam singuli tolerassent, prudenti consilio, reliquam Religiosorum consuetudinem imi- tati, in communi viuere cœperūt anno MCCCCLV. quin & monasticā professos reperio anno MCCCC- LXVIII. eoq̄ue res processit, vt textrinâ relicta solis diuinis vacarent.

AVGV-

AVGVSTINIANI olim fuerunt, & venerat in hanc urbem anno MDXIII. Congregationis Saxonicae, non postremi fama, numero; cessit deinde anno MDXXIX. non ignobile templum locumque paroeciae S. Andreæ, permanetque in hanc diem. Anno demum MDCVII. eiusdem instituti, ex norma nimirum D. Augustini, nullo tamen cum prioribus fraternitatis aut capitinis nexu, domum à Senatu impetrarunt.

ALEXIANI. tenuerunt principium. sparsi primum habitarunt, anno MCCC. aucti post numero & opibus, collecti in vnum, propiorem religioni vitam duxerunt. Principium illis ab Henrico Suijdermanno Germano, qui anno MCCCXLV. fundum & domum dedit. ac tandem D. Augustini Regulam secuti, sacratori se religiosis voto ligarunt anno MCCCCLXI. demum domum struxerunt insigne opere, priore longè augustiorem, anno MDXLVI.

CAPPUCINI vltimi in hanc urbem è Gallia venerunt anno MDLXXXV. hortatu Alexandri Farnesij, Parmæ ac Placentiae Ducis. Redierunt paullò post ad suos; rursusque eiusdem Principis euocatione in Belgium, inde Antuerpiam, anno MDLXXXVII. accepti per humaniter à Reuerendissimo Antuerpiensium Episcopo Læuino Torrentio, Senatu, Populoque, cœnobium Catholici Regis munificentissimis impendiis struxerunt. reli-

reliqua priuatorum benignitas adiecit, quâ vnâ viuunt, extremam paupertatem professi.

PATRES SOCIETATIS IESV anno MDLXIL
vrbem ingressi, firmandi aliquando domicilij ini-
tia posuerunt. & primùm duo fuerunt, plures ex-
inde accesserunt; cùm impares oneri, pauci illi la-
boribus succumberent. anno demum MDLXXIV.
paucorum, ac in primis D. Frias Hispani, liberali-
tate, empta domus, templumq. non totis mensi-
bus sex exstructum. Iuuentus deinde anno MD-
LXXV. moribus ac bonis litteris institui ccepta:
triennium ea institutio stetit: successerunt turbæ,
& ciuilia hæc bella; inter quæ sæuo iactati turbi-
ne, & ingentis naufragij pars non postrema, passi
quod assolent qui enauigarunt tabulâ. Septem an-
nos tenuerunt hi fluctus Belgij, donec positis
illis, cum ipsâ Republicâ Rempublicam ingressi
anno MDLXXXV. auspicatam feliciter olim iuuen-
tutis institutionem, reliquaque Societatis munia,
maioribus quâm antè animis, secundioribusque
successibus aggressi. Cumque scholarum angu-
stiis iuuentus excluderetur, præprouidâ munifi-
câque Senatus largitione, augusta amplaque do-
minus anno MDCVIII. accessit. Creuit hîc iuuentus;
maximè cùm humanitatis studiis, Theologiæ
moralis, Scripturarumque sacrarum, ac Contro-
uersiarum prælectiones additæ.

CAPVT XII.

Feminarum Cœnobia aut loca sacra.

VARI h̄ic illarum cœtus, rarâ morum integritate. & sunt *Antuerpienses* ad sacrum hoc vitæ genus & castimoniam pronæ. nec mœnibus his contentæ, vicina repleuere oppida: & sicubi sanctior locus monasticaque seuerior disciplina, *Antuerpienses* reperias. Sunt in

HOSPITALI magno, quæ ægrorum curam gerunt. Huius initia obscura; in peruetusto membranaceo codice hæc habes: *Anno Domini MCCXXXVIII. Calendis Maij, in festo SS. Philippi & Iacobi translatum est Hospitale Antuerpiense ab atrio Beata MARIÆ, ubi prius fuerat adificatum extra oppidum, in campum ubi nunc in honore Beata MARIÆ Virginis est adificatum.* Creuit variorum opibus. Primus dotauit *Guilielmus Nose*, agris in Borsbeke anno MCCXXXII. annuente *Henrico Brabantiae Duce*. Secundus *Ludovicus Berthout*, Mechliniæ Dominus, agris in Mortsele anno MCCLIV. Tertius *Arnoldus de Louanio* Bredæ Dominus, agris in Berendonck, in Micke, in Eeckeren, anno MCCLXXX. Quartus *Hericus vñ Vilre Bergizomij* Dominus, agris in Wesele, anno MCCXCV. Sepulturæ ius concessum his reperio anno MCCXXXVII.

Sunt

Sunt quæ operam suam omnem leprosis impendunt, vulgò TER SIECKEREN. Extra vrbis pomeria primæ fuerunt, anno MCCXXXVI. vrbem demum ingressæ anno MDLXXVIII. cùm latè fortuitus sœuiens ignis priorem locum æquasset solo.

NONNAE, è Zuytbeuerlandiæ Monasterio, ad hanc vrbem, Capituli & Senatus litteris euocatae, anno MCCLXXIX. domum extra vrbis mœnia struxerunt anno MCCLXXX. nomen huic vallis *S. Margaritæ*. passæ deinde anno MDXLII. à *Martino Rossenio*, ferro & igne, quæ militiæ illius furor permiserat, transierunt in vrbem anno MDXLIV. locumque perexiguum, templumq. à *Petro Tack* Antuerpiensi ciue anno M. D. ædificatum impletarunt.

ALBÆ SORORES, dicunt se anno MCCCXII. hoc venisse, Ordinis pœnitentium *S. Marie Magdalena*. de quibus hæc in veteri membranâ: Cùm *Ioannes Brabantia Dux* viro religioso *Gerardo* potestatem facit per Belgium eleemosynas colligendi, in commodum domus sua de nouo in honore *S. Crucis* fundata, ubi opera sunt caritatis, utpote de peccatricibus insta mulieres, ac bona, ac Deo deuotæ efficiuntur. nec solis hic lapsis locus, sed quod illis locus, quibus alibi negatus.

FACONTINAE. *Falco de Lampage*, sub an-

num MCCCL. hospitale hoc loco instituit. à cuius obitu abierunt ad Regium fiscum , quæcumque viuus possederat : etiam hic locus . Emit hunc à Præfecto ærario *Ioannes van VVitham* anno MCCCLIV. & ab hoc aut heredibus, virgines illæ, quæ priorem aliquando sub *Falcone* locum incoluerant, annuente *Ioanne Cameracensi* Episcopo sub annum MCCCCXXI. qui etiam loco nomen dedit: *Onse L. Drouwen dael in Valckenbroek.* à quo impetrarunt vt in regulam transirent Sanctimonialium *Vallis S. Barbaræ in Thenis monte.*

TERTIARIAE cœperunt à liberalitate *Henrici Soudermanni* Germani , qui domum emit , dedit, anno MCCCL. Sed non nisi domum . In medio namque magnarum cogitationum , naufragium mari passus, periit . perstiterunt tamen Virgines, priuatâque industriâ variorumque eleemosynis vitam tolerarunt. tertia *D. Francisci* regulam professæ anno MCCCLIV. Pio II. Pontifice Maximo.

NIGRAE SORORES. sub annum MCCCLXXI. paucæ primùm viduæ in agro Brabantino cœperunt: curam ægris impenderunt, nullum inualeudinis genus auersatae.ac nullis aliquādo legibus, pòst *D. Augustini* regulam professæ, anno MDVI. assentiēte Iulio II. Locum multorum munificentiâ æreque suo pararunt anno MDXXI. nomenque loco indiderunt *Montis Caluariae.*

CLARISSAE, *S. Claram* secutæ, Ordinis *D. Francisci*. Instituit *Isabella Lusitanica*, *Philippo Brabantiæ Ducis* matrimonio iuncta, salutis anno MCCCCLV. absoluta structura Monasterij ac templi annis sex.

D. Augustini regulam secutæ, quæ in monasterium *D. Anna* dicatum, vulgo LYTHAGEN, extra mœnia olim, nunc intra illa receptæ. Conditor Illustris vir *D. de Ranft* Ciuitatis Marchio; qui Maximiliani exercitus ductor, cùm feliciter contra Flandros die *D. Gregorio* sacro pugnasset, ^{Anno} _{1496.} duodecim h̄ic virginibus locum paravit, annuo censu dotauit. nobilis h̄ic olim locus sterilitati auertendæ.

ANNVENTIATÆ, anno superiore Louanio huc venerunt. prima institutio è Galliâ. diffusæ dehinc per Belgium, Brugas, Louanium, Betuiani, Niuellas demum & *Antuerpiam* traductæ. & nunc h̄ic sunt. priuatorum beneficiâ, Senatusque ante omnes, ædes locumque pararunt.

BEGINAS ad sacratos hos Ordines refero, animo religionem professas, quam & æmulantur, nullo tamen perpetuo arctioris vinculi voto. templū his domosq. extra urbem extrui cœptas inuenio in Sion, anno MCCCCLX. incēdio post hæc, quidquid magnis impendiis steterat, absum-

ptum anno MCCCCXCIV. ac tandem funditus sa-
cra profanaque euersa anno MDXLII. ac demum
in urbem traductas.

C A P V T X I I I .

Hospitalia. Pauperum receptacula.

ALIA ab aliis condita reperio. & prout quemq.
pietas aut beneficentia traxit, in varios usus
destinata; omnia tamen egenis subsidium. Cura
horum, Eleemosynariorum fidei ferè commissa,
quorum serià sollicitudine res administrantur.

INDE Hooghs
traet. S. I V L I A N I hospitale. falluntur qui ante annos
mille stetisse volunt: exstructum reperio anno
MCCCI. Peregrinis quaquà venientibus in bi-
duum h̄ic domus est, & benignè habentur. ac ne
diuina desint, adiunctum facellum, & in eo diur-
num sacrum. ita corpori & animo largiter pro-
spectum.

INDE
Rop-
straet.

IN F I R M A R I A . nomen hoc, loco est. nullus
auctor inscribitur. fuisse ante annos ccc. fama te-
net, & constans fama. stetit olim in vico *Clad-*
dorp; mutauit deinde sedem anno MDXLV. Sunt
in hac feminæ sedecim, & horti domusque le-
gati hoc fine.

INDE
Kercke-
hof-straet

D. V I R G I N I S . conditor *Henricus Souderman*
Germanus anno MCCCXL. multa huius viri ger-
manæ

manæ in hac Republicâ pietatis vestigia. duodecim feminis, ætate aut valetudine fractis, domicilium hîc est; adiuncta ancilla, quæ ætatem morbosve leuet.

CÆRVLEI FRATRES. memorant exstru-
ctum anno MCCCLXVI. multorum hîc munificen-
tia claruit. viris duodecim senio & inualetudine
laborantibus, ancilla in subsidium ætati & ægri-
tudini data.

S. ANNÆ. auctorem narrant *Balduinum de Riddere* cum vxore *Elizabethâ Hays*. pulchra in coniugibus largitatis æmulatio. imitentur plures. vnde decim hîc mulierculis & subsidiariæ ancillæ receptaculum cōcessum anno MCCCCXII. annexum habet facellum.

S. IACOBI. æuum huius & auctores vidi lapi-
di insculptos. *Nicolaus de Herde*, *Guilielmus de Molener*, *Cornelius Lemsens*, *Ioānes Melus*, *Ioannes van VVoude*, *Guilielmus Ottens*, anno MCCCLIV. collato ære posteritati sacrarunt. Quotquot D. Iacobij petunt limina, aut soluti voto reduces, hospitiij hîc iura reperiunt. Magna olim concursatio parentum æuo, cùm & pietas in Diuos ardorque maior: & aberat hæresis, ridere & perdere, gelidamque suffundere piæ huic flammæ edocta.

GERARDI BAERT. conditoris nomen præ-
fert.

fert. sex viris ætate aut laboribus fractis sacerdotem vnum præesse voluit anno MCCCCCLXX.

*Opde
Fseques
rupe.*

IOANNIS VAN BIEST. auctorem nomen narrat; anno MDIV. mulierculis sedecim ancillam adiunxit, abeuntis solamen ætatis. mille è voto meo Biestios è mercatorum cœtu; neq. enim eunt hæ negotiationes omnes sine rugâ aut maculâ.

*Bp de
Venus.
Graet.*

SACELLVM GRATIÆ. rara semper maiorum pietas. atque ô lubeat, aut non pudeat sequi! præiuit *Antonius Ruelli* anno MDV. duodecim viris, sacerdotem vnum qui sacris indies operaretur, præfecit. imitare qui potes. nam quis non vestrum fenerario puluere si non intectus, inspersus tamen suâ aut alterius manu, alienum redolet?

*In S. Ro
chus.
Graet.*

PUPILLARIS DOMVS EXPOSITIHS DICATA. quorum in magno populo, & frequenti viciniâ, magnus numerus, & iam CXXC. numerant. auctores habet Eleemosynarios vrbis anno MDXXXII. nobile opus, & quod nomen in Principe mereatur. educantur, & vt primùm per ætatem licet, edocentur, prout cuiusque ingenium tulerit. additurque lectio & scriptio, ne quidquam ad honestam educationem vitæque reliquum defit:

*In S. Ro
chus.
Graet.*

FATVA DOMVS. aberrantibus ab homine suo, quales in magnâ Republicâ, ingenti viciniâ, numquam deesse possunt, locus hic ab Eleemosy-

ORIGINES ANTVERPIENSIVM. 113
mosynariis datus. & respondet operi fructus.

IN VICINIAS. GEORGII. *Elisabetha Goudts-* By S. Jo
ris Gercken
vlieden, mortuo marito anno MDXLV. *Ioanne*
Gottensys, pietate, & in pauperes munificentia in-
signis, sex mulieribus locum tribuit. Quantæ
hic viduæ sub opibus tamquam onere fatiscen-
tes, maiora possent? velint. & mentem hanc inii-
ciat qui potest Deus.

VIRGINVM DOMVS varium opus, multi-
plex, nec minus rarum; & fortunatissimi euen-
tus. *Ioannes vander Meeren* anno MDLII. instituit.
Virgines hic erudiuntur, quas egestas paternâ ex-
clusit domo, aut matrum pudor. quæ vbi adole-
uerint, è pupillari in hanc traductæ, quidquid in
virgine desiderari potest edocentur. inde ancilla-
tum dimittuntur: aut si quam modestior adole-
scens ambiat, matrimonio iungitur, dotem à pau-
perum ærario acceptura.

FEMINARVM DOMVM Eleëmosynarij an-
no MDLIV. ædificarunt. variæ hic mulieres, & ferè
moribus non optimis, quæ his parietibus, tam-
quam honestâ continentur custodiâ.

HERMANNVS VANDEN HOECKE, sex vi-
ris ætate aut morbo confectis, aream dedit, ædes
statuit, conditoris nomen meruit anno MDLVII.

Op de
Peerdes
mire

IV VENVM DOMVS respondet puellarum: instituitur enim h̄ic iuuentus variâ arte pro cuiusq. ingenio, aut propensâ voluntate. & delecti superioribus annis ex omni hac turbâ, quæ ingens omnino est, qui ingenio & moribus plurimum sponderent: quiisque præ reliquis eruditionis aut probitatis maioris spem facerent, addictique humioribus litteris, vt inde ad Philosophiam altioresque scientias transeant. Condidit domum IOANNA VAN SCOONBEECKE anno MDLVIII, multas Ioannas concedat hoc sæculum; singulæq. Belgicæ vrbes vnam alterámve.

In de
Boeck's
Geden.

SEPTEM FRATRVM anni sunt amplius centum cùm *Henricus Loomans* domum legauit, viris septem senio & egestate pressis; subsidiariumq. vitæ trahendæ annum censem addidit.

In de
Rope
Geden.

Pulcra æmulatio, oriantur plures: septem ibi viris, septem h̄ic mulieribus *Michaël Vander Heyden*, anno MDLXII. domum coëmit, dedit, dotauit, nomen inscripsit, SEPTEM PROFVSIONVM SANGVINIS; ita voluit inscriptioni respondere numerum.

In Schut
ters-hof
Geden.

CATHARINA & DINA ALARTS virgines anno MDLXXXV. octodecim mulierculis domum annumque prouentum statuerunt, forti in posteritatem prouocamento, dum æmulantur nomen cælo terrâque magnum. Enascantur plures, poste-

posteritatis & largitatis æmulæ, & cùm non desint
sorores virgines, non desint *Alartia*, quadam et-
iam meritorum nominisque inuidentiâ maiores.

S. ANNÆ. *Simon Roderigues Peretti*, Baro de
Rodes, domo Lusitanus, domum emit duodecim
florenorum millibus, hortum tribuit, facellum
addidit, instruxitque ab omni re sacrâ; amplam
dotem inscripsit, quæ alēdis duodecim honestiore
loco natis, sed gradu & opibus (variante Fortunâ
vices) exclusis, sufficiat. adiunxit famulam: sed
& Sacerdotem præfecit, qui sacris indies operare-
tur; qui sacratiore verbo viciniam pasceret. Lau-
des etiam musico concentu decantari voluit.

*Inde
Dupl. tract.**Anno
1600.*

V RBIS E LEEMOSYNARII anno MDCVII. *Inde
Lepel.
tract.*
octodecim feminis, quæ aut fortunâ, aut homi-
num malignitate, aut inualetudine variâ oppressæ,
maioris calamitatis effugium statuerunt.

IOANNES SVTOR sex viris senio morbisque
attritis locum dedit, mulieremque addidit quæ
famularetur. è tenui supellestile venit hæc libera-
litas. quanti erubescunt imitari? Erubescere &
præmiari. Viuet interim Sutoris nomen, nec era-
det hoc vetustas. & vbi opes perituræ? vbi posses-
fores harum? arbitreris tamquam spongiâ è mor-
talium tabulâ deleri, ita nec vestigia perstant,
quantumuis scrutere, tenuia. quære. nec nomine

*Inde
Denuo.
tract.*

viuunt. vbi enim nulla benefacti memoria, nec nominis est. Vultis etiam post mortem viuere? vna munificentia æternabit vitam; nescit mori, & ad cuiusque Lectoris oculos redanimabit monumentum.

*In de
bet
fuerit.*

Testamento quattuor domus accesserunt pauperum ærario. dos abest. & quidquid extra nudos parietes, ærarium subministrat. nomen loco, *Dm
Maesen ganck.*

*In de
bet
fuerit.*

QVINQVE ANNVL I nomen est. septem domus sunt. dos nulla. industriâ proinde suâ viuunt, quæcumque hic viuunt.

ALMERAS, fundatoris ostendit nomen. sex mulieribus ædicas reliquit, singulis singulas. de suo vicitant. **Quod** deest tolerandæ vitæ, Eleëmosynariorum erogatur liberalitate.

Sequuntur ea quæ extra Eleëmosynariorum curam aliorum subsunt imperio.

*In de
bet
fuerit.*

NAVTICA tribus facellum struxit, ædes adiecit, & leuandæ egestati suorum non postrema donaria.

*In de
bet
fuerit.*

S. NICOLAI facellum tribus **MERCIA** condidit: domus adhærent, viris feminisque in opia laborantibus tutelares.

*In de
bet
fuerit.*

Nec minus benè apteque commensuratum habes

habes facellum à PANNARIA aut FULLONIA
tribu, in quâ olim bina de die sacra, domusque
variè duodecim egenis paratæ.

S. IUDOCI facellum Pelliones ædificarunt, &
præsunt loco opificij decuriones.

CORIARIORVM facellum Coriarios condi-
tores habuit anno MCCCCXIX. imperantque Co-
riarij & Sutorij decuriones.

D. VIRGO LAVRETANA. Diego Pardo in-
stituit anno MDCl. septem mulieribus egestate ad
alienam misericordiam compulsis.

SEPTEM DEIPARÆ DOLORVM. septem
mulierum domicilium hîc est : Canonici præsi-
dent. Maria Feys ære suo instituit.

PETRVS VAN DAEL sex egentibus domum
dedit, dotem addidit anno MDXCVIII. præsunt con-
ditoris heredes.

S. BARBARÆ. Nicolaus Boot ædes & facellum
tribuit anno MDIV. feminis octo.

NICOLAVS VAN STIFLEN sub annum
MDXVIII. extra moenia sex mulieribus ædes attri-
buit, annumque censum qualem ea tempora
postulabant. periiit sub Rossemio. areolam deinde

nouo extruendo domicilio in ipsâ vrbe emit
Adrianus Nicolai nepos anno M D X L I I I . in hac
 Ioannes fratresque domum fabricarunt.

C A P V T X I V .

Varia in urbe loca, quæ famam merentur.


IN GENTIA non vno loco terrarum miracula reperies, fluctuantes terras, nec minus in Belgio nostro quam in agro Cæculo , Reatino , aut Callaninis insulis, quas non ventis solùm sed & contis quo lubet impelli videmus. Maius in Nymphaeo portentum, cùm in symphoniac cantu, ad ictus modulantium pedum , mouentur insulæ, Saltuariæ dictæ . Nec inferiora montes dabunt: Hephaestij sanè tardâ flamnante attacti, flagrant adeò, vt riuorum lapides in ipsis ardeant aquis: & duos circa Indum legimus , quorum ille ferrum omne trahit, hic respuit. Neque prodigiis suis nemora carent : habes ad aquas Cutilas siluam , quæ non die non nocte eodem loco visitur . Nec saxa frustrantur miraculis : iuxta enim Harpasa horrenda cautes, vno mobilis digito ; eademque si impellatur , corpore resistit. Magna hæc naturæ prodigia . at ego nescio an ab humano natum ingenio minus. Inter prima sanè operum humatorum **A R X** est urbis huius: quinque validissimis firmata propugnaculis mutuum defensantibus:

mon-

ARX

ANTVERPIENSIS.





montibus deinde , qui omnem circa regionem agrumque retegant , & ab hostili procursione , ingentibus tormentis bellicis, arceant , mœnibus inclusis , in tutelam raramque amœnissimi prospectus venustatem se in immensum attollit . Sed & extra mœnia humilia propugnacula egestâ terrâ equiti procursum præbent , tutumque receptui locum . armamentaria verò , & commeatuum reconditoria ad miraculum in immanem excurrunt vastitatem . stabulandis etiam equis ingens laxitas : & super hæc militi certa tutaque domicilia , qualia in medio magnarum vrbium desideres : & millibus facilè tribus locum præbeant ; pluribus etiam , si qua necessitas arctare cogat domus . templum hîc non maximum , sed pulcrum inter plurima est , scitè & ex arte construtum . Laxissima in Arcis medio area militari delectui commodissima , quæ iusto etiam exercitui satis sit .

TYRRIS D. VIRGINIS nobilissimum , si quod usquā opus , quo nec basilica Paulli Phrygi- bus mirabilior columnis , nō Augusti forum , non Vespasiani Pacis templum . audeo . non obeliscus Eraphicus quadragenūm octonūm , non Philadelphicus octoginta cubitorum , cumq. in ingentem surgat cælo molem , pedum CCCCXX. cubitorum nimirum CCLXXXVIII. tantâ passim pellucet amœnitate ,

nitate, tantâ mutuò superstantium columnarum varietate, vt & solaribus vndique radiis transuerberetur, & luci quaquâ parte viam prospectu prebeat lätissimo. Cœptam ædificari inuenio anno MCCCCXXII. ac XCVI. annis ære publico ædificatam, cùm Ægyptiam pyramidem amplissimam, quæ octo iugera occupauerat soli, annis XX. construētam acceperimus, tresq. alias spectatissimas, quæ orbem totū nomine impleuerunt, annis LXXVIII. mensibus IV. Datum deinde initium alteri turri, audaci potentiae facto. nec initia tantum; nam & fastigium superat templi, & superbo vertici augustam ceruicem præbet. quis imponet illum? adsint animi, non deerunt opes in tam diuite non vno loco priuatorum recessu.

Anno
595.

HOROLOGIVM. quod M. Varro primùm Romæ in publico statutum scribit anno Vrbis CCCCLXX. nec aliud quâm solare, cùm in nubilo ac nocte nullæ horæ essent, donec primus Nasica aquâ diuisit horas noctium æquè ac dierum, anno vrbis I^oCV. (tamdiu enim Romæ indiscreta lux fuit) atque hoc non nisi oculis subsidiarium; hoc in omnibus iam propè vrbibus etiam auribus medetur, cùm audiendi auditatem explet, nusquam tamen venustiore quâm hîc concentu. tam suavi modulatione antebulus cuique horæ ludus est, tam plena symphonia, vt admirationem stuporemque

poremq; aduentatibus inædificet. & quidquid ali-
bi humanæ modulantur voces; quidquid tibiæ,
reliquaque musica, hoc æs campanum tam expri-
mit doctè, vt nullum extra illud modifiçatorem
desideres. Cogita quidquid vbiq; in quacumque
gente primum, habes in vno hoc anteludio hora-
rum pulsu. vis Æolium simplicem suauemque?
vis Lydium querulum ac quasi fringultientem?
vis Phrygium religiosum, ac tamquam turtura-
lem? vis bellicosum armaque intonantem Do-
rium? hîc inuenies: ac ab vnius hominis manibus
pedibusque, tot quasi animari vno tempore &
pulu campanas, tamque varium acuto sonitu,
graui bombo, medio flexu concentum misceri
musicum, vt cùm vnam videas manum, mireris
varietatem, nullaque non diei noctisque horâ.
Alibi fors eadem reperies. nescio an pari concen-
tu, arte simili. imò nusquam pari. quæ caussa,
quòd admirationem aduentantibus excitet, quā-
tam nulla res alia: maximè in portentosâ illâ alti-
tudine, quâ concentu non vrbem modò, sed & vi-
cinos complet agros. & ingens sanè illa est, cùm,
vti dixi, minimùm in 420. pedes surgat: cui si im-
positum adnumeres culmen, insertamque cul-
mini sexdecim pedum crucem, prioribus nihilo
ignobiliorem, 461. pedes expleat. rarum etiam,
in hoc opere, 622. de solido lapide gradus recen-
seri.


CVRIA, Senatoria domus: cum quocumque scalptili Phidiæ marmore, Praxitelicâ Gnidiâ, Neptuno Scopæio, quocumque Artemisiæ Mausoleo componenda, ad inuidiam reliquarum propè gentium, vario opere interludente, Tuscano, Dorico, Ionico, Corinthio. elegans structura, è maculoso candicante marmore, liuidiore tamen, sparsimq[ue] circumuolutâ canitie, ac quasi si vndatim in crispis vortices agatur. Marmora hæc Menander, diligentissimus Luxuriæ interpres, longè maximo in pretio habuit, Romaniq[ue] veteres. Plura qui volet, Antuerpiam meam consulat. Fusè dedi. nec addo nunc aliud. edificari cœpta anno M.D.LX. igne perijt anno M. IC. LXXVI. redditaq[ue] annis sequentibus.

BVRSA. Nihil compono cum veteribus, cum Regum pecuniæ otiosâ & stultâ ostentatione, quâ orbem terrarum impleuere famâ. Hoc dico, elegans per omnia opus esse, quadraginta & tribus è patrio marmore substructum columnis, quas dissoluere nec sæcula quidem videantur posse. æuum inscriptio tradit: longitudo in centum octoginta pedes protenditur, latitudo in centum quadraginta.

OFFICINA VITRI. Æternus hîc ignis est, continuis fornacibus materiam liquantibus, cùm alia flatu figuratur, alia tamquam torno teritur,


alia





DOMVS SENATORIA
ANTWERPIENSIS.

INSTAVRATA
M. D. LXXXI.



ambigas ingenio, an vtilitate maior: dispensandæ
Q q 2 in

DOMVS HANSÆ
TEVTONICÆ

SACRI ROMANI
IMPERII.



alia argenti modo cælatur, alia denique auro opulentatur, tinguiturque colore quocumque, & ad quemcumque usum; ad escaria etiam vasā. nec est alia nunc materia sequacior, in quam voles formam; ita ingeniosa solertia est. inuenit hīc in arenā, in herbā, in vario puluere, quod ignibus prouocaret in aliam aliamque faciem. In quo illud mihi succurrit mirari, nihil pñè non igne perfici. ignis accipit arenas, à quibus hīc vitrum; alibi argentum, minium, plumbum, alibi pigmentorum & medicamentorum genera fundit. Magis etiam mirandum in eadem materiâ aliud gigni primis ignibus, aliud secundis, aliud etiam tertijs, aliudque non raro sequentibus. Sanè Tiberio Principe vitri temperamentum variâ materiæ mixtione, ignisque certâ temperie, flexible excoxitatum fama fuit, officinamque abolitam, ac interdictum his ignibus, ne metallorum pretia detraherentur.

OOSTERLINGA DOMVS. insigne elegantiæ & opulentiae monumentum. patet in longitudinem ccxxx. plus minus pedes, latitudo minor est. complectitur ambitu suo ccc. cubicula, singula singulis gentis illius mercatoribus percommoda.

CASTELLVM AQVARIVM. operosa res: ambigas ingenio, an vtilitate maior: dispensandæ

in vniuersam vrbum nouam, per subterraneas
formas tubosve, aquæ, mirâ dexteritate ac velo-
citate insignis. indefecta hîc aqua est: tamque di-
uite nocte quâm die venâ fluit, expletque omnem
vrbe totâ cacaborum aidam ac propè inexple-
bilem sitim.

*Ex alio
Aut. Verpa.
P. 13*

TYPOGRAPHIA. quanta ea hac vrbe, res lo-
quitur: & me tacente magnitudo se prodit. Inhi-
be ignem, preme, impositâ fatiga mole, exsurget
violentior: idem hîc eueniet. Typographiam
hanc quicumque illaudatam transierit, silentio
texerit, inuidentiâ presserit, extollet magis. eue-
nietque quod ignibus Chimeræ, quos aquâ ac-
cendi Plinius tradidit: ita illa, quo inimico ore
& calamo magis lassata, eo publicatione libro-
rum suorum se extollit violentius. & sanè qui-
cumque PLANTINIANAM cogitauerit, rem
vnam omnium maximam cogitauerit: maiorem
etiam si viderit. Centum hîc propè characterum
genera. nobile opus, & quod raritate & elegantia
suâ admirationem prouocet: sunt Syriacorum
duo, Hebræorum decem, Græcorum nouem,
Latinorum septem & quadraginta, variarum lin-
guarum & gentium reliqua: sunt & musicorum
plurima, omnianæ modulationi commoda. ex-
tra hæc imagines æri ac ligno faberrimè incisæ
sculptæque ingenti numero. Denique quidquid
pluri-

plurimis Typographiæ prælis exsudatur, quidquid extruditur, adeò ad limam lineamque redactum, vt nec ex libitinis malignissimis, nec ex inuisoribus pessimis quisquam habeat quod meritò desideret. Inspice quicumque artem amas, & vide quām nitidā locatione, quām propè prodigiosā emendatione, quām tereti ambitu, quām pressā rotunditate, quām scito interuallo mutuum splendorem augeant; quām nullā protubulatione è reliquorum cœtu quidquam emineat: an non laudabis tam numerosā industriā multifios, tam emendatæ peritiæ, tot utensilium arti subseruentium Dædalos? Longum effet sigillatim ac discretim singula, satis erit etiam curioso lectori cunctim hæc ac coaceruatim tetigisse. hoc addam, Plantinum quidquid hīc est, auctorem venerari. & patrissant in artificio filij & nepotes.

V RBIS MOENTIA. octo validissimis in muruam tuitionem procurrentibus propugnaculis solidata; quā verò agros fossasque spectant; è perpetuo viuo lapide ita ad firmitatem structa, vt etiam ad lautitiam arbitreris; ita arboribus in summo centum pedum vertice consita, vt meritò in hoc sublimi nemore dubites, robur an elegantia præstet. Iam lapides alibi in venustatem sectos, solidis alibi glebis in roboramentum positos videbis. Portæ operi respondent, firmitate, ele-

gantiâ, æmulâ laude. Sunt verò vniuersim tredecim: agrariæ quinque; reliquæ ad flumen ducunt: his singuli respondent *Kai*, tamquam prominentes è littore aggeres: fora dixeris littoraria, & protuberantia in subsidium capita, variâ frequentata merce; pro quarum varietate nomen plurimùm fortiuntur. hîc namque onere leuantur naues, hîc receptaculum orbe toto aduectarum mercium. nec simile huic reliqua dabit Europa; ac nescio an reliquæ orbis partes. fortiter hoc testantur qui obnauigarunt orbem audaci conatu.

FLVMEN. Scio aquarum miracula. & in quo elemento maiora? In Silaro non virgulta modò, sed & folia lapidescunt; & in non vltimâ Belgij parte, aqua: in Dodone, immersas cùm extinguat faces; extinctas si admoueris, accedit fons gelidus: in Falisco pota candidos aqua boues facit, in Bœotio Melas oues nigras, Xanthus rufas. Lyncestius potus temulentos reddit; hinc illud Ouidij:

*Quem quicumq; parum moderato gutture traxit,
Haud aliter titubat quàm si mera vina bibisset.*

Iam Belgicas aquas medicabulas quis ignorat? nescio tamen minúsne in hoc flumine quàm in prioribus illis portentum; dum Oceano trahitur auido haustu, portentosâ ad passuum sexaginta millia reciprocatione; paribus quo ille interuallis. Reflua flumina quis vidit, ac per tot stadia ancil-

ancillantia mari? Amnes retrò fluxisse Neronis
Principis annis supremis pro portento fuit. & per
tot passuum millia reciprocis vndis violentari hoc
flumen, minus portentum? Sed & latitudo pro
miraculo est: cùm non vno loco, quà vrbem præ-
terfluit, mille & sexcentos pedes expleat. & respō-
det latitudini profunditas, pedum minimum sex-
aginta: vt quantumuis onerarias nullo negotio
vehat, tantâ exonerandi onerandique facilitate, vt
nauticæ rei periti, nullam se orbe toto parem ex-
pertos testentur, cùm manibus, è littore, maximæ
etiam onerariæ, onere quocumque leuari possint.
Ab hoc flumine ostia octo, sinusque octo, atque
hinc nauium in ipsâ vrbe receptacula octo, quæ &
grandiores onerarias centum de facili excipient,
emittantque. Rarum omnino opus, & quale fors
nulla dabit vrbium reliquarum.

Plura possem. quamquam singula propè hæc
talia sint, vt quemcumq; alium nobilitare possint
locum. Magnum hoc tamen, & inter memoran-
da recensendum, cùm ductiles vrbe pænè totâ vi-
deas fossas, flumine medium oppidum interfluen-
te, subterque non rarò ciuitatem nauigatam ali-
quot etiam passuum millibus.

CAPVT - X V.

SENATVS *Populusq; Antuerpiensis.*

Magna cum Romanis affinitas, vt consanguineum arbitreris populum. Partitio apud illos ciuum, pro rerum, dignitatum, munium, opum discrimine, varia. In *Patres & Plebeios*; in *Tribus*, in *Curiis*, in *Centurias*; demum in *Senatores*, *Equites*, *Plebem*, notissima est. hinc illud Ausonij:

Martia Roma triplex, Equitatu, Plebe, Senatu.
Senatores dicti qui in Senatum lecti, Patritij,
Equites, Plebei - ve fuissent. *Patritios Romulus statuit.* cuius imperio singulæ *Tribus*, tres delegerant ætate, prudentiâ, opibus primos. nouem ergo primi *Senatores*: creuit numerus & centum creati: adeoque sub eodem *Romulo*, adnitente *Tatio*, cc. inuenio; sub *Tarquinio Prisco*, ccc. vt quisque nimirum è populo, robore, diuitijs, sapientiâ præstabat. Accesserunt, referente *Graccho* Tribuno plebis, *Equites* ccc. auctus post hæc numerus sub *Cæsare*, & excreuit in 10000. *Patritij* ex his dicti, quorum maiores à *Romulo Tatiog;* in *Senatum* lecti, *Patrésq;* vocati, & maiorum gentium *Patritij*: gentium verò *Patritij minorum*, quorum maiores à *Prisco* adlecti; *Patres* demum *Conscripti*, qui *Bruto* & *Valerio* Consulibus in demortuorum

rum primorum locum successerant. Patuit verò Senatus primùm Patritijs, Equestri deinde Ordini, & tandem etiam Plebeio.

Equites erant quibus equestris census erat, opes nimirum supra reliquum vulgus. his publicus equus, annulusque Ordinis symbolum, à Censore datus. Plebeij reliqui.

Eadem hīc reperio, similemque partitionem. Trium enim hīc generum ordinumque ciues. *Senatory* qui aliquando lecti in Senatum. Ex his *Patritij*, qui è vetustâ nobilitate, aut Consulari aut Senatoriâ longâ retrò maiorum serie noscibiles. reliqui Equestris ordinis sunt. è quo solo post Patritios legi in Senatum possunt. *Equites*, quibus meritò hoc nomen tribuo, vulgò *Poorters*: à censu enim, ab opibus, ab honestiore negotiationis vitæque genere nomen gradumque sortiuntur. *Plebeij* per xxix. nobiliora *Corpora*, vulgò *Ambachten*, partiti, quæ singularibus præ reliquis prærogatiuis gaudent.

Percurram singulos veteris illius nostræque Reipublicæ Ordines. ac primò de *Senatoribus*, omnibusque qui Magistratum in Republicâ gesserunt, mihi verba. Et erant Magistratum apud Romanos genera varia.

Qui statis temporibus semperque in Republicâ legebantur, Ordinarij dicti. quales *Consules*, *Prætores*, *Tribuni*, *Aediles*, *Quæstores*. Qui pro re Rr natâ;

natâ; vt *Censores*, *Dictatores*, *Magistri equitum*, *Interreges*, *Tribuni militares*; Extraordinarij habitî.

A Conditione etiam, à quâ quisque adlectus, nomen sortiti. hinc *Patritij*, aut *Plebeij* dicti: quòd aut Patritijs aut Plebeijs concessi. Fuit aliquando tempus, cùm conditionum maxima ratio habita: solisque Patritijs maiores Magistratus concessi. transferunt deinde ad Equites, ac tandem ad Plebem, anno V. CCCLIII. cùm *Tribuni militum Consulari* potestate creati, adeoque *Consules* etiam anno V. CCCXXCVIII. quin & *Dictatores*, anno V. CCCXLVIII. ac demum *Censores*, anno V. CCCCCIII.

Pro dignitate demum maiore, minoréve, nomen inditur. Maiores inuenio *Interreges*, *Censores*, *Dictatores*, *Consules*, *Praefectos Vrbis*. Minores *Quæstores ararios*, *Tribunos plebis*, *Aediles*, *Curatores Tribuum*, *Triumuiros nocturnos*, *Triumuiros monetales*, *Praefectos Prætorio*, *Praefectos vigilum*, *Curatores Regionum*, *Magistros vicorum* XIV. Regionum Vrbis.

Ministri Magistratum *Scribae*, *Accensi*, *Præcones*, *Lictores*, *Viatores*.

Interreges. quinquedialis hic Magistratus, nec aliter quam Comitorum caussâ creatus. quasi medius inter duos Reges, abeuntem & adlectum. creatio huius è Patribus tantum.

Interreges hîc nulli: nec vlli maiorum ætate fuerunt.

fuerunt. sed neque Interregni nomen notum, aut ex vſu Reipublicæ huius.

Censores. nomen à munere datum. horum enim arbitrio populus censebatur. creati primò in annos quinque, inde lege cautum ne plus quàm annua & semestris censura foret, anno V.cccxx. munera horum ad duo potissimum deduci possunt, opum & morum æstimationem. Pœna pro *Censoris* voluntate posteriori adiuncta: Senatu eijcere, equum adimere, tribu mouere, idque ex honoratiore in inferiorem, aut in totum mouere & ærarium facere.

Censoris nomen hîc nullum est, omneque huius imperium in *Senatu* residet. qui adlectos in Militaria ciuium collegia, quæ *Gildas* vocant, si quâ labe aspersi, loco mouent, ac quasi ærarios statuunt; quin & in grauioribus delictis è ciuium numero expungunt. nec fas ciuem pro quocumque etiam scelere morte mulctare, nisi sollemni antè ritu expopulatum.

Dictatores. dicti aliquando *Magistri populi*, *Prætores maximi*. seditio & ab hoste metus, creationis cauſa. unus legebatur, cuius ampla per omnia potestas, ac solo propè nomine à regiâ discreta. Exercitus scribere, educere, dimittere, omniaq; arbitrio suo Reipublicę negotia gerere poterat. iusque illi in vitam caputq; ciuium. Edicebatur verò *Dictator* à *Consule*, isque è Consularibus.

Omnis hæc dignitas in Principe degit. *Magistrorum* tamen populi Consules dicti, *Borgher-meesters*. Sed & *Praetores maximi* dici possunt, quod inter eos qui aut de Republicâ consultationibus, aut iuri dicendo præsunt, illi primi summiꝝ sint.

Consules, duo, annui, summâ pariꝝ potestate. *Praetores* aliquando dicti, quod summæ rei preſent, inde *Iudices*, ac *Consules* tandem; mansiſque hoc nomen, eleganter Cicero: *Regio imperio duo sunt, iijꝝ p̄aeundo, iudicando, consulendo, Praetores, Indices, Consules appellantur. militiae summum ius habento: nemini parento: ollis salus populi, suprema lex esto.* Duo designati, ne si vni imperium committerent, purpuram cogitaret. *annui*, ne inſoleſcerent imperandi consuetudine. Benè Florus: *Ex perpetuo imperio, annum placuit; ex singula‐ri, duplex; ne potestas solitudine vel mora corrumperetur.*

Consules hīc duos habemus. verūm cūm illi Regibus successiffent, etiam in ius Regum venerant: hinc vitæ necisꝝ in ciues potestatem habebant: pacem bellūmve indicere, fœdera sancire aut rumpere illis sollempne. at accisa hēc in nostris; & Principis sunt. Imminuta tamen etiam apud Romanos Cōſularis potestas Tribunitiā intercesſione, ac antē prouocatione ex lege Valeriā. Sub Imperatoribus sanè, pari propè cum nostris iure yſi. hinc nata inter illos nostrosꝝ parilitas quædam:

dam: I. Capita vtrobique ciuium. II. Senatus etiam capita. III. Obstrictos sibi ciues habent. IV. Minores magistratus statuunt, non soli, sed è Senatus sententiâ. V. Ius Sénatum Populumque cogendi habent. VI. Iuri dicendo *Consul Internus* præest, gubernacula Republice reliqua *Consul Externus* tenet. VII. Coercent improbos, delicta puniunt. VIII. Annalis vtrobique dignitas. IX. Illi, quo die creabantur *Consules*, in leges iurabant, ut & reliquus Magistratus, nec fas quemquam Magistratum gerere iniuratum. Faciunt idem nostri in manibus *Amanni*; adstantibus quos Magistratui denuntiando Principes destinarunt.

Discrimen in vtrisque quod par apud Ronianos in vtroque potestas, eademque. Primum tamen apud eos habitum arbitror, qui ætate maior esset; cum enim lege Valeriâ xxiv. fasces, niuniæ Regiæ potentiaæ indices, mutatae in XII. essent, ab ætate prærogatiua fuit. In nostris discrimen in imperio video. Primus *Consul* quem *Externum* vocant, quæ vrbis administrationem tangunt, sedulus curat, præsidetque: alter quem *Internum* seu *Oppidanum Consulem* dicunt, iuri dicendo præest.

Prator, quod præcesset, aut præiret, dictus. Cicero: *Iuris disceptator*; qui priuata iudicet, iudicatrix iubeat, *Prator* esto. is iuris ciuibus custos esto.

huic potestati parento. Caussa *Prætorem* creandi, quòd Consulibus bello distentis deesset qui in vrbe ius diceret; ergo *Prætor* creatus qui huic muneri vacaret. ac primò *Prætor* vñus fuit, anno vero V. C. id. accessit alter. sed prior ciuibus, posterior peregrinis ius dicebat: hinc nomina *Vrbanus*, *Peregrinus*. Sex deinde creati *Prætores*, Censo-rino & Manilio Coss. octo sub Syllâ, decem sub Cæsare, & xvi. etiam; qui & sub Augusto: duos Claudio adiecit. xix. ergo fuerunt, qui iuri dicendo præsens. & stetit hic numerus quām diu stetit imperium; vbi minui cœpit, ministri etiam *Prætores*.

Nomen deest, rem possidemus. quid enim aliud *Internus* seu *Oppidanus Consul*, quām Iuris disceptator, qui iudicat, iudicarive iubeat, ciuium iuris custos, & cuius potestati pareant? hæc enim *Interni* hîc *Consulis* munia: cùm *Externus Consul* alijs distineatur Reipublicæ rebus. Iam *Prætores* xix. quid sunt aliud quām *Senatores nostri* xix. è quibus *Consul Internus* vñus, princepsque reliquorum? iuri enim dicendo vt illi, ita & nostri præsunt. respondet numerus, & res ipsa. nomen deesse inter minima pono. quamquam & *Quæstores* dici possint. erant hi apud illos, qui Iudicijs, quæ quæstiones olim dictæ, præerant; quales pri-mi fuerunt Reges, inde Consules, post à Senatu populoque huic muneri destinati, selecti nimirum

Judices,

Judices, qui iurati sententiam ferrent; quorum decreta pro tribunali *Prætor* pronuntiaret. hos quotannis lectos non obscurè indicat *Cicero* in Verrem; *Nunc judicem ex Kal. Ianuarijs non habemus.* annuus ergo hic Magistratus, annuus & noster est. Ex his omnibus illud euincas, *Senatores* nostros è Romanâ formulâ *Prætores, Quæstores, Iudices* meritò dici & haberri posse. Olim septem tamquam Septemuiri. nec plures *Iudices* aut *Scabinos* Prætoriâ ac Consulari potestate lego: quorum tunc delectus è Nobilitate, Equitatu, Plebe. & stetit hic numerus in annum MCCCLV. cùm sub *VVenceslao & Ioannâ Brabantiae Ducibus*, duodecim *Scabini* seu *Iudices* tamquam *Duodecemuiiri* dati; additiqüe sex è primis sex Patritijs Antuerpiensium familijs, qui Prætorio huic, duodecemuiro Senatui, consilijs adessent. (quale nunc munus *Pensionariorum* duorum, qui mihi in illorum locum lápsu temporum successisse videntur; aut sanè duodecim primorum *Decurionum* seu *Decanorum* Corporum Reipublicæ, qui hebdomadatim omnibus diebus Lunæ consultationibus de Republicâ intersunt.) imperatumqüe vt annis singulis sex in Senatum adlegerentur, sex è duodecim Magistratu abeuntibus, tres etiam in Consilium adoptarentur, tribus è sex prioribus dignitate hac abdicatis. *Consules* deinde *Antonio Duce* anno M. CCCC. x. designati. factumqüe vt ex sex
Senato-

Senatoribus, qui in Magistratu anno altero perstarent, duo ex Equitatu, quattuor ex Artificum Collegijs essent. firmauit eadem *Maximilianus* Dux & Imperator, anno MCCCCLXXX. nisi quòd in noui annuâ Senatus creatione, à Senatoribus, ex Equitatu sex, & ex eodem ordine à Vico-magistris tres, ab Artificum verò Collegijs non nisi tres generis sui denuntiarentur. nec multo pòst, anno nimirum MCCCCLXXXVI. omni Senatorio adlectui Corpora seu Artificum Collegia renuntiarunt: statutumque ut extra Patritios, è solo Equitatu vulgò *Poorters* allegi in Senatum possent. Demum auctus Senatus anno MCCCCXC. adnitente in primis *Maximiliano*, filioque illius Archiduce *Philippo*, & xix. in Senatum adscripti; quos inter *Consul Internus* seu Oppidanus, Princeps Senatus in iure dicendo. additusque supra hunc numerum *Consul Externus*, qui quidquid politicam administrationem spectat, sedulus curaret.

Præfectoris Urbis. muneris huius erat, nummulariorum argentiorumq; fraudes coërcere, quietem populi curare, illicitos cœtus coërcere: spectaculorum disciplinæ præesse: in omne denique crimen, non in Vrbem modò, sed intra centesimum ab Urbe lapidem commissum, inquirere. Primus sub *Augusto* creatus. Scio alium fuisse sub Regibus, cùm profectis domo Regibus, ac mox Magistra-

gistratibus, ne Vrbs sine imperio foret, in tempus deligebatur, qui ius redderet, ac subditis moderaretur. Verùm hæc dignitas extraordinaria erat: illa ordinaria, qualis est *Marchionis* nostri.

Duos vrbis huius *Præfectos* meritò hîc assigñem. Primum *Marchionem*, cuius viua in Romano *Præfecto* expressio est. quem & *Triumviri Capitalem* statuo. Alterum *Amannum*, cuius curæ omnis priuatarum ciuilium actionum disquisitio commissa est, facultasque Senatum super his conueniendi, ius poscendi, iudicatum exsequendi.

Discrimen inter hosce est. quòd *Præfctus Romanus* in crimen inquireret, agnosceret, sententiam ferret: *Marchio* noster nomen deferat, crimina aut maleficia priuata, publicave denuntiet, ius poscat (nullum dicat) datum exsequatur; & quidquid publicam quietem bonumque tangit, seriò curet. *Amannus* eadem quæ *Marchio* peragit, sed in alio actionum genere, ciuli nimirum, idque priuatorum. Illud hîc memoriâ dignissimum; prudenti Principum nostrorum consilio, Ius omne, cuius laxissima spatia cognitionem & exsecutionem rerum in quæstionem vocatarum ambitu suo complectuntur, bipartitò diuisum; vt cognitionem omnem tam capitalium quam ciuilium mixtarumque rerum Senatui, denuntiationem & exsecutionem *Marchioni* &

S f

Amanno

Amanno demandarent: neque tamen hanc omnem, aut promiscuè, aut vni: sed *Marchioni*, quidquid vbiique criminis aut maleficij aut sanè publici iuris esset; *Amanno*, quidquid extra crimen, priuatorum ius fasque tangeret: ne si omnis iuris latitudo, in vno resideret, in nimiam metuendamque potentiam excresceret. Simul etiam, quo cuique certius ius suum constaret, quod non ab vnius voluntate, sed à plurium impositi inter se muneric quadam æmulâ concertatione pugnantium, dependeret.

Quæstores ærarij, qui & *Præfecti ærarij*, sub *Nunmâ* fuerunt. horum erat ærario præesse, curam illius gerere, pecuniam publicè & priuatim erogare, in tabulas accepti & expensi referre. Duo creati P. Valerio Poplicolâ Cos. *Vrbani* dicti. duo additi anno V. ccxxxii. octo deinde creati circa annum V. cccccxciii. viginti sub Sullâ: xl. demum sub Cæsare. Augustus verò omnem ærarij administrationem tribus *Prætorij*s sorte lectis ad triennium mandauit.

Vñus hîc *Quæstor* seu *Præfetus ærarij* est; cui eadem quæ Romano, munere, curâ, erogatione concessa. Tres tamen sunt quibus ad triennium omnis ærarij hîc administratio credita: inter quos ille primus, duo reliqui è ciuium numero sunt. delectus autem formula hæc est. Tres Senatorij ordinis, à *Senatu* designantur, è quibus *Decuriones*

Corpo-

Corporum ciuitatis, vulgò *Ambachten*, in tres principes Tribus relati, vnum diligunt. Hic *Quæstor* seu *Præfetus ararij* est, dicique Senatorius potest, cùm è Senatorio ordine desumatur. In inferiorum delectu pugnat ex diametro cum priore, modus. *Decuriones* enim, tres ordinis sui designant, è quibus *Senatores* vnum diligunt; hic plebeius dici potest: qui vbi triennium munus obiuit, altero triennio Plebeij seu secundi *Quæstoris* ac *Præfecti ararij* munere fungitur, ac demum sexennio expleto magistratuabit.

Tribuni. nomen horum æquale Vrbi. sub Romulo enim *Tribunos Celerum* lego, & *Tribuum præfectos*. Vox hæc initium duxit à ternario numero, cùm tres tantùm tunc populi partes, *Tribus dictæ*, quibus qui præerant *Tribuni* vocati. Fuerunt & *Tribuni militum*. primi tamen inter *Tribunos* potestate, dignitate,

Tribuni plebis. sacrosanctus hic magistratus, quæ violare capitale erat. è plebe creati, iuris plebeij vindices. duo primùm, mox tres additi, inde quinque: vniuersi ergo decem, quibus nudum primùm ius auertendi vim Superiorum, & intercedendi decretis, donec paullatim populari fiduciâ progressi, in immoderatam lapsi licentiam, ingentium materiem turbarum & dissensionum dederunt. Fracta hæc sub Imperatoribus potestas, donec vniuersim sub *Constantino* sublata.

Tribunos Tribuum præfctos hîc habes è veteri Romanâ formulâ; trium primarum Tribuum, quæ reliquarum capita & principes sunt, *Tribunos* tres. *Tribunos militum* extra belli tempora ne quære, nisi *Gildarum* sex Capita vel Decuriones, & Corporum Reipublicæ militares duces, *Tribunos* dici velis. & dici possunt. *Tribuni* verò *Plebis* Romanâ potestate hîc nulli.

Ædiles, varij. *Plebeij* duo in subsidium *Tribunorum Plebis* creati anno V. CCLX. munus horum, ædificia priuata, publica, ritè fierent, ritè statuerentur. cloacæ, aquæductus, mundi, integri asservarentur; pondera iniqua, mensuræ malignæ tollerentur; quæ quis ad venalium forum detulisset, ea verò vitio carerent. anno deinde CCCXXCVII. creati è Patritijs

Ædiles Curules duo, ludorum maximè caussâ. quos Curatores Vrbis, ludorumque sollemnium voluerunt. sed & ornatus Vrbis, templaque Deorum horum curæ fideique commissa.

Aediles Cereales duo, Cereales dicti quod frumentariæ rei præessent. è Patritijs hos anno V. IOCCX. C. *Cæsar* instituit.

Aediles hîc tres. Senatorij duo, & à *Senatu* dati, tertius à *Principe*. quattuor deinde additi è populo, qui de corruptæ potissimum rei vitio cognoscerent.

Extra hos video hîc *Aediles sacros*, quibus Diuorum

uorum templa concredita. duos in *Aede summâ*, in *D. Iacobi* duos, in reliquis *Parochijs*. singulis vnum, Senatorios omnes eosque perpetuos, nisi quòd in *Æde summâ* sint annales. His in Ecclesijs singulis iunguntur è populo *Aediles* quattuor. Præter hos, duodecim *Aediles* qui dixerit, non aberrauerit, Senatorios omnes, qui *Xenodochio*, *Beginasio*, *D. Juliani Hospitali*, *Leprosorum cœtui*, *Infirmaria*, *Caruleis Fratribus*, bini singulis præsunt. annuisque hic magistratus est, & sortitò obuenit è duodecim Senatoribus ætate munereque primis.

Triumviri nocturni incendijs arcendis prærant. Sex hîc *Senatores*, delectu in *Senatum* posteriores, qui arcendijs incendijs præsunt, *Triumviri nocturni* dici possunt.

Triumviri Monetales præfuerunt cudendæ monetæ, dicti *Triumviri A. A. A. F. F. Auro*, *Argento*, *Ære*, *Flando*, *Feriundo*.

Eosdem hîc habeo, vario discretos munere. Sunt *Magistri Monetales*, qui vniuersim imperant. Sunt *Zygotatæ*, quos *VVardeyns* vocant, qui probatorias pyxides ac cuiusque officinæ omnis metalli specimina expendunt: sunt metallorū *Exploratores*, vulgò *Assayeurs*. Sunt *Praefecti Monetales*, qui cudendæ præsunt monetæ. hic cruda adhuc & informia excipiunt metalla, reddunt cusa. nec aberrauerit qui Patritios ac Senatorios dixerit. nā

reliqui ferè è populo sunt, qui metallis feriundis operam locant . habentque hi Senatum suum annalem, duos *Prætoriâ* quadam potestate, septem tamquam *Indices* iuratos.

Praefectus Prætorio militibus præerat, quos Imperatores in sui custodiam adlegerant. Quatuor inuenio sub *Constantino* creatos ex Equitibus, mox etiam è Senatoribus.

Huius loco *Prætoriâ* quadam potestate præfunt hodie *Consules* duo, & è reliquâ nobilitate duo, militaribus contubernijs, quæ *Gildas* vocant. Discrimen tamen aliquod in nostris. *Consules* singuli duobus contubernijs præfunt annali potestate; reliqui vni, sed perpetuâ.

Praefectus Vigilum. ab *Augusto* institutum reperio. qui cùm septem cohortes oportunis locis constituisset, ut binas Regiones vnaquæque cohors tueretur, *Tribunos* eis præposuit: ac super omnes *Praefectum Vigilum*.

Praefectus, qui hodie cohortibus summâ potestate præest, *Consul Externus* est: cui additus à Senatu Senator unus. *Tribuni Vigilum* quinque sunt, vulgo *VVacht-meesters* dicti.

Curatores Regionum Augustus creauit: qui cùm Vrbem in quattuordecim Regiones diuisisset, instituerat ut annui illas Magistratus sortitò tuerentur. duos verò singulis *Curatores* præfecit; qui Regionum, quibus præerant, commoda curarent.

Cura-

Curatores h̄ic quattuordecem Regionum, in quas vrbs tota cum vicino pomerio diuisa, vide-mus; & in singulis Regionibus duos tr̄sve è Se-natorio ordine, annuosq; delectu tamen Sena-torio, non sortitò præpositos.

Magistri vicorum, qui & *Vico-magistri*. quat-tuor per singulos vicos creabantur, vt eos tue-rentur.

Duos h̄ic singulis vicis è populo præpositos habemus. vulgò *V Vijck-meesters*. annales sunt.

Scribæ, erant librarij; qui rationes publicas refe-rebant in tabulas, actaque & leges perscribebant. fuisse autem hunc ordinem in Republicâ per-quam honestum, teste Cicerone, vel ex eo patet, quod illorum fidei, publicæ tabulæ, decretaque Magistratum committerentur. *Scribæ* multi, vn-de factum vt etiam in decurias translati fuerint, *Quæstoriorum*, *Ædilitiorum*, *Prætoriorum*, prout à *Quæstoribus*, *Aedilibus*, *Prætoribus* essent lecti.

Varij h̄ic *Scribæ*, & ad varia munia translati. *Quætorius* unus, *Aedilitius* unus, *Pupillaris* unus, *Pacis* unus, *Pannarius* unus.

Inter *Scribas*, *Greffarios* & *Secretarios* vrbis numero. Maior tamen horum apud Græcos quam Romanos dignatio. apud nos etiam multò maxima. Sunt verò in hac Republicâ *Greffarij* quattuor, *Secretarij* quattuor; illis scribæ sex, his duode-

duodecim assignati, quos auguror Scribarum nomine apud Romanos designari.

Curatores operum publicorum, aluei, cloacarum, viarum. Munus horum, curare nequid detrimenti ex his Respublica caperet. Primus *Tarquinius Priscus*, montibus suffossis, pensili non vno loco Vrbe, *Quatuoruiros curandarum ciarum* statuit, qui vijs vel muniendis vel sternendis præcessent. *Augustus* etiam ordinarium hunc Magistratum fecit, cum antè non nisi extraordinarius esset. additi etiam *Quinqueuiri* turribus murisque reficiendis.

Habemus hīc eadem. pro *Quattuoruiris* tamen *Quinqueuirisq; Duumniros*, vulgo *Commis* & *Contrerouleur*. quibus fora, mœnia, vici, pontes, aqueductus, similiaque virbis loca demandata.

Pensionarij, dignitate Senatoribus proximi. at nouum nomen, nec veteribus notum. æuo tamen posteriore video Imperatoribus Iuris-cōsultos adhæsse. Sanè *Vlpianus* Romæ Senatores quinque, Equites quinque, in consilium Imperatoribus memorat adhibitos: audio & *Oratores* publicos designatos, ac tamquam perpetuos Imperatoriæ voluntatis *interpretes*. Horum munia *Pensionarij* hīc explent, Senatui à consilijs, perennesque apud Principes, Exterosque, publicæ voluntatis interpretes, ac quasi perpetua quædam memoriæ ac dispositionum in Republicâ scrinia.

Extra

Extra hos , varios in hac Republicâ Senatorij Ordinis inuenio , qui aut varia obeunt in vrbe munia, aut iuri dicendo, non in tribunali de more sumimi Magistratus, sed in subsellijs considentes, præsunt. Ex his Senatorij duo, vulgò *Hooftmannen vande Poorterije*, capita nimirum *Equestris Ordinis*. vt non omnino aberrauerit, qui aut *Magistros Equitum*, aut *Tribunos Celerum*, aut *Praefatos Praetorio* dixerit ; neque vltima in vtrisque similitudo. sanè par propè dignatio est. licet non ignorem reperiri in omnibus illis plurima , quæ negata nostris. stat tamen etiam nostris sua dignitas : & vt illi *Capita ac Praefecti Equitum ac Praetorio*, ita nostri *Equestris Ordinis Capita Principes* sunt. Senatorijs his , duo Equestris Ordinis iunguntur, par nomen fortiti.

Duo etiam *Pannariae Curiæ Senatorij Curiones, Gul-dekens*: quibus iuncti ex Equestri Ordine duo, *VVardeyns* dicti. Horum munus inquirere, denuntiare, ius poscere , lege agere , exsequi quidquid ritè iudicio dictum decretumque fuerit. Iuri verò dicendo præsunt Senatorij duo; delectique à *Senatus* ex *Equestri Ordine*, Seniores sex, *Oudermans*. Fuit cùm omnis horum delectus à Principe, nunc à *Senatus* voluntate pendet.

Quattuor deinde Senatorij *Concordia* præsunt. ^{Popl. ea-}
Vestigium huius non vltimum apud Romanos.
in *Concordia* enim templo, quod primus Camil-

Tt lus

lus sedandæ seditioni voulit, ac dedicauit, solitos
perpetuæ obliuioni odia sacrare legimus, quod
& de templo *Pacis* sub Vespasiano posito acce-
pimus.

*Deut. cap.
met.* Quin & duo qui *Tutelariae Curiæ* præsunt, *Se-
natorij* sunt; additur tertius *Equestris Ordinis*, quar-
tus etiam ex aliquo *Artificum Collegio*. hi iudices
sunt. Habet apud Romanos, non leuia huius in-
dicia; nam & *Praefectum Tutelarem* sub Antonino
Philosopho legimus, & leges de *Tutelis* varias, *At-
tiliam*, *Lætoriam*, *Iuliam*, *Titiam*, *Claudiam*.

Præter hos duo *Testimonij*s præsunt. Hi testimoniū
dicta audiunt, fidem explorant, vitam, mores,
conditionem, animum; siue illi sponte, siue iussi,
iurati, iniurative, testimonium dixerint. nec leue
munus, sed industriæ magnæ, fideique hæc res est.
quare *Senatorialis* præesse Respublica voluit, de
quorum prudentiâ & integritate nemo meritò
dubitaret, cùm pluri morum non rarò salus, pro-
positæque caussæ euentus faustus infaustusque, à
prudenti circumspectaque horum interrogatione
pendeat.

Attexam hîc quædam Senatoribus eximia.

I. Nemo in *Senatum* adlegi potest extra Bra-
bantiam natus. vetitum à *Ioanne Duce* anno
M. CCCCXXII. vt arctiore nexu Patriæ insertus, nec
externa cogitet extraneo lactatus vberē.

II. Nemo alieno toro natus. statuit *joannes*
Dux

Dux anno MCCCXXVI. Etiam in parente labes vitanda, ne quis aut à semine virus hauriat, aut degeneris frutex arboris, adultero originis fetu maceletur.

III. Nemo adulter. quod si adlecto aduenerit, abdicatione crimen luit, è veteri sanctione. Quod enim scelus damnet, indulgens sibi? aut quâ securi è Republicâ libidinum siluam cædet, quâ excaudicabit, nec quidquam de reciduo fruticare permittet, coniugalis corporis defraudator? quomodo exhibebit linguam famulam in castignoniam Iustitiæ, qui membra sua famula exhibuit immunditiæ? non potest iaculari cum Apostolo iustum sententiam in luxuriæ & libidinis negotia, qui impuro alieno incendio ignes extinguit suos, qui corpus suum speluncam facit mœchiæ, quique aliter quam nuptijs illo usus.

IV. Nemo Principi muneris alterius iureiurando obstrictus. voluit *Antonius* Dux anno MCCCCXVI. cum non raro intercurrant quæ vtrumque haud patientur.

V. Nulli patrueles, matrueles nulli, aut de vicinitate sanguinis innexi. Lege cauit *Ioannes* Dux anno MCCCLIV. ne cognatus sanguis, cognatas de ciuium capite sententias eliciat; nec tam facinoris magnitudo, quam agnationis cæcus impetus trahat in sanguinem.

VI. Nemo qui non annum antè solidum ciui-

T t 2 tate

tate donatus. sanxit *Ioannes* Dux anno MCCCLIV. quò firmius coadulescat vrbi, fertili immisso trunco, cuius opimitati respondeat: ne si externo infieratur nucleo, asper oleaster pro miti oliuā exoriatur; & dum de peregrino fructificat, siluescat in hac areā.

VII. Nulli è plebe in Senatorium ordinem adleguntur. Iussit *Maximilianus* anno M. CCCC. LXXXVI. Magnum apud Romanos seminarium turbarum, mixtim Senatum legi è Patribus plebeque: nec semel pudicum cum plebe honores communicasse, paresque summis infimos fecisse.

VIII. Nemo auro aditum sibi ad Senatorios faciat honores. *Venceslaus* tulit anno MCCCLV. ac ne prece quidem. quod & sanctissimo interposito iureiurando firmatur à singulis auspiciorum die. Nam qui alterius vitę necisque potestatem pretio parauit, quā adferre in ferendis sententijs integritatem potest? Aurum qui profudit, aurum sperat; neque enim de nihilo erogatur illud: nam & largitiones plurimum maiora spectant: aut quisquam facilè frustratorium profudit aurum? Hamus hic est, escaq; vilis, in spem maiorum. ne fidite. auro si percutitur, auro vincitur, quicumque viam struit auro. nec alia manus medebitur huic vulneri, quam quae dedit; aurea latam plagam dedit, aurea cicatricem inducit. sic qui proiecit humorem, quo irroratum corpus nesciebat sitim, humore nouo

nouo sitim pellit; nec antè hanc pónit, quām plus hauriat quām sparsit; ita appetentior in hauriendo quām projiciēdo natura est. & quam spem dabit incorruptæ mentis, qui à corruptelâ initiū duxit? non vendet qui emit, si spes affulserit lucri maioris? Auida omnis atque adeò inexplebilis plerumque auri sitis est; quantoque plus ingesseris, plus appetet: febris est, nullo restinguenda potu. oleum ignibus injice, ardebunt magis.

Senatum, Senatoriosq; sequebantur apud Romanos, Apparitores, Accensi, Serui publici, qui præstò omnibus Magistratibus essent, qui accident, qui ad ministeria parati.

Quattuor in hac Republicâ primos in hoc numero reperio, *Corteroeden* dictos: Sex deinde iuratos Reipublicæ *Tabelliones*. Sed & singula Tribunalia ac subsellia, maiora minoraque, suos habet seruos. *Quaestorij* quattuor, *Pacis* unus, *Pupillarii* unus, tres *Pannaria Curiæ*, *Ædilitij* duo sunt.

Tribus tres apud Romanos sub *Romulo* reperio à tripartitâ populi diuisione, *Tribunosque dictos* qui *Tribubus* præfessent. Singulas deinde in decem *Curias* disperitas, singulasque *Curias* in *Decurias*, quibus singuli *Decuriones* præfessent. Sub *Seruo Tullio* urbanas quattuor, rusticas quindecim *Tribus* video; in has verò uniuersam turbam rusticam, in illas urbanum populum coniecit. singulari proinde prærogatiuâ

Vrbanae Rusticis antestabant. Mutata post hæc dignatio est, & laudatissimæ habitæ *Rusticae*, ingenuorum nimirum, & eorum qui rura possiderent; creueruntque crescente Republicâ, & triginta & vna numeratæ, cùm *Vrbanae libertinorum* essent, ac non nisi quattuor.

Alia hîc *Tribuum* ratio. Ibi vniuersus populus Tribubus continebatur, Patres, Equites, Plebs tota. hîc populum vniuersum in tres classes dispergitum inuenio: *Senatores*, *Equites*, vulgò *Poor ters*, *Corpora* seu *Artificum Collegia*, *Ambachten*. Et Equites quidem in *Vrbanas Tribus* tredecim, *Rusticam* vnam; illas digniores, hanc minùs laudatam: *Corpora* verò in octo & viginti nobiliora Collegia, quibus suffragio locus est, distributa reperio: quæ qui *Tribus* voluerit, non abnuam. isque quadraginta & vnam *Tribus* in Republicâ statuet, *Equitum* xiii. *Corporum* xxviii. Propius tamen rem attigisse arbitrabor, qui xxviii. *Corpora*, *Curias* dixerit; nam & qui præsunt *Decuriones*, vulgò *Decanos*, vocant: has verò *Curias* tribus contineri *Tribubus*. *Nautica* prima est, *Mercia* se cunda, *Pannaria* siue *Fullonia* tertia; ac prima quidem & tertia nouem *Corpora* tamquam *Curias* nouem, secunda decem amplectitur.

Comitia, trium maximè olim generum. *Curiata* à *Curijs* dicta. in his populus per *Curias* diuisus sententiam rogabatur; ut quod plures *Curia*

riæ statuissent, id iussum populi diceretur. Erant verò *Curiæ* triginta, in quas à *Romulo* populus diuisus.

Centuriata à *Centurijs* dicta: in quibus populus per classium centurias distributus, suffragia ferrebat; ut quod plures centuriæ censuissent, id demum ratum haberetur. *Seruum Tullium* auctorem tradunt, qui Romanum populum pro opum magnitudine in varias diuisit classes: singulæque in centurias, è quibus iuuentutem ad bella de legit.

Tributa: in quibus per *Tribus* suffragia ferebantur. colligebantur ea viritim, eaque *Tribus* sententia renuntiabatur, in quam plures consenserent.

Discrimen hīc reperio. neque enim in vnam aliquam certamque Comitiorum naturam transferre Rempublicam video. Sunt *Curiæ*, & Curiatim sententiam dicunt si qua res grauior intercesserit, quæ populi sententiam postulet, & quidem viritim in suis singuli *Curijs* suffragium dicunt: eaque *Curiæ* sententia habetur, quam numerosissima suffragia comprobarunt. quamquam plurimum id quod *Decani* seu *Decuriones* (qui duo in singulas *Curiæ*) curiatim senserint, *Curiæ* sententia habeatur.

Centuriæ non reperio. varias tamen classes hīc habeo, in quas populus relatus. Sunt *Artificum Collegia*,

Collegia, seu Reipublicæ *Corpora*: sunt qui dignitate præstant, vulgò *Poorters*; ego è Romanâ consuetudine, *Equites* dixero; atque hi in tredecim urbanos *Vicos* discreti, quos qui *Tribus* aut *Clas-
ses*, aut *Curias* etiam dixerit, non aberrauerit. Sin-
gulis duo *Vico-magistri* præsunt, qui, si quid inci-
derit rei grauioris, & quod populi sententiam
poscat, conuocatis in consilium Regionis seu Vi-
ci sui primoribus, mēntem suorum explorant, in-
de in locum consultationibus designatum con-
ueniunt; adsunt Ordinis huius *Principes* quattuor;
Exsenatores etiam quicquid publico munere
funguntur; deliberant de re propositâ. illaque
Ordinis huius sententia habetur, quam plures è
xxvi. *Vico-magistris*, Principibus vulgò *Hooft-
mannen*, & *Exsenatoribus*, comprobauerint.

Tribus multas enarraui. verūm suffragia per
Tributa viritim Comitia, non nisi rarissima, &
in rebus ingentibus. Quidquid enim maxima
Vico-magistrorum pars, quidquid *Decurionum* seu
Decanorum, & singulorum Corporum senio-
rum, quos *Ondermannos* vocant, senserit; hoc *Tri-
bus* omnes sensisse arbitrantur, manetque hæc, ha-
beturque rata firmaque *Tribuum* sententia.

CAPVT

CAPVT XVI.

*Militaria ciuum Collegia instituta,
hodieq; perseverant.*

Rudenter à maioribus, ne marcesceret otio, arma ciui tradita, arcendo, si quando incurrisset, hosti. quod enim robur adferret, si quis caus posceret, ignaua & illæsa felicitas, quæ nulos antè labores, sudores, pericula sensisset? quem animum pectus voluptatibus lassum, lasciujs fractum, eneruatum luxu? Vis magnum? admoue duris, præbe fortuitis: æstus, frigora, aspera, mollia, læta, tristia, certa & dubia, iuxta tolerare doce. ille dehinc, vbi callum per hæc duxerit, quamcumque fortunam toto feret corpore, quemcumque hostem lætus excipiet: & si succiderint genua; de illis pugnabit, nec projciet in acie animam nisi per vulnera. latæ hæ ianuæ sunt ad militarem gloriam. Institutæ ergo in hanc rem Fraternitates, quas *Gildas* vocant: duæ ballistikis vtuntur, additumq; nomen nouæ & veteris, quibus externus Consul Tribunitiæ quadam militari potestate præst: arcu & sagittis duæ, pari veteris nouæque nominis discretione, quibus Consul Internus pari quâ prioribus Consuluni alter imperat potestate: sclopis vna; sexta gladijs, sed ingenib; & non nisi vtrâque manu vibrandis; singu-

lis his è nobilitate delectus, eo quo superiores iure præsidet: nec discriminè aliud, quām quòd prioribus annuus, posterioribus perpetuus hic magistratus siet: illis cum Consulatu imperium abit, his non nisi cum vitâ. Exercent hi se varijs diebus in suo singuli armorum genere, non tam in oblectationem & pompam, quām Reipublicæ bono, loco à Senatu in hanc rem designato, aut coëmpto; nec desunt victori præmia. & olim etiam oppida inter se de peritiâ certabant, præmio, gloriâ, & remuneratione etiam aliquâ. Munus horum varium. olim Principi in custodiâ, & fida lateri manus; occursare etiam aduentanti, deducere abeuntem, honorario aut tutelari comitatu, sollemne aliquando, & nunc perstat. Si quid occurrat ab hoste grauius minarum aut bellorum, primi ad arma decurrunt, & intutissimo ac inualidissimo cuique loco præsidio sunt. & ferè lectissimum ex his ciuium robur, & certa spes victoriæ aut metus. Tenentur supra reliquos ciues, graui obstricti iureiurando, fidei in Deum, pietatis in patriam, parentiæ in Senatum; vt hoc quasi inenodabili vinculo arctius se innectant, quām vt pauore, aut spe lucri, aliena à Republicâ cogitent, dum se sentiunt tam potenti diuini nominis nexu vinculatos. Duo annis singulis singularum Capita diliguntur, quos Decanos vocant. Sed & Rege decorantur, quem nulla inginitæ

nitæ nobilitatis, opum, aut emendicatorum suffragiorum numerus, sed arma statuunt. Qui scopum certius saepiusque percusserit, Rex esto. magnum hoc nomen proritamentum: & armorum acuit decus, dum singuli æmulâ depugnant laude. Hinc domesticæ natæ exercitationes, quibus vires augent, animos acuunt, peritiam parant. crescitque ab his ludicris & amicâ æmulatione, melior illa, quâ si eundum in hostem turpe putant vinci, dedecus à socio superari. nec res alia magis accedit arma, & victoriam spondet, dum in conspectu sociorum tota res agitur, qui testes & virtutum æmuli, laudatores aut vituperatores apud reliquos manent, famæque in posteritatem ituræ, secundæ aut aduersæ. nec diliguntur in hunc numerum alij quam ciues, & qui quartum & vicesimum ætatis annum egressi, qui nullâ famâ laborauerint, quos nulla improbitas maculauerit, nullum maiorum crimen dehonestauerit. Trecenti verò in singulas has fraternitates aut contubernia olim adlegi, nunc ducenti possunt. Deliguntur verò ex militaribus triginta duabus ciuium cohortibus. & ferè optimus quisque, nec sexagenario maior. & diligendi ius apud Gildas est.

VOTVM PRO REPUBLICA.

DATITVR de cælo continens: nec illæſæ natant classes; nam & vbi lusere, sorbentur: alibi maria mortem bibunt, eamdemq; littoribus, montibus, rupibus propinant; immituntque regnis integris: ipsumque adeò solum in gluuiet suâ insatiatum, in se sœuit acriùs, sui depastor; ac tamquam vindice manu, pascua, pecora, lætasque & in primâ luxuriantes segetes iuuentâ, aut iam maturas falci, vnâ subducit horâ, tot expectatam solibus rusticam spem sudoremque fallens. quin & multorum sæculorum opera, cælo inuidiam factura, momentum sternit, æquatque summa infimis, dum ad humiles deducit arenas superbos pyramidum vertices. Ita ludimus mortales, ludimurque cælo fabula, ac tamquam datariæ pilæ excutimur in incertum. Quid æterna iaculamur perituri vota? Vno *Tiberij* Principatu duodecim vrbibus prostrata iacet *Asia*, ingemitque depasto velut vitis palmite: auulsam *Cyprum* *Syriæ*, *Eubœam* *Bœotiaæ*, *Leucosiam* *Sirenum* promontorio, luget orbis: mersam *Acarnaniam* *Ambra-*

Ambracio sinu, *Achiam* Corinthio vidimus; sed & perrupit mare *Leucada*, *Antirrhium*, *Hellespontum*, *Bosphorus* duos. iam *Pyrrham* & *Antissam* circa *Mæotim* Pontus abstulit: *Eicem* & *Buram* Corinthius sinu, & adhuc in alto vestigia apparent. nec aliud. A spice ad *Palæstinam*, quæ Iordanis amnis finium arbiter; vastitas ingens, & frustra ager est, & vrbes retrò, & populi frequentes, & sola iam audit. Sed & haec tenus *Sodoma* & nulla *Gomorrha*, & cinis omnia. nam & si quæ ibi arborum poma conantur, oculis tenus, ceterum contactu cinerescunt. *Hierapolim* sanè & *Delon* & *Rhodon* & *Coon* insulas multiscum millibus hominum pessum abijisse scimus: memoratque *Plato* maiorem *Asia* & *Africae* partem Atlantico mari ereptam: & mare Corinthium terræ-motus ebibit: & vis vndarum *Lucaniam* *Italiae* abscissam in *Sicilia* nomen relegavit. Quid, quod ex Insula *Ceâ* triginta amplius passuum millia, abrupta terris, ipsaque adeò se condens terra, *Cybotum* altissimum deuorauit montem cum oppido *Curite*; *Phegiumq; Æthiopiæ* celsissimum iugum: tamquam non satis foret, si sola infida grassarentur maria. Nec ab ignibus tuta vbique receptacula ardet *Aetna*, & tot *Italiae* montes, tantoque æuo ignibus materia sufficit, flagratque in *Bætris* *Cophanti* vertex: totque passim dissiliunt superbissimi montes ignis intrinsecus fœti: & cum

dissiliunt, cùm deuorantur, numquam tamen finiuntur. Non *Volsinios*, non *Pompeios* de suo monte perfudit ignis? Iam bellis quid non licuit? non quidquid aut non fraudauit mare, aut non subduxit terra, aut non ambussit texítve cælum, detotondit gladius, & crudeli versurâ compensatio facta est? quot Regna Regnis compulsata, quot externo internoque dilaniata ac viduata ferro vidimus? Piget referre hæc tristia, & tot miserandas Prouinciarum recensere vices; ita in vnam rerum naturam tot aduersantia, tot vbi que pugnantia enata videntur in interitum; vt non immerito VOTA hæc voueam DEORVM MAXIMO, auerruncandis malis, adprecandis bonis.

Auerruncatoria Vota.

PRIMUM. Nullo subsidat æuo Respublica: nec obruat redditis quæ alibi hausit hiatus; neque ingluwie se suâ terra exsatiet.

II. Non egestis, vt alibi, molibus infelici iaceat consepulta puluere.

III. Nulla immortalis diebus noctibusque flamma vexet immerentem.

IV. Nec quod nunc ambit diuitatque flu-
men, auerso depauperet cursu, aut peculiari inui-
diâ naturæ perruptis deuerrat aggeribus.

V. Nulla

V. Nulla infida immani gurgite, aut immitti
numquam satianda sorbeant maria siti, quidquid
hīc opulēto terra protrudit sinu. Parcite ah! num-
quam impositura rapinæ modum? quamdiu mi-
nitabundo luditis vortice? quamdiu blando men-
titoque alludentes repercuſſū, ſecura, ô nimium
ſui, deflatis littora? hīc faltem gradum fiftic. ne-
fas hos transſilire limites, melioribus Deo sacra-
tos votis.

VI. Nulla impietas *Deum* mereatur cenſo-
rem: nulla profanitas ignium deſoſcat imbr̄es, aut
lenta cælo fulmina.

VII. Semel ferrum pauerit: nec ultrâ. Otto-
mannicas emedullet terras, quidquid ab Iberâ
manu Galláve ſæuit acriùs: ſatis ſit tuliffe ſemel; ac
quidquid olim noxæ, diluiffe ſanguinum flumi-
ne, nouercali heu nimium luxuriante ſpongiâ.

VIII. Si qua offenſa Numinis, auerte qui po-
tes; ſi qua tamen, intra minora vindex ſtet D E I
manus: patiaturque ſe vinci I V S T I T I A, ab æmu-
læ ſororis M I S E R I C O R D I A E imbelli dexterâ.
non erit inglorium cecidiſſe hac manu, oliuaque
ferrum domitum. quòd ſi perſtat, vindictâ incen-
trice, det tantum moram malis properantibus, &
in excidium inimico volutatu, cæco proruenti-
bus impetu, donec thura Deo de penetrali cor-
dis, odoratiora Nabathæo fundat cinnamo; do-
nec Arabicis ſuauiolentiores ſpargat lacrymas,
ſuſpi-

suspicioſo deduc̄tas pectore ; donec Dauidis dilu-
torio cinere, Ezechiæ cilicio , Niniuiticâ inediâ,
pro saginâ, aridâ iam cute loricata, elimatisque de-
lictis, læſuram abducat à diebus suis : omnisque
posteritas hereditariâ religione, cineris horrore,
asperitate facci , recisi pabuli beneficentiâ gau-
dens, fortunatis maiorum vestigijs inhæreat. Felix
si melioribus exemplis, castigatione victus & cul-
tus, à primordio homicidam gulam inediæ sup-
plicijs puniat, omnemque laſciuiæ petulantiam,
continentiæ fræno indutam , temperet in salu-
tem ; cunctisque damnationis titulis pœnitentiâ
derasis, mundam pectoris domum D E O iam ſe-
mel paſtam, SANCTIORI SPIRITVI paret,
quo ſe ille cum cælestibus donis lubens æternum
inferat. Hoc *Voueo.* neque enim ſi ad delinquen-
dum vlo vniquam tempore non puduit expan-
dere frontem, pudere debet ad pœnitendum. nec
quisquam prudenter subduxit illam in dolorem,
pudoris magis memor quām salutis, qui explic-
uit in delictum. Sed neque ſatis habet ſi corde solo
& animo ſuſpiriatur Deus, adimouenda manus o-
peri, exhibendum pretium eſt, ſi ad mercedem
manum emittimus. olim Propheta Regius cineri
incubat; oculos concupiſcentiâ ſordidatos, lacry-
mis tamquam flumine purgat ; carnem illece-
bris irretitam, ſacco domat; ingemifcentem, plan-
gentem, mugientem ad Deum ſuum, dies inſom-
neſque

nesque sentiunt noctes. non pœniteat sequi, si imitari labentem lubuit. Misera erubescens est, quæ occultatione auctorem perimit. Infelix verecundia, quæ ausa temerare mandatum, veretur integrare. Fatua benignitas, quæ inualetudinem passa, refugit medicinam; & medentium conscientiam vitat. Aut ergo pudoris sifstat caussam Devs, vetetque delictum; aut si quando peccatum, faciles ad preces aures porrigat; ut dum prodactæ saluti reformatur, dum pro delinquentiâ supplicat, numquam Iudicis, semper Patris sentiat manum.

Apprecatoria Vota.

PRIMUM ab exemplo rara felicitatis. Vna Pherie, filia, soror, mater Olympioniarum fuit. Vna Curionum familia, in quâ tres continuâ serie Oratores, pater, filius, nepos. Vna Fabiorum, in quâ continui tres Principes Senatus. Vna sit Antuerpia, cuius fortunatissimo exordio, media, finisque respondeat.

II. à constanti perennitate. Oliuæ, lauro, palmæ, myrto, cupresso, ederæ, rhododendro folia tradunt non decidere; circa Memphis Aegypti nulli arbori, ne vitibus quidem. At ego in æternâ virtutum omnium fronde Rempublicam meliore
Voto Voueo.

III. à fecunditate soli. In *Africae* medijs arenis, ciuitas magna, *Tacape* vocant: palniæ ibi prægrandi subditur olea, huic ficus, fico punica, illi vitis: sub vite seritur frumentum, mox legumen, deinde olus, omnia eodem anno, omniaque alienâ aluntur vmbra. super omnia tamen est, biferam vitem bis anno vindemiari: & nisi multiplici partu exinaniantur vbertas, perierint luxuriâ singuli fructus. nunc verò toto anno metitur aliquid. In propinquis Campiniæ tesquis, ciuitatem hanc magnam seimpiternam *Voneo*. fertili hîc piro subdatur malus, huic prunus, pruno cerasus, illi corylus, sub corylo frumentum, mox legumina, deinde olus, omnia eodem anno; ac super omnia

*Mella fluant illi, ferat & rubus asper anomum, &
Sponte suâ sandyx pascentes vestiat agnos.
Ipsa lacte domum referant distentia capellæ
Vbera.*

bisque veniat omnis ad mulctrâ vitula,
— binos alat vberefetus.

*Et dura quercus desudent roscida mella:
verboque uno, — omnis ferat omnia tellus.
sed & in iisdem agris rusticam videam sobolem
laniciam depecentem canitiem, vnde latus post
virginibus duplex labor, redordiendi rursus
que texendi fila, tam multiplici quam grato
opere.*

IV. à pro-

IV. à prodigijs. Vitem & malum punicam stirpe fructum tulisse, non palmite & ramis; oliuam in totum ambustum reuixisse; populum albam in nigram transisse; ficum in lauro natam memorant veteres. Ego *Rempublicam* non palmite modò & ramis, rare nimirum sparsis ciuibus, sed trunco toto solidos virtutum fructus protrudere. *Voueo*: ambustumq; temporum malignitate, tamquam pestilenti aëre, feliciore vitâ resurgere; albamq; ætate, & quadam canitie niueam, in robustiorem iuuentam transire: demum in perenni laureo virore fructus proferre; non inani foliorum florumq; virore, aut odore, sed centuplicato fructuum fenore, usurariâ prodigiosaq; fecunditate.

V. ex voto L. Metelli II. Cos. Dictatoris, votum meum. Voluisse illum tradunt I. primarium bellatorem esse. II. Oratorem optimum. III. fortissimum Imperatorem. IV. auspicio suo res maximas geri. V. maximo honore vti. VI. summâ sapientiâ esse. VII. sumimum Senatum haberi. VIII. pecuniam magnam bono modo inuenire. IX. multos liberos relinquere. X. clarissimum in ciuitate esse. Hæc contigisse illi, nec vlli alteri, post Vibem conditam, narrant historici. Paria ego vrbi vestræ. I. bellatricem maximam esse. II. doctissimam esse & haberi. III. fortissimè imperare. IV. auspicio illius sum-

mas res geri. v. maximis honoribus vti. vi. sum-
mâ sapientiâ præesse. vii. nobilissimam Rem-
publicam censeri. viii. pecuniam maximam
bono modo inuenire. ix. optimis ciuibus re-
pleri. x. clarissimam inter Europæas vrbes nu-
merari.

VI. *Votum ex eâdem domo.* Rarum inter hu-
manas felicitates exemplum Q. *Metellus L. F.*
nam præter honores amplissimos cognomenque
è Macedoniâ, à quattuor filijs illatus rogo est: Præ-
tore vno, Consularibus tribus, duobus Trium-
phalibus, Censorio vno. *Reipublicæ ex hoc Voto*
Voueo, vt præter honores amplissimos nomenque
M A G N Æ, quattuor summis virtutibus inseratur
æternitati: *Moderatione* in suos, *Fortitudine* in ho-
stes, *Pietate* in Deum, *Prudentiâ* in omnes. Ita
Voueo. firmetque hæc *Vota Deus æterno nutu.*

VII. *Votum à maiorum Religione.* vt infracta
fides maneat, quam accepimus à *Materno*, an-
no CL. à *Nauito*, *Marcello*, *Metropolo*, *Seuerino*,
Florentio, *Valentino*, à *Seruatio*; anno CCCXLVI. à
Gaugericu, anno ICXXX. à *Candido*, à *Domitiano*,
anno ICXL. à *Monulpho*, anno ICXX. à *Godulpho*,
à *Perpetuo*, ab *Huberto*, ab *Amano*, anno ICXL.
à *Fredigando & Foilliano*, anno ICCL. ab *Eligio*, an-
no ICCLX. à *V Villibrordo*, anno ICXC. magnis *Tun-
grorum*, *Traiectensium*, *Aduaticorum*, *Ambinari-
torum*, *Gallorum*, *Belgarumq[ue]* Apostolis. Hos ha-
bemus

bemus fidei quam tuemur auctores. qui nec ipsi quidquam ex suo arbitrio quod inducerent elegerunt; sed acceptum ab *Apostolis*, Apostolicisque viris, *Belgis* omnibus fideliter assignarunt, quaque fide acceperant, certa, tuta, tradiderunt. Nihil h̄ic seductionis: nulla transfiguratio in Angelum lucis: nulla doctrina prurientibus auribus nata à prudentiâ sæculi, à curiositate vanâ, à carnis stimulo, quæ temeraria semper interpres est diuinæ dispositionis.

Et quis integræ mentis credat errasse hos omnes, & in tam concordi sæculorum sensu errasse tamen, & errasse in re salutis, tanto fusō sanguine nobiles, aut vitæ morumque integritate, aut variâ litteraturâ, aut prophetiæ spiritu & sanctimo niâ magnos? aut credam Deum patrocinatum mendacio, qui tain ingentibus mundum traxerit in errorem, & tot sæculorum errorem? Credam errasse in re salutis, & æternitatis omnes? credam *Ignatium*, *Polycarpum*, *Dionysium*, *Iustinum*, *Cyrillum*, *Gregorios*, *Nicenum* & *Nazianzenum*, *Athanasiūm*, *Basilium*, *Chrysostomum*, *Ephrem*, *Epi phaniūm*, *Theodoreum*, *Damascenūm*, vtrumque *Clementem*, *Cyprianum*, *Hilarium*, *Damasum*, *Ambrosium*, *Augustinum*, *Hieronymum*, *Paullum*, *Isidorum*, *Prospereum*, *Fulgentium*, *Prudentium*, *Leonem Romanum*, *Saluianum*, *Sidonium*, *Fortunatum*, *Anselmum*, *Bedam*; & tot magna

cælo terraque nomina? At illi iuxta cum illis nostris, & nobiscum senserunt omnes. cum his conspirat doctrina nostra; horum verò cum Apostolicis Ecclesijs originalibus fidei, cum Apostolis ipsis, à quibus aut ipsi acceperunt, aut ab horum successoribus individuis, cum illis in comitatu, in disciplinatu socijs. Nostra ergo quam profitemur doctrina, de Apostolicâ traditione censenda: reliqua omnis de mendacio præiudicanda est. aut si hæc non de mendacio, ad originem fidem suam deducant, ostendant antecessores suos; vnum nimirum ante Lutherum qui eadem quæ Lutherus & eadem omnia, vnum ante Caluinum qui eadem cum Caluino omnia, vnum ante Mennonem qui eadem cum illo omnia senserit, docuerit. neque mihi à Luthero, Caluino, Mennone, saliant in Apostolos. non est hic saltus diuinæ in humanum genus prouidentiæ; non est sponsionis diuinæ, promittentis Petri fidem non lapsuram, Ecclesiam semel sibi sanguine sponsatam non destituendam: quindecim proinde sæculis ostendant vnum, vnum qui per omnia eadem, cum Luthero, Caluino, Mennonéve senserit. Vbi tot ætatum doctrinæ horum fideique Episcopi, ab Apostolico æuo per successiones in Lutherum, Caluinum, Mennonem decurrentes, à quibus Lutheri, Caluini, Mennonis maiores in eadem cum illis fide confesserantes, aut ipsi aliquando

Luthe-

Lutherus, Caluinus, Menno, in Euangelij propagationem missi? Ostendant mihi tot sæculis Apostolicæ doctrinæ in nouitate doctrinæ suæ traduces, quibusque riulis fons ille in Lutheri, Caluini, Mennonisve fluxerit pascua. Nos in omnibus orbe toto Ecclesijs, continuâ successione, in Apostolicos viros, in Apostolos, in Christum ipsum excurrimus. hi fontes, limites, origines; hæc possessio nostra, ab ijs accepta quorum fuit res. heredes sumus horum, illi Apostolorum. sicut illi testamento cauerunt, sanguine non pauci signarunt, morte omnes firmarunt, ita tenemus.

Scripturas obtendunt, ad eas prouocant: quâ audaciâ non paucos mouent, plurimos fatigant, infirmos capiunt, quosdam cum scrupulo dimittunt. Verùm à quo sensum hauriunt Scripturarum? Clara est, aiunt, tenebræ hîc nullæ: solem nimirum quærimus in meridie. Hunc solem quindecimne sæculorum viderunt Patres? viderunt fidei apud Belgas parentes primi? viderunt mille, & qui excurrunt, annis, maiores nostri? an tot ætatibus Ægyptia nox, & in salutis negotio tam densa Pharaonia nox, vt diem quærerent in meridie, aut solem sole medio? aut tot sæculorum viri magni commigrarunt in oculos cæci nati, & commigrarunt omnes? Iam si Scriptura, suâ claret luce, nec alieno eget sole aut sidere, quid dissentientibus opinionibus Lutherus, Caluinus, Menno?

quid

quid in tantâ luce alium singuli vident solem,
Scripturæ nimirum sensum alium? quid procur-
runt in tantam opinionum inuicem pugnantium,
interimentum, varietatem? Quid Doctoribus
compulsant pulpita, quid Academias magistris
replent? Si clarent omnia, si sol in Scripturis in
meridie est, quid opus Doctore? nemo in meridie
solem quærit, vt opus sit commonstratore. nemo
magistro eget à quo discat solem esse, lucere in
meridie. Et sanè omnium, qui usquam ullâ ætate
fuerunt, uno sensu, abditus sacrarum Scriptura-
rum sensus, recondita mens est. quis eruet sensum
verum? si quindecim sæculorum in unum sen-
sum conspiratio non satis est ad veritatem rete-
gendam, quæ ætas sufficiet? aut quid de veritate
censebitur, si tot sæculorum sensus unus, de men-
dacio præjudicandus est? denique quid verum,
quod de arbitrio quisque suo, an quod de tot æ-
tatum sensu tenemus? nam si non de arbitrio
quisque suo, de cuius Lutherus, Caluinus,
Menno Scripturarum pugnantem expositio-
nem suxerunt? quis enim ignorat in vnâ non
rarò Republicâ tot varietates sententiarum,
tot palestras opinionum, tot questionum ex pu-
gnantibus propagines, tot tamquæ dubias in
summis fidei capitibus implicationes, natas
non ex alio, quâm ex cuiusque arbitratu? vt etiam
in vnâ non infrequenter familiâ, tot propè opi-
nio-

nionum quot capitum discrimina reperias, dum singuli è suo sensu Scripturæ sensum eliciunt; & ex arbitrariâ mentis suæ curiositate, feminæ iuxtâ virique, de germano illius sensu digladiantur, gloriam de hoc curiositatis suæ studio venantes. Cedat curiositas veritati, cedat gloriola saluti: certè aut non obstrepat, aut quiescat aduersus tot æstatum exercitum, tot seculorum sensum vnum. Hunc sensum æternum *Vobis, Reipublicæq; vestræ Vōeo:* hunc candidum purumque, nullo postumo infuscatum flatu, nullo nouitio nidore deuenustatum. Nam hæc nupera, dormientibus tunc plurimis in simplicitate doctrinæ, à Luthero, agro Dominico superseminata, à Caluino & Mennone fota, quis de Veritate arbitrabitur? audiamus Tercullianum: *Posteritatem, ait, mendacitati deputan-* Depræ-
dam ex illius parabola patrocinio, qua bonum semen ^{scr. adu.} heret. *frumenti à Domino seminatum primò constituit, aue-*
narum autem sterilis feni adulterium ab inimico dia-
bolo posteñ superducit: ita ex ipso ordine manifestatur
id esse Dominicum & verum, quod sit priùs tradi-
tum; id autem extraneum & falsum, quod sit poste-
riùs immisum. Ea sententia manebit aduersus poste-
riores quasq; hereses, quibus nulla constantia de con-
scientiâ competit ad defendendam sibi veritatem. Ce-
terum si qua audent interserere se atati Apostolorum;
edant origines Ecclesiarum suarum, euoluant ordi-
nem Episcoporum suorum, ita per successionem ab ori-

Yy gine

gine decurrentem, ut primus ille Episcopus aliquem ex Apostolis vel Apostolicis viris, qui tum cum Apostolis perseverauerint, habuerit auctorem, & antececessorem. hoc enim modo Ecclesia Apostolica censu suos deferunt. Eleganter Tertullianus. Videamus nunc, quæ prior, quæ posterior apud Belgas fides: Romana; an Luthero, Caluino, Mennone nata. Intueamur parentes fidei doctrinæque nostræ primos: *Maternum, Seruatium, Gaugericum, Hubertum, Amandum, Fredigandum, Eligium, VVillibrordum, Vedastum, Audomarum, Piatonem, Flerebertum, Vrsmarum, Bertulphum, Maurontum, Bertinum, Bauonem, Lainum, Rumoldum,* reliquaque longâ serie. Nemo inter hos Lutheranus, Caluinista, Mennonista nemo. omnes veteris Romanæque fidei fortes assertores, propugnatores validi. plerique monasticam professi, omnes sacris nostris initiati. ab his quam profitemur fidem hausimus, nullo degenerem gradu. Nec quisquam tam duri oris & frontis est, tam mentis & rationis excors, qui aut illos cum Luthero, Caluino, Mennone sensisse, aut aliud à nobis sensisse audeat affirmare. Hos ergo cùm habeamus nostros, fideiisque quam profitemur apud Belgas auctores primos, quid de veritate ambigamus? quid de Apostolico censu dubitemus? quid denique de Scripturarum genuino germanoque sensu hæreamus incerti? Hęc Tertulliani Regula est,
contra

contra quam nulla ingeniosa hostilitas, nulla subdola vafrities quidquam possit. i. *Nostra prior est: & his seminatoribus latè semen bonum sparsum Belgico inseminatum est agro; nostra ergo Dominica & vera est.* ii. *Lutheri, Caluini, & Mennonis posterior est, priori superseminata; Lutheri ergo, Caluini, & Mennonis extranea, & falsa est:* Tertulliano teste. De nostrâ illud dici potest, à tot antè recensitis, sanctitate morum, integritate vita inculpatę, eruditioне magnis, ut & Gallię vniuersę, Anglię, Germaniæ, ab *Areopagitā, Valerio, Martiali, Jrenao, Frontone, Trophimo, Mansueto, Felice, Nicasio, Rufo, Eucherio, Lupo, Remigio, Hilario, Martino, Germano, Iosepho, Augustino, Mellito, Iusto, Laurentio, Columbano, Patritio, Euchario, Bonifacio, VVillelaldo, Burchardo, Adelberto, Othomaro,* alijsque innumeris: *Si quis vobis euangelizauerit, prater id Gal. 1. quod accepistis, anathema sit.* anathema ergo Luther, Caluino, Mennoni, qui aliud ab illis euangelizauerunt Belgis, Gallis vniuersis, Anglis, Germanis. Denique credamus Paulli voce à primis fidei nostræ parentibus nos compellari: *Et licet Ibid. nos, aut Angelus de caelo euangelizet vobis, praterquam quod euangelizauimus vobis, anathema sit.* anathema ergo Luther, Caluino, Mennoni, qui diuersum à parentum nostrorum euangelicâ denuntiatione, denuntiauerunt & euangelizauerunt nobis. Addam è Tertulliani verbis: *Edant Lutherus,*

Caluinus, Menno *origines Ecclesiarum suarum;*
euoluant ordinem Episcoporum suorum, ita per succes-
sionem ab origine decurrentem, ut primus ille Episco-
pus aliquem ex Apostolis, vel Apostolicis viris, habue-
rit auctorem & antecessorem. nam qui ante Luthe-
rum, Caluinum, Mennonem Episcopi Lutheranam,
Caluinianam, Mennonianam fidem professi
sunt? vbi est successio Episcoporum illorum ab
Apostolis Apostolicisque decurrentis viris? recen-
seant suos; edant Luthero, Caluino, Mennone
Episcopos priores, qui eadem per omnia quæ illi
senserunt, docuerunt. Quod si non possunt, con-
fiteantur se non esse Apostolicos; doctrinamque
quam tradunt non esse Apostolicam; Scriptura-
rumque sacrarum quem denuntiant sensum non
esse Apostolicum. At contrà nostra omnia Apo-
stolica esse, fidem, doctrinam, Scripturarum sen-
sum; qui & Ecclesiarum nostrarum origines da-
mus, & Episcoporum ordinem per successionem
ab origine decurrentem, ita ut primus Episcopus
ex Apostolis Apostolicisque viris habuerit aucto-
rem & antecessorem; ac in eadem doctrinæ fidei-
que regulâ, in eodem sacrarum Scripturarum sen-
su, iam inde ab origine fidei nostræ. Hanc fidem
æternam Vobis, & Reipublicæ vestræ V O V E O.

A V D I V O T A D E V S.

APPRO.

APPROBATIO.

Reverendi Patris Caroli ScribanI, Societatis
IESV Theologi, ANTVERPIA & ANT-
VERPIENSIVM ORGINES, prudenti ingenio
concinnatae, nihil habent, quod aut Religioni, aut
cuiuspiam honori deroget; quin multis, quales esse de-
beant, insinuent. Meritò igitur in publicum prodi-
bunt. Quod testor x iv. Nouembris, M. DC. IX.

Egbertus Spitholdius S. T. L. Cano-
nicus & Plebanus Antuerpiensis,
librorum Censor.


SVMMA PRIVILEGII.


ALBERTI & ISABELLÆ CLARÆ EV-
AGENIAE, Archiducum Austria, Ducum
Burgundia, Brabantia, &c. Serenissimorum Bel-
gica Principum, Privilegio caustum est, ne quis Caroli
Scribanus à Societate IESV Antuerpiam, & Ori-
gines eius, prater voluntatem Ioannis Moreti Ty-
pographi Antuerpiensis excudat, aut alibi excusas in
Inferioris Germania ditiones importet, venalesve
habeat. Qui secùs fecerit, confiscatione librorum, &
aliâ graui pœnâ mulctabitur, uti latius patet in lit-
teris datis Bruxella, XVI. Nouembris, M. D C. IX.

Signat.

I. Fourdin.







Rare

NA 1171

A58

A125

S27

1610

C.2

notes

STERLING & FRANCINE CLARK ART INSTITUTE



3 1962 00438 3851

Contains:

- (1) Plantinian printer's mark on title page
(Labore et constantia)
- (2) p. 54: Plan of Antwerp (folded) ✓
- (3) p. 80: View of Antwerp Cathedral
(folded) ✓
- (4) p. 85: Map of places subject to
Antwerp Bishopric (folded)
- (5) p. 118: Plan of Antwerp Citadel
(folded)
- (6) p. 122: View of Antwerp Bursa
(folded)
also: View of Antwerp townhall
(Domus senatoria) (folded) ✓

C. Scribanius,

Origines Antverpensium.

¹⁶¹⁰
(fine, complete copy, with prints).


interessant zu sein, dass Ihre Studie über Guicciardini im
Painier eines dieser Autoren erwähnten Collonius erschien ist.
Ich würde versuchen mir die Liste der in den Actes erschienenen
papiers zu verschaffen.

'Das aus meinen Nachlungen über dieses Thema werden wird ist
noch nicht abzusehen. Ich bin mir aber bewusst, dass ich Ihnen
grossen Dank schulde für die Bekanntgabe von Literatur an die
Ic) schwerlich, oder nur mit grossem Zeitaufwand herangekommen
wäre.

Mit den besten Wissen,

Ihr ergebener

Johannes J. Stüller



147 in French V.

